


✱

OF THE







ONVPHRII

PANVINII VERONEN-

SIS, FRATRIS EREMI-

TÆ AVGVSTINIANI,

DE PRAECIPVIS VRBIS

Romæ, sanctioribusque basilicis,

quas septem Ecclesias vulgo

vocant, Liber.

*Opusculum non modò pijs gratum, verumetiam
ob variã vetustatis descriptionem omnibus
lectu perquàm incundum.*

Bibliotheca

Sec.

Coll.

Rom.

*Soc.
576
73.*



*BIBLIOTHECA NAZ.
ROMA
VITTORIO EMANUELE*



COLONIAE,

Apud Maternum Cholinum.

Anno M. D. LXXXIIII.

Collegij Romani Societatis Iesv cal. ing.

B. Sup.



REVERENDO NOBILITATE, PIETATE, ATQVE doctrinā prestanti Domino, D. Francisco Voss à Midler, Ecclesiæ Diuæ Virginis apud Aquēses Decano, &c. Domino suo perpetua obseruantia colendo, Maternus Cholinus S. P. D.



Nuphrium Panuinum, unice semper & colui & obseruavi, cum obraram ipsius doctrinam, & singulare inuestustatis peruestigatione, historiaq; illustratione impensum studium: tum etiam quod mutuis inter nos crebris literis amicitia quandam coniunctionem cum eo, maximi licet itineris interstitio, à nobis distracto, contraxerim, ex qua mihi, typographiaq; nostræ non parum emolumentum, ornamētūq; accessit. Bis namq; Platina de vitis summorum Pontificum historiam correctam, necessariaq; accessione locupletatam, mihi pro suo erga me candore suppeditauit, meo prelo submittebam: quemadmodum sic etiam apud me prostat.

Atqui



Atqui quum nuper fortè Reuerentia Tua
adesset, & Onuphrij aureum de precipuis
sanctioribusq; urbis Romæ Basilicis, siue
de septem primarijs eiusdem Ecclesijs opu-
sculum, apud eandem offenderē, mihi verò
ea ut donaret instarem, nō grauatim mea
petitioni acquieuit. Perlatum itaque do-
mum meam opusculum, quum ilicò nō per-
lustrarem modo, verumetiam eiusdem le-
ctioni diligenter incumberem, adeò mihi
placuit, ut statim dignum id prælo nostro
iudicarem: idq; non tantum ob auctoris ce-
lebre nomen, at etiam ob multifariam ve-
tustatis in eo consequendam cognitionem,
imprimis autem cum ob precipuarum Ba-
siliarū, tum etiam sacrarum ferè adium
aliarū omniū in urbe accuratā descripti-
onē, atq; in quaq; sanctorū corporum reli-
quiarum, thesaurorumq; diligentem enu-
merationem: quæ omnia quum pietatis,
historiæq; studioso lectori summam volu-
ptatem paritura sint, haud dubitavi, me
opellula hac sic mea eidem gratum litera-
rium beneficium præstaturum: hoc at be-
neficium, hanc voluptatem, & quicquid
porrò utilitatis hinc lectori subsequetur,
id

id totum Tuæ R. acceptum is ferre debet, à qua nimirum exemplar Romanū nactus sim: ob quam etiā causam tuo nomini hæc editio meritò inscribi conuenit. At qui quū à pueritia ferè tua ob perspectā tum præclarā tuā indolem semper te amarim, tuq̃ vicissim me affectu quodā prosecutus sis, adeò ut ad hanc præsentem usq̃, et atē nostrā, sensim sic creuerit mutus inter nos amicitie cultus, ut amoris, cādorisq̃ erga me tui significationem haud dubiam etiānum perspiciam atq̃, ego ideo indies magis magisq̃, in R. Tuæ obseruatiā quotidie prolabar, nō vicissitudine tātū huc adductus, sed etiā pietate, doctrinaq̃, tua insigni, quā totā in Catholica Ecclesiæ propugnationē confers: volui ideò huius meæ obseruantie studiūq̃, nostri erga R. Tuā, publicā extare attestationē per editionē hanc nostrā, quā dixi meritò R. T. deberi. Proinde precor R. Tuā, uti ea inscriptionē nuncupationemq̃, hanc, ceu meæ gratitudinis, animiq̃, T. R. deditissimi argumentū, acceptare & interpretari velit, quā Christus Iesus Ecclesiæ suæ Catholica quā diutissime cōseruare dignetur. Colonia Kalendis Aprilis, 1584.

INDEX ECCLESiarVM ET PIORVM LOCORVM.

D E quinque vrbis præcipuis & patriarchalibus basilicis, ac de duabus alijs Ecclesijs eisdem additis, quæ septenarium numerum explent.	pag. 12
De presbyterorum Cardinalium origine & xxlix. ipforum titulis antiquis, & xxi. nouis.	20
De Diaconorum Cardinalium origine, & ipforum xii. antiquis Diaconijs.	37
De basilica S. Petri Apostolorum principis in Vaticano.	45
De Ecclesia S. Mariæ Transtiberim.	82
De basilica S. Pauli Apostoli via Ostiensi.	87
De Ecclesia SS. Vincentij, & Anastasij martyrum ad tres fontes, siue ad aquas saluias.	108
De oratorio S. Mariæ scala cœli.	112
De oratorio S. Pauli ad tres fontes.	114
De Ecclesia S. Mariæ Annunciatæ.	115
De Ecclesia S. Sebastiani.	118
De catacumbis.	122
De sacello, Domine quo vadis, vocato.	131
De sacrosancta basilica S. Saluatoris Lateranensis.	188
De basilicæ Lateranensis redditibus & ornamentis.	158
De baptisterio Lateranensi, & eius ornamentis.	159
De por-	

De porticu S. Venantij ante baptisterium.	195
De duobus oratorijs in baptisterio Lateranēsi SS. Ioannis Baptistæ, & Euangelistæ.	198
De oratorio S. Ioannis Euangelistæ.	201
De oratorio S. Crucis.	203
De Ecclesia S. Venantij.	206
De Monasterio Honorij Papæ iuxta Latera- num.	208
De Patriarchio Lateranensi.	ibid.
De basilica Leoniana minori.	212
De porticu Lateranensi.	223
De pulpito Bonifacij VIII. Papæ.	225
De aula quā nunc salam Concilij vocant.	226
De oratorio S. Syluestri.	228
De oratorio S. Laurentij, quod nunc dicitur Sancta sanctorum.	229
De sacra Saluatoris imagine, quę eodem in sa- cello seruatur.	235
De hospitalibus domibus Lateranensibus.	242
De Ecclesia & titulo S. Crucis in Hierusalem.	244
De sancto sacello Hierusalem dicto.	264
De basilica S. Laurentij extra muros.	276
De basilica S. Mariæ Maioris.	287
De Ecclesia & titulo S. Praxedis.	323
De Ecclesia & titulo S. Pudencianæ.	325
De Ecclesia, & titulo S. Mariæ Angelorum in Thermis Diocletiani.	329

ONVPHRII PANVINI VERONENSIS FRATRIS.

Eremitæ Augustiniani,

DE PRÆCIPVIS VRBIS RO-
*mæ Sanctioribusq; Basilicis, quas septem
Ecclesias vulgò vocant.*

Liber.

Præfatio.



IV & multum, etiam à principibus viris ro-
gatus sum, vt de septē
Vrbis Ecclesijs, q̄ quo-
tidie tam à peregrinis
quàm à Ciuibus Ro-
manis ob deuotipnē
& pietatem, sanctarū
reliquiarum in eis ia-
centium reuerentiam, multiplicesq; pecca-
torum indulgentias consequendas visitan-
tur, breuem librum constituerem, quò mul-
ta quæ obscura in ijsidera facta sunt, aperirē,
singularū maiestatem assererē, reliquias enu-
merarē, & præclara quæq; de ijs aut dicta aut
scripta insinuarem, vt ijs diligenter & legi-
timè cognitis, omnium mortalium in eas a-
mor, deuotio, & pietas magis accendere-
tur. Tot piorum hominum precibus facere
fatis volens, simulq; Pij V. Pont. Max. incre-
dibili Religione incitatus, re diu ante à me
cogi-

cogitatam, tandem exequi constitui. Ita enim futurum speravi, ut hoc libro omnium hominum eas visitantium animos recrearem, tot egregiarum rerum commemoratione deuotionem augerem, pietatē confirmarem. Si enim vlllo in loco vnquam pietas & religio viguit, templa multa Christo sanctisque eius dedicata, magnis prouētibus aucta, ornata, & visitata sunt, id Romæ factū est. Vnde S. Hieronymus in proœmio libri secundi cōmentariorum in epistola ad Galatas, tantū Romanæ plebis laudat fidē. Vbi enim (inquit) alibi tanto studio & frequentia, ad Ecclesias & ad martyrum sepulchra concurritur? vbi sic ad similitudinem cœlestis tonitruī, Amē reboat, & vacua idolorum templa quatiuntur? non quod habeant aliam Romani fidem, nisi hanc quā omnes Christi Ecclesiæ, sed quod deuotio in eis maior sit, & simplicitas ad credendum. Idem intelligitur ex Prudentio lib. 1. cōtra Symmachum in his versibus:

*Exultare patres videas pulcherrimamundi
Lumina, conciliumq; senum gestire Catonum,
Candidiore toga, niueum pietatis amictum
Sumore, & exuias deponere pontificales.
Iamq; ruit paucis Tarpeia in rupe relictis,
Ad syncera virum penetralia Nazareorum,
Atq; ad Apostolicos Euandria curia fontes
Anniadum soboles, et pignora clara proborum.
Fertur enim ante alios generosus Anicius vrbis*

Illustrasse caput, sic se Roma inclyta iacet,
 Quin & Olybriaci generisq³, & nominis heres
 Adiectis fastis palmata insignis ab aula
 Martyris ante fores, Bruti submittere fasces
 Ambit, & Ausoniâ Christo inclinare securim.
 Non Paulinorum non Bassorum dubitavit
 Præptæ fides dare se Christo, stirpemq³ superbâ
 Gentis patritiæ venturo attollere cælo
 Iâ, quid Plebicolas percurrâ carmine Gracchos
 Iure potestatis fultos, & in arce senatus
 Præcipuos simulachra Deum iussisse reuelli,
 Cumq³ suis pariter liçtoribus omnipotenti
 Suppliciter Christo se consecrassè regendos,
 Sexcentas numerare domos de sanguine prisco
 Nobilium licet ad Christi signacula versas
 Turpis ab idoli vasto emeruisse profundo,
 Si persona aliqua est, aut si status urbis, in his est
 Si formam patriæ facit excellentior ordo
 Hi faciunt, vincita est quoties sententia plebis
 Atq³ unum sapiunt plures simul ac potiores
 Respice ad illustrem, lux est ubi publica cellam
 Vix pauca inuenies, Gentilibus obsita nugis,
 Ingenia obstrictos agrè retinentia cultus,
 Et quibus exactas placeat seruare tenebras,
 Splendentemq³ die medio non cernere Solem
 Post hinc ad populum conuerte oculos, quis in
 urbe est,
 Qui Iouis infectam sanie non despuat aram
 Omnis, qui celsa scandit cœnacula vulgus,
 Quiq³ terit silicem varijs discursibus atram,
 Et quem panis alit gradibus dispersus ab altis,
 Aut

*Aut Vaticano tumultum sub monte frequentat,
 Quo cinis ille latet genitoris amabilis obses
 Cœtibus, aut magnis Lateranas currit ad ades
 Unde sacrum referat regali Chrismate signam
 Et dubitamus adhuc Romã tibi Christe dicatã
 In leges transisse tuas omniq; volentem
 Cũ populo, & summis cũ viribus ardua magni
 Iam super astra poli, terrenum extẽdere regnũ.
 Nec moneor, q; pars hominũ rarissima clausos
 Non aperit sub luce oculos, & gressibus errat,
 Quamlibet illustres meritis, & sanguine clari,
 Premia virtutum titulis & honoribus aucti
 Ardua rettulerint fastorumq; arce potiti
 Annalis, proprio signarint nomine chartas,
 Atq; inter veteres cera numerentur & ære.*

Et Procopius li. 1. de bello Gothico, Chris-
 tianæ fidei disciplinam si vspiam alij vn-
 quam, Romani præcipuè sunt venerati. Cu-
 ius rei inter alia præcipuum & maximum
 est argumentum, tot Ecclesiarum, xenodo-
 chiorum, monasteriorum, oratoriorum, &
 similium sacrorum ædificiorum superbissi-
 mæ fabricæ ornamenta, & redditus: quas tã
 prisceis, quàm nostris temporibus in vrbe
 fuisse constat. Quum. n. ego accuratè vete-
 rum scriptorum Ecclesiasticorũ, & S. R. E.
 monumenta euoluerem, ad mille templa,
 vel monasteria, aut xenodochia (diuersis
 tamen temporibus) in vrbe fuisse adinue-
 ni: de quibus grande volumen composui.
 Hoc verò libro de septẽ præcipuis vrbis Ro-
 mæ

ma Ecclesijs tantum verbo factururus, cur hæ basilicæ septenario numero celebratæ fuerint, primum aperiā: mox de vnaquaque singillatim, quæ cognitu digna esse existima-
bo, differam.

*De quinque vrbis præcipuis & Patriarcha-
libus Basilicis, ac de duabus alijs Ecclesijs
eisdem additis, quæ septenarium
numerum explerunt.*

Cap. I.



Llud igitur ante omnia scitu dignum, Romæ quinque basilicas fuisse, quæ Patriarchales etiā Ecclesiæ vocatæ sunt: XXVIII. titulos, & XII. Diaconias: de quibus hoc loco accuratè tractare constitui. Cur autem non plures, neq; pauciores Ecclesiæ simul institutæ fuerint, quæ his nominibus decorarètur: operæ pretium erit explicare, huicq; instituto maximè consentaneum, quum hæc res insigni mysterio celebrata sit.

Veteres Romani pontifices, vt ex libro Cameræ Apostolicæ intelligitur, qui Pro-
uincialis appellatur, quinque in vrbe maio-
res, & præstantiores, ditioresq; Ecclesias vel iam fabricatas elegerūt, vel de nouo eas cō-
diderunt: quas ab insigni ædificij magnitu-
dine & pulchritudine, tum basilicas, tum pa-
triarchales Ecclesias, palatiaq; cōspicua illis
ad-

adiuncta, patriarchia appellarunt. Hę fuere:
 Basilica sancti Saluatoris, quę & Constanti-
 niana ab auctore, & Lateranensis à loco,
 & Aurea ab ornamentis dicta est, nunc
 sancti Ioannis dicitur.

Basilica sancti Petri Apostoli in Vaticano

Basilica sancti Pauli Apostoli extra vrbis
 mœnia, via Ostiensi.

Basilica Liberiana, aliàs Xysti papę, in ex-
 quilijs, quę sanctę Marię Maioris, vel ad
 præsepe vocata est.

Basilica sanctorum Stephani, & Laurentij
 extra vrbis muros via Tiburtina.

Quod etiam refert Ioannes Monachus Pi-
 cardus Cardinalis S. R. E. in cap. funda-
 menta de elect. in sex his versiculis:

*Paulus, Virgo, Petrus, Laurētius, atq; Ioānes,
 Hi patriarchatus nomen in vrbe tenent.*

Quod cur fecerint veteres Romani pon-
 tifices, duplex causa fertur.

Prima quod hæc quintę sedes Patriarcha-
 les pro quinque præcipuis orbis Christiani
 patriarchis honoris gratia fuerint institutę,
 vno indigena Romano, & quatuor peregrini-
 nis, Constantinopolitano scilicet, Alexan-
 drino, Antiocheno, & Hierosolymitano.
 Quotiescunque enim contigisset generalia
 concilia in vrbe celebrari, quibus interesse
 ipsi Patriarchę tenebantur: vel patriarchas
 ipsos, parduīs reipublicę Christianę nego-
 cijs, vel quæstionibus definiendis ad urbem

accedere, eorum quisque sedem, palatium scilicet & Ecclesiam, tamquam in natali solo vel prouincia sua, Romæ haberet præcipuam, quum vrbs ipsa cõmunis totius patria appellaretur. Sedes verò patriarchales, præter Romanam, non nisi quatuor esse, sancti patres pluribus generalibus cõsilijs definiere. Aquiliensis .n. Gradenfis, & Venetus posterioribus temporibus ex priuilegio adiuncti sunt. Altera ratio, quæ mihi longe verifimilior videtur, est, vt per hæc instituta demonstraretur Patriarchā, siue Põtificem Romanum (qui & ipse aliquando Patriarcha appellatus est) tanquā caput & principē totius orbis Ecclesiarū, alios quatuor Patriarchas, qui sigillatim per suas dioceses totū orbem Christianum regunt & gubernant, subditos habere, ac alijs omnibus sedibus patriarchalibus præesse, vt Ecclesiæ ipsius vniuersalis vnitas demonstraretur. Per quinque .n. Ecclesias patriarchales, videtur quod vrbs & Romana Ecclesia, quinque patriarchas ipsos, id est Romanum, Constantinopolitanū, Alexandrinum, Antiochenum, & Hierosolymitanum, & hac ratione vniuersum terrarū orbem representet, & ad eius exemplar cõstituta fuerit, quum eas in vrbe habeat sedes patriarchales, quę sunt in vniuerso orbe terrarum. Potest demū eiusdē rei & tertia causa afferri superiori similis. Ecclesiam scilicet Romanam vniuersum orbem Christianum signi-

significare, & eum qui est eius sedis Episcopus, episcopum quoque esse totius orbis Christiani: per reliquas verò quatuor sedes, quatuor mundi partes designari, id est, Orientem, Occidentem, Meridiem, & Septentrionem. Quodque, quemadmodum Papa ijs quatuor patriarchis præest, sic etiam toti orbi præsit Christiano. Quam rem ita esse colligitur ex antiqua pictura, quæ fuit in Lateranensi patriarchio, his simulachris expressa. Inter has porro quinque patriarchales basilicas, Lateranensis basilica, alias sancti Saluatoris, quæ & Constantiniana vocatur, principem locum intra urbem aliquando obtinuit. Ipsa enim fuit Romanorum pontificum sedes, ubi ipsi in patriarchio iuxta eandem Ecclesiam fabricato, mille annis permansere, à sancto Sylvestro papa qui primus id condidit, usque ad Clementis papæ V. pontificatum, qui Romanam curiam in Galliam transuexit, ubi ipse & qui ei successerunt quinque Romani pontifices ad septuaginta annos permanserunt. Cæterum Gregorius XI. qui Romam Petri sedem ex Auenione reduxit, & qui ei successerunt Romani pontifices, nequaquam amplius Laterani, sed in patriarchio prope sanctum Petrum in Vaticano perpetuam sedem fixere, proximæ molis Hadriani, quam in arcem verterunt opportunitate ducti. Basilicæ porro Lateranensis seruitio propter
Ponti-

Pontificis Romani ibidem tunc commorantis supremam maiestatem, dignitatemq̃, septem Episcopi ex finitimis Vrbi oppidis decreti sunt, qui singulis hebdomadæ diebus singuli vel præsentē, vel absente papa super aram maximam Basilicæ Lateranensis diuina mysteria celebrarent, vel pontifici solennibus statisq̃ diebus sacra celebranti assisterent. Vt autem sunt septem hebdomadæ dies, qui rursus finita hebdomada in seipso redeunt, sic septem Episcopi lecti, qui omnes per singulos dies singuli celebrantes hebdomadam explerent, qua decursa rursus iisdem ministerium inchoarent, perficerentq̃. Atq̃ ob hanc causam septem hi Episcopi, postea episcopi Cardinales, id est, principales, quum Romani pontificis ministerio speciatim inter omnes Episcopos adscripti essent, appellati sunt. Horum institutio vetustissima est. Siquidem in vita Stephani papæ III. qui III. dictus est, creatusq̃ pontifex fuit annō salutis DCCLVIII. apud Anastasium Biblichecarium ita scriptum inueni: Hic constituit, vt omni die dominico à septem episcopis Cardinalibus hebdomadarius, qui in Ecclesia S. Saluatoris obseruant, Missarum solennia super altare B. Petri celebrarentur, & (Gloria in excelsis Deo) cantaretur super rugas, per quas ingrediuntur ad altare, vbi imagines in frontispicio constitutæ sunt, Fuere autem hi vij.

Episcopus Cardinalis Ostiensis, qui solus ob consecrationem Romani Pontificis, quæ ad eum pertinet, inter omnes episcopos in ipsa consecrationis solennitate pallio utitur: cuius sedî adiuncta fuit ab Eugenio Papa III. Ecclesia Veliterna. Hic die solis vel Dominico missam Laterani celebrabat.

Episcopus Cardinalis Sylvæ candidæ, alias SS. Virginum Rufinæ & Secundæ, alias S. Rufinæ. Hic tam in Basilica sancti Petri, quam in vrbe Leoniana, quam nos Burgum sancti Petri vocamus, absente Papa actus episcopales exercebat, dieq; lunæ siue feria ij. sacra in Basilica Lateranensi faciebat. Hæc sedes deficientibus incolis vnita est à Callisto ij. Ecclesiæ Portuensi vicinæ.

Episcopus Cardinalis sancti Hippolyti, alias Portuensis, qui Transtiberim iurisdictionem episcopalem obtinebat, & feria iij. siue die Martis sacra in Basilica Constantiniana peragebat.

Episcopus Cardinalis Sabinus.

Episcopus Cardinalis Prænestinus.

Episcopus Cardinalis Tusculanus.

Episcopus Cardinalis Albanus.

Hi reliquis quatuor hebdomadæ diebus præsentem vel absente Papa Laterani missas super aram maximam celebrabant.

In hac verò Basilica qui vices Papæ gereret, & sacra officia, horasq; canonicas celebrarent, antiquitus erant Prior, & Canonici

regulares ordinis S. Augustini, vnde & eorū congregatio Lateranensis dicta est. Nunc habet Archipresbyterum, & Canonicos saculares cum aliquot beneficiatis clericis, cantoribus, capellanis, & ministris ibidem à Bonifacio papa viij. constitutos.

Eadem porro ratione ceteris quatuor ecclesijs patriarchalibus, earumq; ministerio septem per singulas ministri assignati sunt. Hi non episcopi, sed presbyteri Cardinalis, id est, principales Urbis Romæ fuere numero xxviij. quater enim septies eundem numerum reddit. Et ob eam rationem xxviij. ecclesiæ, quos titulos vocauit, Romæ institutæ sunt, quibus hi xxviij. presbyteri Cardinales præessent, de quibus & eorū titulis singillatim dicam, si prius quæ de septem ecclesijs scribere in vniuersum constitui afferam. Ex his igitur quæ supra dixi satis constat, quinque basilicas patriarchales Romæ fuisse, ob id alijs ecclesijs celebriores, & ob maiorem reuerentiam magis à Christianis visitatæ. Quibus Christianorum easdem visitantium religio, duas alias hanc ob causam adiunxit. (neque enim aliam probabiliorem inueni, quanquā plerosq; esse sciam, qui hunc numerum septenarium ad septem Asianas ecclesias Beati Ioannis Euangelistæ Apocalypsi celebres pie referant.) Primo enim basilicam sancti Petri, deinde sancti Pauli, pij homines inuisere solebant. Cumq; à sancto Paulo ad Lateranum

DE PRÆ. VRB. RO. BASILICIS. 19
num iter facturi essent, incongruum ijs vi-
tum est, ecclesiam sancti Sebastiani, cœmete-
rium Callisti, Catacumbas tot sanctorum
corporibus referta, inuisa transire, præser-
tim cum eadem ferè via procedendum esset,
atq; ita hac ratione quinque ecclesijs, quæ visi-
tari solebant, sextam adiunxerunt. Eadem
ratio septimam addidit medio itinere inter
Lateranensem, & sancti Laurentij extra mu-
ros basilicas sitam, ecclesiam scilicet S. Crucis
in Hierusalem, maximis & ipsam reliquijs
condecoratam. Id ita esse facile ex eo intelli-
gi potest, quod pia sequentium temporum
religio, septem antiquis ecclesijs duas alias
sancti Anastasij ad tres Fontes, & S. Mariæ An-
nunciatæ medio itinere inter sancti Pauli &
S. Sebastiani basilicas, itineris opportunitate
adiunxit, ad nouemq; auxit, quæ hætenus à
Christianis frequentantur.

Illud verò scitu dignum, Anno Iubilei an-
tiquitus à Bonifacio VIII. papa instituti, eius
temporis Christianos non nisi basilicas san-
ctorum Petri & Pauli Apostolorum visitas-
se. Quibus tertiam Lateranensem anno Iubi-
lei secundo MCCCL. Clemens VI. adiunxit.
At Gregorius XI. ob Deiparæ virginis deuo-
tionem in futuro anno tertij Iubilei quar-
tam addidit sanctæ Mariæ Maioris, quæ om-
nes patriarchales erant. Inde illud mirum,
quintam patriarchalem ecclesiam sancti Lau-
rentij extra muros præteritam fuisse, dignā

alioqui propter eius excellentiam quæ eodẽ anno, vt aliæ patriarchales celebraretur. Qua re ab aliquo pontifice animaduersa, facile cæteris quatuor insequentibus Iubilei annis addi poterit. Probabilis igitur causa hæc mihi visa est de septem, siue etiam nouẽ Urbis ecclesiarum frequenti peculiariq; visitatione. Qua expedita, quæ de Titulis & Cardinalibus dicere supra polliciti sumus, expediāmus.

De Presbyterorum Cardinalium origine, & xxiix. ipsorum titulis antiquis, & xxi. nouis. Cap. II.

DE presbyteris Cardinalib; tractaturus, rem pauld altius à titulorum declaratione, & presbyterorum Cardinalium origine repetam. Tituli igitur erant sacræ ædes, vel (vt nunc dicimus) ecclesiæ, siue loca consecrata, in Dei, beatæ Virginis, & sanctorum hominum honorem vel memoriam, à fidelibus Christianis erecta, & per varias Urbis regiones à Pontificibus Romanis antiquitus distincta, in quibus animarum cura à presbyteris qui in eis commorabantur, habebatur. Quibus qui præerant presbyteri, vocabantur Cardinales, hoc est, principales, similitudine à quatuor ventis cardinalibus, id est (vt ait Seruius supra Virgilium) principalibus deducta. Non enim in omnibus sacris ædibus siue ecclesijs animarum cura gerebatur, siue (quod idem est) sacramen-

administrabatur, sed tantū in hisce titulis,
 quorū singulis quā plures essent clerici, q
 el sacramēta populis exhiberēt, vel exhibē-
 bus p̄sto essent, vt subdiaconi, diaconi, &
 resbyteris: is q omnibus præerat presbyter,
 cæteris clericis illius tituli, vel à Rom. Pon-
 tifice creatus, dicebatur Cardinalis, quòd o-
 nium dignior principaliorūe esset eorum
 in eo titulo permanebant, cæterosq̄ cle-
 ros tituli sibi commissi gubernaret & rege-
 t. Quorum originem Romæ hanc fuisse
 cepi. Quum beatissimus apostolorum prin-
 ps Petrus catholice Romanę ecclesię Pon-
 tefex, primus verbi ministerio in orientali-
 s ecclesijs præcipuè Hierosolymis & An-
 chie ritè instituto, in urbem, vt Romanā
 lesiam constitueret, venisset, ex omni fi-
 ium multitudine, præcipuisq̄ nostræ re-
 onis cultoribus, viros quosdam seniores,
 qui bonum testimonium ab his qui foris
 t, habebant, plenos spiritu sancto & sapi-
 ia, spectatę fidei & rarę probitatis, Hie-
 olymitanę, cæterarumq̄ orientalium ec-
 iarum exemplo delegit: hi clerici vocati
 e, quos per manuum impositionem par-
 presbyteros, & partim diaconos conse-
 tit: quorum opera pontifex ipse siue epi-
 us Romanus in instruenda crescente
 ecclesia vteretur, quum ei vni tot mil-
 s hominum ad fidem Christi quotidie
 entium consulere non esset integrum.

Porro autem presbyterorum, & diaconorum munia, ut pro se quisque suum officium & nosceret & impigre faceret, diuidere in primis conducibile visum fuit. Itaque summam rerum, animarum scilicet curandarum negotium, presbyteris commisit, ut sacramenta ecclesiastica plebi Dei administrantes, orationi, & ministerio verbi cum episcopo vacarent. Diaconis autem, ut viduis, pupillis, & alijs fidelibus egenis, ex Christianorum elemosynis ab ipsis custoditis subuenirent, curam demandauit: eisque iniunxit, ut presbyteris quoque sacra facientibus præste essent. Quorum omnium numerus quum antea modicus & incertus esset, ei modum statuerunt Cletus & Euaristus Romani Pontifices. Cletus enim (ut ex Damaso auctor est Bibliothecarius) presbyteros Romæ ad xxv. numerum redegit. Euaristus vero Apostolorum instituto ad septenarium numerum diaconos in ecclesia Romana auxit. Quibus etiam illud addidit, ut episcopum predicantem propter stilum veritatis custodirét. Cæterum ne presbyterorum administratio in promiscuo esset, ipse Euaristus, qui quartus post B. Petrum Apostolum episcopus Romanus fuit, annum circiter salutis centesimum, titulos vel (ut nunc dicimus) paræcias in Vrbe primus presbyteris diuisit, ut singuli à se inuicem secreti, in sua Urbis regione, titulo vel paræcia, confusionis tollendæ causa, diuina mysteria populum

dum erudientes, sacramenta Dei omnibus ad
 se venientibus Christianis exhiberent, singu-
 losq; presbyteros in vnoquoq; titulo collo-
 cauit. Sufficere enim tum visus est is nume-
 rus, propter credētium paucitatem. Verum
 haud ita multò post, fidelium quotidie cre-
 scentium multitudine permotus Hyginus
 X. Romanus pontifex, quum tot credētibus
 non sufficerent, plures in vnoquoq; titulo
 cum clericos, tum presbyteros esse voluit.
 Quod his verbis in eius vita innuit ex Dama-
 so Anastasius. Hic clerum composuit, & distri-
 buit gradus. Hinc presbyterorum Cardina-
 lium nomen manasse crediderim, vt is scili-
 cet esset presbyter Cardinalis, .i. principalis,
 q̄ cæteris presbyteris eiusdē tituli (quos plu-
 res ab Hyginio factos fuisse dixi, quum ante
 vnus tantum per singulos titulos presbyter
 fuisset) præset. Satis enim constat, aliquot
 annis post, etiam ante sancti Syluestri tem-
 pora, Cardinalis nomen in Romana Eccle-
 sia vsurpari cœptum fuisse, quod non nisi
 ex Hyginij papæ instituto oriri potuit,
 quum antea eo nomine opus non esset, quod
 nisi vnus per singulos titulos presbyter le-
 ctus fuisset. Post Hyginij tempora in pres-
 byterorum Romanorum titulis nullam
 mutationem factam inueni, vsque ad Dio-
 nyij papæ pontificatum. Nam circa an-
 num CHRISTI CCLX. Dionysius xxvj.
 Romanus pontifex, Euaristi exemplum se-

cutus quum iam Christiana pietas mirum in modum in ea Vrbe aucta esset, denuo titulus vel parœcias Romæ, quum eas ampliaffet, presbyteris diuisit, ipsasq; quod quisq; suis limitibus finibusq; contineretur, distribuit, pluribus per singulas vt Hyginus fecerat, presbyteris constitutis. Presbyterorum quoque Romanæ Ecclesiæ curæ cœmeteria adiunxit, quæ quia plura erant, ea inter presbyteros distribuit gubernanda, vt martyrum sepulchris consultum esset. Quod Damasus his verbis breuissimè exponit: Hic presbyteris diuisit ecclesias & cœmeteria: & parœcias & diœceses constituit. Cæterùm non longe post circiter annum Christi GCCV. Marcellus XXXI. papa titulos Urbis ab Euaristo antiquitus & primò presbyteris datos, numero limitauit, decreto statuens, XXV. Romæ quasi diœceses esse ad baptismatis commoditatem: eorumq; opportunitate qui ad fidem ex gentibus quotidie veniebant, quin vt etiam martyrum sepulchris consuleretur. Quod ita tradit Damasus: Marcellus papa XXV. titulos Romæ constituit, quasi diœceses propter baptismum, & pœnitentiam multorum qui conuertebantur ex Paganis, & propter sepulturas martyrum. Titulos verdò Romanos siue parœcias cessantibus Gentilium persecutionibus adauxere, presbyterosq; plures in singulis constituere Romani pōtiffices, Siluester qui titulum Equitij, Marcus

DE PRÆ. VRB. RO. BASILICIS, 25
us qui titulum sancti Marci, Iulius qui titu-
m sanctæ Mariæ Transtiberim, Damasus
qui titulum sancti Laurentij, Innocentius
qui titulum Vestinæ fecerunt. Liberius itē,
Siricius, Anastasius, Zosimus, & reliqui epi-
scopi Romani. Quum enim infinita Genti-
um multitudo primū, deinde Vrbs, &
Italia omnis fidem Christi suscepissent, quū
XV. tituli Romæ non sufficerent, nec hi qui
in eis residebant presbyteri tam ob necessi-
tatem, quā ad Urbis & Romanæ Ecclesiæ
ornamentum & maiestatem: & titulorum &
presbyterorum in vno quoq; titulo nume-
rus auctus est, factiq; sunt tituli XXVIII. quē
numerum nunquam excessisse vsq; ad nostra
tempora constat. Quæ omnes quum Eccle-
siæ essent vel ædes sacræ, Deo & Sanctis dica-
tæ, denominationem sortitæ sunt vel à diuis,
in quorum memoriā vel honorem dedi-
catæ erant, vt sanctæ Mariæ Transtiberim, S.
Chrysogoni, S. Cecilie, S. Anastasie, S. Marci,
& similium: vel ab eis hominibus qui ipsos
titulos condiderunt, vt Callisti, Iulij, Dama-
si, Pastoris, Equitij, Pammachij, Byzantij, Lu-
cinæ, Vestinæ, Eudoxiæ, Fasciolæ, Tigridis,
& similium. Viginti porro octo titulorum
numerum circa Leonis I. Papæ tempora ex-
pletum fuisse, multis coniecturis & rationi-
bus ductus crediderim. Neque enim facile
post Leonem ipsum Papam inueniri potest
aliquem Romanorum pontificum titulum,

quempiam nouum supra xxviiij. addidisse: sed tantum eos de vna ecclesia ad aliam transulisse, vel mutasse, vel restituisse, aut exornasse. Vetusissimi autem xxviiij. tituli Vrbis Romæ, qui ante millesimum & sexagesimū annū fuerūt, quos tam ex actionibus synodi Romanæ sub Symmacho papa, anno Christi CDXCIX. celebratæ, quam ex Anastasio Bibliothecario excepti, sunt hi:

1. Titulus sancti Callisti, alias sancti Iulij, alias sanctorum Iulij & Callisti, alias Callisti, alias sanctæ Mariæ Transtiberim.
2. Titulus S. Chrysogoni Transtiberim.
3. Titulus S. Cecilie Transtiberim.
4. Titulus S. Anastasie sub Palatio.
5. Titulus Damasi papæ, alias SS. Laurentij & Damasi, alias sancti Damasi, alias sancti Laurentij in Damaso.
6. Titulus S. Marci ad Palatinas.
7. Titulus Equitij, alias S. Siluestri, alias SS. Siluestri & Martini, alias S. Martini in Montibus.
8. Titulus S. Sabinæ in Monte Auentino.
9. Titulus S. Priscæ in Monte Auentino, alias SS. Aquilæ & Priscæ.
10. Titulus S. Æmilianæ. (le)
11. Titulus Fasciolæ, alias SS. Nerei & Achil-
12. Titulus Tigridis, alias S. Xisti.
13. Titulus Lucinæ, alias S. Marcelli.
14. Titulus S. Susannæ ad duas domos, alias sanctorum Gabini & Susannæ.

15. Basilica sanctorum duodecim Apostolorum, alias titulus sanctorum Apostolorum Philippi & Iacobi. Cæterum hæc ecclesia posterioribus temporibus sola inter has xxviiij. basilica, non titulus dicta est, ab fabricæ (vt opinor) magnitudine.
16. Titul. S. Cyriaci in Thermis Diocletiani.
17. Titulus S. Eusebij.
18. Titulus Pastoris, alias S. Pudentis, alias S. Pudenticæ, omnium qui extant vetustissimus.
19. Titulus Vestinæ, alias SS. Gervasij & Protasij, alias S. Vitalis.
20. Titulus S. Crescentianæ.
21. Titulus S. Clementis.
22. Titulus S. Praxedis.
23. Titulus Eudoxiæ Augustæ, alias S. Petri ad Vincula.
24. Titul. Lucinæ, alias S. Laurétij in Lucina.
25. Titulus S. Nicomedis.
26. Titulus S. Matthæi in Merulana.
27. Titulus Pammachij, alias sanctorum Iohannis & Pauli.
28. Titulus S. Caij.

Reperitur quoque Romæ sub Innocentio Papa Titulus Byzantij, verum vel is est cum aliquo ex ijs quos supra enumeravi, quos multis nominibus vocari vidimus, vel tituli nomen amisit, vt alijs aliquot titulis accidisse paulò post ostendam, atq; in eius locum fortè factus fuit titulus sanctæ Sabinæ.

qui

qui sub Cœlestino Papa I. (is Paulo ante Leonem vixit) institutus est, vt ex versibus mu-
suarijs, & Bibliothecario constat. Quum ve-
rò non nisi XXVIII. tituli fuerint, totidem
quoq; Cardinales presbyteros fuisse necesse
fuit. Si enim hi tantum presbyteri qui titu-
lis præerant, Cardinales appellabantur, titu-
liq; tantum XXVIII. Romæ erant, totidem
quoq; Cardinales presbyteros esse oportebat.
Quod ita fuisse quum ex multis locis
constet, tum id apertissimè explicat Pandul-
fus Pisanus Subdiaconus Apostolicus, qui
vitas Romanorum pontificum scripsit in Ge-
lasij II. Papæ electione, vbi disertè XXVIII.
tantum Cardinales presbyteros numero
quodam certo & limitato fuisse tum viuos
commemorât. Omnes igitur quos supra re-
tuli XXVIII. titulos, quinque exceptis postero-
ribus temporibus, eodem nomine præditos
extitisse, & ad nostra vsq; sæcula permanisse
constat. Quinque enim illos circa tempora san-
cti Gregorij Papæ I. vel paulò antè obsoleuisse,
titulosq; esse desisse, vel aliquos ex eisdè
mutatis nominibus cum his alijs quinque esse
necesse est. Desunt enim.

Titulus S. Æmilianæ.

Titulus S. Crescentianæ.

Titulus S. Nicomedis.

Titulus S. Matthæi.

Titulus S. Caij.

Pro quibus in actione Synodi Romanæ
sub

sub Gregorio Papa I. circa annum Domini
DC. celebratæ, & apud Bibliothecarium, hos
quinque repositos fuisse inueni.

Titulum S. Balbinæ in Monte Auentino.

Titulum SS. Marcellini, & Petri.

Titulum S. Crucis in Hierusalem.

Titulum S. Stephani in Monte Cœlio, &

Titulum SS. Quatuor Coronatorum.

Qui prioribus xxiiij. adiuncti, xxviij. nu-
merum explent, quique omnes præter vnum
nostra adhuc ætate extant. Deest enim titu-
lus S. Cyriaci in Thermis Diocletianis, qui
quum præ vetustate corruisset, ea æde pro-
fanata, Titulus à Xysto papa III. ad eccle-
siam SS. Quirici & Iulitæ translatus est, vbi &
hodie perseverat. Cæterum ex quinque vetu-
stis titulis qui esse desierunt, Titulum sancti
Matthæi in Merulana ab alijs diuersum esse
apertè liquet, quum nunc etiam ea Ecclesia
vetustissima extet, quod de alijs quatuor ti-
tulis minimè dici potest, quum eorum nulla
amplius memoria supersit. Eos ego non leui
coniectura ab alijs diuersos esse existimo, &
temporis iniuria quum tituli honore à Roma-
nis pōtificibus qui secuti sunt, quod novos ab
se erectos ea dignitate ornarent, spoliati es-
sent, omnino labefactatos, ita vt nullum eo-
rum amplius vestigium extet. Quum verò
non nisi quatuor, reliquæ essent patriarcha-
les basilicæ, septem in singulis presbyteris
Cardinalibus distributis, sicut XXVIII. Car-
di-

dinalium numerum, ita & titulorum.

Basilicæ sancti Petri in Vaticano, quæ habet Archipresbyterum, qui est Cardinalis, & Canonicos sæculares, ministerio, eadem ratione, qua basilicæ Lateranensi vij. episcopi, ita huic assignati sunt septem presbyteri Cardinalis, hi fuere:

Presbyter Cardin.		
tituli S. Mariæ	Die Solis.	
Transiberim.		
Presbyter Cardin.		Missam
tituli S. Chryso-	Die Lunæ.	
goni.		
Presbyter Cardin.	Die Martis.	
tituli S. Cecilie.		
Presbyter Cardin.		ad sanctū
tituli S. Anasta-	Die Mercurij.	
sie.		
Presbyter Cardin.		
tituli S. Lauren-	Die Iouis.	
tij in Damaso.		Petrū ce-
Presbyter Cardin.	Die Veneris.	
tituli S. Marci.		
Presbyter Cardin.		lebrabāt.
tituli S. Martini	Die Saturni.	
in Montibus.		

Basilicæ S. Pauli apostoli extra muros Urbis via Ostiensi, quæ pro rectore habet abbatem & monachos ordinis sancti Benedicti, ministerio ob eandem causam qua & Lateranensi & S. Petri Basilicis vij. alij attributi sunt

nt presbyteri Cardinales, qui fuerunt:

esbyter Cardin. ituli S. Sabinæ.	Die Dominico	
esbyter Cardin. ituli S. Priscæ.	Feria ij.	Missas
esbyter Cardin. ituli S. Balbinæ.	Feria iij.	ad sanctū
esbyter Cardin. ituli SS. Nerei, & achillei.	Feria iiij.	
esbyter Cardin. ituli S. Xysti.	Feria v.	Paulum
esbyter Cardin. ituli S. Marcelli.	Parascene	canerēt.
esbyter Cardin. ituli S. Susannæ.	Sabbato.	

Basilicæ Patriarchalis S. Mariæ Maioris in
quilijs, quæ habet Archipresbyterum, qui
Cardinalis, & Canonicos sæculares, ob-
uio eadem ratione qua supradixi assigna-
unt hi vij. alij presbyteri Cardinales.

Presbyter Cardinalis Basilicæ SS. xij. Apo-
stolorum.

Presbyter Cardinalis tituli S. Quirici in
ermis, alias SS. Quirici & Iulitæ.

Presbyter Cardinalis tituli S. Eusebij.

Presbyter Cardinalis tituli S. Vitalis.

Presbyter Cardinalis tituli SS. Marcelli
& Petri.

Presbyter Cardinalis tituli S. Pudentia-

Presbyter Cardinalis tituli S. Clementis.
Qui singuli singulis diebus hebdomadæ sacra facerent super aram maximam Basilicæ S. Mariæ Maioris.

Patriarchalis Basilica S. Laurentij extra muros Urbis via Tiburtina, quæ olim habebat Abbatem & monachos Cluniacenses, nunc est Cardinali commendata, habetq; canonicos regulares congregationis S. Salvatoris Bononiæ: obsequijs in missarum celebratione assignati fuerunt vij. hi reliqui presbyteri Cardinales.

Presbyter Cardinalis tituli S. Praxedis.

Presbyter Cardinalis tituli S. Petri ad Vincula.

Presbyter Cardinalis tituli S. Laurentij in Lucina.

Presbyter Cardinalis tituli S. Crucis in Hierusalem.

Presbyter Cardinalis tituli S. Stephani in Monte Cælio.

Presbyter Cardinalis tituli SS. Ioannis & Pauli.

Presbyter Card. tituli SS. Quatuor Coronatorum.

Si igitur singulis ex his quatuor Basilicis Patriarchalibus vij. presbyteri Cardinales adscribantur, necessario xxviij. presbyteri, & totidem tituli Cardinales erunt.

Perduravit autem hic xxviij. presbyterorum Cardinalium, & titulorum integer numerus.

merus, vt ex Pandulfo Pisano in vita Gelasij
 I I. intelligitur, egoq; ex antiquis diplomatu
 subscriptionibus obseruauī, vsq; ad Honorij
 Papæ I I. pontificatum, & annum CHRISTI
 MCXXV. Quo tempore hic ordo, & nume-
 rus paulatim negligi cœpit. Morientibus e-
 nim Cardinalibus presbyteris (idem etiam
 de diaconis vt paulò post ostendam intelli-
 gendum) tunc primum titulis ipsis suo re-
 ctore, vel presbytero Cardinale orbatis, per
 pontificem de nouo presbytero Cardinale
 prouideri desitum, neq; (vt antiqua consue-
 tudo erat) statim in defuncti, vel abdicatis
 locum alter amplius Cardinalis subrogaba-
 tur, quare factum est, vt presbyterorum Car-
 dinalium numerus sensim decrescere cœpe-
 rit, & processu temporis adeo paulatim di-
 minutus est, vt aliquando tempus fuerit, in
 quo non nisi duo presbyteri Cardinales vi-
 uentes in collegio essent, quemadmodum
 accidit sub Alexandri Papæ I I I I. obitu, & Vr-
 bani I I I I. creatione anno salutis MCCLXI.
 Tituli interim vel sine Cardinalibus erant,
 sed ab Archipresbytero suo aut Canonicis
 regebantur, vel alicui ex collegio Cardinali
 à pontifice commendabantur. Vtriusq; rei
 exempla extant. Eadem de diaconijs ratio e-
 rat. Cur verò Honorius ipse I I. id primum
 cœperit, & eius exemplum posteriores Ro-
 mani pontifices imitati fuerint, causa hæc
 fuit. Sub Callisto I I. qui ante Honorium I I.

statim pontifex fuit, pax inter Romanam ecclesiam, & imperium sub Henrico V. Imperatore post diuturnum dissidium, & schismata exorta, facta fuerat, in qua inter alia multa cautum fuit, vt Romani pontificis electio ad Cardinales clerumq; vrbani tantum pertineret, neq; amplius Imperatoribus ius aliquod, quod aliquando vlturpauerant, in eius creatione esset. Quapropter quum ob Cardinalium multitudinem multa schismata in nouis Romanorum pontificum comitijs orirentur, nondum enim lex de duabus Cardinalium partibus instituta erat, vt huic malo obuiam irent Romani Pontifices, Cardinalium numerum paulatim diminueri cœperunt, & qui primus additis xvij. diaconis, septemq; episcopis, certus & determinatus liij. erat, sensim dilabi, & ad incertum numerum reduci cœpit, vetusto tamen semper lōgè minorem. Primum enim ex liij. sub Innocentio II. vel Cælestino II. xl. esse cœperunt, deinde xxxv. mox xxx. postea xxv. ad hæc xx. post xv. demū x. nouissimè (vt dixi) ad eā paucitatem aliquādo redacti sunt, vt nō nisi viij. Cardinales viuētes essent, quatuor presbyteri, & totidem diaconi, quando Nicolaus papa III. creatus est anno salutis MCCLxxvj. etenim Cardinalium numerus vsq; ad id tēpus, quo pauciores Cardinales nunquā fuerunt, diminui non desijt. Post quod se rerum periodo vertente, semper augere cœpit vt
essent

essent xv. deinde xx. quemadmodum sub Bonifacio VIII. Auenione quoque quanquam paulatim eorum numerus iterum crescere cœperit, nunquam tamen usque ad Xysti III. pontificatum xxx. numerum attigerunt, præsertim quum in Concilio Constantiensi cautum fuerit, ne plusquam xxiiij. Cardinales viuentes simul essent. Primus papa Xystus IIII. Cardinalium numerum maximè ampliavit, trigintaque supergressus est. Cuius exemplum secutus Alexander VI. papa ad Cardinales plus minus quinquaginta simul viuentes collegium auxit, nemo tamen horum pontificum antiquum LIII. numerum excessit. Verum Leo Papa X. primus omnium Romanorum pōtificum magna illa vnus & xxx. Cardinalium lectione veterem & antiquum numerum quinquaginta trium superauit, quum sub eius pontificatu Cardinales lxxv. simul viuentes fuerint, quod nunquam alias contigerat. Eius exemplū secuti sunt Paulus III. Paulus IIII. & Pius IIII. quorum prior ad lxxij. numerum Cardinales auxit, sequēs ad lxx. tertius ad lxxvj. ad quē numerū nunquam præterea Cardinales attigisse satis constat. Quare quū presbyteri Cardinales numerū illū veterē xxviiij. excefferint, nouis titulis, opus fuit, vt nouis illis tribueretur Cardinalibus, qui xxviiij. numerū excedebant. Hanc ob causam primus post mille annorum intervallū Callistus III. papa nouū titulū addidit

anno MCDLVIII. qui fuit S. Callisti propè ecclesiam S. Mariæ Transtiberim, quem sororis filio Ludouico Milano Cardinali presbytero ab se creato concessit.

Secundus, Xystus IIII. nouum titulum addidit anno MCDLXXXVIII. qui fuit titulus S. Nicolai inter imagines propè Amphitheatrum siue Colloseum, quem presbytero Cardinali Petro Foscaro Veneto ab se creato dedit.

Tertius, Leo papa X. magna illa xxxj. Cardinalium creatione anno Domini MDXVII. antiquissimum titulum S. Matthæi in Merulana, qui per mille & amplius annos tituli honorem amiserat, restituit, & x. alios nouos titulos ex vetustissimis Vrbis ecclesijs fecit, qui fuerunt:

Titulus S. Ioannis ante portam Latinam.

Titulus S. Cæsarij in Palatio.

Titulus S. Hagnetis in Agone.

Titulus S. Apollinaris.

Titulus S. Laurentij in pane & perna.

Titulus S. Siluestri in campo Martio.

Titulus S. Thomæ in Parione.

Titulus S. Pancratij.

Titulus S. Bartholomæi in Insula, alias inter pontes.

Titulus S. Mariæ in Capitolio, alias de Aracæli.

Quartus. Papa Iulius III. anno MDLIII. tres nouos titulos adiunxit, hi fuere:

Titu-

Titulus S. Marię in Via.

Titulus S. Barbarę.

Titulus S. Simeonis.

Quintus. Paulus III. anno MDLVII. titulum nouum adiunxit, videlicet titulum S. Marię super Mineruam, concessum Fratri Michaëli Ghislerio Cardinali Alexandrino.

Sextus. Pius III. papa anno salutis MDLXIII. nouum titulum addidit ecclesiam ab se restitutam S. Marię Angelorum in Thermis Diocletiani, quem Ioanni Antonio Sorbellono Cardinali ab se creato assignauit.

Nouissime Pius V. papa anno MDLXVI. quum Cardinalibus à Pio III. creatis nouos titulos dedisset, tres erexit, hi fuere:

S. Triphonis.

S. Hieronymi Illyricorum.

S. Euphemie in Vico Patricio.

Tituli igitur noui facti xxj. sunt, vnus à Callisto III. vnus à Xysto III. vndecim à Leone X. tres à Iulio III. vnus à Paulo III. vnus à Pio III. tres à Pio V. quibus xxviiij. antiquis additis, erunt omnino xlix.

De diaconorum Cardinalium origine, & ipsorum duodecim antiquis Diaconijs.

Cap. III.

Diaconis autem, id est ministris, quos ad septem Euaristum Romę auxisse dixi, quum ante præscriptum sibi & certum locum non haberent, sed eorum mu-

nia in promiscuo essent, primus singulis Urbis regiones Fabianus Papa XXI. diuisit circa annum Christi CCXL. ut unusquisque in suis regionibus pauperum Christianorum inopię de Ecclesiasticis thesauris, & fidelium oblationibus à Subdiaconis collectis, atque ab ipsis custoditis, quantum in se esset, subueniret. Presbyteris quoque parœciarum in suis regionibus constitutis, in omnibus quę ad sacra pertinerent ministraret, ex quibus primum vel antiquiorem, cum episcopi, cleri, populiq; consensu electum Archidiaconum, vel Diaconum Cardinalem, id est, principalem appellari decretum est, quemadmodum & primum presbyterorum, Archipresbyterum. Vnus igitur vetustissimis temporibus erat tantum Diaconus Cardinalis, primus scilicet ex vij. quod aperte colligitur ex actionibus Synodi Romanę sub S. Siluestro Papae celebratę.

Hoc munere multi nobilissimi viri, quod maximę dignationis erat & auctoritatis, in Romana ecclesia functi sunt. In his præcipue beatus martyr Laurentius Xysti papę II. Archidiaconus. Durauit autem longo tempore vij. diaconorum numerus, neque auctus est usque ad annum Christi Mille: ni fallor, nunquam enim ante id tempus maiorem diaconorum numerum in ecclesia inueni. Quum igitur non nisi vij. essent, singuliq; diaconi duabus regionibus præessent (in xiiij. enim regiones

Roma tunc diuidebatur) postea statutum est, ut in singulis Urbis regionibus singuli diaconi essent, atque xiiij. facti sunt, quorum primus dicebatur adhuc Archidiaconus, vel Diaconus Cardinalis, cæteri vero diaconi more veteri dicebantur Diaconi illius, vel illius regionis, verbi gratia, primæ, sextæ, decimæ, vel xij. Demum aucta Rom. ecclesiæ maiestate, his non sufficientibus, plures in vnaquaq; regione & titulis diaconi creari cœpti, eorumque numerus quemadmodum presbyterorum non Cardinalium incertus atque indeterminatus factus est. Dignior verò siue antiquior diaconus à cæteris eiusdem regionis clericis, vel Rom. pontifice electus, diaconus Cardinalis appellatus fuit: quæ ratio factum est, ut 14. postea Cardinales diaconi, totidem .n. erant regiones, fuerint, qui sicut de presbyteris dixi, ideo Cardinales .i. principales dicti sunt, ad cæterorum diaconorum non Cardinalium discrimen, quorum iam numerus in Urbe valde auctus fuerat. Quatuordecim Diaconis Cardinalibus regionarijs ante quingentos annos, quatuor alij additi sunt diaconi Cardinales Palatini ad regionariorum differentiâ vocati, quod assidue in palatio manerēt, quorum munus erat Vaticanæ, & Lateranensis basilicis, vel Rom. pontifici in iisdem celebrati ministrare, quos & altaris Lateranensis ministros appellatos fuisse legi. Quæ numerum primus excessit Paulus III. sub quo anno Domini

ni MDXLV. decem & nouem diaconi Cardinales viuentes fuerunt. Quem etiam numerum longè xix. Cardinalium lectione auxit Pius III. qui diaconos Cardinales, qđ nunquam antea contigerat, ad xxv. auxit, quam haud ita multò post quatuor diaconi Cardinales in presbyteros consecrati sint. Quemadmodum enim xxviij. presbyteris Cardinalibus, sic xviij. diaconis fixus & pręscriptus numerus fuit cum presbyterorum numero, qui (quemadmodum supra dixi) post Honorij II. pontificatum sensim vsque ad iiij. diminutus, & postea est auctus. Illud postmodum scitu dignum, quod ab eo vsq; tempore, quo vij. diaconorum numerus adhuc erat, loca vel antiquitus, vel recens fabricata, diaconis in quibus permanerent tradita fuerunt, quę postea ab eorum nomine diaconię vocatę sunt. Hę erant sacrę ædes siue ecclesię in sanctorum honorem vel memoriam dicatę, proximas domos habentes, quemadmodum alię Vrbis basilicę, & tituli, sine animarum cura: quum enim eorum custodes diaconi, non presbyteri essent, animas non curabant, id est, sacramenta administrare non poterant, idcirco neq; tituli, neq; parocię dicebantur, quanquam esset in sanctorum honorem consecratę, sed diaconię, vel martyria à martyrum reliquijs in his conditis. A quibus postea sacris ædibus diaconi ipsi Cardinales regionarij, regionis appellatione

tione dimissa, cognomina ac distinctiones fortiti sunt. Quum enim antiquitus diaconi primum tantum, deinde diaconi Cardinales illius, vel illius puta tertiæ, quintæ, vel septimæ regionis, quarum diaconi erant, dicerentur, postea dici cœpti sunt diaconi Cardinales huius, vel illius diaconia cui præerant, verbi gratia sancti Theodori, sancti Hadriani, sanctorum Sergij & Bacchi, sanctæ Mariæ Nouæ, & similium. Quod presbyterorum Cardinalium exemplo factum existimo, qui semper cum adiectione illius tituli cui præerant se nominabant, vt Ioannes presbyter Cardinalis S. R. E. Tituli sanctæ Mariæ Transiberim. Hi igitur in suis diaconijs commorantes demandata sibi munia in sua regione impigrè faciebant, pontificiꝝ Romano sacra facienti præsto aderant, & quum S. R. E. thesaurorum custodes essent, pecunias egenis iuxta sibi præscriptas tabulas per suas regiones distribuebant, patriomonia quoꝝ Apostolicæ sedis quæ maiores redditus habebant, gubernabant.

Porro autem xvij. Diaconias, quæ tot erant, quot erant Diaconi Cardinales, circa Gregorij papæ primi tempora institui cœptas fuisse, non leuibus rationibus persuasum, quando etiam posterior xxvij. titularum series facta est, siquidem non longè post S. Gregorij tempora frequens Diaconiarum mentio extat: fuere autem primum tantum

septem, totidem autem erant Diaconi, post
xiiij. demum aucto Diaconorum Cardina-
lium numero, xvij. factæ. Quarum nomina
hæc sunt:

Diaconia S. Mariæ in Dominica, vbi mane-
bat Archidiaconus.

Diaconia S. Lucie in circo, iuxta Septiso-
lium.

Diaconia S. Mariæ Nouæ.

Diaconia SS. Cosmæ & Damiani.

Diaconia S. Hadriani.

Diaconia SS. Sergij & Bacchi.

Diaconia S. Theodori.

Diaconia S. Georgij in Velabro.

Diaconia S. Mariæ in Cosmedin.

Diaconia S. Mariæ in Porticu.

Diaconia S. Nicolai in Carcere Tulliano.

Diaconia S. Angeli in Piscina.

Diaconia S. Eustathij iuxta Pantheum.

Diaconia S. Mariæ in Aquiro.

Diaconia S. Mariæ in Via lata.

Diaconia S. Agathæ in equo marmoreo.

Diaconia S. Lucie in Silice, aliàs in Orthea

Diaconia SS. Viti & Modesti in macello
martyrum.

Has verè Diaconias semper fuisse legi, &
nunq̃, vel nouis additis, vel antiquis sublati-
mutatas, vsq̃ ad Leonis X. pontificatum, qui
primus posterioribus temporibus Diaconiã
nouam adiunxit, quæ fuit:

Diaconia S. Onuphrij in Vaticano, quam
Ioan.

Ioanni Cardinali Lotharingo Diacono ab se creato tradidit.

Diaconia autem ita erant à titulis distinctæ, vt nulla ratione neq̃ presbyter Cardinalis Diaconiam, neque Diaconus Cardinalis Titulum vnquam habuerit. Sed si quando accidisset diaconū Cardinale in presbyterū consecrari, is relicta diaconia, quā ad eā vsq̃ diem obtinuerat, titulū accipiebat. Quē ordinem non seruauit Xystus papa IIII. quem oēs eius successores vsq̃ ad Pium V. postmodum secuti sunt. Xystus. n. secunda Cardinaliū lectione anno Domini MCDLXXIII. primū presbyteris Cardinalibus ab se creatis titulorum loco Diaconias dedit. E contra. Alexander VI. primus titulos qui presbyterorum Cardinalium tantum esse debent, diaconis Cardinalibus pro diaconijs concessit. Resque adeò inualuit, vt ad nostra vsque tempora nullus ferè titulus sit, qui Diaconum, & e contra nulla ferè Diaconia, quæ presbyterum Cardinalem non habeat, vel habuerit. Apud veteres quoq̃ consuetudo per mille, & ducentos cōtinuos annos in Romana ecclesia vsurpata fuit, vt neque diaconi diaconias semel acceptas, neque presbyteri titulos, neque episcopi Cardinales episcopatus suos nunquam mutarent. Diaconus enim in diaconi ordine permanens, semel acceptam Diaconiam non dimittebat, similis de presbyteris, & episcopis Cardinalibus

libus ratio erat. Sed si diaconus Cardinalis presbyter consecrari volebat, dimissa diaconia quæ presbyteris non conueniebat, titulum vacantem à pontifice obtinebat, neque eū alio titulo suscepto relinquebat, nisi episcopus Cardinalis renuntiari contigisset. Quo casu dimisso titulo episcopatum vacantem à papa suscipiebat, quem (nisi Romanus pontifex creatus esset) vsq; ad obitum retinebat, ita vt nullus optioni locus esset, quæ ratione fiebat, vt diaconi, presbyteri, & episcopi Cardinales diaconias, titulos, & episcopatus suos magis colerent, & exornarent, restituerent & augerent, quos dum viuerent essent retenturi. Nunc Cardinales optionis lege multos titulos & diaconias obtinere possunt. Cuius rei initium ortum est tempore Alexandri V. in Concilio Pisano anno Domini MCCCCX. in quo cū ob schisma contigisset, sacerdotia Cardinalitia duos ad minus habere Cardinales, vnum vnus obedientiæ Auinionensis, alterum alterius Romanæ, sublato schismate, vnitisq; vtriusq; Collegij Cardinalibus, & nouo pontifice creato has mutationes fieri tum necesse fuit, vt vnus ex duobus qui in schismate episcopatum Tusculanum obtinebat, eo alteri dimisso, Sabinum tunc vacantem cooptaret. Ita in titulis, & diaconijs factum est. Quæ res quanquam necessaria tunc fuit, in exemplum tamē tracta, postea frequentari cœpta est, occasione

ab eo exemplo accepta. Atq; hac ratione factum est, vt aliquando Cardinalis quispiam fuerit, qui diaconus initio creatus, tres & quatuor diaconias, post presbyter factus, totidem titulos, demum episcopatus omnes, qui sex sunt, cooptauit. His in vniuersum explicatis, nunc de septem Urbis præcipuis Ecclesijs speciatim disputemus. Quarum prima quæ visitari consuevit, est basilica S. Petri in Vaticano.

*De Basilica Sancti Petri Apostolorum
Principis in Vaticano.*

Cap. IIII.

SEPTem Urbis Ecclesiarum visitationem pius & deuotus Christianus adornans, pridie aut triduo ante, peccatorum suorum salutarem sacerdoti confessionem facere opportunum erit. Commodissimè verò celebritatem auspicabitur à toto terrarum orbe augustissima basilica S. Petri Apostoli Vaticana. De cuius præstantia loquens D. Gregorius Papa dialogorum lib. 3. Quod si cuncta (inquit) quæ in beati Petri ecclesia gesta sunt euoluere quis conetur, ab omnium iam proculdubidè narratione conticescet. Hanc basilicam in monte Vaticano paruæ ecclesiæ forma (vt tradit Damasus Papa) primus ædificauit sub ipsa B. Petri apostoli morte Anacletus presbyter S. R. E. ab eodem Petro ordinatus, & tertius ab eo postea Pontifex

fex Romanus creatus, iuxta viam triumphalem Caij, quæ & Neronis circum, quo loco idem apostolus Neronis iussu pedibus in sublimine eleuatis, cruci affixus fuerat. Hinc Gregorius IX. papa in epistola quadam scribit, basilicam B. Petri Apostoli, vt tempore omnibus priorem, ita etiam honoris dignitate præstantiorem esse. Idem verò Anacletus postea pontifex factus, instituit, vt reliqui episcopi Romani eò loci sepulture traderentur. Hinc Linus, Cletus, ipse Anacletus, Euaristus, Xystus, Thelesphorus, Hyginus, Pius, Eleuterus, Victor sancti benedictiꝫ pontifices, eodem in loco sepulti traduntur à Damaso. Caius quispiam scriptor ecclesiasticus, qui cum S. Zephyrino papa Victoris successore aduersus Proclum hæresis cataphrygarum principem disputauit, hæc verba de locis, vbi sanctorum Apostolorum Petri & Pauli posita sunt tabernacula siue cœmeteria, scripsit. Ego verò trophæa Apostolorum habeo quæ ostendere possum. Si enim procedas via triumphali quæ ad Vaticanum ducit, aut via Ostiensi, eorum inuenies trophæa, quibus ex vtraque parte statutis, Romana communitur ecclesia. Vetusissimam S. Petri memoriam (vt eam Damasus vocat (siue martyrium vel confessionem) (vt eam S. R. E. protonotarij, qui Græcè Latineꝫ res gestas martyrum scripserunt) appellant, destruxisse videtur nefarium naturæ monstrum Heliogabalus Imperat.

perat. quum (Lampridius tradit) sepulchra vaticana, quo elephantorum quatuor quadrigas laxius & commodius agitaret, quæ oblittebant, d. fecisset. Quo tempore S. Callistus Papa, qui B. Zephyrino successit, corpus Apostoli Petri ex cœmeterio vaticano diruto, ad catatumbas iuxta cœmeterium ab se ad secundum ab Vrbe via Appia lapidem extructum, cum corpore sancti Pauli transtulit, vbi sub altari marmoreo quod adhuc extat, vsque ad Cornelij Papæ pontificatum per annos circiter XXX. iacuerunt, sub Romanis pontificibus Callisto ipso, Urbano, Pontiano, Antero, Fabiano, & Cornelio. Nam Damasus auctor est, Sanctum Cornelium papam Lucinæ matronæ Romanæ rogatu, corpora Apostolorum Petri & Pauli à catatumbis noctu sustulisse, & prioribus suis locis relocasse. Primum quidem corpus beati Pauli, beata Lucina posuit in prædio suo via ostiensî iuxta locum vbi decollatus fuerat. S. verò Petri corpus accepit Beatus Cornelius episcopus, & posuit iuxta locum vbi crucifixus est, inter corpora sanctorum episcoporum in Vaticano. Septuagesimo demum post Sanctum Cornelium anno, pius Constantinus Imperator, diuinitus ad Christi fidem miraculosa crucis in cœlo visione conuersus, Christiana religione optimis & salutaribus legibus cōtra hostes nostros communita, tum in vrbe, tum per totum orbem

Romanum, multa & maxima Christo & sanctis eius templa cōstruxit. Romæ quidem & in vicinis oppidis rogatu S. Siluestri papæ, qui eum nostræ religionis sacris initiasse traditur, decem magnifica templa condidit. In his, Cai & Neronis circo diruto, basilicam vaticanam cētum marmoreis nobilibusq; sublimem columnis B. Petro erexit, siue potius restituit, veteremq; ecclesiam amplificauit. In cuius fundamētis iaciendis fuerūt Pium Imp. primum omnium raistro solum effodisse, 12. aggeris & glebarum sportulas inde asportasse. In cuius fundamentis iacendis, ferunt pium Imperatorem primum omnium raistro solum effodisse, duodecimq; aggeris & glebarum sportulas inde asportasse, duodecim Apostolorum honori id tribuens. Quam ecclesiam à S. Siluestro, xiiij. Kal. Decembris dedicatam, multis ornamentis donauit, maximis prouentibus auxit. De eare extabant in arcu absidæ maioris hi versiculi musiveis literis scripti.

Quod duce te mundus surrexit in astra triumphans,

Hanc Constantinus victor tibi condidit aulam.

Ecclesia S. Petri veteris antiquorum Basilicæ instar ædificata, habuit absidam siue tholum, musiveis signis ornatam, transversam partem quam crucem vocamus, quinque porticus intercolumnijs distinctas, quarum tres dicimus, medianam maiorem, binas ex utraque

que parte minores, amplissimo peristylio, & magnis pulcherrimisq; columnis sustentatas. Innocentius III. papa absidæ mulierum antiquum vetustate consumptum restituit, Christi sanctorumq; figuris exornauit, ut indicant hi versiculi:

Innocentius III. Papa.

Summa Petri Sedes, hac est sacra principis ædes,

Mater cunctarum & decor & decus ecclesiarum.

*Deuotus Christo qui templo seruit in isto,
Flores virtutis capiet fructusq; salutis.*

Basilicæ tectum à diuersis pontificibus renouatum, æreis tegulis ex tēplo Iouis Capitolini translatis cooperuit Honorius papa, quem collabentem refecit Benedictus XII. Tolosanus, Pontifex maximus.

Pauimentum marmoreis & prægrandibus tabulis variij coloris strauit Symmachus Papa, sub quibus in oculis dormiunt multi sancti Pontifices.

Peristylij picturas musiveas fecit Nicolaus III. papa. Totam ecclesiam picturis exornauit Formosus Papa. Gregorius IX. frōtem Basilicæ supra porticum musiveis signis decorauit. hosq; versiculos apposuit:

*Ceu sol feruescit sydus super omne nitescit,
Et velut est aurum, rutilans super omne metallum,*

Doctrina quæ fide callet, & sic pollet ubiq;

Guidonibus nuncupata, qui peregrinos ad limina Apostolorum venientes, ea in ecclesiam introducebant, cuncta illis memoratu aut visu digna ostendentes. Sexta, est porta sancta recēs addita, quæ vigesimo quinto quoque anno iubileo redeūte aperitur, & eo exacto clauditur. Super his portis appensæ sunt catena portus Smyrnenfis, & vestes eius vrbis, Xysto IIII. pontifice maximo à classe ecclesiastica, cui Oliuerius Carafa Cardinalis Neapolitanus cum imperio præerat, de Turcis captæ: item vexillorum aliquot hastæ, iisdē Dei hostibus ereptæ. Ante basilicam erat quadriporticus à Constantino facta, cuius etiā nunc extant reliquię. Quam Symmachus papa tabulis marmoreis stravit, & musivis signis ornauit, Constantinus papa sex sanctarū Synodorum generalium picturam in eadē posuit, Cuius atrium siue impluviū, quod Paradisus dicitur, Dominus papa marmoreis quadris constravit. In cuius medio Symmachus papa cantharum (id est fontem) fecit, columnis octo porphireticis ornatum: cuius operculum æneum, pauonibus ex mole Hadriani erutis, & Delphinis inauratis aquā fundentibus, decorauit. In cuius medio pineā æneā locauit, qua per subterraneos scyphones & plumbeas fistulas aqua ex forma Sabbatina publicæ cōmoditati corriuabatur. In eodem atrio, marmoreo solio, quod adhuc extat iuxta portā, sepultus est Otto II. Imp. Honorius

etiam & Placidius Valentinianus Augusti, ibidem collocati fuere. In eius pariete extant è musæo deuotissimæ Christi & Apostolorū in mari turbato existentium imagines, loti pictoris opera (vt fama est) factæ.

Gradus marmoreos ante basilicam fecit Constantinus Imperator. Symmachus papa amplificauit. Pius II. papa additis SS. Apost. prægrandibus statuis restituit.

His expeditis ad altare maius explicandū regrediamur. Erecta igitur vaticana basilica, Constantinus Imperator tum altare etiam maius fundauit maximis quadratis marmoreis tabulis constitutum, vnà semper cum B. Siluestro papa benedicente omnia & consecrante, habito quoq; magno episcoporum aliorumq; sacerdotum & clericorum Cōuentu, concurrentiq; simul plurima exultantiū & Deum laudantium Christianorum turba. Post quæ non minore etiam cum lætitia sacratissimum corpus S. Petri Apostoli ex humiliore loco eductum, sub altari maiori basilicæ ipsius, Silvester, & Constantinus summo cum honore ita collocarunt. Primo, fabricarunt ei insignem thecam argenteam ære vndiq; & cupro conclusam, qua decentius conditum esset, omni ex latere in longum & in latum sursum ac deorsum, pedes V. protensam, ac desuper arcam deauratam. Supra quoq; eius ad loculi mensuram posuit crucē.

DE PRÆ. VRB. RO. BASILICIS. 53
ex puro auro factam CL. librarum, in qua ce-
scriptum est:

CONSTANTINVS AVGVSTVS,
ET HELENA AVGVSTA HANC
DOMVM REGALISIMILI FVL-
GORE CONRVSCANTEM AVRO
CIRCVDANT.

Sunt qui scribunt, dimidiata corpora Apo-
stolorum æquali portione diuisa in vtrorū-
que Basilicis, capita vero in sacello palatij La-
teranensis collocata fuisse. Supra altare au-
tem cui subiacet corpus, Sanctus Siluester
statuit nobile tegmen siue suggestum, quod
ciborium, siue cameram vocabant, argente-
am, deauratam quatuor porphyreticis (quæ
adhuc extant) columnis, erectam, quod po-
stea Leo III. argento puro eximiè exorna-
uit. Demum Pius II. marmoreum fecit. Ac
Constantinus posuit ante altare S. Petri ad
Basilicæ ornatum xij. columnas vitineas ele-
gantissimas ex Græcia translatas. D. Hiero-
nymus aduersus Vigilantium testatur, Ro-
manum Pontificem super Petri & Pauli ossa
veneranda offerre domino sacrificia, & tu-
mulos eorum Christi arbitrari altaria. D. Iu-
lius Augustinus epist. 42. ad Madaurenses: Impe-
rij Romani nobilissimi eminentissimum cul-
men ad sepulchrum piscatoris Petri, submis-
so diademate supplicat.

Theodoretus Cyrensis Episcopus in epi-
stola

stola ad Leonem Papam ait: Sepulchra Apostolorum illuminant totum modum. Hoc maius altare S. Petri restituit, & solemni ritu dedicauit Callistus II. Papa, toto astate, quod conuocauerat, generali Concilio mille ferè prælatorum.

Locus porrò subtus & ante altare maius S. Petri inferior, propè eius sepulchrum, eiusdem S. Petri confessio vocatur, voce latina pro martyrio vsurpata: nam quæ Græci martyria, id est, martyrum sepulchra, Latini confessiones vocarunt.

Præter altare maius sancti Petri in antiqua Basilica xx. alia altaria, partim Sacellis, vel Oratorijs inclusa, partim sine ædiculis ipsis fuere, quorum breuem epilogum addam.

Primum à dextera altaris maioris, in trāsuerfa basilicæ parte, quam crucem Ecclesiæ vocant, versus absidam fuit oratorium & altare S. Xysti papæ & martyris, sub quo à Paschali II. papa sepulta fuere corpora sanctorum pontificum Xysti ipsius, Fabiani martyrum, & Sergij II. Secundum sacellum & altare propè superius locatum, fuit Sancti Leonis III. papæ, sub quo Paschalis II. recondidit corpora sanctorum pontificum Leonum j. ij. iij. & iiij. Tertium delubrum & altare proximè fuit S. Hadriani papæ, in quo seruabatur Cathedra S. Petri Apostoli, & ibi ipse sepultus est, cuius adhuc extat epitaphium
in

in sancto Petro in tabula prægrandi è mar-
more Numidico, vel Luculleo. Quartum in
angulo eiusdem crucis Occidentem versus,
fuit sacellum musivæis figuris ornatissimum
& altare Sanctæ Mariæ in Oratorio condi-
tum à Paulo papa, in quo ipse sepultus fuit.
Hoc Oratorium ingredi foeminis nefas fuit,
ob multa sanctorum martyrum corpora,
quæ idem pontifex ex vicinis Vrbi cœmete-
rijs ablata in eo collocavit. Quintum in alte-
ro eiusdem crucis angulo orientem versus
fuit oratorium musivo ornatū, & altare san-
ctorum Processi & Martiniani martyru à Pa-
scali papa conditum, in quo ipsorum corpo-
ra collocavit, & ipse moriens sepultus fuit.
Sextum, subsequēbatur in eadem cruce ori-
entem versus, sacellum & altare S. Mauritij:
cuius illa singularis erat dignitas, quòd Impe-
rator designatur, antequàm ad altare S. Petri
à Romano pontifice coronaretur, ibi primū
ab episcopis cardinalibus inungi & benedi-
ci solebat.

Huic proximum septimum fuit altare S.
Silvestri, in quo eiusdem brachium recondi-
tum fuit, & corpus Vigilij papæ. Octauum o-
ratorium cum duobus altaribus S. Mariæ &
S. Gabinij ab eadem parte transversæ crucis
sub arcu maiore prope chorum Canonico-
rum in media cruce existentem, fuit B. Ma-
riæ, à Gregorio III. fabricatum, dedicatū, pul-
cherrimis musivæis figuris condecoratū, &

in finitis penè reliquijs sanctorum, in his corporibus B. Gabini presbyteri, & Petri diaconi, cum quo sanctus Gregorius dialogorum librum scripsit, brachioq; S. Stephani protomartyris, ac aureis argenteisq; ornamentis locupletatum: in quo ipse, Eugeniusq; III. qui illud restituit, sepulti fuere,

Nonnum altare ab eadem parte fuit S. Marcialis discipuli sancti Pauli apostoli, antiquū & magnæ venerationis. Hæc omnia altaria, & sacella fuerunt à dextera basilicæ in transversa naui supra ecclesiæ peristylia,

A sinistra parte eiusdem crucis transversæ haud procul ab altari maiori, fuit altare decimum sanctorum apostolorum Petri & Pauli, quod in molitione veteris ecclesiæ translatum fuit inter portam Romanam & peristylum naui maioris, cui affixa est tabula marmorea, super quam corpora Apostolorum à sancto Siluestro papa fuerunt diuisa, vt ex inscriptione liquet. Hoc porro altare antequàm suo loco moueretur, è regione respiciebat.

Altare xj. sancti Bartholomæi vetustum & magnæ deuotionis, cui proxima erat columna marmorea intorta vitibus ornata, quæ adhuc in ecclesia noua ibidè propè exstat. Cui tantam Deus virtutem præstitit, vt qui à dæmonibus arrepti sunt, apud eam diuinis habitis supplicationibus liberarentur, quod multis iam certis magnisq; exemplis com-

compertum habemus. Post quod iuxta arcū maiorem ecclesiæ fuit aliud antiquum duodecimum S. Pastoris altare. Hæc duodecim altaria fuerunt in transuersa basilicæ naui, quam crucem vocamus, nouem ex dextera, tria à sinistra.

In minoribus verò per longum nauibus iuxta basilicæ murum, quatuor oratoria cū altaribus fuerunt, duo ex vtraq; parte, à dextera quidem S. Andreæ & Gregorij, & S. Thomæ, à sinistra sancti Saluatoris, Sudarij, & Sancti Ambrosij, de quibus paucis agamus.

Oratorium S. Thomæ condidit Symmachus papa, & multis ornamentis donauit: adhuc superest, in quo sepulti sunt Innocentius VII papa, & aliquot Cardinales. Ibidem est baptisterium, quod marmoreo eleganti pilo olim Probi præfecti prætorio sepulchrū fuit.

In ecclesiæ fine vbi sedent pœnitentiarij, est Oratorium, & altare sanctorum Andreæ, Gregorij à Gregorio III. factum, sub quo iacet corpus eiusdem sancti doctoris. In ciborio vero, quod est supra altare, extat caput S. Andreæ Apostoli, à Pio II. locatum est, & Lanceæ ferrum, quo D. N. Iesu Christi latus perforatum est, à magno Turcarum rege Baiazete Innocentio VIII. Papæ dono missum, id est, vnum ex vij. altaribus quæ priuilegijs

& indulgentijs ornata in Basilica Vaticana extant.

Hac parte Ecclesiæ humi sepulti fuerunt post excitatam à Constantino Basilicam X. pontifices Romani, qui primi post Petrū sanctam Ecclesiam gubernarunt, præter quos etiam circiter alij xx. qui post S. Siluestrū fuerunt, iacent.

A sinistro Basilicæ latere fuit Oratorium cum ara S. Ambrosij episcopi, & doctoris, quod diu ante Basilicæ ruinam sui nomen, & venerationem amiserat. Nunc eius loco ex ruinis veteris templi translata extant duo altaria beatæ Virginis Innocentij VIII. propè eius æneum sepulchrum cum ciborio, cui ipse Lanceæ ferrum imposuerat (id est vnum ex vij) & sanctissimi Crucifixi inter sepulchra Pauli II. & Nicolai V. Propè finem Basilicæ versas portam sanctam est Oratorium, & altare S. Sudarij insigni ex cultorū opere musiveo beatæ Virginis, à Ioanne VII. papa dedicatum, supra quod in marmoreo operculo est sanctissimum Christi Sudarium, quod vocatur Veronicæ, quo pientissima mulier ante passionem Christi, faciem extergens, eius in Sudario illo faciem impressam suscepit. Quod hoc loco conseruatum cum tempus postulat populis confluentibus à canonicis ostenditur, id vnum est ex vij. altaribus.

In inferius Basilicæ latus, quod portas continet, quatuor alia fuerunt altaria antiqua.
pri-

primum inter Sudarij Oratorium, & portā Guidoneam, quod D. Antonino martyri olim dicatum fuerat, cuius nomine exolefcente ante centum annos B. Brigidæ honori colebatur, nunc S. Herafmi dicitur.

Inter Guidoneam, & Romanam portas in minore naui fuit altare S. Tridentij martyris, quod nunc sine nomine ob incuriam extat cum Vrsinorum insignibus. Subsequitur inter easdem portas, in naui tamen maiore, altare nouum SS. Apostolorum ex vetere Basilica transportatum, de qua supra dixi.

Inter portam Romanam, & Argenteam fuit altare sanctorum Apostolorum Philippi & Iacobi, postea S. Spiritus, nunc sanctæ Annæ dictum societatis parafrenariorum, S. R. E. Cardinalium, quod è regione correspondet alteri altari sanctorum Simonis, & Iudæ, ad quod est accessus per portam Raennianam, quod nunc mortuorum vocatur. Hæc duo sunt ex septem altaribus. Vetus verò sanctorum Simonis, & Iudæ altare Xystus IIII. transtulit ad mediam Ecclesiam, vbi seruatur sanctissima Eucharistia, Post altare sanctorum Philippi & Iacobi iuxta portam clausam, qua iter erat in templum S. Vincentij fuit antiquissimum altare sancti Habundij mansionarij eiusdem Basilicæ, de quo beatus Gregorius in libris dialogorum mentionem facit. Posterioribus temporibus Bonifacius VIII. Papa altare nouum ibidē dedi-

cavit sancti Bonifacii III. honori, eius corpore ibidem collocato, sibi quoque sepulchrum elegit inter Rauenianam, & Iudicii portas, dicitur nunc altare S. Catherinæ, & est vnū ex vij. Xystus III. amplum delubrum, quod Canonicis pro choro vsui est, cōdidit, in quo ipse æreo folio sepultus est.

In pariete nouo à Paulo III. papa facto inter basilicam veterem & nouam, sunt quatuor altaria, duo ex parte dextra, scilicet B. Virginis, & S. Crucifixi, qui est vnum ex vij. totidem læua, B. Mariæ, & S. Lucie Virginis, cuius ædiculam antiquissimam ea parte aliquando fuisse constat.

In media ecclesia sub organo extat altare sanctæ Petronillæ, in quo eius corpus quiescit. Statua ænea sancti Petri Apostoli, Imagines duæ, Christi & beatæ Virginis, opera loti egregij pictoris ante C C. annos factæ. Iulius II. papa veteris ecclesiæ S. Petri parte posteriore disiecta, Bramantis eximia industria architecti opera nouæ basilicæ toto terrarum orbe celeberrimæ futuræ fundamenta iecit. Cuius fabricam à Leone X. & Clemente vij. non nihil intermissam, Paulus III. auxit. Iulij III. Pauli III. Pij III. pontificatibus ita continuata est, vt testudinibus aliquot factis amplissimæ basilicæ formam repræsentet. Circa basilicam S. Petri per circuitum erāt antiquitus multa sacella, oratoria, & monasteria seruorum Dei. Horum ex multis

tis adhuc superest memoria. Ante omnia retro abſidam eccleſiæ erant monaſteria quatuor monachorum, die noctuq; in S. Petro ſucceſſiue per vices ſuas pſallentium: à dextro baſilicæ latere duo, vetuſtiſſimum S. Mar-
tini reliquorum princeps, cuius initia obſcura, & S. Stephani minoris ab Hadriano papa conditum: à ſiniſtro verò latere duo alia, S. Stephani maioris cognomine Catabarbara patricia, & SS. Ioanis & Pauli, ante mille plus minus annos incertis auctoris excitata. Erant ibidem etiam baptiſterium honori S. Ioannis dicatum, de quo in actis Liberij pape mentio extat: & nobile cœmeterium. Itē ædes ſacræ treſdecim. Sacellum Probi præfecti prætorio, in quo eius ſepulchrum fuit retro abſidam. A dextro vero latere templa ſanctæ Petronillæ, vbi corpus eius diu quieuit, S. Andree à Symmacho papa factum, ornamentis & redditibus auctum, ſancti Michaëlis archangeli, & S. Mariæ de Febre, in quo nunc Canonicoꝝ ſacrarium eſt. A ſiniſtro verò latere delubra fuere ſancti Soſij, ſancti Apollinaris, & ſanctæ Crucis, à Symmacho papa, ſanctæ Lucie à ſancto Gregorio condita. In quatuor verò angulis quadripor-
tici ante ſanctum Petrum fuerunt totidem eccleſiæ, verſus baſilicam quidem ſancti Vincentij ex vno latere, verſus portam ſanctam, ex alio ſecretarium vetus, quod olim ſancti Gregorij, hodiè ſanctæ Mariæ de Febre im-
peri-

perite dicitur. Ex alijs lateribus sub turri campanaria, sanctæ Mariæ in Turri, iuxta ædem archipresbyteri sancti Apollinaris, quæ omni sabbato litania à sancto Petro exiens inibat. Ab vtraque graduum parte fuere antiquitus Episcopia duo, item domus hospitales aliquot à Symmacho papa conditæ: nostro sæculo dextra graduum parte extant domus archipresbyteri S. Petri, à Ricardo Cardinale Constantiensis ante centum annos condita: nobile cœmeterium, Campus sanctus vulgò dictum, & S. Inquisitionis carcer à Pio V. castigandis hæreticis institutus. A leua extat palatium Pontificium Vaticanum, totò terrarum orbe augustissimum, quod prius omnium post Constantinum condidit, amplificauitq; Symmachus papa. Nicolaus III. papa de nouo restituit. Urbanus V. Urbis Leoniana è muris restitutis auxit. Cæterum neq; forma, neq; magnitudine ei quæ nunc superest conrespondebat. Primus Bonifacius IX. Hadriani mausoleo munito, quū sedem apud sanctum Petrum prius constituisset, nobilissimi eius Palatij fundamenta iecit. Id Martinus V. & Eugenius III. auxerunt. Nicolaus V. sacella duo S. Nicolai, & S. Laurentij, & multa cubicula in eo fabricauit. Pius II. muros, cameras, trilicina & alia multa fecit. Paulus II. porticus Palatij irchoauit. Xystus III. profecutus est, Bibliothecam, & Sacellum palatinum fecit, quæ vi-
fu

su dignissima supersunt, illa ob optimorum librorum copiam, hoc ob egregia Michaëlis Angeli Bonaroti picturas. Innocentius VIII. porticus perfecit, domum Innocentianam, villam Beluideriam, portam palatij cōdidit. Alexander VI. turrim Borgiam, mœniarum ante domum Innocentij VIII. Iulius II. curritorium, quo villam palatio coniungeret, inchoauit. Leo X. perfecit triplices porticus, egregijs picturis condecoratos, & eximie structuræ cubicula adiecit, Paulus III. duo Sacella. Iulius III. Paulus IIII. camera, super curritorium. Nouissimè Pius IIII. omnes, & præcedentes pontifices fabricarum excellentia vicit, villa Beluederia restituta, Theatro Vaticano, lymphæo, turri, porticibus, & toto deniq; palatio renouato, & ne quid deesset, vrbe Leoniana nouo muro cincta. Cuius egregij pontificis memoriam, quàm diuturnam fore speramus.

Non erit ab hoc instituto alienum, breuissimè enumerare ornamenta, & redditus, quæ basilicæ Vaticanæ pius Imperator Constantinus largitus est. Ipse enim basilica condita & dedicata, altare maius ex auri & argenti pondo cccl. ornauit, cum gemmis præfinis, hyacinthinis & albis cex. Supra corpus sancti Petri posuit crucem auream librarum cl. Fecit coronam auream ante corpus Sancti Petri, quæ dicitur Pharum cantharum, cum delphinis l. librarum xxxv. In gremio,

mio, id est, medio basilicæ, phara argentea xxxv. cum delphinis xx. singulis librarum x. A dextero basilicæ latere, phara totidem eiusdem ponderis. Metretas argenteas iiij. alias duas, singulas librarum cc. Quatuor candelabra ærea pedum decem argento cæ-
lata cum argenteis sigillis actuum Apostolorum, singula librarum ccc. Amas argenteas v. singulas librarum x. Calices aureos, tres cum gemmis prasinis xlv. singulos librarum xij. Calices argenteos xx. singulos librarum x. Patenam cum turri & columba auream, ornatam gemmis prasinis, & hyacinthinis, & margaritis ccxv. Patenas argenteas v. singulas librarum xv. Hydrias duas magnas argenteas, singulas librarum c. Reditus vaticanæ basilicæ, quos Constantinus Imperator donavit, ut à Damaso papa enumerantur, eiusmodi sunt. Alexandria in Ægypto Possessio Timiaica, quæ Ambronus Cōstantino Augusto donauerat, præstans solidos 620. Carta decadas ccc. Aromatum libras cl. Storacis Isauricæ libras l. Balsami libras lx. Olei Nardini libras ccc. Possessio Eutymij Caduci præstans solidos 500. Carthadecadas lxx. Antiochiæ in Syria, domus Datiani præstans solidos 740. Possessio Sibyllina donata Constantino Augusto præstans solidos 322. alias 303. Carta decadas cl. Aromatum libras cc. Balsami xxxv. In Ægypti vrbe Armenta, & per reliquam Ægyptum possessio Agap-
pij,

pij, quam ipsi Imperatori Constantino donauerat, præstans sol. 700. Possessio Panoplitis, præstas solidos..... Carthadecadas cccc. Aromatum cassiæ libras cc. Storacis libras cl. Piperis Medimnos l. Croci libras c. Gariophilorum libras cl. Balsami libras c. Olei Nardini libras ccc. Olei Cyprini libras c. Papi cannas mundas M Lini Ægyptiaci saccos c. Possessio quam Ibronius donauit Augusto Constantino Magno, præstans solidos 450. Carthadecadas cc. Aromatum cassiæ libras l. Balsami libras l. Nicææ in Bithynia domuncula, præstans solidos 520. Gallæ in Aprodysia præstans solidos 520. Cyri in provincia Euphrateni possessio Armamarom, præstans solidos 382. aliàs 380. Sub Tarso Ciliciæ Insula Caricorum, præst. sol. 900. In Cyrretica balineum pristinum, & popinæ præstantia sol. 75. Horti duo maioris & præstantes sol. 21. Summa solidorum præter alios redditus 6550. Quæ nostratis pecuniæ æstimatione, est aureorum 9825. Magnæ hæc basilica toto terrarum orbi venerationi perpetuè fuit, in qua præcipua quæq; nostræ religionis mysteria, & Romanæ Apostolicæ sedis facta, celebrata leguntur. Hanc vnâ præ cæteris gentes externæ cateruatim visitare semper solitæ fuerunt. Nemoq; peregrinus in eam admitti solebat, nisi prius rectæ fidei suæ formulam obtulisset. Pontificum, Imp. August. Regum, clas-

rissimorum virorum, foeminarum¹, itē sanctorum hominum erga vnam hanc basilicā eximia perpetuò fuit reuerentia, de qua re multa, & maximè memoratu digna exempla extant. Donationes ciuitatum, prouinciarum, & regnorum factæ S. R. E. super altare maius S. Petri factæ sunt. Eorum qui ius Romæ administrabant, & lege in damnatos agebant, stipendia de S. Petri Ecclesia tribuebantur. Rogationes minores triduane vltimę. Rogationes maiores in die S. Marci, Litanix aliæ, supplicationes in casibus vrgentissimis, perpetuò ad S. Petrum celebratæ. Cleri ordines cuncti in supplicationibus sequebātur eiusdē basilicæ crucem, quæ Stationalis vocabatur. Maior pœnitentiarius S. R. E. Cardinalis, & minores pœnitētiarij, qui maiores prærogatiuas habent, q̃ alij, in ea resident. Ad eius aram maximā, iuramentum præstabant Rectores patrimoniorum S. R. E. nouiter instituti, item Duces ecclesiasticæ militiæ creati. Pontifex census regnorum, prouinciarum, & ciuitatum, ac solennes protestationes in eiusdem porticu suscipere solebat. Episcopi & Metropolitanī obedientiam S. R. E. super altare S. Petri iurabant. Ex quo tantum pallia assumuntur pro Archiepiscopis & Patriarchis. Solēnes episcoporum, patriarcharum, regū, imperatorum excōmunicationes, absolutionesq̃ in hac vna basilica celebrari solebant. Cuius li-

mina deuotionis & subiectionis ergò episcopi ex debito visitât. Et in hæresim lapsi suos errores in ea abiurare solebât. Reges quoq̃, si id opus esset, super altare maius solènia iuramēta p̃stabat. Quos si Romæ coronari cōtigisset, non alibi ea celebritate q̃ in hac basilica fiebat. Certè Petrus Aragonū rex ab Innocentio III. Carolus I. Siciliæ rex à Legatis Clementis III. huius filius Carolus II à Nicolao III. Carolus III. pronepos ab Urbano VI. in hac basilica coronati sunt. Imperatores quoq̃ in ea tantū imperij diademata de manu Rom. Pont. suscipere solēt. Qui si Romæ mortui sunt, non nisi in ea sepulchrum habuerunt. In qua Honorius Valentinianus III. Otto II. Augusti, Maria Thermania Honorij, Hagnes Henrici II. vxores, Cedoaldus & Offas reges Anglorum (& alij multi p̃clarissimi viri sepulti sunt. Sed & Rom. Pont. designatus solenne sacramentum in ecclesia S. Petri præstabat de sanctis fidei dogmatibus vsq̃ ad mortem tuendis. In ea tantum ipse consecratur & coronatur. Eiusdem rectæ fidei confessio dogmatica epistola inclusa, ex hac basilica ad omnes Christianos mittebatur. Leges contra ambientes Pontificatum antiquitus editæ tabulis lapideis incisæ, in eius atrio locatę fuerūt. Romani pontifices Xystus III. Pelagius, Leo III. & alij falsis criminibus impetiti, in hac basilica iuramenta de sua innocētia p̃stabāt. Ordinatiōes pres-

byterorum & diaconorum cardinalium, item episcoporum omnium, in ea tantum fieri solebant. Annus magnus Iubilæi ibidē institutus. Maximæ perpetuæq; indulgentiæ in ea concessæ, itavt non immeritò Paulus III. doctissimus pontifex dicere solet: Omnium vrbis Romæ basilicarum priuilegia, in vna S. Petri ecclesia comprehendi. In qua anno Iubilæi Romanus pontifex portam sanctam aperit, clauditq; sanctorum canonizationes celebrat, ter in anno populū Romanum benedicit, ad extremum moriens, sepulchrum eligit. In ea nanque præter decem primos Romanos episcopos, etiam hi sancti benedict. q; pontifices dormiunt. In porticu ante basilicam S. Petri propè vetustissimum secretarium, quod nunc S. Maria de Febre dicitur, sepulta fuerunt corpora SS. Romanorū pōtificum, Leonis, Simplicij, Gelasij, Anastasij II. Symmachi, Hormisdæ, Ioannis I. II. & III. Felicis III. Bonifacij II & III. Agapeti, Pelagiorum I. & II. S. Gregorij, & Sabiniani. Anastasius Bibliothecarius, & Ioānes diaconus lib. 4. de vita S. Gregorij Papæ.

In secretario quod nunc dicitur S. Maria de Febre ante basilicam S. Petri Apostoli, quiescit Benedictus Papa.

In basilica S. Petri Apostoli dormiunt sancti Romani pontifices, Vigilius, Bonifacij III. V. VI. VIII. & IX, Deus dedit, Honorij I. &

& III. Seuerinus, Ioannes III. V. VI. VII. VIII. IX. XIII. XV. XVI. & XIX. Theodori I. & II. Eugenij I. II. III. & IIII. Vitaban⁹, Adeodatus, Domni siue Domniones I. & II. Agatho, Leones II. III. IIII. VI. VII. VIII. IX. Benedicti II. III. IIII. VI. VIII. IX. Cuno, Sergij I. & II. Sifinius, Constantinus, Gregorij II. III. IIII. V. & IX. Zacharias, Stephani II. III. IIII. V. VI. VII. VIII. IX. Pauli I. II. & III. Hadriani I. II. III. & IIII. Paschalis, Valentinus, Nicolai I. II. III. & V. Marini I. & II. Formos⁹, Romanus, Christophorus, Anastasius II. Laudones I. & II. Urbani II. & VI. Celestinus III. Innocentij VII. & VIII. Callistus II. Pij I. II. III. & IIII. Xystus III. Alexander VI. Iulij. II. & III. & Marcellus I I.

Hæc basilica numerosissimum habet clerum, archipresbyterum cardinalem, eiusdem vicarium, xxx. canonicos, xxxvj. beneficiatos, xxvj. clericos: item capellanos, cantores, clericos, & camillos multos, præter hæc pœnitentiarios ex omni idiomate, qui etiam ecclesię deseruiunt, & aduenientium hominum peccata audiunt. Præter dimidiata corpora SS. Apostolorum Petri & Pauli quæ sub altari maiore iacent, multæ quoque & maximè venerabiles reliquiæ extant in eadem basilica. Quarum breuem indicẽ ex eiusdem monumentis afferam.

Cruz donata à Constantino Imperatore S. Siluestro papæ, in qua intus inclusa est alia

parua crux aurea cū portione ligni sancti sū-
 mæ dominicæ crucis. Sudarium D. N. Iesu
 Christi, quod Veronicæ dicitur, in proprio
 Ciborio supra eius altare. Lancea qua eius
 latus fuit perforatum, in Ciborio S. Andreæ.
 Corpora SS. Apostolorum Simonis & Iudæ,
 in muro naus maioris supra altare sacramē-
 ti. Corpus S. Petronillæ filiæ Apostoli Petri
 sub eius altari, sub organo. Corpora sancto-
 rum decem primorum pontificum Roma-
 norum, Lini, Cleti, Anacleti, Euaristi, Xysti,
 Telesphori, Hygini, Pij, Eleutheri, Victoris.
 Corpora sanctorum Fabiani & Xysti II. Pon-
 tificum & martyrum. Corpora sanctorum
 Sebastiani, Gregorij, Tiburtij martyrum.
 Corpora sanctorum Processi, & Martiniani
 martyrum. Corpus sancti Gabinij marty-
 ris. Corpus sancti Ioannis Chrysostomi epi-
 scopi Constantinopolitani & confessoris, in
 sacrario. Corpus sancti Gregorij papæ & do-
 ctoris, sub eius altari. Corpus S. Petri diaco-
 ni S. R. E. sub sancto Gregorio papa, quo cū
 ipse sanctus dialogorum libros edidit. Ca-
 put S. Andreæ Apostoli, in operculo eiusdē
 altaris. Capita sancti Lucæ euangelistæ, san-
 cti Sebastiani martyris, sancti Iacobi inter-
 cisi, sancti Magni Confessoris, in sacrario.
 Brachium sancti Andreæ Apostoli. Spatu-
 la sancti Stephani protomartyris. Brachi-
 um sancti Ioseph decurionis Arimathiz.
 Brachium sancti Longini martyris. Guttur
 S. Bla-

S. Blasij episcopi & martyris. Reliquiæ SS. Clementis, Euaristi, Zephyrini, Fabiani, Lucij, Dionysij, Caij, Siluestri, Damasi. & Gregorij Romanorum pontificum. Reliquiæ sanctorum Cypriani, & Ianuarij episcoporum, Pygmenij presbyteri, & Nemelij diaconi martyrum, Chrysanthi, Trasonis, Quirini, Militij, Trophimi, Calocerij, Thrasitij, Hippolyti, Cyriaci, Largi, Smaragdi, Achelei, Pamphili, Pauli, Proiecti, Seleuci, Optati, Polychronij, Geminiani, Leonis, Philippi, Innocentij, Thebei, Churad militis, Bonifacij. & Theodori martyrum, & Habudij monachi & confessoris. Reliquiæ sanctarum Mariæ Magdalensæ, Catharinæ, Dariæ, Hilaris, Artemiæ, Sophiæ, Piftis, Helpis, Agapæ, Triphonis, Cyrillæ, Coronæ, Agnetis virginum & martyrum Cathedra sancti Petri Apostoli. Forcipes ferreæ, quibus sancti martyres cruciabantur, visu & veneratione dignissimæ. His de basilica Vaticana enarratis, superest vt de Indulgentia breuissimè dicamus. Quam perennem esse scribit D. Thomas egregia & sancta Catholica fidei doctrina illustris, in Cōmentarijs in IIII. sententiarum distinct. xx. Et Nicolaus III. papa in bulla sua de Indulgentijs basilicæ Vaticanæ scribens, ait: Hanc itaque sacrosanctam basilicam nonnulli prædecessores nostri Romani pontifices cupientes

à Christifidelibus eo libentiùs & deuotiùs
 visitari, quo fideles Christi per hoc potiori
 dono gratiæ se resectos sentirent, salubri-
 ter prouiderunt, quòd eandem basilicam
 venerabiliter visitantes, amplam suorum
 assequerentur veniam peccatorum. Nam
 sicut ad nos tam ex scriptis antiquis in basi-
 lica ipsa repertis, quàm ex seniorum Cano-
 nicorum eiusdem basilicæ relatione perue-
 nit, prædicti prædecessores omnibus verè
 pœnitentibus & confessis ad præfatam ec-
 clesiam accedentibus reuerenter, videlicet
 in Natiuitatis Domini, Epiphaniæ, Cathedræ
 ipsius S. Petri, Annunciationis B. Mariæ Vir-
 ginis, Ascensionis Domini, & eiusdem sancti
 Petri ac B. Pauli Apostoli, & Dedicationis præ-
 dictæ, ac ipsius sancti Pauli Basilicarum fe-
 stiuitatibus, ac per octo dies eiusdem festi-
 uitatis Epiphaniæ, & ipsorum Apostolorum
 & Dedicationum basilicarum earundem
 immediatè sequentes, & quolibet die ab ip-
 sa festiuitate dictæ Ascensionis vsq; ad octa-
 uas festi Pentecostes, nec non in die Domi-
 nica, qua cantatur Gaudete, & in Quinqua-
 gesima, ac de Passione diebus Dominicis, &
 Anniuersarijs consecrationis maioris alta-
 ris dictæ basilicæ, & Cœnæ Domini & Para-
 sceue ac Letaniarum maiorum diebus, ac et-
 iam die lunæ post Pascha septem annorum
 & septem quadragenarum, & ab octauis
 Pentecostes hinc ad festum ipsius B. Petri, &
 ab

ab octauis eiusdem festi B. Petri vsq; ad Kalendaras Augusti die quolibet trium annorū & trium quadragenarum. Visitantibus autem ipsam à principio Quadragesimæ vsque ad festum Paschæ quolibet die, & in ipso festo, nec non & in festiuitatibus Natiuitatis, Purificationis, & Assumptionis prædictæ Beatæ Mariæ Virginis, Dedicationis, & Apparitionis S. Michaëlis Archangeli, sanctorum Andreæ, Thomæ, Ioannis Euangelistæ, Conuersionis prædicti S. Pauli, ac Matthiæ, Iacobi, Bartholomæi, Matthæi, Lucæ, Simonis & Iudæ, Nicolai, Luciæ, Stephanini, Siluestri, octauæ Natiuitatis Dñi, S. Gregorij, S. Lōgini, Inuētiōis, & exaltatiōis S. Crucis, S. Petronillæ, SS. Ioannis & Pauli, S. Leonis, SS. Procesii & Martiani, S. Alexij, S. Mariæ Magdalenæ, S. Laurentij, S. Egidij, Omnium Sanctorum, Dedicationis basilicæ Saluatoris, consecrationis altaris S. Mariæ de Cancellis in ipsa ecclesia constructi, quæ 8. Idus Octobris occurrit, nec non omnibus diebus Quatuor temporum, vnius anni & quadraginta dierum, & reliquis singulis anni diebus quadraginta dierum remissiones suorum peccaminum concesserunt. Nos igitur, qui præfatæ basilicæ honoris ac decoris augmentum, præcipuè ob reuerentiam prædicti B. Petri Apostoli principis, cuius nos (licet immeritos) diuina dispositio esse voluit successores, totis desiderijs affectamus

præfatas remissiones à prædictis prædecessoribus sic concessas, ratas & gratas habemus, illas authoritate apostolica approbamus: vt Christi fideles ad ipsam basilicā venientes reddantur de acquirendis talibus remissionibus certiores, omnibus verè poenitentibus & confessis, in singulis festiuitatibus atq; diebus prædictis, quibus basilicam ipsam dicti principis apostolorum personaliter visitabunt, de omnipotentis Dei misericordia, & eorundem Petri & Pauli apostolorum auctoritate consili, de nouo remissiones huiusmodi misericorditer elargimur.

Quas indulgentias qui secuti sunt pontifices, Bonifacius VIII. Clemens VI. Urbanus VI. Nicolaus V. & alij Papæ confirmarunt & auxerunt.

Stationes verò, quæ in basilica sancti Petri erant, quibusque maximæ hæ indulgentiæ consequuntur, numero xx. duplices erant: aut diurnæ & nocturnæ simul, id est, quibus Romanus pontifex præter missam, matutinis quoque vigilijs intererat, aut diurnæ tantum. Prioris generis hæ vij. fuerunt. Dominica iij. aduentus Domini, quæ dicitur de Gaudete, Epiphania Domini, Ascensio Domini, Pentecostes, Festiuitas sancti Petri, & octaua eius, Festiuitas sanctæ Andree. Diurnæ verò stationes erant xiiij in omnibus sabbatis Quatuor temporum,

in

in die Natalis Domini ad missam maiorem vetustissima statio, ob diei angustiam ad sanctam Mariam Maiorem translata, Dominica de quinquagesima, Dominica de passione, Feria ij. post Pascha, Dominica iiij. post Pascha, quæ dicitur: Ego sum pastor bonus. Die sancti Marci in Litanij maioribus, Feria iiij. Litaniarum triduanarum. In Dedicatione Ecclesiarum sanctorum Apostolorum Petri & Pauli, in Cathedra sancti Petri. Singulis sextis feriis mensis Martij, magnæ in hac basilica sunt remissiones peccatorum. Præter has stationes, vigesimo quinto quoque anno, annus celebris Iubilæi, id est, plenariæ omnium peccatorum remissionis deuotio celebratur. Porta sancta per Pontificem maximum reſerata. Atque hætenus de basilica sancti Petri dictum sit.

Qui septem Ecclesias visitant, id pietatis & deuotionis studio, indulgentiarum consequendarum causa, in peccatorum suorum remissiones eos facere conuenientissimum est. Quæ ut fideles facilius consequi possint, breuē hanc precationum formulā, cuncta ex Ecclesiæ sanctæ monumentis excipientes, constituimus: quam pro arbitrio pii homines augere vel diminuere, ut eorum deuotio eos incitabit, poterunt. Fidelis igitur Christianus ubi ea quæ diximus de basilica sancti Petri attente vel domi, vel in eadem Eccle-

Ecclesia meditatus fuerit, septem Ecclesiarum visitationem inchoaturus, eam commodissimè à basilica S. Petri faciet, quæ septem altaria privilegijs multis ornata, quæ saluari solent, continet. Quam ingressus signo crucis in fronte facto, & aqua benedicta aspersus (quod in omnium ecclesiarum & oratoriorum ingressu fieri solet) sacratissimum Eucharistiæ sacramentum primo venerabundus adibit, ubi genuflexus, post dictum semel Pater noster, & Ave Maria (quæ preces in omnium altarium veneratione dici debent) ante omnia primum Psalmum pœnitentialem, & si placuerit, sequentes preces deuotissimè recitabit.

Antiphona. Ne reminiscaris Domine delicta mea. Psalmus primus. Domine ne in furore tuo arguas me, neque in ira tua corripas me. Miserere mei Domine, quoniam infirmus sum: sana me Domine, quoniam conturbata sunt ossa mea. Et anima mea turbata est valdè: sed tu Domine usquequo? Conuertere Domine, & eripe animam meam: saluū me fac propter misericordiam tuam. Quoniam non est in morte, qui memor sit tui: in inferno autem quis confitebitur tibi? Laboravi in gemitu meo, lauabo per singulas noctes lectum meum: lachrymis meis stratum meum rigabo. Turbatus est à furore oculus meus: inueteraui inter omnes inimicos meos. Discedite à me omnes

omnes qui operamini iniquitatem, quoniam exaudiuit Dominus vocem fletus mei. Exaudiuit Dominus deprecationem meam: Dominus orationem meam suscepit. Erubescant, & conturbentur vehementer omnes inimici mei: conuertantur, & erubescant valdè velociter. Gloria.

Oratio contra Iram. Suscipe sancte pater omnipotens, per vnigenitum filium tuum & Dominum nostrum Iesum Christum, & Spiritum sanctum paracletum coeternum tibi & coæqualem, hanc orationem psalmodiarum & orationum, quam ego indignus peccator ad laudem, & gloriam tui sanctissimi nominis, ac in honore beatissimæ Virginis Mariæ, & omnium sanctorum Angelorum, Patriarcharum, Prophetarum, Apostolorum, Martyrum, Confessorum, Virginum, & omnium electorum tuorum, pro omnibus peccatis, negligentijs, & sceleribus meis decantare cupio, vt per tuam magnam misericordiam, & intercessionem omnium sanctorum tuorum, quicquid per totum vitæ meæ spacium contra maiestatis tuæ pietatem deliqui, pie delere & misericorditer abstergere, atq; obliuioni perpetuò tradere digneris, mihi veram confessionem, ac veram poenitentiam, emendationem simul & vberum fontem lachrymarum concedere dignare, vt ea voluntaria castigatione in hac vita delere te donante valeam, quatenus post

post hanc vitam cum ante conspectum diuinæ maiestatis tuæ præsentatus fuero, te sine confusione, & absq; opprobrio inimicorum meorum videre, & ante te lætus & securus venire merear. Qui viuis & regnas cum Deo patre in vnitæte Spiritus sancti Deus, per omnia sæcula sæculorum, Amen.

Antiphona. O sacrum conuiuium in quo Christus sumitur, recolitur memoria passionis eius, mens impletur gratia, & futuræ gloriæ nobis pignus datur. *V.* Panem cœli dedit nobis Dominus. *R.* Panem angelorum manducauit homo. Oratio. Deus qui nobis sub sacramento mirabili passionis tuæ memoriam reliquisti, tribue quæsimus, ita nos corporis & sanguinis tui sacramenta venerari, vt redemptionis tuæ fructum in nobis iugiter sentiamus. Qui viuis & regnas cum Deo patre in vnitæte Spiritus sancti, Deus, per omnia sæcula sæculorum, Amen.

Ad altare Vultus sancti, Pater noster. Aue|Maria. Antiphona. Christus Iesus, splendor patris & figura substantiæ eius, portans omnia verbo virtutis suæ, purgationem peccatorum faciens, gloriosi vultus sui vestigia nobis relinquere dignatus est. *V.* Signatum est super nos lumen vultus tui Domine. *R.* Dedisti lætitiā in corde nostro. Oratio. Deus qui nobis famulis tuis lumine vultus tui signatis ad instantiam Veronicæ imaginem tuam sudario impressam relin-

que-

quere voluisti, per passionem & crucem tuam tribuè quæsumus, vt ita nunc per speculum in terris in ænigmate venerari & adorare te ipsum valeamus, vt tunc facie ad faciem super nos iudicem securi videamus te
C H R I S T V M Dominum nostrum, Amen.

Ad altare Beatæ Mariæ Virginis Innocentij VIII. Pater noster. Ave Maria. Antiphona. Salve sancta parens, enixa puerpera regem, qui cælum terramq; regit in sæcula sæculorum. V. Virgo Dei genetrix, quem totus non capit orbis. R. In tua se clausit viscera factus homo. Oratio. Concede nos famulos tuos quæsumus Domine Deus per petua mentis & corporis sanitate gaudere, & gloriosa B. Mariæ semper virginis intercessione à præsentis liberari tristitia, & æterna perfrui lætitia. Per Christum Dominum nostrum. Amen.

Ad altare maius sanctorum Apostolorum. Pater noster. Ave Maria. Antiphona. Gloriosi principes terræ quomodo in vita sua dilexerunt se, ita & in morte non sunt separati. V. Constitues eos principes super omnem terram. R. Memores erunt nominis tui Domine. Oratio. Deus, cuius dextera beatum Petrum Apostolorum principem, ambulanti in fluctibus ne mergeretur erexit, & eius coapostolum Paulū tertio naufragantē de profundo pelagi liberauit,
exau-

exaudi nos propitius, & concede, vt amborum meritis æternitatis gloriam consequamur. Qui viuis & regnas, &c.

Ad altare sanctorum Andreæ & Gregorij. Antiphona. Andreas Christi famulus, dignus Dei Apostolus, germanus Petri, & in passione socius, ad crucem sibi paratam dixit: Salve crux pretiosa, suscipe discipulū eius qui pependit in te magister meus Christus. *V.* Annunciauerunt opera Dei. *R.* Et facta eius intellexerunt. Oratio. Maiestatem tuam Domine suppliciter exoramus, vt sicut Ecclesiæ tuæ beatus Andreas Apostolus extitit prædicator & rector, ita apud te sit pro nobis perpetuus intercessor. Per Dominum. Antiphona pro sancto Gregorio. Dum esset summus pontifex, terrena non metuit, sed ad cœlestia regna gloriosus migravit. *V.* Elegit eum Dominus sacerdotem sibi. *R.* Ad sacrificandum ei hostiam laudis. Oratio. Deus qui animæ famuli tui S. Gregorij papæ æternæ beatitudinis præmia contulisti, concede propitius, vt qui peccatorum nostrorum pōdere premimur, eius apud te precibus subleuemur. Per Dominum nost.

Ad altare reliquiarum sacristiæ. Pater noster. Ave Maria. Antiphona. Sancti Dei omnes hic & vbique in Christo quiescentes, intercedere dignemini pro nostra omnium salute. *V.* Lætamini in Domino & exultate iusti.

iusti. *R.* Et gloriamini omnes recti corde. Oratio. Exaudi nos Deus salutaris noster, & apostolorum tuorum Simonis & Iudæ hoc loco in Christo dormientium, & aliorum apostolorum nos tuere præsidijs, quorum donasti fideles esse doctrinis. Omnes sancti tui, quæsumus Domine, qui hoc in sacro loco requiescunt, nos ubiq; adiuuent, vt dum eorum merita recolimus, patrocinia sentiamus: pacem tuam nostris concede temporibus: ab Ecclesia tua cunctam repelle nequitiam: eam de manu hostium suorum subla- tis hæresibus libera: Turcarum tui sancti no- minis inimicorum superbiam reprime: i- ter, actus, & voluntates nostras, & omnium famulorum tuorum in salutis tuæ prosperi- tate dispone: benefactoribus nostris sempi- terna bona retribue: & omnibus fidelibus defunctis requiem æternam concede. Per Dominum nost.

Ad altare mortuorum. Pater noster. Ave Maria. Antiphona. Ego sum resurrectio & vita: qui credit in me, etiam si mortuus fue- rit, viuet: & omnis qui viuit & credit in me, non morietur in æternum. *V.* Requiem æ- ternam dona eis Domine. *R.* Et lux per- petua luceat eis. Oratio. Fidelium Deus omnium conditor & redemptor animabus famulorum famularumq; tuarum remissio- nem cunctorum tribue peccatorum, vt in- dulgentiam quam semper optauerunt pijs

supplicationibus consequantur. Per Christum Dominum nostrum.

Ad altaria Crucifixi, & S. Catherinæ Bonifacij VIII. quæ reliqua ex septem sunt. Paternoster. Ave Maria.

*De Ecclesia Sanctæ Mariæ trans
Tiberim.*

SI commodum erit, in via qua à S. Petro ad basilicam sancti Pauli iter est, media trans Tiberim regione, deuotissimam & antiquissimam ecclesiam S. Mariæ trans Tiberim, pium Christianum visitare non pigeat. De qua pauca quædam memoratu digna quæ collegimus, breui speriamus. Paulus Orosius homo Hispanus, presbyter honore insignis, diui Augustini discipulus, grauissimus historiarum auctor, libro 6. cap. 18. de Imperio Augusti loquens ait: His diebus trans Tiberim è taberna meritoria fons olei terra exundauit, ac per totum diem largissimo riuo fluxit. Et infra cap. 20. Augusti Cæsaris temporibus, fons olei largissimus de taberna meritoria per totum diem fluxit. Quo signo quid euidentius, quàm in diebus Cæsaris toto orbe regnantis futura Christi natiuitas declarata est? Christus enim lingua Gæcis eius, in qua, & ex qua natus est, vnctus interpretatur. Itaque cum eo tempore, quo Cæsari perpetua

tua tribunitia potestas decreta est, Romæ
 fons olei per totum diem defluxit: sub prin-
 cipatu Romani Imperij, per totum diem,
 hoc est, per omne Romani tempus Imperij,
 Christum & ex eo Christianos, id est, vñctū
 atq; ex eo vñctos, de meritoria taberna, hoc
 est, de hospita largaq; Ecclesia affluenter
 atq; incessabiliter processuros, restituēdos-
 quē per Cæsarem omnes seruos, qui tamen
 cognoscerent dominum suum, cæterosq;
 qui sine dominio inuenirentur, morti sup-
 plicioq; dedendos, remittendaq; sub Cæsa-
 re debita peccatorum in ea Vrbe, in qua
 spontaneum fluxisset oleum, euidentissima
 his qui prophetarum voces non audiebant,
 signa in cœlo, & in terra prodigia prodide-
 runt. Eandem rem Paulus Diaconus non
 contemnendus auctor, his verbis confir-
 mat: Augusti Cæsaris diebus trans Tibe-
 rim de taberna meritoria fons olei ex terra
 exundauit, ac per totum diem largissimo
 riuo fluxit, significans ex gentibus gratiam
 Christi. Tunc etiam circulus ad speciem
 cœlestis arcus circa solem apparuit. Igitur
 quū quadragesimo secūdo anno imperij fir-
 missimā verissimamq; pacē Dei ordinatio-
 ne Cæsar composuit, CHRISTVS Do-
 minus in Bethlehem natus est, cuius ad-
 uentui pax ista famulata est. In cuius or-
 tu audientibus hominibus exultantes an-
 geli cecinere, Gloria in excelsis DEO, &

in terra pax hominibus bonæ voluntatis. Ita ille. Hic locus fontis olei trans Tiberim ex maiorum relatione à Christianis priscis notatus, venerationis ob rei memoriam haberi cœptus est. In quo (vt tradit Damasus papa) Callistus xvij. post apostolum Petrum pontifex Romanus circiter annum Christi ccxx. oratorium condidit, & in honorem beatæ Mariæ Virginis dedicans, titulum Romanum, id est parocciam constituit. Quod longo tempore ab eo, titulus Callisti vocatus est. Pace Christianis sublati persecutiōibus à Constantino Imperatore cōcessa S. Iulius papa circiter annum Christi cccxi. illud à fundamentis refecit, & in eam quam cernimus amplitudinem multis columnis nobile amplificauit. Hinc titulus sanctorū Callisti & Iulij, aliquando S. Iulij tantum dictus est. Hanc basilicā ruinæ proximam, tecto restituto, nouis fabricis reparauit Gregorius iij. papa, totā picturis ornauit, eius ministerio calicem & patenā argenteam, & sacras vestes largitus est. Gregorius iij. papa monachos ibidem constituit, cuius monasterij (quod beato Cornelio papæ dedicauit) diu vestigia super fuerunt. Idem pontifex oratorium Præsepis in eadē basilica fecit, illi simile, qđ in ecclesia sanctæ Mariæ Maioris est, quod laminis aureis & argēteis decorauit. Nicolaus papa in hoc titulo obtulit Amam vnam librarum xi, Gabatas quattuor, singulas

gulas librarum ix. & semis. Canistra nouem singula librarum x. Euāgeliorum codicem, laminis argenteis auro perfusis coopertum librarum xv. coronam, canistrum, arcū cū duobus hammadijs librarum xl. Callistus 2. papa præter duas antiquas quæ in ea pri- scis temporibus erant stationes, videlicet feria v. post 4. Dominicam quadragesimæ, & primam Dominica post festum S. Callisti: tertiam Kal. Ianuarij stationem in ea celebrari primus constituit, cuius rei eiusdem extat bulla. in qua hæ ecclesiæ numerantur quæ eius iurisdictioni subditæ erant, S. Callisti, sanctorum xl. martyrum, S. Ioannis ante portam, S. Siluestri iuxta portam septimianam, S. Blasij, S. Laurentij, S. Angeli, sanctarum Rufinæ, & secundæ, S. Ioannis de Mica aurea.

Papa Innocentius 2. Romanus, ex nobili regionis Transtiberinæ genere ortus, schismate Anacleti ij. quo nouem annis laborauit, sublato, ipsam ecclesiam pene à fundamentis restituit pauimentum opere vermiculato strauit, tectum refecit, columnas aliquot absidam versus adiunxit. Absidam ipsam signis musiuicis Christi, B. Virginis, sanctorum pontificum Petri apostoli, Callisti, Cornelij, Iulij, Callipodij presbiteri, Laurentij archidiaconi, & suo condecorauit, qui etiam sub ara maxima marmoreo operculo ornata posuit corpora sanctorum pontificum

Callisti & Cornelij martyrum, & Iulij confessoris, ac Calepodij presbyteri, & Quirini Episcopi martyrum, ex cœmeterio Callisti, & Catacumbis translata, & additis indulgentijs altare maius prope fontem olei excitatum, solenni ritu consecrauit. Innocentius III. papa auctore Guidone episcopo Cardinale Prænestino, qui antea titularis huius basilicæ Cardinalis fuerat, eandem ecclesiã dedicauit, multis donis ornauit, magnas ei indulgentias largitus est. Sepulti sunt in ea aliquot Cardinales, viri egregij. Propinquum eius palatium ruinosum, nostro tempore qui illum incolit, reparauit Ioannes Cardinales Moronus episcopus Portuensis, olim eius basilicæ presbyter Cardinalis. Habet ea ecclesia presbyterum, Cardinalem titularem, archipresbyterum, canonicos x. & capellanos ac ministros aliquot, qui diuina in ea officia assidue celebrant.

Precandi formula ante altare maius.

Ante altare maius. Pater noster. Ave Maria. Antiphona. O admirabile comertium creator generis humani, animatum corpus sumens de virgine nasci dignatus est, & procedens homo sine semine, largitus est nobis suam deitatem. V. Ora pro nobis sancta virgo virginum. R. Vt digni efficiamur promissionibus Christi. Oremus. Oratio. Deus, qui salutis æternæ beatæ Mariæ virginitate fœcunda humano generi præmia

mia præstitisti, tribue quæsimus, vt ipsam pro nobis intercedere sentiamus, p quâ meruimus auctorem vitæ suscipere dominum nostrum Iesum Christum filium tuum, qui tecum viuit & regnat in vnitæte spiritus sancti Deus, per omniâ secula seculorû, Amen.

*De y basilica Sancti Pauli Apostoli
via Ostiensi.*

SOcrates Scholasticus, antiquus historix Ecclesiasticæ auctor libro 1. cap. 3. de B. Constantino ita scribit: At Constantius quæ Christi sunt sapiens, cuncta agebat vt Christianus, Ecclesias erigebat, ac pretiosissimis donis ornabat: Gentilium templa clausa, statuis, quæ in illis erant, publicatis, repurgabat. Hæc à Socrate verè dicta fuisse, testimonio sunt tot Romæ magnifica templa, quæ ex maiorum scriptis à Constantino ædificata fuisse traduntur. Nam eodé tempore, quo basilicam sancti Petri & Lateranensem construebat, circiter annum Christi CCCXVIII. templum quoque sancti Pauli Apostoli ædificari iussit, vt in Beati Siluestri vita refert Damasus papa, copotissimum loco, in quo ipse Apostolus decollatus, CCC. penè annis iacuerat, secundo ab vrbe lapide via Ostiensi, in prædio quod Lucina nobilis Romana matrona, Christianæ pietatis ardentissima cultrix, multis annis antea Romanæ ecclesiæ ob

tulerat. Quod pius Imperator centum nobilissimis marmoreis columnis refertum, multis aureis argenteisque ornamentis, & amplissimis redditibus auxit. De hoc Templo Prudentius antiquus poëta Christianus, in Peristerhano in passione Apostolorum.

*Parte alia titulum Pauli via seruat Ostiensis,
Qua stringit annis cespitem sinistrum.*

*Regia pompa loci est princeps bonus has sacra-
uit arces.*

Clusitque magnis ambitum talentis.

*Bracteolas trabibus subleuit, ut omnis aurum
lenta*

Lux esset intus ceu iubar sub ortu.

Subdidit & parias fuluis laquearibus colūnas,

Distinguit illic quas quaternus ordo.

*Tum camyros hyalo insigni varie cucurrit ar-
cus,*

Sic prata vernis floribus renident.

In hac basilica sanctus Silvester pontifex dimidiata corpora sanctorum Apostolorum Petri & Pauli sub maiori altari, aureo loculo pretiosissimo, ut beato Petro fecerat, recondidit. Quas utrasque Basilicas perfectas, eadem die xiiij. Kalendas Decembris, finitimorum Episcoporum cœtu conuocato, Imperatore, Clero, Senatu, fidelique populo Romano astante, solenni ritu, & cōprecatione, in honorē Dei viui & veri, Iesu Christi filij eius Dei æterni, B. Mariæ matris eius, sanctorum Apostolorum Petri & Pauli dedicauit.

Quo

Quo die perpetuus temporibus Indulgentias concessisse ijs, qui easdem Basilicas oraturi adirent, eundem sanctum Pontificem, auctor est in Historia sacra ante ~~cccc.~~ annos scripta, Petrus Mallius. De sepulchris Apostolorum, & præsertim sancti Pauli. D. Ioannes Chrysostomus in oratione quod Christus est Deus, ita scribit: Romæ, quæ inter alias vrbes maximè regia est, omnibus post habitis ad sepulchra piscatoris, & pellionis siue coriarij currunt reges. Et in caput xvj. commentariorum epistolæ ad Romanos: Ego & Romam propterea diligo, tametsi & aliundè queam illam laudare, nempe à magnificentia, ab antiquitate, à pulchritudine, à multitudine, à potentatu, à diuitijs, & à rebus in bello fortiter gestis: sed relictis istis omnibus, ob id illam beatam deprædico, quòd erga illos Paulus dum viueret, ad eò fuit beneuolus, ad eò illos amauit, vt coram ijs disseruerit, & postremò vitam apud eos finierit. Vnde & Cinitas ista hinc facta est insignis plusquam reliquæ omnes: & quemadmodum corpus magnum ac validum, duos habet oculos illustres, sanctorum videlicet illorum corpora. Non ita cælum splendescit, quando radios suos sol ex sese demittit, quemadmodum Romanorum Vrbs duas illas lampades vbique terrarum effundens. Hinc rapietur Paulus, hinc Petrus. Considerate & horrete, quale spec-

ſpectaculum viſura ſit Roma, Paulum videlicet
 repentē ex theca illa cum Petro reſurgentē
 in occurſum Domini ſurſum ferri. Qualem
 roſam Chriſto mittet Roma? qualibus coro
 nis duab⁹ ornatur Vrbs iſta? qualib⁹ catenis
 aureis cincta eſt? quales habet fontes? Prope
 terea celeberrimam hanc Urbē nō propter copiā
 auri, nō propter columnas, neque propter
 aliam phantaſiam, ſed propter columnas il
 las Eccleſiæ. Quis mihi nunc dabit circum
 fundi corpori Pauli, affigi ſepulchro, videre
 puluerē corporis illius, quæ adhuc in Chri
 ſto decrant adimplentis, ſtigmata illius ge
 ſtantis, prædicationem euangelij ubiq³ ſe
 minātis? puluerē (inquā) oris illi⁹, per quod
 Chriſtus locutus eſt per quod lux emicuit
 quouis fulgore clarior, & vox exilijs dæmo
 nibus, quouis tonitru terribilior, per quod
 beatum illud verbum locutus eſt, Optabam
 anathema eſſe pro fratribus meis: per qđ lo
 cutus eſt coram regibus, & non eſt cōfuſus:
 per quod Paulum didicimus, per quod Pau
 li dominum, &c.

De baſilicæ S. Pauli reparatione, extat
 hæc in antiquiſſimo regiſtro S. R. E. epiſtola
 ſ. digna, quæ hoc loco legatur. Valentinia
 nus, Theodoſius, & Arcadius Auguſti, Salu
 ſtius præfecto Urbis ſalutem. Deſideranti
 bus nobis contemplatione venerationis an
 tiquit⁹ iam ſacratae baſilicæ B. Pauli Apoſto
 li, eam pro ſanctimonia religionis, ornare,
 pro

pro quantitate conuentus amplificare, pro studio deuotionis attulere, gratum fuit tuæ sublimitatis officiū, qđad inspicienda vniuersa, vt res exigebat detulisti, & oēm sitū, locorumq; faciem, sermonis congrui diligentia nostræ serenitatis auribus intimasti. Instruētiōes enim nos iubere decuit, quæ iubenda sunt. Quare participato examine cum venerabili sacerdote Siricio Episcopo, intimatisq; omnibus & magnificentissimo ordini, & Christiano populo quæ iubemus, sublimitas tua rem diligentiore tractatu & plena rerum inspectione discutiat, ac si placuerit tam populo, quā senatui, iter vetus quod Basilicæ præterit dorsum, quodq; ripæ Tiberini annis adiacet innouari, ita vt præsens via spatio futuri operis applicetur, eatenus per architectos futuræ Basilicæ diriges formam, quatenus se planities extruētiōi amica pertulerit, ne vlla inæqualitas splendorem fabricæ amplificentioris sublimet, siquidem in omnium mœnium facie decor summus est, quem seruari oportere statim in fronte magnarum ædificationum demonstrat intentio. Iam illud ipsa res exigit, vt synopsis operis construendi fidei tendatur examine, sumptuumq; omnium iuxta pretia rerum quæ in sacratissima Vrbe sunt, prætaxatio plenius ordinetur.

Sanctus Leo papa (vt auctor est Bibliotheca-

thecarius) post ignem diuinum , basilicam sancti Pauli renouauit , & cameram in eadem cōdidit . Eiusdem absidam ruinæ proximam refecit Symmachus papa : cameram item & matroneam in ea fecit , post Confessionem pictura exornauit , aquam post absidam introduxit , & à fundamētis balineum extruxit . Sergius papa tigna & cubicula in circuitu ipsius basilicæ vetustate confecta reparauit , trabes de Calabria adduxit , quas ibidem reposuit : Leo III. , papa totum tectū ipsius basilicæ quod terræmotu prid. Kalē. Maij , indictionis ix. corruerat , cunctis trabibus restitutis refecit , quod hi versus supra portam maiorem intra Ecclesiam marmorea tabula incisi docent . Exultate pij lachrymis in gaudia versis

Exultate pī lachrymis in gaudia versis

Et protectori reddite vota Deo .

Cuius sic tenuit resolutum dextera tectum

In vacuum , ut caderet tanta ruina solum

Solus ut inuidiæ princeps tormenta subiret

Qui nullum ex ampla strage tulit spoliū

Nam potiora nitent reparati culmina templi

Et sumpsit vires firmior aula nouas

Dum Christi antistes cunctis Leo partibus ades

Consulit , & celerit tecta reformat ope

Doctorem & mundi Paulum plebs sancta beatum

Intrepide solitis excolat officijs

Laus ista Felix respicit te presbyter

Nec

*Necte leuities Adeodate præterit
 Quorum fidelis atque peruigil labor
 Decus omne tectis ut rediret institit.*

In còlumnâ maiore tràsuersalis Ecclesiæ ar-
 cus, hoc eiusdem Leonis III. papæ extat edi-
 ctum incisum,

*Leo episcopus seruus seruorum Dei, omnibus
 Christianis notitiam contestationis.*

Quicumque dona, vel oblationes sacrassimi altaris gloriosi Pauli Apostoli, totiutq; templi eius, ad vsum & vtilitatem hic Deo seruientium, tollere præsumpserit, aut qui rectorem per pecuniam, vel aliquod malū ingenium in hoc loco contra statuta patrū, nostrumq; præceptum ordinauerit, siue qui hæreditatem huius loci destruendo vèdere vel comparare ausus fuerit, omnipotentis Dei maledictionem in corpore suo, suisq; rebus habeat, quousque quod facere præsumpsit, euacuetur, infamis, sacrilegus ab omnibus habeatur, testimonium eius in nullo placito recipiatur, quicquid possederit ad rempublicam transferatur, & si non reliquerit, auctoritate cœlestium principū & in inferno damnetur.

fiat. fiat. fiat.

Hæc basilica omnium quæ Vrbe sunt, amplissima & capacissima est : longa pedes CDLXXVII. lata CCLVIII. octo & octuoginta maximis & nobilissimis quaterno ordine columnis sustentata: tota picturis antiquis

antiquitus facta, & ineptis sigillis exornata. Ante ipsam ecclesiam est quadriporticus satis ampla, quam cum ecclesia factam opinor cum prægrandibus columnis, Vaticanæ similis, sed amplior. Nunc penè tota diruta est hominum iniuria, magna tamè eiusdem vestigia supersunt, tabulis magnis marmoreis strata. Bibliothecarius auctor est, Symmachum papam, ante eiusdè basilicæ fores in atrio ipso cantharum, hoc est, vas aquariū, & gradus fecisse, ibidemq; pauperibus habitacula cōstruxisse. Idem refert Hadrianum papam, eandem quadriporticum collapsam restituisse, arcamq; ipsam in medio atrio bobus, equis, asinis cōpascuam, marmoreo pavimento strauisse. In quo atrio adhuc extat antiquo & eleganti marmoreo pilo sepulchrū Petri Leonis nobilissimi Romanorum, ante annos CDL. obiit. Ex quo Austriacæ felicissimæ gentis initia manasse ferūt. Antiquitus erat portic⁹, à porta Urbis vsq; ad hanc basilicā pertingēs, cuius adhuc vestigia & parietinæ supersunt: qua eam adeūtib⁹ cœli iniuriæ arcerentur, vêtus, sol, aqua grando. Eā Procopius li. bz. de bello Gothico, cōmemorat ita. Extat Sancti Pauli Apostoli templū Romanis, procul à mœnib⁹ stadijs xiiij. iuxta quod Tiberis fluit. Porticus eòdem ab Vrbe pertinens, & circa, alia multa ædificia erant. Patebat Gothis ad id sacrarium via. Per quōs omnibus constat, per
id

crarium via. Per quos omnibus constat, per id belli tempus, in neutra dedicata Apostolis æde quippiam editum, quod incolentibus vel molestius esset, vel quoquam pacto ingratum, sed sacratos ibidem viros liberè permisisse rem diuinam agere.

Hæc basilica Vaticanæ similis est, & longè tamen ea maior. Habet enim absidam, crucem transversam, qua cellæ absis coniungitur: & cellam ipsam in quinque porticus, quas naues vocant, inter columnijs & parietibus distinctam. In media cruce sub arcu Ecclesiæ maiore, est marmoreus chorus, & pontificia sedes à Leone III. facta. In cuius chori medio est ara maxima sanctorum Apostolorum Petri & Pauli, sub qua ipsorum sanctissima dimidiata corpora, & corpus sancti Anastasij requiescunt, operculo marmoreo cooperta. Sub altari maiori est oratorium deuotissimum, vbi sancta Brigida orare solebat, & in quo, modò missæ deuotissimè celebrari solent. Id sub Confessione Leo III. papa fecit, vt indicant hæc verba: Leo gratia Dei III. Episcopus, hoc ingressum sanctę plebi Dei miro decore ornavit.

A sinistra altaris maioris parte intra ipsum chorum, extat adhuc miræ deuotionis Crucifixus, ante quem Beata Brigida frequentissimas preces effundere solebat. Paulo extra chorum, ab eodem latere, vbi in pavimento

mento est pars quædam opere vermienlato & tessellato strata cum altari quodam sanctæ Lucinæ: extat eiusdem diuæ cœmeteriū sub terra effossum, ad quod antiquitus iter erat per oratorium S. Iuliani, nunc obserato aditu imperuium est, in quo iacent multa sanctorum martyrum corpora.

Absidæ maiori inhæret altare cum marmoreo pilo, in quo iacent corpora sanctorum quinque Innocentium martyrum. In eiusdem absidæ medio est alia marmorea ara in qua dormit corpus S. Timothei presbyteri S. R. E. & martyris, qui pauld ante S. Siluestrum pro Christo occubuit. In extrema parte absidæ versus altare maius in ipsis gradibus, est antiqui operis marmoreus pilus cum nouem musarum signis, proculdubid alicuius proceris Romani sepulchrum. Sub absidæ pauimento est Confessio siue paruum Sacellum, ad quod gradibus aliquot descenditur, in quo sub altari quiescunt ossa sanctorum Celsi, Iuliani, & Basilissæ martyrum.

In transuersa cruce sunt octo altaria. A leua quidem primum in medio pauimento tessellato S. Lucinæ. Secundum, S. Antouij ex septem. Tertium, Vrsinorum B. Virginis Annunciatæ ex septem. Quartum prope portam posticam, sacellum cum ara S. Martini cancellis oclusum, vbi collocata est sanctissima Eucharistia ex septem. Quintum S.

Bartholomæi, à Guilhelmo de Pererijis conditum, parastatæ medio hærens. A dextra sunt altaria: Sextum, Maximorum B. Virginis ex septem. Septimum S. Pauli ex septem. Octauum in medio parastatæ S. Stephani. In corpore ipsius ecclesiæ extra transfuersam crucem, sunt tantum quatuor altaria. Vnum prope maiorem portam, S. Pauli: alia tria parastatis annexa, vnum B. Virginis, vbi olim Eucharistia seruabatur, ex septem: aliud S. Urbani, cum insignibus regis Francorum, ex septem: tertium SS. Iustinæ, & Catherinæ.

Memoratu digna nec silentio prætereunda est ænea crux, ante octingentos annos à Stephano II. Papa facta, quæ altari maiori imposita hos versiculos directis & in versis characteribus continet. Ab vno latere.

Romanorum	Ab alio latere.	Imperat in sacula.
victoria.		Regnat in æternum.
Romanorum		Dei filius vincit.
arma.		Iubar regni Romanorum.
Romanorum		
salus.	Christus	
Romanorum		
fortitudo.		Stephanus iunior papa fecit.

Hanc basilicam antiquissimis temporibus, paulò scilicet postquam condita est, clericos tenuisse opinor. Neque enim tunc in Occidente, & præsertim Romæ monachi, qui sacras ædes incolerent, erant: sed & D. Gre-

Gregorius papa, in priuilegio quodam suo, non Abbatem, sed Præpositos S. Pauli vocat. Anastasius Bibliothecarius in vita Gregorij I I. Papæ tradit, eundem Pontificem monasteria quæ erant circa basilicam S. Pauli Apostoli, ad solitudinem deducta, reparasse, monachos ordinasse, & post longum tempus congregationem ipsorum ibidem restituisse, qui die noctuq; laudes diuinas in ea basilica canerent. Agapeti I I. tempore circa annum Christi DCCCCCL. antiquorum monachorum disciplina regulari iam dissoluta, Albericus quidam Octauius Romæ summo loco natus, actum in Vrbe princeps, Ioannis XII. Romani pontificis pater, antiquos monachos ex hoc monasterio eiecit, cōgregationemq; monachorum Cluniacensium tunc sanctitate florentem euocauit, cui nō solum hanc basilicam, sed & monasteria S. Laurentij, & S. Hagnetis extra muros concessit. In quibus diutissimè permanserunt, miriq; operis claustrum fabricarunt cum his versiculis:

Agmina sacra regit locus hic quem splendor honorat,

Hic studet atq; legit, monachorum cœtus & orat,

Claustales claudens claustrum de Claudio vocatur,

Quo Christo gaudens fratrum pia turma seruat

*Hoc opus exterius ... cunctis pollet, & in Vrbe
 Hic nitet interius monachalis regula turba
 Claustri per girum decus muro stat decoratum
 Materiam mirum præcellit materiatur
 Hoc opus arte sua quem Romæ Cardo beavit
 Natus Capua Petrus olim primitiauit
 Ardea quem genuit, quibus abbas vixit in an-
 nis*

Cætera disposuit bene prouida dextra Ioannis.

Hoc ex antiquissimo monasterij Farfensis libro intelleximus. Cæterum & horum monachorum disciplina corrupta, Martinus V. papa, auctore Gabriele Cōdelmerio Cardinale Senensi, qui postea Eugenius papa III. creatus, monastici nominis amantissimus fuit, hoc monasterium & ecclesiam nouæ monachorum Congregationi, quæ S. Iustinæ dicebatur, concessit, cuius etiam abbatem D. Ioannem Siculum, Eugenius III. Cardinalem creauit. Hi monachi, Casinates modò vocati, vetus monasterium mirum in modum auxerunt, & ornarunt, & sub Abbatis cura illud adhuc piè & sanctè incolunt, assidueq; diuinas laudes Domino canunt. Placet & hos loco subijcere redditus, & ornamenta, quæ Constantinus Augustus huic ecclesiæ abs se recens conditæ, dono dedit. Ornamenta quidem in omnibus eis similia fuere, quæ Diuo Petro donauit.

Anastasius Bibliothecarius passim multa
 do-

dona aurea, argentea, ænea, vt phara, canthara, cerostota, hydrias, scyphos, calices, hamas, imagines, arcus, cruces, vestes aureas, libros, & similia: item vela sericea, pallia, & vestes sacras commemorat, quæ Romani pontifices Cœlestinus, Hilarus, Symmachus, Hormisdas, Ioannes, Sergius, Ioannes VI. Gregorij II. & III. Zacharius, Hadrianus, Leones III. & IIII. Nicolaus, & Imperatores Valentinianus III. & Iustinus, basilicę S. Pauli varijs temporibus obtulerunt.

Redditus verò hi à Damaso papa referuntur. Tarfi Cilicię possessio Insulę Cardiarie præstans sol. 800. Tyro Phœnicię possessio Comitij præstans solidos 550. Possessio Formiusa præstans solidos 700. Possessio Timia præstans sol. 250. aromatum libram 1. cassiæ libram 1. olei Nardini libras 70. In Ægypto possessio Cyrreos præstans solidos 710. aromatum libras 70. storacis libras 30. stater libras 150. balsami libras 30. olei Nardini lib. 70. Possessio Basilicas præstans solidos 550. aromatum lib. 5. croci libras 60. balsami lib. 10. olei Nardini lib. 70. Summa solidorum aureorum est 4070. qui ad nostratis pecunię valorem reducti, sunt aurei 6105.

*Gregorius episcopus seruus seruorum Dei
Felici subdiacono rectori patri-
monij Appiæ.*

Licet omnia, quæ hæc Apost. habet Eccl.

B. Petri & Pauli, quorum honore, & beneficijs acquisita sunt, Deo sint auctore communia, esse tñ debet in administratione actionū diuerſitas personarum, vt in adſignatis cuique rebus cura adhiberi poſſit impenſior. Cum igitur eccleſia B. Pauli Apoſtoli, ſollicitudo nos debito cōmoneret, ne minus illic habere luminaria iſdem præco fidei cerneretur, qui totum mundum lumine ſuæ prædicationis impleuit, & valdè incongruū ac eſſe duriffimum videretur, vt illa ei ſpecialiter poſſeſſio non ſeruiret, in qua palmam ſumens martyrij capite eſt truncatus, vt viueret: vtile iudicauimus, eandem maſſam, quæ Aquas Saluas nūcupatur, cū omnib⁹ fundis ſuis. i. Cella vinaria, Antoniano, Villa portuſa, Biſurco, Priminiano, Caſſiano Silonis, Cornelij teſſellata, atq; Corneliano, cum omni iure inſtructo, inſtrumentoq; ſuo, & omnibus generaliter ad eam pertinentibus, eius cum Chriſti gratia luminaribus deputare: adiſciētes etiam eidem ceſſioni hortos duos poſitos inter Tiberim & Porticus ipſius Eccleſiæ, euntibus à porta ciuitatis parte dextera, quos diuidit fluuius Almon, inter ad fines horti monaſterij S. Stephani, qđ eſt ancillarum Dei, poſitum ad S. Paulum, & ad fines poſſeſſionis Piſiniani: ſimul & terras, quæ vocantur Foſſa latronis, poſitas ibidem iuxta eandem porticum euntibus ſimiliter à porta parte ſiniſtra, vbi nunc vineæ fa

et sunt, quæ terrulæ cohærent ab vno late-
 re possessioni Eugenitis quondam Scholasti-
 ci, & ab alia parte possessioni monasterij S.
 Aristi: quæ omnia quoniam Deo adiuuante
 per antedictæ ecclesiæ Præpositos, qui per
 tempora fuerint, subsequētia, à præsentī se-
 ptima indictione volumus ordinari, & quic-
 quid exinde accesserit, luminaribus eius im-
 pendi, atque ipsos exinde ponere rationes.
 Idcirco experientiæ tuæ præcipimus, vt su-
 prascriptam massam Aquas saluias cum præ-
 nominatis omnibus fundis suis, nec non
 hortos atque terrulas, quæ superius conti-
 nentur, de breuib. suis delere debeat ac
 auferre, & cuncta ad nomen prædictæ Eccle-
 siæ B. Pauli Apostoli tradere, quatenus ser-
 uientes ibi præpositi, omni posthac carentes
 excusatione, de luminaribus eius ita sine no-
 stra studeant sollicitudine cogitare, vt nullus
 illic vnquam neglectus possit existere, facta
 verò suprascriptarum omnium rerum tra-
 ditione, volumus, vt hoc præceptum in scri-
 nio Ecclesiæ nostræ experientia tua resti-
 tuat. Bene vale. Datum VIII. Kalend. Fe-
 bruarias. Imp. DN. N. PHOCA Pio Aug.
 anno secundo, & consulatus eius anno pri-
 mo Ind. VII.

In hac Ecclesia requiescunt Romani pon-
 tifices, Felix II. dictus III. & Ioannes XIII.
 cuius etiam adhuc epitaphium superest:

item Cardinales aliquot, & viri egregij multi, vt ex ipsorum inscriptionibus liquet.

In sacratio huius templi, quod est infra monasterium. huiusmodi sanctorum reliquiae deuotissimè conseruantur. De ligno sanctæ & viuificæ Crucis in cruce argentea. Brachium cum pollice S. Annæ, matris B. Virginis Mariæ, inclusum brachio argenteo. Pars capitis S. Stephani protomartyris, inclusa tabernaculo argenteo. Pars capitis S. Ananiæ discipuli, qui B. Paulū Apostolum Baptizauit. Brachia sanctorum Iacoborum apostolorum maioris & minoris. Brachium S. Nicolai episcopi. Brachium S. Alexij confessoris. Spatula S. Dionysij. Catena, qua S. Paulus Apostolus cinctus fuit. Baculi frustum cum quo orbem terrarum peragrauit. Vestimenta B. virginis Mariæ. Tabernaculum æneum cum reliquijs sanctorum Innocentium, Matthiæ Apostoli, Sebastiani, Felicis papæ, Sergij & Bacchi, Chrysanti & Daria, Barbaræ, & Nymphæ, & frustum crucis S. Andreæ Apostoli. Capsula cum reliquijs sanctorum Euentij presbyteri & martyris. Stephani papæ, Sebastiani, Nicolai episcopi, Quirini episcopi, Primi & Feliciani, Pancratij, Cecilie, Sophie, & aliorum. Alia capsula cum reliquijs sanctorum Marcelli papæ, Nerei, Achillei, Dariae martyrum. Item reliquiae sanctorum Andreæ, Bartholomæi, Matthiæ Apostolorum, Lucæ euangelistæ,
Xysti

Xyſti Papæ, Dionyſij, Laurentij, Sebaſtiani, Blaſij Epifcopi, Gordiani, Benediſti, Gregorij papæ, Vincentij, Hermetis, Cœleſtini, Lucia, Hilariæ virginis, & aliorum.

Maximæ & perpetuæ in hac baſilica ſunt Indulgentiæ, & peccatorum remiſſiones, & præſertim diebus Stationum eiſdem Eccleſiæ, quæ ſunt: In die ſanctorum Innocentium: Dominica in Sexageſima: Feria 4. poſt quartam Dominicam Quadrageſimæ: Feria 3. Paſchæ: Feria 5. poſt Pentecoſten. Quæ adhuc in uſu ſunt. Die Cōuerſionis S. Pauli: die Cōmemorationis eiſdē. Quæ exoleuerunt.

Precandi formulæ.

Ad altare ſacramenti. Pater noſter. Ave Maria. Secundus Pſalmus Pœnitehtialis. Beati quorum remiſſæ ſunt iniquitates, & quorum teſta ſunt peccata. Beatus vir, cui non imputauit Dominus peccatum, nec eſt in ſpiritu eiſ dolus. Quoniam tacui, inueterauerunt oſſa mea, dum clamarem tota die. Quoniam die ac nocte grauata eſt ſuper me manus tua, conuerſus ſum in ærumna mea, dum configitur ſpina. Delictum meum cognitum tibi feci, & iniuſtitiam meam non abſcondi. Dixi, confitebor aduerſus me iniuſtitiam meam Domino: & tu remiſiſti impietatem peccati mei. Pro hac orabit ad te omnis ſanctus in tempore opportuno. Veruntamen in diluuiſ aquarum mul-

tarum ad eum non approximabunt. Tu es refugium meum à tribulatione, quæ circumdedit me, exultatio mea, erue me à circumstantibus me. Intellectum tibi dabo, & instruam te in via has qua gradieris: firmabo super te oculos meos. Nolite fieri sicut equus & mulus, quibus non est intellectus.

In campo & freno maxillas eorum cōstringe: qui non approximant ad te. Multa flagella peccatoris: sperantem autem in domino misericordia circumdabit. Latamini in Domino, & exultate iusti, & gloriamini omnes recti corde. Gloria Patri, & Filio, & Spiritui.

Oratio.

Omnipotens, & iustissime Deus, qui superbiam Angeli terribili deiectione punisti, & ancillæ tuæ humilitatem respiciens, virginem humilem in matrem sumpisti, tolle à nobis omnem superbiæ, & ingratitude labem, omnemq; mentis iactantiæ tumorem à cordibus nostris longè repelle, ut humili corde, & lingua vera dicamus tibi soli laudem, & honorem, tibi gratiarum actiones deuotè laudemus, & siquid boni habere videmur, nihil à nostro, sed à te perenni fonte bonorum omnium descendere veraciter cognoscamus: non nobis, sed nomini tuo in omnibus gloriam dantes. Qui viuis, & regnas cum Deo patre.

Ad altare maius. Pater noster. Ave Maria

ria. Antiphona. Petrus Apostolus, & Paulus doctor gentium, ipsi nos docuerunt legem tuam Domine. *V.* In omnem terram exiuit sonus eorum. *R.* Et in fines orbis terræ verba eorum. Oratio. Deus qui beato Petro Apostolo tuo, collatis clauibus regni cœlestis animas ligandi, atq; soluendi pontificium tradidisti: & qui multitudinem gentium B. Pauli Apostoli prædicatione docuisti, concede nobis quæsumus, vt intercessionis ipsorum auxilio, à peccatorum nostrorum nexibus liberemur. Qui viuus, & regnas, &c.

Ad Crucifixum S. Brigide.

Pater noster. Ave Maria. Antiphona. Humiliauit semetipsum Dominus noster Iesus Christus, factus obediens vsq; ad mortem, mortem autem crucis, propter quod & Deus exaltauit illum, & dedit illi nomen, quod est super omne nomen, vt in nomine Iesu omne genu flectatur, cœlestium, terrestrium, & infernorum, & omnis lingua confiteatur, quia Dominus Iesus Christus in gloria est Dei patris. *V.* Adoramus te Christe, & benedicimus tibi. *R.* Quia per Sanctam Crucem tuam redemisti mundum.

Oratio. Domine Iesu Christe fili Dei viui, qui de cœlis ad terram de sinu Patris descendisti, & in ligno Crucis quinque plagas sustinuisti, & sanguinem tuum pretiosum

sum in remissionem peccatorum nostrorum fudisti: te humiliter deprecamur, vt in die iudicij ad dexteram tuam audire mereamur, Venite benedicti. Qui viuīs, &c.

Ad alia quatuor altaria ex septem priuilegiata, dicatur semel Pater noster. Ave Maria.

In hac Ecclesia solent multi sacramentū Eucharistiæ suscipere. Alij id in basilica Lateranensi obseruant.

*De Ecclesia sanctorum Vincentij & Anastasij
martyrum ad tres fontes, siue ad
aquas Saluias.*

Post adorationem factam in basilica S. Pauli, iter arripi solet versus Ecclesiam S. Sebastiani. At pia fidelium deuotio duas vicinas Ecclesias sibi prætereundas sine salutatione non putauit: quas circuitu paululum producto ante Sancti Sebastiani visitationem interposuit. Quod si cui libet placuerit eas inuisere, magnoperè probamus. Cuius pietati satisfaciētes, pauca quædam de ipsis Ecclesijs, & ijs adiunctis Oratorijs dicemus. Et primum de Ecclesia, & de monasterio sanctorum Vincentij & Anastasij martyrum differamus. Ecclesiam & monasterium ad Aquas Saluias, primus construxit Honorius Papa circa annum salutis DCXXV. in massa quæ iuris monasterij S. Pauli erat. In
qua

qua basilica recondidit caput S. Anastasij monachi, à Persis martyrio coronati, cum Heraclius Imperator id cum corpore, quod in basilica S. Pauli conditum fuit, Romam transmisisset. Celebris autem erat locus iste, ob X. millium martyrum ibidem occisorum & dormientium memoriam. Caput porro eiusdem sancti Anastasij adhuc argentea theca ibidem pie conseruatur: cui inest hæc inscriptio, Domnus Abbas Martinus fecit fieri hoc opus sub Anno MCCLXXXIII. Hoc monasteriū cum Ecclesia Leo III. à fundamentis restituit, monachos in eo locauit. Carolus verò Magnus Imperator, illud amplissimo patrimonio dotauit: siquidē & 12. oppida in maritima Æthruia agri nūc Senensis donauit, scilicet, Orbitellum, Caparbium, Anfidoniam, Giliū, Montem argentarium, Altrecoſtam, Aquapitem, Montem acutum, Serpenam, Maſſilianum, Sciapilaſcium, & ad Monachorum sustentationem. Quæ oppida etiam nūc iuris eiusdem monasterij existunt, Senensibus tamen beneficiario iure à superioribus Pontificibus concessa. Hoc monasterium monachis ferè destitutum. Innocentius I. Papa circiter annum Christi MCXL. S. Bernardo magno Abbati Claraualleſi donauit, qui congregationem monachorum Cisterciensium, & primum ex ea societate Abbatem ibidem constituit D. Petrum Bernardum Pisanum.

qui

qui postea Romanus pontifex factus, Eugenius III. vocatus est. Monachi Cistercienses reformati in Æthruia, eam adhuc Ecclesiam incolunt. A centum annis infra Cardinali S. R. E. commendari solet. Ex eodem monasterio præter Eugenium III. multi & magni nominis S. R. E. Cardinales prodierunt. Ecclesia ipsa satis antiqua, tres naues, altaria quinque, & porticum ante ostia habet. In qua multæ sanctorum reliquiæ extant, ut ex hac marmorea inscriptione muro affixa liquet:

In nomine Domini. Anno millesimo bisq³ centeno primo quaterquino.

Quo Christus venit, mundumq³ redemit actu diuino,

Calendis Aprilis, Honorius felix monos diasacer.

*Septem Cardinales collaterales interfuerunt,
Ad matris Dei honorem ei tunc adstiterunt,*

*Presul Sauinensis, Tusculanensis, hi bonitate
Pontificali honore tali fulgent dignitate,*

*Post Prænestinensis, Archinarbonensis, & duo
fratres*

Sibi deuoti subditi toti episcopi vates,

Alter Florentinus cultu diuinus actus sereno,

Spernit amorem mundi honorem arente fano

*Septem aris consecratis, acreq³ is ditatis sanctorum
Basilica,*

*Hac collocat, ut Smaragdus redoleat, sat plusquam
nardus sponsa theos unisca,*

Hoc

DE PRÆ. VRB. RO. BASILICIS. III

Hoc altare crucis lignum, & volumē carnis di-
gnum utro cum prodijt,

Hic velamen, & praesepe, pallium, & lapis sep-
tumuli qui subiit

Hic est vestis mairis Dei, atque præcursoris ei,
Zacharia filij,

Petrus, Paulus & Andreas, quem occidit tunc
Egeas, Bartholomæus eximius,

Partes corporum dederunt, quæ nec tenta tunc
fuerunt, dentes Cephæ principis

Opulentum decoratur hoc eximij ditatur meri-
torum adipis,

Hic Laurentius consistit cui Vincentius assistit
de communi martyrio,

Anastasi, & Clemens quem Afridianus de-
mens consumpsit supplicio

Nicolaus præsul dignus, Sebastianus benignus,
decora Cecilia,

Anastasia virgo pia, à vera plena sophia redo-
let utilia.

Istud fateatur quisquis gradietur adhuc aulam
Dei

Septem annis & septemcarine remissionis con-
fessi criminis solutionisq; detur ei.

Feria quinta cum celebrabatur ante palmarum
dies habebatur Papa iubente.

Hoc recordetur, & memoretur, quolibet mense
Remissio datur, & condonatur tempore isto.

Credat fidelis, fiat inde felix præbente Christo.

Meruit Abbas hoc Nicolaus, ut sibi semper in-
sit laus opere tali.

*Cuncti deuoti sibi fuerunt. & preces dignas ad-
ministrauerunt homini quali,*

*Hæc reliquia sanctorum, hic degentium bonorū
pœnitendi spatium*

*Nobis, atq; monachorum preces dent & angelo-
rum in cœlis consortium.*

Stationes. Feria III. post Pentecosten.

Feria II. post Dominicam tertiam Quadra-
gesimæ. Feria quinta ante Palmas.

Præter caput S. Anastasij thecis ligneis
deauratis, ibidem etiam conseruantur ca-
pita S. Zenonis hoc in loco martyrio coro-
nati, & S. Vincentij martyrum. Item colum-
na super qua S. Paulo Apostolo caput ampu-
tatum fuit.

Precandi formula.

Ante altare maius. Pater noster. Aue Ma-
ria. Antiphona. Verbera carnificum non
timuerunt sancti Dei, morientes pro Chri-
sti nomine, vt hæredes fierent in domo Do-
mini, tradiderunt corpora sua propter De-
um ad supplicia. V. Exultabunt sancti in glo-
ria. R. Lætabuntur in cubilibus suis. Ora-
tio. Deus, qui conspicias quia ex nulla nostra
virtute subsistimus, concede propitius, vt
intercessione sanctorum martyrum tuorū
Vincentij & Anastasij contra omnia aduer-
sa muniamur. Per Dominum nostrum Ie-
sum Christum.

*De Oratorio Sanctæ Mariae Sca-
læ cœli.*

Eidem

Eidem Ecclesiæ imminet parvus collis cum exiguo fonte, qui locus Gutta iugiter manans vocabatur, in quo pro Christi fide VII. Idus Iulij cæsi sunt, S. Zeno martyr, & cum eo decem millia ducenti tres Christiani: quorum ossa in proximo cœmeterio sub sacello rotundo & deuotissimo, quod S. Mariæ scala cœli, modo dicitur, requiescunt. Cuius dedicatio celebratur 6. Kal. Februarij. Vbi est altare cum operculo marmoreo quatuor pretiosis columnis sustentato, sub quo iacent corpora sanctorum martyrum. In oratorij absida musivea, extât signa beatæ virginis Mariæ, & S. Zenonis. In hac ædicula sæpè S. Bernardus dum in Vrbe moraretur, sacra pro defunctis celebrabat. Quibus dum aliquando operaretur, in mentis ecstasim raptus, scalam vidisse fertur, quæ è purgatorij igneis poënis animæ eius suffragijs liberatæ, in cœlis ab angelis deducebantur. Hinc sacræ illi ædiculæ, Scalæ cœli nomē inditum.

Precandi formula.

Pater noster. Ave Maria. Antiphona. Tanquam aurum in fornace probauit electos Dñs, & quasi holocausti hostiam accepit illos, & in tempore erit respectus illorum, quoniam donum & pax est electus Dei. V. Iusti in perpetuum viuent. R. Et apud Dominum est merces eorum. Oratio. Deus,

H ctis

etis ad eorum patrocinia confugientibus,
sux petitionis salutarem præstas effectum;
concede nobis, vt intercedentibus sanctis
martyribus tuis Zenone & socijs decē mil-
libus ducentis tribus, æternæ beatitudinis
præmia consequamur. Per Dominum nost.

*De Oratorio Sancti Pauli ad Tres
fontes.*

Hic locus antiquitus Massa aquæ Saluiz
dicebatur. (Saluia porro gens Romæ nobi-
lis, quæ Otthonem Imperatorem tulit, huic
loco nomē dedisse potuit). Eratq; possessio
(quam massam vocabant) iuris monasterij
S. Pauli, vt ex marmoreo diplomate B. Gre-
gorij Papæ, porticu S. Pauli parieti affixo, li-
quet. In quo S. Gregorius apertè sentire vi-
detur, Beatum Paulum Apostolum hoc in
loco, pro Christo fuisse decollatum, cum
ait: Valdè incongruum esse, ac durissimum
videtur, vt illa specialiter possessio non ser-
uiret beato Paulo Apostolo, in qua palmam
sumens martyrij, capite est truncatus, vt vi-
ueret: ita ille. Ibi ædificata sunt tria sacella,
alterum altero depressius, cum tribus fon-
tibus, à quibus tota Ecclesia Trium fontium
appellationem obtinuit. Vbi magnæ
sunt ex Pontificis concessione peccatorum
venia.

Precandi formula.

Pater noster. Ave Maria. Antiphona. Bo-
num

num certamen certavi, cursum consumma-
ui, fidem seruaui, in reliquo reposita est mi-
hi corona iustitiæ, quam reddet mihi Domi-
nus in illum diem, iustus iudex: non solum
autem mihi, sed & his qui diligunt aduentū
eius. V. Tu es vas electionis S. Paule Aposto-
le. R. Prædicator veritatis in vniuerso mun-
do. Oratio. Deus qui vniuersum mudum B.
Pauli apostoli prædicatione docuisti, da nos-
bis, vt qui eius commemorationem colim⁹,
per eius ad te exempla gradiamur. Per Do-
minum nostrum.

*De Ecclesia Sanctæ Mariæ An-
nunciatæ.*

Ecclesia S. Mariæ Annunciatæ ad terti-
um ab vrbe lapidem, in septem Ecclesia-
rum visitatione, pietatis studio etiam adiri
solet, multis olim reliquijs referta. Hæc Ec-
clesia satis antiq̃, est sub cura & protectione
solidatatis sacri Confanonis Christi, cuius
parieti extat hæc tabula marmorea sic in-
scripta:

In nomine Domini Amen. Anno MCC-
XX. pontificatus Domini Honorij III. Papæ,
anno V. Indictione VII. Mensis Augu-
sti die IX. dedicata est hæc Ecclesia ad ho-
norem Beatæ Mariæ virginis, & omnium
Sanctorum, per manus venerabilis Ioan-
nis Anagnini, & Ioannis Gabini Episco-
porum, assistentibus eis venerabilibus
Abbatibus de Ioâne Villa magna, & Ioanne

S. Mariæ de Vulfilla. In cuius altari sunt hæ reliquię reconditæ: De ligno crucis. De ligno mensæ, in qua Christus cœnauit cum discipulis. De sepulchro beatæ Mariæ, & B. Ioannis Euangelistæ. De lapide in quo lachrymatusest Christus. De reliquijs S. Andree Apostoli, S. Iacobi Apostoli, S. Thomæ Apostoli, Simonis & Iudæ, Matthiæ, atque Laurentij martyris: Fabiani & Sebastiani, Nicandri presbyteri, Xysti Papæ & martyris, Felicissimi & Agapiti martyrum, Cosmæ & Damiani, Liberati, Paterni, & Honorati martyrum, Chrysanti & Dariæ, Innocentium, S. Hermannii martyris, sanctorum Dionysij, Rustici, & Eleutheri, Quintini Episcopi & martyris, sanctorum Nerei & Achillei, Domitillæ virginis. De columna Christi, & de sepulchro. De lapide, super quo Christus transfiguratus est. De lapide speluncæ, vbi S. Maria Magdalene fecit pœnitentiam. De brachio S. Maximi. Itẽm pateat omnibus euidenter, quomodo tempore presbyteri Petri ecclesiæ S. Mariæ Sanctuarie, Sanctissimus D. N. in Christo pater & D. Bonifacius papa IX. omnibus visitantibus præsentem Ecclesiam Annunciatæ, pœnitentibus & confessis, in die Annunciationis eiusdem mensis Martij, & prima Dominica Maij, concessit dictis duobus diebus, & quolibet dictorum duorum dierum illam eandem indulgentiam, quæ visitantibus

Ecclesiam S. Petri ad Vincula de Vrbe illis octo diebus mensis Augusti est concessa, perpetuis temporibus duraturam. Dat. Romæ apud S. Petrum IX. Kal. Nouem, pontificatus sui anno VI. Christi MCCCXCIII. Lucas Lenus, Iulius Matthæus, Ioannes Ardicus custodes, & Iacobus Ciccarius camerarius S. Confalonis, sua opera instaurarunt anno Domini MDXVIII. mense Martio, pontificatus S. D. N. Leonis X. papæ, anno V.

Nicolaus Seniorilis magistratus Urbis à secretis, iussu Martini V. papæ, omnium Urbis ecclesiarum reliquias ante C L. annos collegit. Is de huius Ecclesiæ reliquijs ita scribit: In Ecclesia Sanctæ Mariæ Annuntiæ sunt hæ reliquiæ in capsula lignea: Sanctorum Apostolorum, sancti Andreæ Apostoli, sanctorum Lucij, Bonifacij, & Ioannis pontificum, Stephani, Laurentij, Cosmæ & Damiani martyrum, sancti Nicolai episcopi & Confessoris, sanctarum Catharinæ & Marinæ virginum, & aliæ multæ.

Precandi formula.

Pater noster. Ave Maria. Antiphona. Magnum hæreditatis mysterium, templum Dei factus est vterus nesciens virum: non est pollutus ex ea carnem assumens: omnes gentes venient, dicentes, Gloria tibi Domine. V. Ecce virgo concipiet, & pariet filium. R. Et vocabitur nomen eius Emmanuel. Oratio. Deus, qui de B. Mariæ vir-

ginis vtero verbum tuum Angelo nuntian-
te carnem suscipere voluisti, præsta supplici-
bus tuis, vt qui verè eam Dei genitricem cre-
dimus, eius apud te intercessionibus adiuue-
mur. Per eundem Christum Dominum no-
strum, Amen.

De III. Ecclesia S. Sebastiani.

QVIS eam quæ nunc superest S. Seba-
stiani basilicam condiderit, adhuc cer-
rò inuenire non potui. Eam tamē an-
tiquissimam, & ante mille & ducentos an-
nos excitatam, testimonio sunt duæ lapideæ
tabulæ. Quarum alteram ibidem locauit S.
Damasus papa: In altera mētio est Innocen-
tij papæ primi, sic:
Temporibus sancti
Innocentij episcopi
Proclinus & Vrsus presbb:
Tituli Byzantij
Sancto martyri
Sebastiano ex voto fecerunt.

Quo fit, vt putem Constantini tempori-
bus & ipsam extructam fuisse, supra toto
terrarum orbe venerabile S. Callisti papæ
cœmeterium, præsertim quum parietes qui
eam ambiunt, antiquæ gentiliū fabricæ
inseruirēt, & vt opinor, militaris statio ibi-
dem esset. Cæterum venerabilis hæc Eccle-
sia nobilissimo (vt dixi) Sancti Callisti cœ-

meterio imposita est, via Appia ad secundum ab Vrbe lapidem, eodem cœmeterio & Catatumbis insignis, de quibus primum breui, mox de ipsa basilica dicamus.

Cœmeterium igitur vetus, quod postea à sancto Callisto papa amplificatum, ex eius nomine Callisti appellatum est, multa sanctorum Pontificum Romanorum, & aliorum martyrum corpora aliquando continuit. Nunc ijs omnib. spoliatum est. Sepulta in eo fuere XIII. corpora sanctorum Pontificum Romanorum, scilicet, Aniceti, Soteris, Pontiani, Antheri, Fabiani, Cornelij, Lucij, Stephani, Xysti II. Dionysij, Eutychiani, Caij, Eusebij, & Militiadis. Item sanctorum Sebastiani, Cecilie, Tertulliani presbyteri, Nemesij diaconi, Lucillæ filiæ eius, & aliorum innumerabilium sacerdotum, & martyrum. De hoc cœmeterio loqui puto Prudentium poetam Christianum in carmine ad Valerianum Aquileiensem episcopum, de passione S. Hippolyti episcopi Portuensis & martyris, vbi ita ait:

*Innumeros cineres sanctorum Romula in
Urbe*

*Vidimus ô Christi Valeriane sacer.
Incisos tumulis titulos, si singula queris
Nomina, difficile est ut replicare queam,
Tantos iustorum populos furor impius hausit,
Quum colere patrios Troia Roma deos.
Plurima literulis signata sepulchra loquuntur*

*Martyris aut nomen aut epigramma ali-
quod.*

*Sunt & muta, tamen tacitas claudentia tum-
bas*

*Marmora, quæ solum significant numerū,
Quanta virum iaceant congestis corpora acer-
uis*

*Nosse licet, quorum nomina nulla legas,
Sexaginta illic defossas mole sub vna
Reliquias memini me didicisse hominum,
Quorum solus habet comperta vocabula Chri-
stus,*

*Vt pote quos propria iunxit amicitia.
Hæc dum lustro oculis, & sicubi fortè latentes,
Rerum apices veterum per monumenta se-
quor:*

*Inuenio Hippolytum, qui quondā schisma No-
uati*

*Presbyter attigerat nostra sequenda negans.
Vsq; ad martyri prouectum insigne tulisse
Lucidâ sanguinei premia supplicij.*

Damasus Papa. Hic fecit (inquit) aliud
cœmeterium via Appia, vbi multi sacerdos-
tes, & martyres requiescunt, quod appella-
tur vsq; in hodiernum diem Cœmeterium
Callisti. In eo cœmeterio erant Catacum-
bæ, vbi aliquando iacuerunt corpora sancto-
rum Apostolorum Petri & Pauli, & aliorum
multorum sanctorum, de quibus ita scribit
Damasus papa: Sanctus Cornelius Papa ro-
gatus à quadam matrone Lucina nomine,
cor-

corpora beatorum Petri & Pauli, de Catacumbis leuauit noctu: primum quidem corpus beati Pauli beata Lucina posuit in prædio suo via Ostiensi, ad latus ubi decollatus est. Beati uero Petri corpus accepit B. Cornelius Episcopus, & posuit iuxta locum ubi Crucifixus est, inter corpora sanctorum Episcoporum, in templo Apollinis, in monte Aureo, in Vaticano, Palatij Neronei in 3. Kalend. Iulij. Bibliothecarius in vita Damasi Papæ: hic dedicauit Platoniam in Catacumbis, ubi corpora sanctorum Apostolorum Petri & Pauli iacuerunt, quam versibus ornauit Beda in libro de ratione temporum. Xystus III. Papa fecit Platoniam in cœmeterio Callisti via Appia, ubi nomina episcoporum & martyrum scripsit. Ea commemorans S. Gregorius Papa registri libro 3. epist. 30. ad Cōstantinam Augustam, De corporibus uero beatorum Apostolorum quid ego dicturus sum? dum constat, quia eo tempore, quo passi sunt, ex Oriente fideles uenerunt, qui eorum corpora sicuti ciuium suorum repeterent. Quæ ducta usque ad secundum Urbis milliariū, usque ad locum qui dicitur ad Catacumbas, collocata sunt: sed dum ea deinde leuare omnis eorum multitudo conueniens niteretur, ita eos vis tonitruī atq; fulguris nimio impetu terruit, atq; disperfit, ut talia denuō nullatenus attentare præsumerent. Tunc autem exeuntes Ro-

mam, eorum corpora, qui hoc ex Domini pietate meruerunt, leuauerunt, & in locis ubi sunt condita, posuerunt. Et paulò supra: Corpora sanctorum Petri & Pauli Apostolorum, tantis in Ecclesijs suis coruscant miraculis, atque terroribus, vt neque ad orandum, sine magno illuc timore possis accedi.

Catacumbæ porrò, siue Catatumbæ, est vetustissimum Christianorum, persecutorum tempore, sacellum, in antiquo cuiuspiam nobis familiæ Romanæ sepulchri hypogeo, à S. Callisto papa fabricatum, quando is corpora Apostolorum Petri & Pauli transtulit, & cœmeterium de suo nomine extruxit vel refecit. Catatubarum forma est circularis, cum fornice testudineato, ad quas triginta gradibus descenditur. Habent quatuor spiracula, lumen desuper admittentia, cum sepulchris XLIII. circa locatis. Eo loci adhuc supersunt augustissimæ antiquitatis vestigia. Ibi adhuc est amplum & vetustissimâ antiquitatem referens marmoreum altare, sub quo corpora Apostolorum iacuerunt, in quo Romani pontifices martyres Missas celebrabant. Ibi in medio adhuc è rudi marmore humilis & simplicissimus extat sanctissimorum illorum pontificum Callisti, Urbani, Pontiani, Antheri, Fabiani, Cornelij martyrum episcopalis thronus, ibi extant adhuc clericorum S. R. E. cir-

cum-

cum circa latentia sedilia : ibi extant mœniana, siue podia paulò altiora, quibus ob loci angustiam plebs fidelis sacris mysterijs astabat : ibi demum extant in circuitu martyrum sepulchra, quorum sacrosancta erat memoria, tumbarum more facta, & simplicibus aliquot gypseis emblematis ornata, non sine veneratione visenda, osculanda, adoranda. atque hætenus de catatumbis. Nunc reliqua quæ de cœmeterio Callisti constituimus, asseramus : in cuius initio est altare, sub quo iacet corpus S. Sebastiani, infra verò in alio altari corpus Sanctus Lucinæ matronæ Romanæ: ad quæ per scalam est descensus. Hoc altare consecrauit Honorius papa III. vt tabella ibidem posita docet, sic : Anno incarnationis Dominicæ MCCXVIII. dedicatum est hoc altare à papa Honorio III. assistentibus sibi quamplurimis sanctæ sedis Apostolicæ prælatis, in honorem S. Sebastiani martyris. In quo reconditæ sunt infrascriptæ reliquiæ: Primo corpus sancti Sebastiani martyris, sociorumq; eius. Reliquiæ Apostolorum Petri & Pauli, Iacobi fratris Domini, Philippi, & Matthiæ apostolorum, sanctorum Fabiani, Stephani, Marci, & Damasi pontificum, Valentini & Demetrii martyrum, Lucinæ, & Barbarę virginis. Alterū verò minus altare, quod respicit ad introitum ecclesiæ versus orientem.

orientem, consecratum fuit 12. die Nouem.
 à S. Cornelio papa rogatu S. Lucinæ, quæ
 postmodum corpus S. Sebastiani in alio præ
 dicto altari, quod est in eadem structura, se
 peliuit. Hoc loco multæ sunt indulgentiæ, à
 Romanis summis pontificibus concessæ.
 Hinc in subterraneam cryptam, in qua san
 ctorum martyrum corpora in loculis in to
 pho excavatis sepeliebântur, aditus est. Quæ
 ego aliquoties ingressus, cuncta attente per
 lustraui. Visuntur sub terra sacella aliquot,
 à quibus cryptæ diuersæ exeunt. Totius hu
 ius cœmeterij exitus, est per portam aliam,
 quæ mediæ ecclesiæ parietî inest, cui suprà
 scripti sunt hi versiculi:

*Visitet hic pia mens sanctorum iusta frequen
 ter,*

In Christo quorum gloria perpes erit.

Leo Magnus papa fecit basilicam Beato
 Cornelio papæ & martyri, iuxta cœmete
 rium Callisti via Appia: ita Bibliothecarius.
 Adhuc circa ecclesiam S. Sebastiani, & illud
 cœmeterium supersunt multa vetusta ædi
 ficiorum vestigia, quæ Christianorum ex
 eorum forma fuisse videntur, partim ex
 nouo constructa, partim ex vetustis gen
 tilium fabricis & sepulchris, in Christia
 norum vsum conuersa. Nam præter Leo
 nem papam, Damasum quoq; basilicam ibi
 dem

dem exædificasse, auctor est idem Bibliothecarius.

Basilica S. Sebastiani in vetustissimo Romanorum ethnicorum ædificio (vt supra dixi) constructa, vestibulum ante se, intus verò aliquot altaria habet. In maiori (quod sanctissimam Eucharistiam continet) sepultum est corpus Sancti Stephani Papæ & martyris, in hoc cœmeterio occisi. In eadem Ecclesia conditum fuisse corpus sancti Eutychij martyris, testatur hoc epigramma parieti affixum, à sancto Damaso Papa editum:

*Eutychius martyr crudelia iussat tyranni
Carnificumq; vias, pariter tunc mille nocendi
Vincere quod potuit, monstrante gloria Christi,
Carceris inlunem sequitur noua pœna per artus,
Testarum fragmenta parant, ne somnus adiret
Bis senitransiere dies, alimenta negantur,
Mittitur in barathrum sanctus lauat omnia sanguis,
Vulnera quæ intulerat mortis metuenda potestas,
Nocte soporifera turbant insomnia mentem,
Ostendit latebra insontis quæ membra teneret,
Queritur, inuentus colitur, fouet, omnia prestat,
Expressit Damasus, meritum venerare sepulchrum.*

In media Ecclesia fuit olim altare reliquiarū, quod ante aliquot annos loco illo motū, Izua basilicæ parieti appositum est. In quo eiusmodi reliquiæ reconditæ venerantur. Tabula marmorea cum vestigijs pedum D. N. Iesu Christi, quando apparuit S. Petro. Vna de spinis Coronæ, qua fuit coronatus D. N. Iesus Christus. Reliquiæ S. Petri Apostoli, scilicet, digitus, dens, costæ pars, & alia quædam. Dens S. Pauli Apostoli. Brachij S. Andreæ Apostoli frustum. Caput & brachium sancti Fabiani papæ & martyris. Capita sanctorum Callisti, & Stephani pontificum : item, capita sanctorum Nerei, Achillei, Acoristi, Valentini, & Lucini martyrum. Brachium sancti Sebastiani. Columna quo alligatus fuit dum sagittaretur. Ferrum vnius sagittæ in eum iaculatæ. Reliquiæ aliæ sancti Fabiani papæ, Sebastiani martyris, Stephani papæ, Acoristi martyris. Calix plumbeus cum cinere & ossibus S. Fabiani.

In hac basilica sunt quinque altaria, priuilegijs & multis indulgentiarum remissionibus ornata. Tria, de quibus supra diximus, Maius S. Sebastiani, & reliquiarum, itē duo alia S. Crucifixi, & S. Fabiani papæ & martyris.

Sunt in hac basilica maximæ indulgentiæ & remissiones peccatorum, vt ex scriptis tabellis apparet. Et primo ad altare S. Se-

basiliani, sic: In isto loco promissio vera est, & peccatorum remissio, splendor, lux perpetua, & sine fine lætitia, quam promeruit S. Christi martyr Sebastianus.

Supra ostium cœmeterij Callisti, sic: Hoc est cœmeteriū S. Callisti papæ & martyris in elyri. Quicunq; illud contritus & confessus ingressus fuerit, plenam remissionem omnium peccatorum suorum obtinebit, per merita gloriosa multorum millium sanctorum martyrum, quorum ibi corpora in pace sepulta sunt: qui omnes ex magna tribulatione venerunt, & ut hæredes fierent in domo Domini, mortis supplicium pro Christi nomine pertulerunt.

Singulis diebus Dominicis mensis Maij, & die sanctorum Fabiani, & Sebastiani, magnæ in hac Ecclesia sunt remissiones & indulgentiæ peccatorum.

Hæc Ecclesia antiquitus per clericos, postea per monachos culta fuit. Alexander III. papa concessit Ioanni Diacono Cardinali, Priori & Fratribus Canonicis regulæ diaconicæ sanctæ Mariæ Nouæ, hanc sancti Sebastiani Ecclesiam cum redditibus suis. Quam postea anno MCLXVII. Diuus Hieronymus Diaconus Cardinalis sancti Mariæ Nouæ, consentiente Hugone Priore eiusdem monasterij, donauit congregationi Cisterciensi cum suis redditibus, præter vineas positas extra portam Appiam

in loco qui dicitur S. Apollinaris, Antoniana, & Montis Albini, cum censu duarum librarum thuris in Assumptione B. Marię Virginis. Quam adhuc fratres Cistercienses, ad paucos tamen in ea redacti, tenent cum suo Abbate, omnium certè orbis Ecclesiarum deuotissima.

Precandi formula.

Ad altare maius ante sanctissimum Sacramentum. Pater noster. Ave Maria. III. Psalmus pœnitentialis: Domine ne in furore tuo arguas me, neq; in ira tua corripas me. Quoniam sagittę tuę infixę sunt mihi, & confirmasti super me manum tuam. Non est sanitas in carne mea à facie irę tuę, non est pax ossibus meis à facie peccatorũ meorũ. Quoniã iniquitates meę supgressę sunt caput meũ, & sicut onus graue grauata sunt super me. Putruerũt & corruptę sunt cicatrices meę, à facie insipientię meę. Miser fact' sum & curuatus sum vsq; in finē, tota die contristatus ingrediebar. Quoniam lumbi mei impleti sunt illusionibus, & non est sanitas in carne mea. Afflictus sum, & humiliatus sum nimis, rugiebam à gemitu cordis mei. Domine ante te omne desiderium meum, & gemitus meus à te non est absconditus. Cor meum conturbatum est in me: dereliquit me virtus mea, & lumen oculorum meorum, & ipsum non est mecum. Amici mei & proximi mei aduersum me appropinqua-

uerunt,

uerunt, & steterunt. Et qui iuxta me erant,
 de longè steterunt : & vim faciebant qui
 quærebant animam meam. Et qui inquire-
 bant mala mihi, locuti sunt vanitates: & do-
 los tota die meditabantur. Ego autem tan-
 quam surdus non audiebam, & sicut mutus
 non aperiens os suū. Et factus sum sicut ho-
 mo non audiens . & non habens in ore suo
 redargutiones . Quoniam in te Domine
 speraui : tu exaudies me Domine Deus me-
 us. Quia dixi, ne quando supergaudeāt mi-
 hi inimici mei : & dum commouentur pe-
 des mei, super me magna locuti sunt. Quo-
 niam ego in flagella paratus sum : & dolor
 meus in conspectu meo semper. Quoniam
 iniquitatem meam annuntiabo : & cogita-
 bo pro peccato meo. Inimici autem mei vi-
 uunt, & confirmati sunt super me : & mul-
 tiplicati sunt qui oderunt me inique. Qui
 retribuunt mala pro bonis , detrahebant
 mihi, quoniam sequebar bonitatem. Ne de-
 relinquas me Domine Deus meus, ne disces-
 seris à me. Intende in adiutorium meum,
 Domine salutis meæ. Gloria patri & filio,
 &c. Oratio. Omnis dati optimi, & om-
 nis doni perfecti liberalissime largitor mi-
 sericors Deus, qui eleemosynarum largitio-
 nes vtriusque testamenti tabula commen-
 dasti : inclina cor nostrum in testimonia
 tua, & non in auaritiam, & da nobis tempo-
 ralia pro nomine tuo libentissimè tribuere:

& cupiditatem, quæ radix omnium malorum est, à cordibus nostris radicitus euellere, aliena nõ appetere, propria prote nõ ex tristitia, sed lata manu largiri, sic vt hilares datores à te diligi mereamur, q in Trinitate perfecta uiuis & regnas Deus, per omnia secula seculorum Amen.

Ad altare Catatumbarum. Pater noster. Ave Maria. Antiphona. Gaudent in coelis animæ Sanctorum, qui Christi vestigia sunt secuti : & quia pro eius amore sanguinem suum fuderunt, ideo cum Christo exultant sine fine. V. Orate pro nobis sancti Dei martyres. R. Vt digni efficiamur promissionibus Christi. Oratio. Infirmitatem nostram, quæsumus, Domine, propitius respice, & mala omnia, quæ iuste meremur, sanctorum Pontificum, & martyrum, quorum memoriam hic colimus, intercessionibus propitius auerte. Per Dominum nostrum Iesum Christum.

Ad altare S. Sebastiani ad ostium cryptæ cœmeterij Callisti. Pater noster. Ave Maria. Antiphona. Viri sancti gloriosum sanguinem fuderunt pro Domino, amauerunt Christum in vita sua, imitati sunt eum in morte sua, & ideo coronas triumphales meruerunt. V. Isti sunt qui venerunt ex magna tribulatione. R. Et lauerunt stolas suas in sanguine agni. Oratio. Deus, qui Beatum Sebastianum martyrem tuum ita

in tua fide & dilectione solidasti, vt nullis tormentis à tua cultura potuerit reuocari: da nobis eius intercessionibus in tribulatione auxilium, in persecutione solatium, contra omnes diabolicas insidias munimè, vt bonis operibus abundantes æternæ beatitudinis præmia consequi mereamur. Per Christum Dominum.

Ad altare reliquiarum. Pater noster. Ave Maria. Oratio. Deus, qui nos concedis sanctorum martyrum tuorum suffragijs adiuuari, da nobis in æterna beatitudine, de eorum societate gaudere. Per Christum Dominum nostrum. Amen. Ad aliud altare Crucifixi. Pater noster, & Ave Maria.

*De sacello, Domine quo vadis,
vocate.*

Athanasius Alexandrinus Episcopus, vir egregiæ sanctitatis & doctrinæ, in apologia de fuga sua scribit, Sanctum Petrum Apostolum audisse à Domino quod oportet se Romam conferre: itaque profectio- nem illam non recusasse, sed prompto atque alacri animo ad eam Urbem profectum, libenter ac fortiter pro Christi confessione martyrium pertulisse. Conuenit cum Athanasio, Ambrosius Mediolani Episcopus, doctor illustris & sanctus. Est in Oratione, qua sanctissimus ille vir in Auxentium de basilicis tradendis inuehit: his verbis scriptum. Petrus victo Simone cum præcepta

Dei populo seminaret, doceretq; castimoniam, excitauit animos Gentilium: quibuscum quærentibus, Christianæ animæ deprecatae sunt, vt paulisper cederet. Ille quamuis esset cupidus passionis, tamen contemplatione populi precantis inflexus est. Rogabatur enim vt ad instituendum, & confirmandum populum se reseruaret. Quid multa? Nocte muro egredi cœpit, & videns sibi in porta Christum occurrere, Urbemq; ingredi, ait: Domine, quo vadis? Respondit Christus: Venio iterum crucifigi. Intellexit Petrus ad suam crucem diuinum pertinere responsum. Christus enim non poterat iterum crucifigi, qui carnem passione susceptæ mortis exuerat. Quod enim mortuus est, mortuus est semel: quod autem viuit, viuít Deo. Intellexit ergo Petrus quòd iterum Christus crucifigendus esset in seruulo. Itaque iponte remeauit, interrogantibus Christianis responsum reddidit, statim quæ correptus, per crucem suam honorificauit Dominum Iesum. Hæc scripsit Beatus Ambrosius, quæ multis annis antea memoriz prodiderat Hegesippus vicinus Apostolorum temporibus, vt licet legere in eorum quæ scripsit de Hierosolymitano excidio libro tertio. Hæc eadem legimus in libro de Martyrio sanctorum Apostolorum Græcè scripto, ex quo hæc descripsimus: Ante paucos dies rogatus à fratribus secedere

debam: & ecce vidi Dominum meum Iesum Christum, quem adoravi, & his verbis affatus sum: Domine, quo vadis? Venio (inquit ille) Romam iterum crucifigi. Sequens igitur illum, reuersus sum Romam. Paulò post in eadem martyrij historia scriptum est: Sustulerunt corpus sancti Petri clam, & posuerunt illud sub Terebintho propè Naumachiam in loco qui dicitur Vaticanus. Hæc ex historia illa martyrij beatissimorum Apostolorum græcis literis, ijsq; vetustissimis scripta, hic transtulimus, vt multis probatis testimonijs ostenderemus diuina quadam dispositione factum fuisse, vt Petrus Apostolus Romam reuersus martyrium illic pateretur, quemadmodum Innocentius Tertius Romanus Pontifex rectè his verbis annotauit: Locus quem elegit Dominus, Apostolica sedes esse cognoscitur, si quod eam Dominus in se ipso lapide angulari fundauerit, attendatur, cum inquit ad Petrum, Tu es Petrus, & super hanc petram ædificabo Ecclesiam meam: & portæ inferi non præualebunt aduersus eam: Et tibi dabo claues regni cœlorum. Et quodcunque ligaueris super terram, erit ligatum & in cœlis: & quodcunque solueris super terram, erit solutum & in cœlis, &c. Vnde cum ipse Petrus Urbem fugiens exiisset, volens Dominus eum ad locum quem elegerat reuo-

care, interrogatus ab eo, Domine quo vadis? Respondit, Venio Romam iterum crucifigi. Quod intelligens Petrus pro se dictum, ad locum ipsum protinus est reuersus. Idem Innocentius in alio sermone: Traditur (inquit) Dominus Iesus occurriffe B. Petro, & tam ipsi, quàm pro ipso dixisse: Venio Romam iterum crucifigi. Ita Innocentius III. papa.

In huius rei memoriam haud longè à porta S. Sebastiani via Appia sacellum antiquitus conditum fuit, nostro sæculo Reginaldi poli Cardinalis Britannii iussu, impensa Hospitalis Anglorum renouatum. Quod hac precatiuncula prætergrediens pius Christianus visitare non pigeat. Pater noster. Ave Maria. Antiphona. Tu es pastor ouium, princeps Apostolorum, tibi traditæ sunt clauæ regni cœlorum. V. Tu es Petrus. R. Et super hanc petram ædificabo Ecclesiam meam. Oratio. Deus, qui Beato Petro Apostolo tuo collatis clauibus regni cœlestis animas ligandi atque soluendi pontificiũ tradidisti, concede, vt intercessionis eius auxilio, à peccatorum nostrorum nexibus liberemur. Per Christum Dominum nostrum.

*De IIII. sacrosancto basilica S. Salvatoris
Lateranensi.*

Basilica S. Salvatoris, quæ à loco, Lateranensis, à conditore, Constantiniana, ab ornamentis, Aurea vocata est, ædificata fuit cum propinquo Patriarchio, Romanorum pontificum vsui, à pio Constantino Imperatore in Cælij montis dorso, & à sancto Siluestro V. Idus Nouembriæ consecrata, circiter annum CHRISTI CCCXX.

Familiæ Lateranæ, à qua ædes Lateranenses vocatæ, multa mentio est in historijs Romanis. Tabulæ consulares Capitolinæ. L. Sextium Lateranum primum è plebe, Iulius Capitolinus Sextelium Lateranum cum T. Vero Imperatore. Fastialij consulares eundem cum Aquillio Orfito consules proficentur. Antiquus lapis Augustæ Vindellicorum App. Claudium Lateranum consulem. Cornelius Tacitus lib. xv. Plautium Lateranum Cos. designatum, à Nerone interfectum. In cuius domo basilicam Lateranensem postea exædificatam fuisse, in epitaphio Fabiolæ tradit D. Hieronymus. Sex. Aurelius Victor alium Lateranum copiarum ducem, virum Consularem præcipuum, Seueri Imperatoris amicum commemorat. Egregias ædes Lateranas in monte Cælio, Iuuenalis satyra X. Iulius

Capitolinus in vita Marci Imp. Sex. Victor in vita Setieri, P. Victor, & Sex. Rufus in libris de regionibus Urbis Romæ repetunt, Victor quidem sic: Severus Imperator Lateranum, Cilonem, Annulinum, Bassum, cæterosq; alios ditavit, ædibus quoq; memoratu dignis, quarum præcipuas videmus quæ Parthorum dicuntur, & Laterani, Egregias has ædes progressu temporis possedit Fausta Augusta Maximiani Herculij filia, Constantini Pij Imperatoris vxor, vt libro 6. contra Donatistas tradit Optatus Mileuitanus Episcopus, Qui auctor est, Miltiadem Episcopum Romanum XIX. Episcoporum Concilium Romæ in domo Faustæ Lateranensi celebrasse, anno salutis CCCXIII. Constantino, & Licinio Augg. III. Consulibus, VI. nonas Octobris, in causa Cæciliani Episcopi, Carthaginienfis, Quo anno IIII. Idus Decembris, Miltiadi papæ mortuo, successit S. Siluester: cuius rogatu (vt Damasus tradit) Constantinus Imperator aliquot Romæ magnas Basilicas, in his Lateranensem in Sanctis Salvatoris honorem, cum propinquo palatio, in ædibus vxoris Faustæ construxit, sanctoq; Siluestro donauit.

Cæterum in basilicæ Lateranensis anniuersario Dedicationis die, Laterani ex Romanorum pontificum auctoritate, confessis, & contritis magnæ indulgentiæ, & peccato-

& peccatorum remissiones concessæ sunt. Romanis quidem, & finitimis annorum M. Tuscis, & Transpadanis M M. Transalpinis MM M. Quæ indulgentia eadem, ibidem est fer. v. in Cœna Domini. Eas omnes indulgentias basilicæ Lateranensis confirmarūt, & auxerunt Alexander IIII. anno MCC. LX. & Bonifacius V I I I. Papa, Anno MCCG.

Huius sacrosanctæ Basilicæ frequens in vetustis Ecclesiæ monumentis mentio est. Prudentius lib. 1. contra Symmachum Urbis præfectum, vbi plebem Romanam in Christum credidisse commemorat, ita scribit; Post hinc ad populum conuerte oculos: quis in Vrbe est,

Qui Iouis infectam sanie non despuat aram?

Omnis qui celsa scandit cœnacula vulgus

Quiq; terit siliem varijs discursibus atram,

Et quem panis alit, gradibus dispersus ab altis.

Aut Vaticano tumulum sub monte frequen-
tat,

Quo cinis ille latet genitoris amabilis obfes.

Cœtibus aut magnis Lateranas currit ad edes,

Unde sacrum referat regali chrismate signum.

Eximiam huius basilicæ præstantiam testantur hi versiculi, qui passim per ecclesiam incisi erant.

Aula Dei hac similis Synai sacra iura ferenti,

Ut lex demonstrat, hic que fuit edita quondam

Lex hinc exiit mentes que ducit ab imis,

I s Et

Et vulgata dedit lumen per climata seclī

*Flavius Constantius felix victor magister utri-
usq; militie Patricius, & consul ordina-
rius, & Padusia illustris fœmina
eius uxor voti compotes de
proprio fecerunt.*

*Extabant & alij versus, quanquam barba-
ri, lectu tamen digni.*

*Agnoscant cuncti sacro baptismo functi
Quod domus hæc munda nulli sit in orbe secun-
da:*

*Nam quum papalis locus hic sit, & cathedralis,
Primatum mundi meruit sine lite rotundi:*

*Contendat nemo secum de iure supremo
Omnis ei cedit locus, & reuerenter obedit.*

Hunc Constantinus in cœlum mente supremum

Lepra mundatus intus, forisq; nouatus

Fûdauit primus factum quod in ordine scimus,

Et series rerum cogit nos scribere verum.

Christi successor primus fideiq; professor

Petrus, ab hac sede laxauit retiapræde

Clauē potestatis recludens regna beatis.

*Supra perystiliū exterioris basilicæ por-
ticus, eiusdem propemodum sententiæ, &
hi versus sunt:*

*Dogmate Papali datur ac simul imperiali
Quod sim cunctarum mater caput ecclesiarum.*

Hinc saluatoris cœlestia regna datoris

Nomine sanxerunt cum cūcta peracta fuerunt.

Sic vos ex toto conuersi supplice voto,

No-

Nostra q̄ hæc ædes tibi Christe sit inclyta sedes.

In absida verò basilicæ supra marmoreâ sedem, quæ in medio extat ante aram maximam, vbi papa sedere solet quando sacris interest, sunt & alij versus, sic.

*Hæc est papalis sedes, & pontificalis
Præsides, & Christi de iure Vicarius isti,
Et quia iure datur sedes Romana vocatur,
Nec debet vere, nisi solus Papa sedere,
Et quia sublimis, alijs subduntur in imis.*

Post Constantini tempora, vt ex Bibliothecario intelligitur, primus Leo papa camerâ in hac Basilica fecit, quam esse existimo porticum illam, rotundam, quæ retro tribunam adhuc superest.

Stephani VII. papæ anno primo, salutis verò DCCCXCVI. ingenti terræmotu, eiusdem basilicæ tectum, & magna parietum superiorum pars vsq; ad peristylum, ab absida vsq; ad porticum ante Ecclesiam, corruit. Quam septennio post, Sergius III. papa anno CMII. Creatus, omnino reparauit, pulchrioremq; restituit, musicis signis ornavit eius aurea argenteaq; ornamenta refecit. Eius rei memoria extabat in his versiculis absidæ, ex musico depictis, qui exoleuerunt.

*Augustus Caesar totum quum duceret orbem,
Condidit hanc aulam Siluestri chrismate sacrâ
Iamq; salutifera lepra mundatus ab vnda
Ecclesia hic sedem construxit primus in orbem,*
Sala

*Saluatori Deo qui cuncta salubriter egit
Custodemq³ loci pandit te sancte Ioannes
Inclinata ruit senio voluentibus annis
Spes dum nulla foret vestigia prisca recondi
Sergius ad culmen perduxit tertius ima
Cesspiteq³ ornavit pingens hæc mœnia papa.*

Supra fores verò basilicæ, interiori parte hæc carmina è musuo scripta erant.

*Sergius ipse pius papa hanc, qui cœpit ab imis
Tertius explevit istam, quam conspicias aulam.*

Ioannes etiam XII. qui anno CMLVI. creatus est, eandem basilicam renouavit. Innocentius verò II. qui Canonicus regularis in monasterio Lateranensi fuerat pontifex anno MCXXX. renunciatus, suis sumptibus tetum basilicæ Lateranensis ruinæ proximū refecit, nouis trabibus repositis, quas Rex Siciliæ Rogerius pontificis rogatu eidem Ecclesiæ de Calabria transmittens, donaue-
rat. Turrim quoque campanarum eiusdem Ecclesiæ, quæ casum minabatur, renouari iussit, & quam plurima dona eidem basilicæ obtulit Anastasius autem IIII. qui & ipse canonicus regularis fuerat, anno Domini MCLIII. multis fabricis, & ædificijs basilicam hanc auxit & exornauit. Longo tempore post, Nicolaus papa III. ex Ordine fratrum Minorum ad Pontificatum anno MC-CXXCVIII. assumptus anteriorem, posterioremq³ basilicæ partes ruinosas fortissimis repagulis additis firmavit, quod ex sequen-

quenti tabula in absida, siue tribuna eiusdem basilicæ è musiuo exarata intelligitur.

Tertius Ecclesiæ pater Innocentius hora,

Qua sese dederat sommo nutare ruina

Hanc videt Ecclesiam, mox vir pannosus, & asper

Despectuq; humerum supponens sustinet illam.

At pater euigilans Franciscum prospicit, atq;

Verè est hic, inquit, quem vidimus, iste ruentem.

Ecclesiamq; fidemq; feret, sic ille petitis

Cunètis concessis liber latusq; recessit,

Francisci proles primus de sorte Minorum

Hieronymus quarti Nicolai nomine surgens

Romanus præsul partes circumspicit huius

Ecclesiæ certa iam dependere ruina,

Anteretroq; leuat, destructa reformat, & ornat,

Et fundamentis partem componit ab imis.

Postremo quæ prima Dei veneranda refulsit

Visibus humanis facies hac integra sistens

Quo fuerat steteratq; situ relocatur eodem:

Præsidis ecce tui Deus hac amplectere vota

Quæ tibi persoluit domus huius ornando decorem,

Serua mirifica cœlo terraq; beatum

Effice nec manibus tradas hunc hostis iniqui.

Ingrediens populus deuotus munera sumat

Quæ bonus hic pastor dedit indulgendo benigne,

Et larga pietate pater peccata remittens.

Anno

*Anno ab incarnatione Domini nostri Iesu Christi
fuit MCCXCI. Pontificatus eiusdem Do-
mini Nicolai papa anno III.*

Idem Pontifex totam basilicæ abfidam è
musiuo B. virginis, & aliquot apostolorum
imaginibus depictis ornauit, quemadmo-
dum etiam ex hoc elogio sub musiuo exara-
toliquet.

PARTEM POSTERIOREM ET
ANTERIOREM RVINOSAS huius
sancti templi à fundamentis reædificari fe-
cit, & ornari opere musaico Nicolaus papa
III. filius S. Francisci, & sacrum vultum Sal-
uatoris integū rreponi fecit in locum, vbi
primum miraculosè populo Romano ap-
paruit, quando fuit ista Ecclesia consecrata,
Anno Domini MCCXCI.

Postea Bonifacius papa VIII. qui triennio
post Nicolaum III. pontifex fuit, eandem
basilicam multis fabricis renouatis resti-
tuit, quod antiqua marmorea hac inscripti-
one constat.

*Qui foetidam dedit esca lepra visusq, perosam
Et maculatæ fides multacum fece luctosam
Constantinus, ait? pueros pietate trucidam
Impialex, pietate datur mihi subdere terram:
Stant Petrus & Paulus, Siluestri suscipe nor-
mam,*

*Et rectam fidem sanctissimo fonte renatam,
Ac per transversos montes collesq, fugatam*

*Liberat ille cœlis, tenet Urbis Papa coronam
 Inde prior generosa mater Basilica præsens
 Facta fuit stabilis, quamvis lacerata per hostes,
 Tandem conualuit rusticam relinquendo ca-
 teruam.*

*Papa Bonifacius veniens Octauus in cam
 Auxit, posuit de multis nobile germen
 Qui noua progenies ipso faciente subacti
 Sic fugiant vitium quod non sciunt cauere ve-
 tusti,*

*Hic sunt scriptarum custodes reliquiarum
 Hic sunt missarum factarum à Deo rerum.*

Nouissimè Anno Domini MCCCVIII.
 Papa Clemente V. in Gallijs residēte, men-
 se Iunio, dum Canonici in choro horam Ve-
 sperorum cantarent, & iam hymnum (Ma-
 gnificat anima mea Dominum) inchoas-
 sent, negligentia quorundam artificum,
 qui laminas plumbeas tecti basilicæ Latera-
 nensis refarciebant, versa est olla in qua ig-
 nis erat pro plumbeis chartis cum resina &
 pice conglutinandis, ex cuius versione ig-
 nis in trabibus tecti accensus est, qui flans
 te austro adeo exarsit, vt totum tectum Ec-
 clesiæ, adiacentes Canoniorum ædes,
 porticum qua à basilica itur ad palatium,
 & Patriarchium ipsum omne consumpse-
 rit, parua tantum sancti Laurentij ædicu-
 la, quæ Sancta sanctorum dicitur, exce-
 pta, in qua tunc cum multis alijs reli-
 quijs capita Apostolorum Petri, & Pauli

recondita erant. Quo incendio magna thesauri, ornamentorumq; auri & argenti copia cum ingenti vestium suppellectile consumpta est. Qua propter anno qui sequutus est, Clemens papa V. ministros suos magna cum nummorum copia instructos misit, quorum opera Basilica, Canonica, Porticus & Palatium Lateranense in ampliorem & elegantio rem formam restituta sunt, non sine magno tamen pecuniarum dispendio, aliquotq; annorum interuallo. Hæc Ioannes Villanus lib. 8. cap. 97. Quo incendio & restitutione, multa imò ferè omnia tum altarium sepulchra, item chorus, pulpita, & similia ornamenta, vel mutata sunt, vel omnino sublata.

Gregorius XI. qui ante pontificatum Archipresbyter huius basilicæ fuerat, portam quæ septentrionem respicit, amplissimo opere ex elegantissimis parijs marmoribus fecit, cum ad Urbem Romanam curiam ex Gallijs reduxisset. Martinus Papa V. pavementum fere omne basilicæ (quod in media maioriq; naui est) ex lapide tessellato, & emblematis fecit, quemadmodum ex eiusdem insignibus liquet. Sed etiam Eugenius columnas ferè omnes primæ contignationis, maioris videlicet tophori incendio fractas & ruinosas, opere cocto, & lateribus vestiuit, arcusq; inter columnia fecit, quod opus Basilicæ & ornamento & conseruationi

nieſt. Idem Martinus baſilicam pulcherri-
mo opere pingi iuſſit à Petro Piſano, ſed
morte interceptus, opus perficere non po-
tuit: quod cùm Eugenius III. qui ei ſucceſ-
ſit, perficere decreuiſſet, ciuili diſcordia vr-
be pulſus, opus imperfectum reliquit. Xy-
ſtus III. turrim campanarum vetuſtate col-
labentem reſecit, & baſilica omni repurga-
ta, eius latera ſtrauit. Alexander VI. arcum
ante baſilicā magnis duabus columnis ſub-
ſtentatum, quo totius Eccleſiæ tectum ſub-
ſtinetur, & tectum ad aram maximam con-
ſtruxit, quemadmodum ex eius inſignijs,
quæ adhuc ſuper ſunt, apparet. Pius III. æ-
dificandi ſtudioſiſſimus, turres campanari-
as, frontem Eccleſiæ verſus ſeptentrionem,
laquearia Eccleſiæ deaurata admirabili ar-
tificio, & ſignis diſtincta fecit. Cæterùm
Antonius Martini de Clauibus Cardinalis
Portugalenſis, & eiufdem Baſilicæ Archi-
presbyter, organa quę nunc in baſilica ſunt,
ſuis expenſis fecit.

Baſilicæ Lateranenſis frons verſa eſt ad
orientem ſolem. Ante quam porticus, area
rueribus plena, palatium pontificum La-
teranenſe, & quidam horti, quos olim Pon-
tificum uſibus fuiſſe opinor, extant. In ipſa
porticu ſunt quinque portæ, ſed tres præci-
pue, media maior, ab utroque latere mino-
res duę: item alia cluſa, quæ ex Oratorio S.
Thomæ, quod & Secretarium baſilicę dice-

batur, in porticum exibat: & quinta, quam sanctam vocant, nunc clausa, quæ Iobilei vigesimo quinto quoque anno redeunte, referari solet. Extat inter duas fores sedes marmorea antiqua sigillata, quam imperitè quidam stercoreariam vocant, in qua (vt ex antiquo cerimonialem libro intelligitur) Romanus Pontifex recens creatus, omnibus Cardinalibus astantibus, antiquitus sedere solebat, pecuniam in populum spargere, & quasdam præterea caeremonias peragere. Basilica habet testudinem (quam nauem vocant) medianam magnam, cum tecto contigato tabulis ligneis ornato, & pulcherri-
mis auratis laquearibus Pij III. opera factis. Sustainantur altissimi parietes XXX. Crassis columnis, & quatuor parastatis, duabus frontem totidem posticum versus locatis. Porticus (quas alas, & minores naues vocant) inter basilicæ extremas parietes, & medianæ testudinis columnas, duplices ex vtraque parte sunt, quarum proxima medianæ ea longè humilior, rursus nouissima parietibus adhærens, altera paulò inferior est. Porticus ipsæ quatuor ex vtraque parte binæ, medio hinc inde pariete, duabus & quadraginta, è preciosissimo, omniumq; hilariore Lacedæmonio, viridi Tyberiaco marmore, paruis columnis cum elegantissimis capitulis sustentato, intersecantur: olim parietes hi toti picti erant,
nunc

nunc signa exoluere. Inter medianam testudinem, eiusque porticus siue alas, & chalcidicam, quam absidam vel tribunam vocamus, magnum interuallum extat, basilicæ crux vocatum, quod ad septentrionem versus maximam & insignem portam habet. Ante has basilicæ fores, est area maxima, quæ respicit formas aquæ Claudiae, à cuius leua sunt domus aliquot canonicorum, antiqua Hannibaldensium de Molaria turris nunc dimidiata, & parietinæ quædam: à dextra verò, aula magna, quam concilij vocant. In postico Ecclesiæ est maximus paries cum media magna chalcidica in hemycicli formam facta, quam tribunam vocant: in qua hodie canonici, & clerici Lateranenses sacra mysteria celebrant. Hæc pauimentum totum è musiuo, & vermiculato opere elegantissimo habet: nobilissimisque marmoreis, & è purissimo cupro cancellis à reliqua cruce separatur. Hemyciclum vsque ad Tophorum, vbi in Tholi speciem incuruat, totum è nobilissimo marmore sectis tabulis incrustatum est: in cuius medio est sedes Pontificis Romani emblematis, & quibusdam figuris ornata, ac sex marmoreis gradibus imposita: tota chalcidicæ testudo musiuo exornata est, atque ante omnia inter quatuor fenestrarum interstitia nouem Apostoli depicti sunt.

In absidæ verò curuitate sub sancti Saluatoris facie, crux est elegantissima: à cuius utroq; latere extant Beatæ Virginis Mariæ, sancti Ioannis Baptistæ, sanctorum Apostolorum Petri, Pauli, Andreæ, & Ioannis Evangelistæ, sanctorum Francisci, & Antonij de Padua, & Nicolai Papæ Quarti, cuius expensis (vt supra diximus) opus factum est, simulachra.

In media basilica Lateranensi posticum versus extat ara maxima, siue altare maius basilicæ marmoreū, super cuius etiam marmoreo ciborio, quatuor columnis cum capitulis corinthis sustentato, in tabernaculo ferreis cancellis optime circumcluso & munito, extant sacratissima Apostolorum Petri & Pauli capita, ab Urbano papa Quinto, quando Romam ex Auenione venit, ex basilica S. Laurentij, quæ sancta sanctorum dicitur, excepta, & in eo loco thecis argenteis clusa collocata. Iacuerant autem in S. Laurentij basilica (vt infra aperiam) multis annis. Urbanus porro videns ea digno in loco (vt par erat) haud seruari, fabricato ad id aptè fereulo illo marmoreo, gemmisq; margaritis, & inextimabilis pretij vnionibus refertas, argenteas thecas seu capita fabricari fecit, in quibus pretiosissima Apostolorum crania collocauit, & diligentissima sub custodia (quemadmodum hætenus fit) obseruari mandauit. Apostolorum vero capi-
ta sta-

ta statis quibusdam diebus, scilicet quin-
 quies in anno, vt feria v. in cœna Domini, in
 festo Paschatis, Natalis Domini, Dedicatio-
 nis basilicæ, coronationis Pontificis, ad S.
 Ioannem, populis confluentibus deuotissi-
 mē ostenduntur. Sub ipso vero altari, quod
 vacuum est (tabulis enim quinque marmo-
 reis ad modum arcæ est fabricatum) multæ
 sanctorum reliquiæ esse commemorantur,
 quarum series in appensa altari magna ta-
 bula notata est. Sub eodem altari est Orato-
 rium subterraneum satis amplum, in quod
 scalis descensus est per fenestram æreo can-
 cello clusam. In eo Oratorio est vetustissi-
 mum altare muro iunctum, supra quod
 sunt tres magnæ ampullæ oleo sancto chris-
 matis, & cathecumenorum, id est, baptis-
 matis plenæ. A leua, sinistraq; huius altaris
 extant quatuor miri operis columnæ co-
 rinthio ære, & opere fabricatæ: ad quas al-
 luisse videtur Virgilius, cū ait III. Geor-
 gicorum.

*Atq; hic undantem bello, magnumq; fluentem
 Nilum, ac nauali surgentes ære columnas*

Quæ ibidem ad loci ornatum collocatæ
 sunt. Eas autem fuisse ferunt in antiquo
 Nemesis templo, quod totum ex ære factum
 fuerat: cuius etiam templi fores, & cancelli,
 hi esse memorantur, qui nunc Laterani su-
 pra canonicorum chorum, & ad Panthei fo-
 res pro portis in vsu sunt. Hæ columnæ an-
 tiqui-

tiquitus non erant, vbi nunc sunt, sed paulò ante absidam, & ad altare sanctissime Eucharistiæ versus. Super quarum capitulis æneis, erant imagines aliquot sanctorum aureæ, & argenteæ miri operis. Item, aliquot lucernæ, quæ in quibusdam præcipuis festis pro oleo balsamum ardebant, quod Orientales Romanæ Ecclesiæ pendere solebant, quam pensionem postea pecunia accepta, eisdem Formosus Papa remisit. Cæterùm quis eas postea vbi nunc sunt, transtulerit, vel quæ imagines, & lampades ipsas abstulerit, incompertum est. Antiquis temporibus ante aram maximam, vbi nunc est sepulchrum Papæ Martini Quinti, fuerunt duo marmorea pulpita quæ ambones vocant, quemadmodum sunt in basilica S. Mariæ Maioris, S. Pauli, SS. Cosmæ & Damiani, & in omnibus vrbis basilicis: super quæ epistola & Euangelium legebantur à Diaconis, & Subdiaconis: & Romanus Pontifex, vel præsentem Pontificem aliquis ex Episcopis, vel presbyteris Cardinalibus prædicare solebant. Inter hæc duo pulpita chorus canonicorum erat cum altari, in quo canonici ipsi Missam maiorem celebrabant. Nam super aram maiorem solus Romanus Pontifex, vel eius iussu Episcopi Cardinales sacra faciebant. Quæ omnia Martinus V. in noua pauimenti basilicæ Lateranensis restitutione substulit. In cho-
ro

ro autem illo vetere canonicorum, erat altare in honorem Beatæ Mariæ Magdalenæ dedicatum: in quo corpus eius sine capite conditum fuisse fertur ab Honorio Papa II. qui ipsum altare olim dedicauerat. Hoc altare nunc paulò longius ab antiquo loco translatum est, scilicet prope parastatam nouissimam dextro basilicæ latere: diciturque etiam hodie sanctæ Mariæ Magdalenæ. Est totum marmoreum, & emblematibus ornatum, atque supra sex gradus marmoreos locatum: habetque supra elegantissimum tabernaculum, totum tessellatum ex aureis lapellis, cum insignibus nobilium familiarum columnæ, Hannibolensis, & Casarorum, Cancellis ferreis clusum, & quatuor è granito marmore columnis sustentatum. Circa tabernaculum marmoreum est mœnium ligneum, alijs aliquot sine ordine dispositis columnis impositum: ex quo sanctorum reliquæ, quæ in eo tabernaculo religiosissimè seruantur, populo Romano ostenduntur, quorum seriem infra exponam. Retro sub absida fuit altare sanctorum Chrystanti, & Dariæ, in quo ipsorum corpora recondita olim fuerant: sed quum tempore quo Ecclesia corruit sub Steno sexto, pollutum, & dirutum fuisset, translata sunt in Oratorio sanctæ Mariæ, & sancti Pancratij martyris, quod erat in dextro latere basilicæ,

vbi nunc sacrarium est, ibiq; sub altare ipsius Oratorij recondita sunt. Dextera basilicæ parte haud longe ab eo loco vbi nunc est sepulchrum Syluestri Papæ Secundi, versus Oratorium sancti Thomæ, fuit altare sanctorum quadraginta martyrum. A sinistro porrò basilicæ latere, euntibus ab ara maxima ad Ecclesiæ portas, haud procul à porta quam sanctam vocant, fuit altare sancti Antonini martyris. Ab eo latere venientibus à porta sancta versus aram maximam, haud longe à porta qua itur ad aulam concilij, fuit altare Beatæ Mariæ de Riposso; neque plura in basilica Lateranensi antiquitus altaria fuisse inueni. Quæ omnia nostro tempore partim vetustate & temporum iniuria, partim insigni illo Clementis Quinti incendio, mota, translata, vel omnino (præter vnum altare maius) destructa sunt. Post incendium Laterani, multa à diuersis Christi fidelibus altaria missis celebrandis fabricata sunt, quæ modo extant.

Hodie in basilica Lateranensi præter antiqua duo altaria, maximum scilicet, & sanctæ Mariæ Magdalene, quorum certam memoriam habemus, multa de nouo erecta sunt, quarum descriptionem facturus à basilicæ fronte, atque adeo ab ipso Oratorio, cum altari sancti Thomæ, quod dextro latere meridiem versus situm est, incipiam. Hoc Oratorium vetustissimum est, à Ioanne

ne

ne Papa Duodecimo constitutum, quando & basilicam Lateranensem renouauit, qui anno noningētesimo quinquagesimo quinto pontifex factus fuit: & antiquis temporibus secretarium Lateranense vocabatur, in quo Romanus pontifex sacra ad aram maximā factur⁹, cū Episcopis, & Cardinalibus Sextam cantare, eiusq; temporis spatio ipse cum omnibus ordinibus sacratas vestes indui solebat, qua finita ē secretario prodiens, per porticum ingrediebatur basilicam, & ad altare maximum processionaliter ordinatim proficiscebatur. Habet paruum hemyciclum, & epistylum super quatuor columnas, in cuius tophoro est sequens inscriptio.

HIG. LOCVS. OLIM. SORDENTIS.
TVMVLI. SQUALORE. CONGESTVS.
SVMPTV. ET. TE. DOMINO. TANTA.
RVDERVM. MOLE, SVBLATA. QVAN-
TVM. CVLMINIS. NVNC. VIDETVR.
AD. OFFERENDVM. CHRISTO. DEO.
MVNVS. OR.

. Id nunc latericio pariete inter-
medio separatum, in duo diuisum est ora-
toria. In quorum altero, quod meridiem
respicit, in absida est altare S. Ioannis Bapti-
stæ, in quo multæ reliquiæ sanctorum con-
seruantur: in his arca fœderis, mensa Chri-
sti, virga Aaron, & Moïsi, & multa sancto-
rum ossa. Hoc oratorium non ingrediuntur

mulieres, nisi die sancti Thomæ Apostoli. In altero verò Oratorio Canonici cum Vicario Archipresbyteri singulis sabbatis congregari solent ad basilicæ negotia tractanda, expediendaq, quæ congregatio capitulum ab eis more monastico vocatur. Ante id secretarium in fronte Ecclesiæ intus inter duo ostiola, est altare S. Ioannis Baptistæ, Metelli Vari Porcij opera factum. Proxime est sepulchrum Sylvestri Papæ Secundi, ex porticu Laterarense eo translatum. Deinde cōtinua & perpetua decem Altarium series, sub decem cibarijs à columnellis sustentatis. Altaria ipsa recens facta, vel saltem post basilicæ incendium, columnellæ è marmore viridi Tyberiaco sunt cum elegantissimis capitulis. A sinistro verò basilicæ latere, exeuntibus Orientem versus inter portas sanctam, & aliam minorem, in secunda porticu siue naui, est altare Melinorum, Deo, Beatæ Virgini, SS. Apostolis Petro & Paulo, Ioanni Baptistæ, & Euangelistæ dicatum. Pone illud à tergo crassissimæ parastatæ, inter illud & portam sanctam, est vetustissimum porphyreticum sepulchrū, elegantibus signis ornatum, in quo sepultus est Anastasius Papa IIII. postea est porta, quam sanctam vocant. Inde Occidentem versus, venientibus in ipso minoris porticus siue navis pariete, est altare antiquissimum sine nomine, in vetusta clusa porta locatum:

catum: aliud de hinc extat altare etiam sine nomine, post duo insignia vermiculata sepulchra duorum Diaconorum Cardinalium Berardi Garacioli Neapolitani, & Ricardi Annibaldensis de Molaria Romani, vt ex litterarum vestigijs & insignibus intelligitur. Post altare S. Ioannis Euangelistæ proximè est porta, qua per gradus itur ad Concilij aulam: deinde altare SS. Lucæ, Stephani, & Marci. In hoc porticu per dispositas stationes manent Presbyteri pœnitentium, qui pœnitentiarij vocantur. In fine huius naus prope parastatam nouissimam, occidentem versus, est altare S. Leonardi, Vrsinorum. Initio verò porticus, quæ est retro absidam in hemycicli speciem, sunt quatuor altaria: vnum nouum sine nomine, pone absidam in fornice, alterum Præsepis: à sinistro etiam latere, in paruo sacello, ante quod in terra sepultus est Laurentius Valla, Latinis Græcisquæ litteris eruditissimus, eiusdemquæ basilicæ canonicus: tertium altare emblematis ornatum sine nomine: quartum versus sacra-rij noui ostium, in quo quæ ex sacramentorum reliquijs superfluunt, conduntur. In transuersa basilicæ naui prope altare Præsepis, parte leua, est altare sanctæ Catherinæ cum ciborio è stuccis ornato.

Prope est altare Guilhelmi Pererij, Rotæ auditoris, Deo, sanctis Ioâni Baptistæ, & Euā
ge-
li-

gelistæ, & Iacobo Minori dicatum, anno Domini MCCCCXCII. Sequitur altare Angelotti Fasci Cardinalis tituli sancti Marci, ab Eugenio Quarto facti, & eiusdem Ecclesiæ Archipresbyteri. In eadem parte prope absidam maiorem, est ara cum tabernaculo ferreis claustris circumdata, in qua seruatur sanctissima Eucharistia. Ab eodem latere in parastata minoris nzuis, est altare sanctæ crucis, quod idem Guilhelmus de Perrerijs auditor Rotæ, Deo Saluatori nostro dicauit, Anno Domini MCCCCXCII. At prope portam, quæ ad meridiem respicit, est alia ara cum operculo, quæ pietatis dicitur.

A dextro Chalcidicæ latere initio porticus pone ipsam, extructum est sacrarium nouum ab Eugenio Papa Quarto, duabus cameris distinctum, in quo olim fuit Oratorium sanctæ Marię Virginis, & sancti Pancratij, de quo sæpè in antiquis annalibus mentio est. In quo antiquitus fuit altare ornatum, consecratum ab Innocentio Papa Secundo, in quo collocata fuerunt corpora SS. Chrysanti, & Dariæ, & reliquiæ sanctorum Pancratij, Iacobi Apostoli, Matthæi, & Thaddæi Apostolorum, Timothei discipuli sancti Pauli, Stephani protomartyris, Innocentium, de Lintheamine & sepulchro Domini. Item, reliquiæ sanctorum Blasij, Nicodemi, Vitalis, Gervasij, Protasij, Nazarij, Celsi, Felicitatis, & quadraginta martyrum. Hodie
in

in hoc oratorio, quod sacrarium est, quæ ad mysteriorum vsum pertinent sacræ vestes, vasa, & alia eiusmodi seruantur: & sacerdotes rem diuinam facturi, sacratas vestes induunt: per hyemem quoque sacra mysteria ibidem à canonicis, & reliquis sacrificulis celebrantur. Sunt in ea præter aliquot argenteas cruces capsulæ duæ, vna christallina, in qua est caput sancti Zachariæ prophetæ, cum alijs reliquijs: & in alia Ebo-rea, cum tabernaculo ecupro aureato reliquiarum pleno.

Paulò vltra ostium sacrarij, est sacellum sanctorum Apostolorum Philippi, & Iacobi, cum ara, quod est familiæ columnæ ius patronatus, in quo sacra facientibus, multæ indulgentiæ sunt concessæ, cum liberatione animarum è purgatorio. Item aliud altare, quod mortuorum vocant. Deinde sub veteri choro, parieti basilicæ adiunctū est altare Beatæ Virginis annunciata, quod insigni pictura collegium beneficiatorum Lateranensem erexit, dedicauitque anno salutis MDLV. Haud longe ab eo est marmoreum sepulchrum Antonij Martines de clauibus Cardinalis Portugalensis, cum eiusdem Cardinalis altari. Prope columnas æreas in parastata exarata est in marmorea tabula Xysti Quarti bulla, quo anno salutis MCCCLXXV. pontificatus verò Quarto, Kal. Iulij instituit opus fabricæ Lateranensis, opera-

perariosq; creauit duos canonicos, totidem ciues Romanos, & Episcopum vnum curiam Romanam incolentem, protectorem verò Cardinalium omnium vetustissimū, multasq; & magnas largitur indulgentias omnibus qui basilicæ Lateranensis reparationi eleemosynas piè tribuerent. Arcæ maximè appensa est tabula lignea recens cōscripta, in qua descripta sunt nomina sanctorum reliquiarum, quæ tam Laterani, quàm in basilica S. Laurentij, quæ sancta sanctorum dicitur, reconditæ sunt, Cuius tabulæ summa hæc est, quo ad aræ maximè reliquias attinet. Sub altare maiori, est altare ligneum à S. Syluestro stabilitum, & ferreis cratibus septum, sub quo infinitæ sunt sine certo nomine sanctorum reliquiae. In ciborio verò marmoreo supra altare præter capita Apostolorum, sunt hæc reliquiae. Caput S. Pancratij martyris, humerus sancti Laurentij, Dens S. Petri, Tunica S. Ioannis Euangelistæ, cineres S. Ioannis Baptistæ, prima camiscia saluatoris, linteum quo ipse Dominus pedes discipulorum absterxit, purpureū vestimentum Christi cum guttis sanguinis, velum femoralium Christi crucifixi, sudarium quo Ioseph ab Arimathia Christi caput inuoluit, præputium Iesu Christi, tabula ex cineribus plurimorum sanctorum martyrum concinnata, cum ligno sanctæ crucis, capsula lignea gemis, & margaritis ornata, in qua

qua multæ reliquiæ inuentæ sunt. Quæ omnia die Paschæ ostenduntur populo. Sub altari quoq; multæ aliæ sunt reliquiæ, ibi à Nicolao Papa III. collocatæ.

*De basilica Lateranensis redditibus,
& ornamentis.*

CONSTANTINUS pius Imperat. omnibus quas construxit Ecclesijs annuos tot solidorum aureorum prouentus, ex quibus earundē sartatecta restituerentur, ornamenta & luminaria continuarentur, & in ijs deservientes sacerdotes, & clerici alerentur, contulit. Solidus aut aureus ad æstimationem nostratis monetæ redactus, aureum vnum coronatum cum dimidio valet. Redditus aut præter ornamenta erāt ex possessionibus, massis, fundis, domibus, hortis, oliuetis, & vineis. Massa erat, quā nunc Casale diceremus, multitudo agrorū, & rusticorū illos incolentiū, in vnū coacta. Fundus erat, quā nos possessionē dicimus, paucorū agrorum redditus. Cōtulit aut basilicæ Lateranensi Imperator Constātinus infra scriptas massas, præter ornāmēta, q̄ etiā enumerabo, quas Damasus in vita S. Sylvestri enumerat: Massa Gargillana in territorio Sueffeno, præstans solidos 409.
Massa Bauronica in territorio Sueffano, præstans solidos 360.

Massa

Massa Auriana in territorio Laurentino, præstans solidos 500.

Massa Urbana in territorio Antiatino, præstans solidos 240.

Massa Casti in territorio Catinensi, præstans solidos 1000.

Massa Trapeas in territorio Catinensi, præstans solidos 1650.

Summa 4159. nostræ pecuniæ æstimatione sunt aurei 6239.

Sequentes etiam pontifices multos alios redditus huic basilicæ donasse existimandum, quæ mihi modo incognita sunt. Nunc basilica Lateranensis ex casalibus, fundis, oliuetis habet in redditibus aureos coronatos plus minus 6000. qui in ministros Ecclesiæ, de quibus infra dicam, diuiduntur. Multos præterea tum Pontifices, tum Imperatores maiores redditus, & prouentus, item vectigalia eidem Ecclesiæ obtulisse est existimandum, quorum memoria temporum iniuria deperdita est. Memini tamen me in quibusdam eiusdem Ecclesiæ archiuijs legisse, Alexandrum Papam Secūdum, donasse canonicis Lateranensibus dimidiū omnium oblationum aræ maximæ Lateranensis, quæ ibidem toto anno fierent: item, domus omnes basilicæ adiacentes: multa præterea prædia, & agros per varias vrbes, & Italiæ loca existentia, quæ omnia in eius priuilegio enumerantur. Innocentium quoque

que Papam Secundum, donasse inueni basilicæ Lateranensi centum Lucensis monetæ libras, quibus agri emerentur ad canonicorum in ea residentium sustentationem, ex quibus D. Bernardus tum prior Lateranensis, postea Episcopus Cardinalis Portuensis, aliquot possessiones emit non longe ab vrbe iuxta formas prope Ecclesiam sanctæ Helenæ: sed & Lucius II. donauit canonicis Lateranensibus suo diplomate Ecclesiam sancti Ioannis ante portam Latinam, cum omnibus quæ ad eam pertinebant redditibus, & vectigalibus: item hospitale iuxta portam Lateranensem situm. Sed & Anastasius Quartus, priuilegio suo quod adhuc extat, donauit huic basilicæ Ecclesiam sancti Georgij in Marcio, cum palatio in quo sita est, & omnibus quæ ad eam pertinebant redditibus: item agrum cum molendino extra portam Lateranensem, in capite ubi fuit aliquando lacus quidam, quum ante omnia sua bona confirmasset. Innocentius Tertius, donauit basilicæ Lateranensi castrum Frascati, & Ecclesiam sancti Andreæ in Silice, cum redditibus suis. Quæ omnia cum antiquis indulgentijs confirmauit, & renouauit Alexander Papa Quartus, Anno Domini MCCLX. Honorius verò Papa Tertius, suo priuilegio confirmauit omnia basilicæ Lateranensis bona.

De ornamentis aureis, & argenteis, item
L vesti-

vestibus, picturis, imaginibus, quæ in basilica Lateranensi fuerunt, breuissimè agamus. In sancti Syluestri vita ita Damasus Papa scribit. Hæc sunt ornamenta & dona, quæ Constantinus Imperator obtulit basilicæ Lateranensi ab se recens constructæ. Fastigium argenteum librarum MXXV. habens in fronte Saluatorem sedentem in sella quinque pedum, librarum CXX. alias CXXX. Item à tergo respiciēs in ablida, Saluator sedens in throno pedum V. ex argento purissimo, pensans libras CXL. Item quatuor angeli argentei pedum V. cum gemmis alabandinis, singuli pensantes libras CV. Item duodecim Apostoli cum coronis ex argento purissimo, singuli V. pedum, & librarum XC. Camera basilicæ ex auro in longitudinem, & latitudinem, librarum D. Altaria septem argentea, pensantia libras CC. Coronæ quatuor aureæ, cum viginti delphinis, pensantes singulæ libras XV. Pharum aureum cum quinquaginta delphinis, & catha librarum XXV. Pharum cantharum aureum ante altare, in quo ardebat oleum Nardinum pisticum cum delphinis XXC. pensans libras XXX. Pharum cantharum argenteum cum delphinis viginti, ubi ardebat oleum Nardinum pisticum, librarum XL. Phari canthari argentei in medio basilicæ XLV. pensantes singuli libras XXX. in quibus oleum superscriptum ardebat. Phari

ri canthari argentei in dextra basilicæ XL. singuli librarum XX. phari canthari argentei in leua basilicæ XXV. singuli librarum XX. Canthari cerostroti argentei L. in medio basilicæ, singuli librarum XX. Metretæ III. argenteæ, singulæ librarum C. CC. portantes medimnos decem. Candelabra septem ex auricalco, singula pedum X. cum argentea celatura sigillis prophetarum inclusis, pēsantia libras CCC. singula ad luminarium vsum. Amæ aureæ duæ, pensantes singulæ libras quinquaginta, & portantes medimnas tres. Amæ argenteæ XX. singulæ librarum X. & portantes medimnos singulos. Scyphi ex auro purissimo septem, singuli librarum X. Scyphus vnus ex metallo, ornatus corallo, & gemmis prasinis & hyacinthinis circum circa auro ex omni parte interclusus, librarum XX. & vnciarum III. Scyphi argentei XX. singuli librarum XV. Calices minores argentei ministeriales quingenti, singuli librarum duarum. Patenæ aureæ septem, singulæ librarum XXX. Patenæ argenteæ sexdecim, singulæ librarum XXX. Thymiamateria duo aurea, pensantia singula libras XXX. Donum aromaticum ante altaria singulis annis, librarum CL. Hidriæ duæ argenteæ, pensantes singulæ libras C. quas postea Leo papa primus cum alijs quatuor eiusdem ponderis, quæ erant in basilicis Apostolorum

rum Petri, & Pauli, conflavit, & omnia vasa sacrata per singulos titulos refecit, quæ à Barbaris Vandalis in direptione vrbis ablata fuerant.

Constantini pij Imperatoris exemplum in de nouo ædificandis & exornandis vrbis basilicis, etiam cæteri Imperatores orthodoxi secuti sunt. Nam sub Xysto Papa Tertio, eius rogatu Placidius Valentinianus Augustus in basilica Lateranenſi refecit fastigium argenteum, quod à Barbaris sublatum fuerat bello Gothico, librarū MDCX, Carolus Rex Francorum Imperator à Leone Papa Tertio consecratus, obtulit Lateranenſi basilicæ crucem auream cum gemmis hyacinthinis, quam idem Pontifex in Litanijſ ſe præcedere conſtituit, iuxta S. Imperatoris rogatum: eam verò furto ablatā, & ornamentis ſuis ſpoliatam, Leo Quartus inuentam auro & margaritis, gemmiſq; hyacinthinis, & praſinis exornauit, & pulcherrimam refecit, iuſſitq; vt more maiorum ante Pontificem in Litanijſ præferretur. Hilarius quoque, Simplicius, Hormiſda, Gregorij ſecundus, & tertius, Hadrianus, Leones tertius, & quartus, Nicolaus, Sergius tertius, Innocentius ſecundus, Lucius ſecundus, Anaſtaſius quartus, Alexander tertius, Honorius tertius, Innocentius tertius, Martinus quintus, Eugenius quartus, Nicolaus quintus, Xyſtus quartus, Ale-

xander sextus, Paulus tertius, & alij Romani pontifices, multa aurea, argentea, sericea dona huic basilicæ obtulerunt. In sacrario nouo sunt adhuc duæ argenteæ cruces magnæ, & deauratæ, in quibus est de ligno crucis, quæ in Litanijis sancti Marci portantur, sunt varijs signis, & picturis, noui, veterisque testamenti ornatæ.

Extant præterea eó loci tres paruæ cruces argenteæ deauratæ, gemmis, & margaritis refertæ, & alia crux aurea, quam Rex Lusitaniz Iulio secundo donauit, ille verò basilicæ Lateranensi eam concessit.

Principio statim post basilicam conditâ, diuina in ea speciatim ministeria celebrabant Romanus Pontifex, & presbyteri vrbis Romæ tam Cardinales, quam non Cardinales, septem Diaconi, totidem Subdiaconi, & reliquus Romanus clerus, & populus fidelis. Nam psalmodiam, hymnos, & preces, populus cum minoribus maioribusque clericis canebant: Episcopus concionabatur: presbyteri omnes sanctæ Romanæ Ecclesiæ sacramenta per vices tractabant. Aucta fidelis populi multitudine cum presbyteri per singulos vrbis Romæ titulos distributi essent, hique in suis parœcijs occupati non ita asistere Romano potifici possent, clericorum quoque disciplina laberetur: Gelasius Papa circa annum domini CD. clericos, qui ab arctiore vitæ instituto ca-

nonici, id est, regulares vocati sunt (hi Apostolorum, & primitivæ Ecclesiæ more secundum beati Augustini regulam in communi vivebant) Laterani collocavit, qui presbyterorum veterum tã Cardinalium, quàm non Cardinalium loco, basilicæ Lateranensi speciatim addicti, quotidie deferuirent in administrandis præcipue sacramentis, & publicis precibus fiendis. In quibusdam verò solennitatibus Romanus pontifex antiquum cum presbyteris Cardinalibus, & alijs basilicarum vrbis prælatis, morem retinebat. Nam vetere instituto in basilica Lateranensi rem diuinam facere solebat. Canonici porro priscis illis temporibus præcipuum (vt dixi) munus erat, sacramenta plebi Dei administrare: nam in psallendo minus erant occupati, quum eo tempore psalmodiam adhuc fideles populi frequentarent. Ceterùm cum religionis zelus paulatim decreuisset, Lateranensisque basilica non ita in psalmodia frequentaretur à populis, & canonici maioribus occupati rebus, cantiones frequentare nequirent, optima occasione accidit, vt haud longe post Gelasij tempora à Monachis id munus Laterani susciperetur. Qui paulò ante à beato Benedicto Abbate in Occidente instituti, optime viuendi normam acceperant. Is enim in monte Casino Monachorum cœnobio ædificato, eis pri-

primus omnium occidentalium iura viuendi dedit, qui quum nullis sacris tum initiarentur, orationibustantum, precibus, hymnis, psalmis, & cantui in Ecclesia vacare solebant. Huic sanctissimo patri Benedicto, quum anno Domini DXLII. obijisset, in monasterij Casinensis regimine vir sanctus Abbas Constantinus successit, eiusdem patris discipulus. Huic tertius Simplicius, cui quartus Vitalis, & eidem Bonicius Abbates successere. Sub Abbate Bonicio Longobardi, qui Iustino minore Augusto, anno Domini DLXVIII. Italiam inuaserant, Cassinense Monasterium nocturno tempore fratribus quiescentibus ceperunt, & omnibus direptis effecerunt, vt ne vnus quidem illic homo permaneret. Fugientes itaque ex eodem cœnobio Fratres Romanam sub Ioanne papa tertio, profecti sunt: ex cuius pontificis concessione iuxta Lateranensem basilicam Monasterium construxerunt sub titulo sanctorum Ioannis Baptistæ, Euāgelistæ, & Pancratij, vbi per centum & triginta annos, quo ad Casinense Monasterium dirutum permāsit, perstiterunt, & laicorum loco in Lateranensi basilica sacras horas, & psalmos canere cœperunt, canonicis tantū sacra in ea facientibus, & sacramenta omnia administrantibus. Huius monasterij meminit sanctus Gregorius libro Dialogorum 2. cap. I. Cæterum quum pro-

cessu temporis Monachorum Lateranensium laberetur institutum, Gregorius Papa tertius, Monasterium sanctorum Ioannis Baptistæ, Euangelistæ, & Pancratij prope Lateranensem basilicam antiquitus constructum renouauit, quod tum Monachis superiorum pontificum in curia pene destitutum erat; cui prædia multa & dona contulit, & quæ inuenerat ipsius Monasterij alienata reddito pretio eidem loco restituit, ubi & congregationum Monachorum reformauit, & Abbatem constituit, ad persoluenda quotidie sacra officia laudis diuinæ in basilica sancti Saluatoris, quæ dicitur Constantiniana iuxta Lateranum, diurnis nocturnisque temporibus, quemadmodum tunc in basilica sancti Petri Apostoli fieri mos erat. Quo verò tempore Monachi eo loco cesserint, & canonici multiplicati, Monachorum munia in psallendo & horas canonicas cantando supplere cœperint, incompertum. Certum est aliquot sæculis post canonicorum tantum Lateranensium, qui monachorum more in communi vivebant, prioremque, qui Abbatis loco omnibus præesset, habebant, mentionem fieri, & Monachis omninò præteritis. Canonicorum ordinem dilabentem Laterani iuxta beati Augustini regulam post multa tempora primus omnium Romanorum pontificum reformauit Alexander Papa secundus, qui ante

te pontificatum clericus regularis fuerat, & in amplissimam dignitatem, vitæ-
 quæ splendorem restituit: ita vt Mona-
 chis Casinenfibus magno tunc sanctitatis &
 pietatis nomine florentibus, & celeberrimis, nulla in re cederent. Quare ea deinceps congregatio ingentem maximorum
 virorum prouentum tulit. Ex eo enim monasterio prodierunt Honorius secundus,
 Innocentius secundus, Lucius secundus,
 Alexander tertius, & Honorius tertius, Romani pontifices: multi præterea & magni
 nominis Cardinales. Post Alexandrum secundum, Paschalis secundus papa, canonicum ordinem diuturni schismatis tempore
 paulatim laxatum, pontifex factus salubri studio & prouidentia in Lateranensi cœnobio correxit. Floruit verò maximè hæc congregatio Laterani sub Alexandro tertio, &
 aliquot eius successoribus, cum magna hominum præstantissimorum copia, tum eximie sanctitatis opinione. Hi monasterium
 Lateranense incolebant, quod inter porticum sancti Venantij, & basilicæ Lateranensis absidam inchoatum, vbi adhuc in area eadem
 veteris claustrum nouem columnæ superfunt, ab ea area ad eandem basilicæ partem protenditur, quæ occidentem spectat. Vbi adhuc in ipsa area vetus claustrum totum
 vermiculatum cum hoc elogio in Zophoro è musiuo iâ exolescente conspicitur:

*Canonicam formam sumentes discite normam,
 Quam promissistis hoc claustrū quando petistis,
 Discite sic esse tria vobis adesse necesse
 Nil proprium, morem castum portando pudo-*
rem,

*Claustri structura sit vobis docta figura,
 Ut sic clarescant animæ, moresq; nitescant,
 Et stabiliantur animo qui canonicantur,
 Ut coniunguntur lapidesq; sic polliuntur
 Gaudeat . . . novellis Christoq;
 fidelis*

Qui sua dimisit operi vel mundi

Extant in eodem loco omnia monasterij vestigia, vt supernè claustrum aliud nouum cum cellis hinc inde extructum : dormitoria duo, cellulæ, refectorium, claustrum aliud interius dirutum, vbi sunt aliquot canonicorum domicilia. In medio verò claustri vermiculati est hortus cum cisterna, & aliquot pulcherrimis pilis, & omnia postremo extant, quæ in rectè institutis cœnobijs ædificari solent.

Permanferunt autem clerici hi, qui canonici vocati sunt in communi monachorum more viuentes, in monasterio Lateranensi basilicæ adiecto annos plus minus DCCC. vsque ad Bonifacij VIII. pontificatum, qui circa annum Domini MCCC. eos canonicos claustrales monasterio Lateranensi exire ordinauit, & sæculares clericos qui canonici sæculares vocantur collocauit, singulisq;

ex redditibus monasterij singulas præbendas speciatim constituit.

Permanferunt autem pacifice Laterani canonici sæculares vsque ad Eugenij III. papæ tempora. Hic pontifex quum fuisset ante pontificatum canonicus cœlestini habitus, monachismum, & vitam regularem maximè coluit, clericos sæculares odio habens. Is, exactis & in ordinem omninò reductis canonicis sæcularibus, in Basilica Lateranensi canonicum regularis vitæ ordinem, quemadmodum antea fuerat renouauit, in eamq; eosdem canonicos regulares, Frisonariæ reformatos reduxit, claustrumq; cum dormitorio in quo habitaret, à fundamentis pene restituit. Qui in ea permanferunt vsq; ad obitum Nicolai Papæ v. Quo mortuo ciuili tumultu à Romanis loco pulsi sunt, canoniciq; sæculares iterū introducti, qui ibidem à Callisto III. Nicolai V. successore confirmati, basilicam Lateranensem vsque ad Paulum II. tenuerunt: Qui Eugenij III. auunculi sui vestigia secutus, vbi primum coronatus est, meliori (vt ei visum est) ratione canonicos regulares Lateranum reducendos censuit. Nam veteres quidem sæculares canonicos eo loco exigere noluit, sed ijs regulares adiunxit in basilicæ Lateranensis obsequijs: tamen vt seorsum vnumquodque collegium diuina celebraret mysteria. Et vt rem pacificè transigeret,

ret, canonicorumquæ sæcularium nomen eo in loco quietè aboleret, veteres sæculares canonicos vt præbendas suas sibi resignarèt hortabatur, maioribus redditibus in compensationem datis, si Romæ beneficium aliud vacaret, & tam in horum quos in suam voluntatem sponte trahere poterat, quàm decedentium locum nullum amplius sufficiebat. Eorum verò, qui renunciare suos canonicatus nolebant, nullam vel resignationem alijs factam, vel renunciationem acceptabat. Atque ita illorum collegium paulatim abrogare disposuerat, vt tandem beneficia illa omnia in vnum corpus redacta, canonicis regularibus sufficerent sine vlllo suo dispendio, cum eum illos tum pascere ob inopiam oporteret: & demum omnibus sublatiis canonicis, regulares postea liberè monasterij redditibus potirentur, nemini iniuria facta. Quo tempore inter vtrumque collegium multæ rixæ & seditiones fuere in præcipuis solennitatibus, & præsertim corporis Christi, dum vniuscuiusque collegij caput sacrorum mysteriorum honorem sibi vendicaret. Quamobrem Paulum multum ab se ciuium Romanorum animos abalienasse ferunt, quod dicerent illa beneficia à maioribus suis instituta, pulsas ciuibz legitimis possessoribus, aduenis dari. Neque enim his quæ diximus contentus Paulus, seorsum etiam quosdam
cano-

canonicos sæculares allocutus est, minis etiam adhibitis, quibus eos abdicare se illis canonicatibus impellebat. Nonnulli ex his eius minas contemnentes, tempus vindicandi quæ amiserant expectabant, quod postea eo mortuo accidit. Nam in hoc ipso conatu repentina morte quum decessisset, denuo regulares ipsi tumultu ciuili à farente populo, qui eas sibi præbendas eripi graue ferebat, exacti sunt. Quare sub Xysto quarto, loco sanctæ Mariæ de pace in vrbe obtento, canonicam Lateranensem Romanis reliquere, veteresquæ sæculares canonici eo loco restituti, qui basilicam ad nostra vsque tempora custodiunt, & cantoribus aliquot mercede quæ conductis clericis diuina mysteria in ea celebrant. Clericorum porro ordo, qui nunc basilicam Lateranensem tenet, triplex est. Nam aliqui eorum canonici, aliqui beneficiati, aliqui clerici dicuntur. Maioris dignitatis sunt canonici numero decem & octo, cum Archipresbytero: habent quæ singuli in redditibus CCL. plus minus aureos: hi Missas cantant diebus festis. Minoris dignitatis sunt beneficiati numero viginti duo, quorum annui redditus per singulos sunt circiter centum aurei: hi assistunt choro. Nouissimi omnium clerici numero octo, dimidio quæ minus quam beneficiati habent: cantores octo, mansionarij duo, sacrista cum socio, & aliquot camilli.

Horum munus est sacra facere, assistere altari, & per vices suas omnibus horis canonicis, & Missæ maioriâ conducticijs clericis, & cantoribus cantatæ, interesse. His omnibus præest prioris loco Archipresbyter vnus, qui Archipresbyter Lateranensis basilicæ dicitur, estq; vt plurimum Cardinalis.

Romanus pontifex in basilica Lateranensi in omnibus stationibus Ecclesiæ (quid verò statio sit, infra aperiam) super aram maximam sacra facere solebat. In reliquis verò omnibus ferialibus diebus, & minoribus quibusdam solennitatibus, nemo super eam Missam celebrare solebat, præter vnum ex septem Episcopis Cardinalibus S. R. E. qui erant ipsius basilicæ hebdomadarij, hoc est, qui singuli per hebdomadas suas Romani pontificis vice sacra in hac ipsa basilica quotidie facerent. Quum verò Romanus pōtifex in ara ipsa maxima celebrabat, ei omnes, qui in curia Romana aliqua dignitate, honore, siue magistratu fungerentur, aderant, & assistebant. Inter quos primi erant septem Episcopi Cardinales, videlicet, Ostiensis, Portuenfis, S. Rufinæ, Prænestinus, Tusculanus, Sabinus, & Albanus. Hi Romani pontificis collaterales, & primæ sedis Episcopi appellabantur, quorum primo consecratus prior Episcoporum Cardinalium dicebatur, qui nunc Decanus collegij vocatur.

Post

Post hos aderant quinque patriarchalium Ecclesiarum prælati, videlicet, prior canonicorum basilicæ Lateranensis, Archipresbyteri basilicarum sancti Petri, & sanctæ Mariæ Maioris, Abbates monasteriorum sancti Pauli, & S. Laurentij extra muros. Assistebant etiam XXII. presbyteri Cardinales S. R. E. qui totidem Ecclesijs (quæ tituli vocantur) intra urbem Romam cum Episcopalia auctoritate præsidebant, quorum primus Archipresbyter vocabatur. Aderant præterea Archidiaconus. S. R. E. cum XVII. diaconis Cardinalibus, ex quibus XII. dicebantur Diaconi Cardinales Regionarij, quod soliti essent legere Evangelia in stationibus Ecclesiarum urbis, quum Papa ad eas proficisceretur: alij quinque cum Archidiacono, Diaconi Cardinales Palatini, siue altaris Lateranensis ministri dicebantur, quod in palatio & basilica Lateranensi, & Vaticana, quum Papa celebraret, per vices suas Evangelia legerent. Hi etiam XVII. Diaconi totidem Ecclesijs intra urbem, quæ Diaconia vocabantur, præerant. Intererant etiam Diaconus, & Subdiaconus Græci, ex monasterio Cryptæ Ferratæ vocati, qui epistolâ & Evangelium Græca lingua, Papa celebrante, legerent. Post hos Abbates urbis omnes numero XX. Præsentibus etiam erant vnus & viginti Subdiaconi S. R. E. quorum primus Prior dicebatur.

batur: ex his septem Basilicarij siue Palatini, septem Regionarij, & totidem scholæ cantorum vocabantur. Palatini epistolas in palatio, & basilicis Lateranensi, & Vaticana per vices suas ante Papam, quum ipse Missam cantaret, & ad eiusdem mensam sacras lectiones legebant. Regionarij idem munus per basilicas alias vrbis Romæ in earundem festis diebus, & stationibus obibant. Schola verò cantorum caput & magistrum habebat primicerium. Hi septem Subdiaconi cum suis primicerio & alijs ministris, dum Papa celebrabat, vbicunque is esset, Missam, & horas canonicas canere solebāt. Post hos aderāt Acoluthi, & Capellani pontificis, Lectores, Exorcistæ, & Ostiarij, quorum vnusquisque adimplere sibi demandata munera satagebant. Atque hi ex clero Papæ aderant. Ex laicis verò antiquitus aderant præfectus vrbis pallio serico indutus, & caliga vna rubea, & alia aurea calciatus: cum septem palatinis officijs, siue iudicijs, qui & ordinarij vocabantur, & cum clero, & populo Romano pontificis electioni intererant. Horum nomina sunt, Primicerius, & Secundicerius: hi duo dextera, leuaque Papam in omnibus processionibus & publicis conuentibus comitabantur, Episcopis Cardinalibus eis loco proximior cedentibus, & in maioribus solennitatibus in matutinis octauam super omnes Episco-

possessionem legebant. Horum loca nunc tenet duo Priores Cardinales Diaconi, qui Assistentes vocantur. Erant autem tanquam primi Papæ, & Apostolicæ sedis consiliarij. Tertius erat Arcarius: is præerat tributis. Quartus Sacellarius, qui stipendia militibus soluebat, & Romæ sabbato Scrutini-um Romanis quidem eleemosynam, Clericis verò Presbyteria largiebatur. Quintus erat Protoscriniarius, qui duodecim præerat Scriniarijs. Sextus Primicerius defensorum, qui aduocatis præerat. Septimus Ad- miniculator, id est, aduocatus pauperum, qui pro ijs omnibus intercedat. Hi mortiferam nullam dabant sententiam, quan- quam iudices essent: & quum essent clerici, ad nullos tamen ordines promoueri sole- bant. Aderant præterea Senatores, Iudices, Aduocati, Scriniarij, Præfecti nauales, cum suis prioribus, & omnibus postremo nobi- libus, & proceribus Romanorum astanti- bus.

Abbates autem Urbis (de quibus supra dixi) erant hi numero XX.

1. Abbas sancti Cæsarij in Palatio.
2. Abbas sancti Gregorij in Cluio Scau-
ri, vbi est brachium S. Andreæ Apo-
stoli.
3. Abbas sanctæ Mariæ in Auentino, vbi
est de corpore sancti Sabini Episco-
pi.

4. Abbas S. Alexij, vbi est corpus eius, & S. Bonifacij martyr.
5. Abbas S. Priscæ, & Aquilæ, vbi est pars corporum eorum.
6. Abbas S. Sabæ Cellæ nouæ, vbi est corpus S. Tiburtij martyr.
7. Abbas S. Pancratij martyr in trans Tyberim.
8. Abbas S. Siluestri inter duos hortos, quod Monasterium ædificauit Papa Dionysius, cuius corpus ibidem requiescit.
9. Abbas S. Mariæ in Capitolio, vbi est ara Dei filij.
10. Abbas S. Blasij iuxta palatium Traiani Imperatoris.
11. Abbas S. Agathæ Virginis, quæ est in capite Suburæ.
12. Abbas S. Laurentij in Panisperna, vbi fuit positus in Craticula.
13. Abbas S. Thomæ iuxta formam Claudiam.
14. Abbas S. Blasij inter Tiberim, & pontem sancti Petri.
15. Abbas S. Trinitatis Scotorum.
16. Abbas S. Valentini iuxta pontem Miluium.
17. Abbas S. Mariæ in Castro aureo.
18. Abbas S. Mariæ in Pallara, vbi fuit sagittatus S. Sebastianus.
19. Abbas S. Mariæ in Monasterio iuxta S.

Petrum ad Vincula.

20. Abbas SS. Cosmæ, & Damiani in vico aureo trans Tiberim.

Romanus Pontifex supra aram maximam Basilicæ Lateranensis solennia sacra, omnibus quos supra enumeraui præsentibus, celebrare solebat in omnibus stationibus basilicæ Lateranensis, videlicet, Dominica prima Quadragesimæ, Dominica Palmarum, qua palmas distribuebat, Feria V. in cœna Domini qua oleos sanctos conficiebat, Sabbato sancto quo baptizabat, Prima, & secunda die Paschæ ad vespertas tantum, Sabbato in Albis, quo agnus Dei è cœra benedicebat, Sabbato Pentecostes, In solennitatibus S. Ioannis Baptistæ, Exaltationis sanctæ Crucis, In Dedicatione eiusdem Basilicæ, & in Anniuersario die electionis suæ. Hæ autem erant Lateranenses Stationes recentiorum temporum. Vetusissimæ enim, præter has quas enumeraui, Laterani stationes fuere, Feria v. post pascha, Dominica in albis, & aliquot alijs diebus, quos infra enumerabo, vt ex D. Gregorij papæ homilijs ijsdem diebus Laterani habitis intelligitur.

Veteres Romani Pontifices, Leo, Hilarius, Gelasius, Symmachus, Gregorius, & alij, antiquitus Episcoporum Italicorum concilia, pro status Ecclesiastici consti-

tutione, apud S. Petrum celebrare solebāt. Postea cū minus cōmodè, tute, & salubriter propter distantiam loci, solitudinē Vaticani, & ecclesiæ frigidiorē locum, sacerdotum conuentus in basilica Vaticana haberentur, easdem Synodos Laterani congregarunt. Primus (quod sciam) Symmachus papa Laterani duo concilia celebrauit, pro schismate suo tempore orto, tollendo, cum alibi nisi cum periculo ea celebrare non posset. Sanctus Martinus papa & martyr contra Monothelitas hæreticos Stephanus III. contra schismaticos, & pro noui pontificis Romani comitijs, Hadrianus pro Caroli Magni Francorum regis priuilegijs, Nicolaus papa in causa Ioannis Archiepiscopi Rauennatis, Sergius III. & Ioannes X. pro reformatione ecclesiæ, Leo VIII. pro Othonis Imperatoris priuilegio, Leo IX. aliquot, Nicolaus I. duo, Alexander II. sex, Gregorius VII. decem, Victor III. vnum, Paschalis II. quatuor, pro sacrosanctæ Ecclesiæ potestate, & iure tuendis, concilia maxima Laterani celebrarunt. Ex omni verò orbe Latino Generalia Concilia Callistus II. Innocentius II. Alexander III. Innocentius III. & nouissimè Leo X. in eadem basilica conuocarunt.

Quamquam ab antiquis vsque temporibus porticus, secretarium, & basilica S. Petri Apostoli in Vaticano, locus præscriptus sum-

summorum Pontificum sepulturæ fuerit (quod conueniens esse videbatur, successores, & Vicarios eò loci iacere debere, vbi & prædecessor, magister, & huius sanctæ Ecclesiæ fundator Apostolorum princeps Petrus dormiebat, ob quam rationem etiam in aram maximam eiusdem templi semper eos consecrari, & in argurari mos fuit) tamen varijs casibus & euentibus factum est, vt multi eorum etiam Laterani proprium elegerint sepulturæ locum, quorum hæc nomina sunt, vt ex archiuis eiusdē basilicæ accepi. Leo V. Sergij III. & IIII. Siluester II. Ioannes X. XI. XII. & XIII. Agapitus II. Bonifacius VII. Alexandri II. & III. Paschalis II. Callistus II. Honorius II. Innocentij II. & V. Cœlestini II. & III. Lucius II. Anastasius III. Clemens III. & ante capita Apostolorum in media Ecclesia æreo & marmoreo sepulchro Martinus V.

In hac basilica multas sanctorum reliquias fuisse memorant, de quibus in his versibus mentio est,

*Et sacra sanctarum si nomina reliquiarum
Lector scire velis, docet hoc te charta fidelis
De Christi cuna, quæ virga resloruit una,
Cœlo manna datum, par anymphi manna bea-*

*tum,
Mensagerens cœnam, turbamq; cibans duo-*

*denam,
Vnda sacer sanguis, quæ fudit mysticus anguis,*

M 3 His

*His biffinorum coniungitur arca virorum.
 Arcatenens pactum septem candelabra tactū,
 Quæ silicem fregit, & aquas hunc dare coegit,
 Vas auri puri prestans incendiathuri,
 Gausape quod sacris aderat tingendo lauacris;
 Clauditur, & cista chlamys inconsutilis ista,
 Vestis purpura textrice manu pharisea
 Hac latet in capsâ de cœli culmine lapsa,
 Cumq; tot his donis sunt panes propositionis
 Et panis frangenti, quæ turba mansit edenti,
 Sanguine Baptiste pariter locis omnibus iste
 Est sacer, & magni sudaria continet agni,
 Præconisq; dati pars corporis incinerrati,
 Deq; pilis tunica pretiose carnis amica,
 A longis annis paranymphe sacra Ioannis,
 Vestis seruata iuuenum triaq; reparata;
 Membra dedit vitæ, iacet insuper abdita rite
 Eiusdem plena signorum sacra catena.*

Ioannes Diaconus capite III. libri, quem
 de basilica Lateranensi cōscripsit ante cccc.
 annos, has enumerat reliquias, sic scribens:
 Multæ & pene infinitæ reliquiæ sunt tam in
 hac Ecclesia Lateranensi, quàm in Patriar-
 chio. In basilica autem inter multas hæ sunt
 præcipuè. Arca fœderis, Candelabrum, Mē-
 sa, Propositio panum, quæ dicitur Sancta,
 Aureum thuribulum, Vrna habens manna,
 na, Virga Aaron, quæ fronduerat, Tabulæ
 testamenti, Virga Moysis, qua percussio sili-
 ce aquæ manarunt. In altari verò principa-
 li positò inter quatuor columnas porphy-
 re-

reticas sub eleganti ciborio sunt reliquæ, de cunabulis domini, de quinque panibus ordacis & duobus piscibus, de mensa Domini, linteus quo extersit pedes discipulorum, tunica inconsutilis, quam fecit sancta Maria virgo filio suo Iesu Christo, purpureum vestimentum eiusdem Domini nostri. Ampullæ duæ de sanguine & aqua lateris eius. Sudarium quod fuit super caput eius. De loco Ascensionis Christi. De sanguine S. Ioannis Baptistæ, de cinere combusti corporis eiusdem, cilicium eius de pilis camelorum. De manna sepulturæ S. Ioannis Evangelistæ ampulla plena : tunica, & vestis eiusdem, quæ superposita tribus iuuenibus mortuis, viui surrexerunt. Hæc ille. Quarum reliquiarum seriem & nomina, centesimo & trigesimo ferè anno post, renouata sunt à Nicolao papa III. Extat enim & alia tabula easdem reliquias referens in abside hemicyclo è musæo Nicolai papæ III. tempore facta, in qua reliquiarum omnium Lateranensis basilicæ, quarum tunc notitia habebatur, memoria extat sic:

Hæc Basilica sancti Saluatoris Domini nostri Iesu Christi, sanctique Ioannis Baptistæ, atque B. Ioannis Evangelistæ, his sacrosanctis ac venerabilibus insignita consistit reliquijs.

In primis, hoc altari ligneo, quod sancti Dei Pontifices & Martyres ab Apostolorum tempore habuerunt. In quo per cryptas &

diuersa latibula missas celebrabant persecutionis rabie imminente. Super quo desuper est Mensa Domini, in qua Christus cœnauit cum discipulis suis in die cœnæ. Infra autem sub altari sunt de sanguine & aqua de latere Christi ampullæ duæ. Item est ibi de cuna Christi. Tunica inconsutilis, & purpureum vestimentum eius. Item sunt ibi sudarium quod fuit super caput eius, & linteum vnde pedes discipulorum extersit. De quinque panibus ordeaceis. Item de cineribus & sanguine S. Ioannis Baptistæ, & Cisticium eius, de pilis camelorum. De manna sepulchri S. Ioannis Euangelistæ, & tunica eius: etiam pars catenæ cum qua ligatus venit ab Epheso: forcipes cum quibus tonsus fuit de mandato Cæsaris Domitiani. Sub isto nempe altari est arca fœderis: in qua sunt duæ tabulæ Testamenti: Virga Moyssi, & Virga Aaron. Est ibi Candelabrum aureum, & Thurribulum aureum thymiamate plenum: Et vrna aurea plena Manna. Item de panibus propositionum.

Hanc autem arcam cum candelabro, & his quæ dicta sunt, cum quatuor præsentibus columnis Titus & Vespasianus à Iudæis asportari fecerunt de Hierosolyma ad Urbem, sicut vsque hodie cernuntur in triumphali fornice, qui est supra ecclesiam S. Mariæ nouæ, ob victoriam & perpetuum reliqua non possunt legi.

In marmoreo ferculo super altare S. Mariæ Magdalenzæ, sunt hæ reliquiæ. Caput S. Zachariæ patris S. Ioannis Baptistæ in theca argentea. Caput S. Pancratij martyris in alia theca ex argëto, Catena qua B. Ioânes euangelista vinctus de Epheso ad Vrbē adductus est. Item vas quo idem sanctus venenum bibit, & illi nihil nocuit. Item eiusdem sancti linea tunica. Theca argentea plena ossibus S. Mariæ Magdalenzæ. Spatula B. Laurentij martyris. Interula linea D. N. Iesu Christi quam ei B. virgo fecit, in capsula argentea. Linteus quo Christus Apostolorum pedes terfit. Pars harundinis qua percussus fuit in capite in domo Pilati. Forfices quibus B. Io. Euangelista attonsus fuit. Velum quo velatum fuit corpus S. Saluatoris in cruce pendentis. Sudarium quo caput Christi in sepulchro positi inuolutum fuit. Cineres S. Ioannis Baptistæ. Vestes & Capilli S. Dei genitricis Mariæ. Dens S. Petri Apostoli. Præputium circumcisionis Christi, quod tempore direptionis Urbis amissum fuit, nuper verò inuentum. Vas in quo est sanguis & aqua, quæ fluxerunt de latere D. N. Iesu Christi. Frustulum crucis Christi. Plurimæ aliæ sine nomine sanctorum reliquiæ.

In sacrario est capsula lignea cum multis sanctorum sine nomine ossibus, puluere, & cineribus, quæ olim in Ecclesia S. Ioannis ante portam Latinam inuenta fuit, & eo trās-

lata. Item caput S. Gordiani, & cranium S. Epimachi, & aliæ multæ sanctorū reliquiæ.

Precandi formula.

Ad altare sacramenti. Misere mei Deus secundum magnam misericordiam tuam. Et secundum multitudinem miserationum tuarum dele iniquitatem meam. Amplius laua me ab iniquitate mea, & à peccato meo munda me. Quoniam iniquitatem meam ego cognosco, & peccatum meum contra me est semper. Tibi soli peccaui, & malum coram te feci, vt iustificeris in sermonibus tuis, & vincas cū iudicaris. Ecce enim in iniquitatibus conceptus sum, & in peccatis concepit me mater mea. Ecce enim veritatem dilexisti: incerta & occulta sapientiæ tuæ manifestasti mihi. Asperges me Dñe hyssopo, & mundabor: lauabis me, & super niuem dealbabor. Auditui meo dabis gaudium & lætitiā, & exultabunt ossa humiliata. Averte faciem tuam à peccatis meis, & omnes iniquitates meas dele. Cor mundum crea in me Deus, & spiritum rectum innoua in visceribus meis. Ne proijcias me à facie tua: & spiritum sanctum tuum ne auferas à me. Redde mihi lætitiā salutaris tui, & spiritu principali confirma me. Docebo iniquos vias tuas: & impij ad te conuertentur. Libera me de sanguinibus Deus, Deus salutis meæ: & exultabit lingua mea iusti-

stitiam tuam. Domine labia mea aperies, & os meum annuntiabit laudem tuam. Quoniam si voluisses sacrificium, dedissem utique: holocaustis non delectaberis. Sacrificium Deo, spiritus contribulatus: cor contritum & humiliatum, Deus, non despicias. Benignè fac Domine in bona voluntate tua Sion, & edificentur muri Hierusalem. Tunc acceptabis sacrificium iustitiæ, oblationes & holocausta: tunc imponent super altare tuum vitulos.

Oratio.

Deus, qui ut salutarem abstinentiam exemplo & lingua doceres, carnis nostræ mortalitate assumpta quadraginta dierum ieiunium mirabiliter observasti, & non in solo pane hominem vivere, sed in omni verbo quod ex ore diuino prodit, tentanti sathanæ respondisti: cōcede nobis, laudissimos cibos, exquisitasq; epulas, & omnia gulæ irritamenta respuere, & talem & taliter victum quærere, quali & qualiter ad salutem, & vitam, uti salutaria præcepta tua præcipiunt, vitæ autem præsentiam & corporalis salutis munera ad veræ æternæq; vitæ finem facias ordinare. Qui cum Patre & Spiritu.

Ad altare maius basilicæ Lateranensis.
Antiphona. Gratias tibi Deus, gratias tibi vera & vna Trinitas, vna & summa Deitas, sancta & vna Vnitas, Pater,
Fili,

Fili, & Spiritus sancte, miserere nobis. V. Benedicamus Patrem & Filium cum sancto Spiritu. R. Laudemus & superexaltemus eū in sæcula.

Oratio.

Omnipotens sempiterne Deus, qui dediisti famulis tuis in confessione veræ fidei æternæ Trinitatis gloriam agnoscere, & in potentia maiestatis adorare vnitatem, quaesumus, ut eiusdem fidei firmitate ab omnibus semper muniamur aduersis. Per Dominum nostrum.

De baptisterio Lateranensi, & eius ornamentis.

Quemadmodum magna antiquis patribus, in diligendis clericis, qui sacramenta plebi Dei, & in his baptismum omnium primum exhiberent, diligentia fuit (hinc enim muneris presbyterorum Cardinalium origo manauit) sic quotque non minus accurati fuere, & præsertim post pacem Christianis datam, in extruendis opportunis locis, in quibus à ministris Ecclesiæ exhiberentur. Nam sicut ad orationem & verbum Dei audiendum luculentissimas basilicas, ad Eucharistiam exhibendam aras & sacella, sic etiam ad baptismum tradendum, fontes & baptisteria amplissima exædificarunt. In cuius sacramenti exhibitione adeo diligentes fuere veteres patres, ut ad id munus non nisi presbyteros vitæ sanctitate, doctrina,

&c

& religione claros crearint : & in multis ciuitatibus vnum tantum per singulas vrbes fontem, siue locum, quem Baptisterium vocauere, propè maiorem ciuitatis basilicā, quæ Mater Ecclesiæ vulgò dicitur, quod scilicet in vnius Episcopi custodia esset, condiderunt. Quod ad nostra vsque tempora aliquibus in vrbibus obseruatum, quemadmodum Pisis, Florentiæ, Bononiæ, Parmæ, Vrbeueteri, & alibi licet intueri. In quo vno tangebantur pueri iuuenes, senes, diuites, & pauperes. Quare Gregorius Nazianzenus in Oratione de Baptismo obiurgat opulentos, quos pudebat cum pauperibus simul tingi. Is mos cum alibi, tum Romæ in vsu olim erat. Vbi propè maiores Urbis basilicas. Lateranensem scilicet, & Vaticanam, Sancti pontifices, Silvester, ex Constantini Augusti concessione, elegantissima lauacra siue baptisteria, multis donis, & maximis ornamentis referta, & Liberius construxere. In eis porrò veteres pontifices baptizare solitos intelligitur ex Bonifacij Quinti cōstitutione apud Bibliothecariū, q̄ edixit, ne acolythus baptizaret cum diacone, sed subdiaconum sequeretur. Item idem in vita papæ Hadriani scribit, Regem Francorum Carolum Magnum cum clero, & populo Romano sabbato sancto stetisse in basilica Lateranensi, quousque in baptisterio sa-

era

cramentum baptismatis Pontifex conficeret. Illud porro præter ingentes redditus, quos paulò post enumerabo, ex Constantini Augusti liberalitate, his quoque donis ornauit B. PP. Siluester.

Id antiquitus totum erat ex lapide porphyretico: & omni, ex parte extra, & intra desuper, ac quantum aqua contineret, ex argento purissimo trium millium & octo librarum coopertum. In fontis medio supra columnam porphyreticam erat phiala aurea librarum quinquaginta, in cuius annexo lychnuco, ex stipa ammianti ardebant balsam. CC. libræ. In labro fontis erat agnus aureus librarum XXX. aquam eò corruatam fundens: ad cuius dexteram collocata erat imago Sancti Saluatoris argentea pedum quintum, librarum CLXX. ad leuam verò erat signum argenteum sancti Ioannis Baptistæ totidem pedum librarum C. In cuius manu erat index: Ecce agnus Dei, ecce qui tollit peccata mundi. Ibidem etiam erant cerui argentei septem, fundentes aquam, singuli librarum XXC. Item thymiaterium aureum librarum X. gemmis prasinis & hyacinthinis XLII. vndique ornatum. Aliquot deinde miri operis porphyriticas columnas cum elegantissimis epythilijs Imperator Constantinus aduexit, vt fontem ipsum perficeret, verum impeditus ornamenta illa extra opus inta-

intacta dimisit. Quæ usq; ad Xysti III. pontificatum ita permanserunt. Quarum octo supra positis marmoreis epystilijs in eam quâ nunc cernimus octangulam formam, supra ipsum fontem idem Pontifex crexit, versibusq; in zophoro incisus exornauit, ut in eius vita Bibliothecarius auctor est. Quos iam exolescentes, & carie, temporeq; ferè consumptos, quanta potui diligetia admotis scalis descripsi: sunt autem hi,

Gens sacrandæ prolis hic semine nascitur almo,

Quam fecundatis spiritus edit aquis.

Virgineo fœtu genitrix Ecclesia natos,

Quos spirante Deo concipit, amne parit.

Cœlorum regnum sperate hoc fonte venati,

Non recipit felix vita semel genitos.

Fons hic est vita. & qui totum diluit orbem,

Sumens de Christi vulnere principium.

Mergere peccator sacro purgande fluente,

Quem veterem accipiet, proferet unda novum.

In fons esse volens isto mundare lauacro,

Seu patrio premeris crimine seu proprio.

Nulla renascentum est distantia, quos facit vnum,

Unus fons, unus spiritus, una fides.

Nec numerus quenquam scelerum, nec forma suorum

Terreat, hoc natus flumine sanctus erit.

Hadrianus papa Romanus ingentis animi vir, patriz ornamenta vetustate exole-
scen-

scientia renouare aggressus, multos aquæ ductus refecit, in quibus formâ aquæ Clau- dia, quæ per mediam arcem Lateranensem decurrit, renouauit: ex qua aquam in baptis- terium Lateranense corriuauit, vt idem Bibliothecarius auctor est. Hadrianus quo- que III. muro in eodem baptisterio à tribus lateribus erecto, nauim eiusdem Ecclesiæ coæquauit. Cuius tectum ruinam minans, Leo X. & post Paulus III. nouissimè Pius IIII. additis supra plumbeis laminis, & in- frâ ligneis laquearibus exornatum, firma- runt. Baptisterij tholum Paulus III. re- stituit, & tignis suppositis reparauit. No- stra porro ætate omnibus ornamentis, non solum auréis, & argenteis, sed et- iam lapideis, quæ insignia fuere, vt ve- stigia subindicant, expoliatum, in eam quam nunc cernimus formam, redactum est.

Baptisterium totum est formâ octangula. In medio habet fontem in terra excaua- tum ad quinque vlnas, totum tabulis lapi- deis coopertum, præter pauimentum, quod est è calce: tribus gradibus in id descen- sus est, in cuius parte extat pilus lapidis Lydij, quem paragonem vocant, paruus, bap- tismatis vsui, cum S. Siluestri papæ signo. Extremus Baptisterij paries intus totus e- rat porphyreticis, & marmoreis tabulis al- bis quadratis & oblōgis ad regulam positis,

& elegantissimè incisis, varijsquē è tessellato opere emblematis interiectis cooperatus. Cuius testum, quod supremum columellarum perystiliū, contingit, paulò tamentholo interius, refecit Leo X. Id enim eius insignia testantur.

In baptisterio Lateranēsi antiquitus Romanus pontifex sabbatis Paschæ, & Pentecostes baptismum celebrare solebant, & quotquot adferebantur pueros baptizare, vt ex antiquis libris ritualibus liquet.

Proximo verò Paschæ die, & feria II. quibus diebus Papa ter vesp̄eras dec̄abat, primis Laterani celebratis, secundas in hoc baptisterio, tertias verò in oratorio S. Crucis concinnebat.

De redditibus baptisterij Lateranensis.

Multos & magnos redditus baptisterio Lateranensi, quemadmodum & basilicæ S. Saluatoris, donauit ex suggestionē S. Syluestri Papæ, Pius Imperator Constantinus. Quorum seriem, & numerum ex Damaso & Bibliothecario hunc fuisse didici.

Massa festi ex territorio Prænestino, præstās solidos CCC.

Massa Gaba ex agro Gabino, præstans solidos CCII.

Massa pictas ex agro supra scripto, præstans solidos CCV.

Massa Statiliana ex territorio Sorano, alias corano, sol. CCC.

Massa Taurana in Sicilia ex agro Partheni-
censi, solidos D.

Massa Laninas ex agro Carseolano, præstans
solidos CC.

Massa Statiana ex agro Sabino, præstans so-
lidos CCCL.

Massa Murina ex agro Albano, via Appia so-
lidorum CCC.

Massa Virginis ex agro Sorano, alias cora-
no, solidorum CC.

Massæ Transmarinæ in Africa.

Massa Vnicis ex agro Mucario, præstans soli-
dos DCCC.

Massa Caplis ex agro Capsitano, præstans so-
lidos DC.

Massa Varia Sardana, præstans solidos D.

Massa Camaras ex agro Cirtano, præstans
solidos CCCC.V.

Massa Numas in agro Numidico, præstans
solidos DCL.

Massa Sulphurata ex agro Numidico, præ-
stans sol. DCCXX.

Massa Baldarioliaria in agro Numidico, soli-
dorum DCCCX.

Massæ in Græcia.

Massa Cephaleia in Græcia, præstans solid. D.

Massa Amazon in Megalula, præstans solidos
CCXXII.

Fundus Bassi, præstans solidos CXX.

Fundus Catulli ex territorio Nomentano,
præstans solidos L.

Intra urbem domus vel horti præstantes simul solidos MMCCC.

Summa solidorum 10234. nostratis pecunie 15351.

Quorū reddituū nihil prætereā superest.

Quod omnibus his spoliatum Honorius III. Papa cum suis quæ supererant pertinentijs, & oblationibus, & ædiculis quæ circum sunt, canonicis Lateranensibus donauit.

Precandi formula in baptisterio, ad Spiritum sanctum.

Veni sancte spiritus: reple tuorum corda fidelium, & tui amoris in nobis ignem accende. *Ps.* Emitte spiritum tuum & creabimur. *R.* Et renouabis faciem terræ. Oratio. Deus, qui corda fidelium sancti spiritus illustratione docuisti, da nobis in eodem spiritu recta sapere, & de eius semper consolatione gaudere. Per Christum Dominum nostrum, Amen.

De porticu S. Venantij ante baptisterium.

Ante baptisterium Lateranense est porticus à proxima æde S. Venantij dicta, cuius veteri tecto ruinam passo, aliud è tignis, & imbricibus factum est, quod duabus ingentibus colūnis porphyreticis cum capitulis corinthijs, & duabus marmoreis, & crassissimis parastatis cum epystilio omnium pulcherrimo sustinetur. Ad terrā intercolumnia tabulis marmoreis septa sunt, in cuius

porticus dextero primo intercolumnio ita scriptum est: In nomine domini, anno octavo Domini Henrici Imperatoris, indictione VII. mensis Iunij die V. &c. Pro columnarum basibus sunt duo capitula Corinthia elegantissima inuersa. Porticus habet ex utroque latere duas absidas in hemycicli formam, quarum testudines pretioso musiuo exornatae sunt. In dextera sunt picti pastores armenta pascente: cum aubus, auiariisque emblematicis scite expressis. Hæc absis habet altare marmoreum Deo & SS. Virginibus Rufinae, & Secundae dicatum, sub quo earundem Virginum corpora recondita sunt ab Anastasio Papa III. anno Domini MCLIV. Qui quum ante pontificatum esset Episcopus Cardinalis Sabinus, & Papæ Vicarius, ea inuenerat, & pontifex factus id altare ipse consecrauit. Altera verò ædícula, cuius absis floribus varij coloris è musiuo exornata est, habet altare muro fixum in SS. Andreæ Apostoli, Luciaeque virginis honorem ab eodem pontifice dicatum, & vtriusque sancti reliquijs reconditis consecratum. Quæ dedicatio facta est VI. Kal. Octobris, die SS. Cypriani, & Iustinae, quorum etiam corpora in pilo marmoreo recondita sub eodem altari locauit, quæ sub altari sanctarum Virginum Rufinae, & Secundae inuenerat, quum vt ipsamet corpora reperiret, altius terram ea parte fodisset.

Vtrę-

Vtræque absides cum tota porticu antiquitus è tabulis varijs marmoreis, & emblematicis diuersis coopertæ erant, quibus nunc pro maiori parte sublatis ineptæ quædam picturæ parietes occupant. Solum fuit, & nunc pro maiori parte adhuc est marmoreis tabulis stratum. Frons baptisterij tota fuit opere tessellato ornata è lapillis viridibus, rubeis, aureis, albis, & similibus, in quadratam, rotundam, oblongam, & ouatam formam periti artificis manu incisis. Quis porrò hanc porticum condiderit adhuc mihi incompertum est, nisi fortè is fuerit Ioannes Papa Quartus Dalmata, qui proximam S. Venantij ædem ædificauit. Qua de causa etiam porticus sancti Venantij dicta est. Ad hanc porticum antiquitus Romanus pontifex die Paschæ, & feria II. quibus ter vespas celebrabat Laterani in baptisterio, & in oratorio sanctæ Crucis, ijs omnibus decâtatis, cū Episcopis Cardinalibus, cæterisque ordinibus accedere, ibique in præparatis sedistorijs & sedibus cum Cardinalibus sedere solebat, nam minorum ordinum clerici, & laici in terra super tapeta quiescebant, vbi à priore Diaconorum Cardinalium, & alijs Primicerijs Papæ, & omnibus circumsedentibus propinabatur optimum vinum, quod claretum vocant, quo temporis interuallo Primicerius cum schola cantorum surgebat, & hanc laudem

Papæ Græca lingua ita decantabat.

Pascha sacrum nobis hodie ostensum est, pascha nouum, pascha sanctum, pascha mysticum, pascha maxime venerabile est redemptoris. Pascha immaculatum, pascha magnum. pascha fidelium, pascha ianuas paradisi nobis aperuit, pascha omnes reformans mortales. Nouum papam Pium Christe cōserua, &c. Quibus peractis pontifex ad palatium reuertebatur.

De duobus oratorijs in baptisterio Lateranensi, sanctorum, Ioannis Baptiste, & Evangeliste.

Hilarius Papa, qui anno Domini CDLXI. post Leonis Magni obitum, Romanus pontifex creatus fuit (vt Anastasius Bibliothecarius in eius vita auctor est) tria in basilicæ Constantinianę baptisterio oratoria condidit, S. Ioannis Baptiste, S. Ioannis Euangeliste, & sanctę crucis, & omnia ex argento, & lapidibus pretiosis ornavit. Ex his duo quidem oratoria, de quibus nūc verba faciam, S. Ioannis Baptiste, & S. Ioannis Euangeliste, in baptisterio Lateranensi quidem sunt: oratorium verò sanctę crucis paulò extra id lauacrum conditum est. Duobus porro in baptisterio oratorijs ab eo cōstructis Hilarius Papa in primis ianuas æreas argento cælatas fecit. Oratorium autem S. Ioannis Baptiste à dextra baptisterij adhuc superest. Cuius Confessionem (vt idem Bibliothec-

thecarius tradit) fecit Papa Hilarius argenteam librarum centum, cui etiam crucem auream donavit. Item ante confessionem ipsam posuit coronam argenteam librarum XX. Dedit etiam pharum cantharum librarum XXV. Lucernam auream cum lychnuchis luminum X. librarum V. Ceruos argenteos tres fundentes aquam, singulos librarum XXX. Turrim argenteam cum delphinis librarum LX. Columbam auream librarum II. Sub cuius altari muro affixo infinitas pene sanctorum reliquias suspensa tabella extare refert. Oratorium est paruum, quadratum, in cuius tribus angulis sunt tres columnæ alabastrinæ, nā quarta alia est è marmore. Testudo tota è musiuo pulcherrimo. Habet sub se absidulam stucceatam, & elegantem. Pavimentum vermiculatum est. Olim totum oratorium, ut ex vestigijs liquet, tabulis marmoreis incrustatum fuit. Cuius ostij ante ex epystilio vestusto & pulcherrimo fructu factæ sunt. Intus autem supra portæ zophorum, est his versus: Domine dilexi decorem domus tuæ. Extra verò in epystilio: Hilarus Episcopus sanctæ plebi Dei. Ante portam est aliud perystilium marmoreum duabus columellis porphyreticis cū capitulis è lapide ophite, quæ serpentinū vocāt, viridibus fulcitū. Ianuæ æræ sunt, olim argento cælatæ cū hac inscriptione: In honorē beati Ioannis Bapti-

stæ, Hilarus Episcopus Dei famulus offert. Inter portam Oratorij & fontem Lateranensem pavementum vermiculatum est. In hoc sacellum, in quo est remissio omnium peccatorum, mulieribus ingredi fas nō est. In quo olim appensa erat eiusmodi tabula, reliquiarum nomina continens.

In nomine Domini amen. Anno MCCCXI. Mense Ianuario, Dominica prima post octavam Natiuitatis Domini, consecratum fuit altare capelle beati Ioannis Baptistæ in fontibus, & in eodem altari sub lapide superiori reconditæ sunt sanctissimæ reliquiæ, videlicet: S. Iacobi fratris Domini, S. Matthæi Apostoli, & Euangelistæ. S. Thaddæi Apostoli, S. Timothæi discipuli S. Pauli, sanctorum Innocentium. S. Zachariæ patris S. Ioannis Baptistæ, S. Simeonis iusti, SS. Stephani, Vincentij, & Chrysostophori martyrum. S. Augustini Doctoris. SS. Mariæ Magdalene, & Marthæ, sanctorum Benedicti, & Antonij Abbatum. sanctarum Lucie, Margaritæ, Secundæ, & Rufinæ Virginum. sanctorum Vitalis, Blasij, XL. martyrum, Geruasij, Protasij, Stephani Papæ, Nazarij, Celsi, Antonij, Vincentij Episcopi, Prothi, & Hyacinthi martyrum. sanctarum Victoriæ, & Euphemie virginum. sanctorum Paterniani, Nerei, Achillei, Secundi, & Crescentij martyrum. Eirehati, & sociorum, Habundantij, Theodori, Alexandri Papæ, Theodori, Iuuen-

uentij, & Iuuenalis martyrum. De lapide loci vbi Christus est crucifixus. Quæ omnia sunt supra primam tabulam prædicti altaris, præter alias multas, quæ sunt sub lapide inferiori. Quarum nomina incerta sunt, & incognita. Quapropter sancti patres statuerunt, ne sceminæ vnquam ipsum sacellum ingrediantur. Hæc in antiquo libro Ioannis Diaconi Lateranensis, scripta inueni.

Præcandi formula.

Pater noster. Ave Maria. Antiphona. Hic est præcursor dilectus, & lucerna lucens ante dominum: Ipse est enim Ioânes, qui viam Domino præparauit in eremo: sed & agnum Dei demonstrauit, & illuminauit mentes hominum: ideoq; plusquàm propheta vocatur, de quo Dominus dixit: Inter natos mulierum non surrexit maior Ioanne Baptista. Vers. Fuit homo missus à DEO. Resp. Cui nomen erat Ioannes. Oratio. Deus, qui filio tuo Domino nostro IESV Christo B. Ioânem Baptistam præcursorem misisti, da nobis qui eius commemoratiorem colimus spiritualium gratiam gaudiorum, & omnium fidelium mentes dirige in viam salutis æternæ. Per Dominum nostrum, &c.

De Oratorio S. Ioannis Euangelistæ.

Ex ædiculæ S. Ioannis Baptistæ regione à leua baptisterij aliud est Oratorium sancti

Ioannis Euangelistæ, omnibus suis ornamētis etiam marmoreis expoliatum. Quod Hilarius papa, qui illud condidit, insigni argentea centum librarum confessione, & cruce aurea exornauit. Supra primam eiusdem marmoream portam, qua ex lauacro iter est in vestibulum ante sacellum, sunt eiusmodi verba:

LIBERATORI. SVO. BEATO. IO-
ANNI. EVANGELISTÆ. HILA-
RVS. EPISCOPVS. FAMVLVS CHRI-
STI.

Post hanc portam est vestibulum oblongum, & strictum, sine fenestris, ex quo proditur in Ecclesiam S. Venantij. In vestibuli medio è regione prioris portæ est aliud ostium oratorij S. Ioannis Euangelistæ, quod quadratū est, & alio oratorio paulò maius: tectum habet fornicatum, & pulchro musiuo pictum: sustinetur quatuor marmoreis columellis octangulis cum capitulis Ionicis: tres habet absidulas, oēs stuccatas, cum totidem altaribus è marmoreis tabulis eadem occupātibus: quæ intus inania columnarum porphyreticarum fragmentis innixæ sunt: sub quibus multas sanctorum reliquias esse ferunt. Olim totum tabulis lapideis ornatum fuit, nunc ineptis picturis, & quibusdam signis affectum est: solum marmoreum habet,

Precandi formula.

Pater

Pater noster. Ave Maria. Antiphona. Iste est Ioannes, qui supra pectus Domini in cœna recubuit, beatus Apostolus, cui reuelata sunt secreta cœlestia. V. Valde honorandus est beatus Ioannes. R. Cui Christus in cruce matrem Virginem Virgini commendauit. Oratio. Ecclesiam tuam Domine benignus illustra, vt beati Ioannis dilecti Apostoli tui & Euangelistę illuminata doctrinis ad dona perueniat sempiterna, & nos famulos tuos ab omni aduersitate custodi. Per Dominum nostrum.

De Oratorio S. Crucis.

Retro baptisterium occidentem versus, est oratorium sanctę crucis, ab eodem Hilario papa factum, ad quod porta lauscri recentiori iter est. Id ante se areolam habet, olim parua porticu circumdatam, cuius nunc septem colunę, & tres parastatę supersunt ante baptisterium & idem oratorium. Cuius portę peristylum duabus columnis alabastrinis sticatis sustinetur. In zophoro est versus hic.

INTROIBO. IN. DOMVM. TVAM.
ET. ADORABO. AD. TEMPLVM.
SANCTVM. TVVM. IN. TIMORE.
TVO.

Nunc magna ex parte omnibus ornamentis suis, & marmoreis etiam spoliatum est, & eorum loco repositę sunt inepti artificis picturę. Nam (vt Bibliothecarius refert)

papa

Papa Hilarius, qui oratorium hoc condidit, illud multis & maximis donis exornauit. Inter quæ in eius vita hæc ipse commemorat.

In primis fecit in oratorio sanctæ Crucis confessionem, in qua lignum Dominicæ crucis, & crucem auream librarum XX. cū gemmis, collocauit. Confessionis ianuas argenteas librarum quinquaginta. Supra Confessionem arcum aureum librarum IIII. à columnis onychinis sustentatum, cum agno aureo pensante libras duas. Coronam auream ante Confessionem. Pharum cum delphinis librarum V. Lampades aureas IIII. pensantes singulas libras duas. Nympheum, & triperticum ante oratorium ipsum, ubi erant columnæ, quæ dicuntur Hecatonpena. Cuius (vt dixi) adhuc supersunt septem columnæ. Lacus & conchas cythariacas, alias castriatas duas cum columnis porphyreticis perforatis, aquam fundentes. Et in medio lacum porphyreticum cum cōcha cythariaca in medio aquam fundente, circumdata à dextris & sinistris, in medio cācellis æreis, & columnis cum fastigijs, & pystilijs vndiq; ornatis ex musiuo, & columnis Aquitanicis, & Tripolitis, & porphyreticis. Quorum ornamentorum ne vestigium quidem aut umbra amplius superest.

Precandi formula ad omnes sanctos.

Pater

Pater noster. Ave Maria. Antiphona. S. Maria mater Dei & Virgo, Angeli, Archangeli, Throni & dominationes, virtutes, principatus & potestates: Cherubin atque Seraphin, Patriarchæ & Prophetæ, sanctæ legis Doctores, Apostoli, Euangelistæ discipuli Domini, omnes Christi martyres, Euangelij Doctores, Sacerdotes, Leuitæ, sancti Confessores, Anachoritæ, Eremitæ, Virgines Christi, & Viduæ, sanctique omnes intercedite pro nobis. Vers. Orate pro nobis omnes sancti Dei. Resp. Vt digni efficiamur promissionibus Christi. Oratio. Omnipotens sempiterne Deus, qui nos omnium sanctorum merita sub vna tribuisti celebritate venerari, quæsumus, vt desideratum nobis tuæ propitiationis abundantiam multiplicatis intercessoribus largiaris. Per Dominum nostrum.

Adijcit Bibliothecarius in eiusdem pontificis vita: Hilarium papam aliud Oratorium in honorem S. Stephani in baptisterio Lateranensi cõstruxisse: cuius (quod sciam) nulla vestigia extant.

Ioannes canonicus regularis, Lateranensis monasterij, & Diaconus, qui ante annos CCCC. Alexandro papæ III. librum de basilicæ Lateranensis dignitate conscripsit, refert prope hanc sanctæ crucis ædiculam fuisse aliud oratorium S. Gregorij nomine fabricatum, in quo vsq; ad sua tempora eiusdem

dem sancti patris lectulus iuxta aram permanebat, cuius vestigia aliquot cum picturis pone sacellum sanctę crucis in vinea Marij Fregepanis extare opinor.

De Ecclesia S. Venantij.

INter absidam S. Andree, quę est in porticuante baptisterium Lateranense, & oratorium S. Ioannis Euangelistę, à latere fontis septentrionem versus est oratorium, immodò petius Ecclesia quadrata S. Venantij, quam Ioannes Papa III. Dalmata, qui anno Domini DCXXXVII. creatus fuit, cōdidit, & sub eius altari corpora sanctorum martyrum Venantij Domnionis, Anastasij, Mauri, Asterij, Septimij, Sulpiciani, Telij, Antiochiani, Pauliniani, & Caiani, ex Dalmatia & Istria Romam aduecta, recondidit. Quam multis muneribus donauit, arcubus scilicet amplis duobus, pensantibus singulis libras XV. simul, & alijs multis valis argenteis.

Ecclesię paries in qua est chalcidica, antiquitus vsque ad zophorum ē tabulis marmoreis incrustata fuerat, supra zophorum verò vsq; ad tectum ē musuo ornata est. In absidę fornice opere tessellato picti sunt B. virgo, in medio sancti Petrus, Paulus, Ioannes Baptista, & Ioānes Euangelista item Ss. Venātius, & Domnio martyres cum pallio,
libros

DE PRÆ. VRB. RO. BASILICIS. 207
libros in manibus tenentes. Ioānes III. qui
basilicam inchoauit, & eius successor The-
odorus, qui fortè eam perfecit, cum pallio
& planetis caruleis sine mitra vel aliquo ca-
pitis ornamento. Quorum Ioannes Ecclesi-
am, Theodorus verò librum in manibus
tenent. Supra absidem in pariete paulò in-
fra tectum, est imago S. Saluatoris cum du-
obus ex utroque latere angelis, & his etiam
sanctis, videlicet, S. Paulinianus, S. Tetricus, S.
Asterius, S. Anastasius, coronas in manibus
tenentes: S. Maurus cum pallio, S. Sulpicia-
nus Diaconus, S. Antiochianus, & S. Caia-
nus cum coronis in manibus. Supra quo-
rum signa, sunt tres fenestree cluse cum qua-
tuor interstylijs Euangelistarum animali-
bus, item Hierusalem & Bethleem ciuita-
tibus. In zophoro absidis sunt hi emusius
versus:

MARTYRIBVS. CHRISTI. DOMINI.
PIA. VOTA. IOANNES
REDDIDIT. ANTISTES. SANCTI-
FICANTE. DEO
AC. SACRI. FONTIS. SIMILI. FVL-
GENTE. METALLO
PROVIDVS. INSTANTER. HOC
COPVLAVIT. OPVS,
QVO. QVISQVIS. GRADIENS. ET.
CHRISTVM. PRONVS. ADORANS
EFFVSASQVE. PRECES, IMPETRAT.
ILLE. SVAS.

Ara maxima intus vacua est, & paulò supra aliquot gradus eleuata prope absidam. Habet supra se ciborium marmoreum, quatuor nobilissimi operis columnis, albis stratis cum capitulis ornatissimis sustentatum, sub quo corpora sanctorum, quos supra enu meraui, dormiunt.

*De monasterio Honorij Pape iuxta
Lateranum.*

Honorius Papa (vt auctor est in eius vita Bibliothecarius) in domo sua iuxta Lateranum monasterium condidit in honorem Dei, & beatorum Apostolorum Andreæ, & Bartholomæi, quod Honorij appellabatur. Cui prædia patrimonij sui, & multa dona obtulit. Itaille. Cæterùm quo in loco id, vel qua parte fuerit, quum hodie aut dirutum, aut mutato nomine incognitum sit, incognitum est. Forte erat, vbi nunc domus hospitalis esse vidimus.

De Patriarchio Lateranensi.

Patriarchium, siue palatium Lateranense prope basilicam Constantinianam eodem quo basilica condita est tempore, à beato Papa Syluestro Cōstātini Imperatoris sumptibus exædificatam fuisse opinor. Quod quamquam apud probatos scriptores non meminerim me legisse, id tamen facile suspicor: quod & vetusta patrum per manus traditione hoc acceperimus: & qui id præterea extruxerit, nemo (quod sciam) me-

moratur, præsertim quum qui alia Patriarchia condiderint memoria extet, & speciatim earum quæ sunt iuxta S. Petrum in Vaticano, & à recentioribus ante quadringentos annos scriptoribus id aperte referatur. Primus, qui Lateranensis Palatij Siue Patriarchij, quanquam obscure, mentionem faciat, est Anastasius Bibliothecarius in vita S. Siluerij Papæ, qui anno salutis DXXXV. Romanus pontifex est factus. Vbi recitans quorundam subornatorum testium aduersus Papam accusationes, qui Gothis tum Urbem obsidentibus, eam ipsam prodere voluisse affirmabant: Illum in hunc modum Vithegi Gothorum regi scripsisse asseuerabant: Venit ad portam quæ appellatur Asinaria (hæc est S. Ioannis Basilicæ proxima) iuxta Lateranas, (quod scilicet eo loci tunc maneret pontifex) & ciuitatem tibi trado, & Belisarium patricium. Idem pauld post apertius Palatij mentionem facit in vita Vigilij papæ, qui post Siluerium statim pontifex fuit, vbi de Theodora Augusta Iustiniani Imperatoris vxore loquens, ita scribit: Cognoscens Augusta, quod Vigilius papa reuocare nollet Anthimum Patriarcham Constantinopolitanum hæreticum, misit Anthimum Scribonem cum iussione Romanam ad Belisarium dicens: Exceptis omnibus, in basilica S. Petri parce. Nam si Lateranis, aut in palatio, aut in qualibet Ecclesia

sia inueneris Vigilium, mox impositum in nomine perduc eum vsque ad nos. Et paulò infra: Vigilius ex Vrbe discedens, reliquit Romam Ampliatum presbyterum, & vicedominum suum, & Valétinum episcopum Sanctarum Rufinæ, & Secundæ, ad cū studiendum Lateranas, & gubernandum chorum. Idem in vita Ioannis III. papæ. Hic (inquit) constituit, vt oblationis, & hamulæ, vel luminaria in cœmeterijs sanctorum martyrum, per omnes dominicas de Lateranis ministrarentur. Vbi sine dubio de Palatio loquitur. Ceterum Sanctus Gregorius Papa Libro regesti sui xi. apertissime Patriarchij Lateranensis mentionem his verbis facit: In nomine domini dei & Saluatoris nostri Iesu Christi, indictione VI. die xxiii. mensis Nouembris, temporibus domini beatissimi Papæ Gregorij, coronatus est Phocas, & Leontia Augusta, septimo palatio quod dicitur Secundianas: venitque eorum Icona Romam, VII. Kal. Maij: & acclamatum est eis in Lateranis, in basilica Iulij ab omni clero, vel senatu, Exaudi Christe: Phocæ Augusto, & Leontiæ Augustæ vita. Tunc iussit ipsam Iconam domnus beatissimus & Apostolicus Gregorius papa reponi in oratorio sancti Cæsarij martyris intra palatium. Ex quibus scriptoribus aperte liquet, sancti Gregorij tempore ante annos plus minus mille, palatium siue patriarchium

chium Lateranense prope basilicam Constantinianam situm, Romanorum pontificum peculiare domicilium fuisse, quod à multis pontificibus reparatum, nouisque in dies fabricis, oratorijs, aulis, basilicis, cameris, triclinijs, porticibusq; antiquis dirutis renouatum, & auctum, passim in ipsorum vitis legitur. Patriarchij porro Lateranensis nomine intelligitur primum aula magna, quam Salam edncilij vocant, pulpitus marmoreus Bonifacij VIII. papæ, porticus duæ, quibus ex eo loco iter est ad scalam sanctam, & ædiculam sancta sanctorum. Item palatium omne quod ab arca, quæ ante frontem basilicæ Constantinianæ est altissimis parietibus, menianis, porticibus, & multis, maximisque parietinis refertum, nunc penè totum dirutum, & sine contignatione, tecto, solarijsq; cernitur. Cuius portæ valuis æreis ornatae sunt, è regione sancta sanctorum. Zacharias papa porticum ante patriarchium Lateranense (vt tradit Bibliothecarius) sacris imaginibus ornauit: vbi etiam omnem substantiam suam per manus Ambrosij primicerij notariorum introduci mandauit. Fecit autem à fundamentis ante Scrinium Lateranense porticum, atq; turrim, vbi & portas æreas, atque cancellos instituit, & pergulam Saluatoris ante fores ornauit, & per ascendentes scalas in superioribus super eandem tur-

rim triclinium, & cancellos æreos construxit, vbi & orbis terrarum cosmographiam depinxit, atq; diuersis versiculis exornauit, & omne patriarchium pene de nouo restaurauit, in magna enim penuria eundem locum inuenerat. Hæc ille. Fecit etiam in eodem palatio basilicam, quæ Panetaria dicebatur, de qua infra dicam. Idem quoq; Pontifex in ipso Patriarchio inuenit reconditum caput S. Georgij martyris in antiqua capsula, cum Græcarum literarum inscriptione id significante, quod cum clero & populo Romano psallendo ad eius diaconiam, quæ in Velabro sita est, solenni ritu deportauit, atque recondidit, idem pontifex statuit, vt singulis diebus alimenta de patriarchio Lateranensi à cellario suo pauperibus, & peregrinis egenis præberentur, qui ad S. Petrum permanebant. Idem omnibus inopia pressis, & infirmis per singulas Urbis regiones præstari iussit.

In vita quoq; Hadriani primi sic scribit Bibliothecarius : Pontifex sub validissimis obligationum interdictionibus edixit, vt in perpetuum singulis diebus centum pauperes ad minus, & si etiam plus fuerint, congregarentur in Lateranensi patriarchio, & constituerentur in porticu, qui est iuxta scalam (quam nunc Sanctam dicimus, id est, sub porticibus porticus veteris Lateranensis, quæ nunc obstructæ sunt) quæ ascendit
ad

ad patriarchium, vbi etiam dicti pauperes depicti erāt, & quinquaginta panes pensantes singuli libras duas, simalq; & vini decimata duo pensantia singula libras LX. & ollæ pulce plene distribuerentur singulis diebus opera fidelissimi pientissimiq; alicuius paracellarij iisdem pauperibus Christi, vt vnusquisq; eorum panis, vini, pultisq; partem acciperet.

In eodem patriarchio Leo III. papa, multa ampla ædificia construxit, inter hæc maximam aulam, quæ introeuntibus interiorem patriarchij partem statim ante valuas areas occurrit, quam tribus chalcidicis, in postico scilicet, & à lateribus auxit, cunctaque varijs picturis, & musuo exornauit.

Leo porro IIII. papa, sedilia in ingressu patriarchij marmoribus construxit, quæ nullus vnquam pontificum, vt perficeret, cogitarat. Solarium quoque, quod Leo I II. construxerat, quum præ vetustate fractis trabibus ruinæ proximum esset, nouum in meliorem formam restaurauit. Antiquas sacri palatii Lateranensis & bonas quasdam consuetudines prædecessorum suorum temporibus antiquatas, ad memoriam reducens, cunctas renouauit, & perpetuas esse iussit. Cuiusdam patriarchij scallæ sic mentionem facit Bibliothecarius in vita Stephani III. Philippus presbyter de pa-

patriarchio Lateranensi expulſus, per ſcalam, quæ ducit ad balneum, diuertens, ad ſuum reuerſus eſt monaſterium.

Post Leonem III. longo annorum intervallo (quanquam veriſimile, imò neceſſarium fit, multos Pontifices Lateranenſes ædes reſtituiſſe, multas in ijs fabricas conſtruxiſſe, & vetera reparaiſſe, neminem inueni uſque ad Calliſti papæ II. tempora, qui aliquid in patriarchio conſtruxerit. Is anno Domini MCXIX. creatus, pace cum Henrico V. Imperatore poſt ſexaginta ferè annorum diſſidium facta, animum ad reparandum patriarchium Lateranenſe, diuturni ſchiſmatis cauſa à ſuperioribus pontificibus diu vexatis & profugis negligentiùs habitum, & ideo ruinæ expoſitum, conuertit. Ante omnia igitur in medio palatio interiori à fundamentis ædificauit Orationarium ſiue ædiculam in honorem ſancti Nicolai Epilcopi, pulchram, & oblongam, cum tecto ligneo imbricato, quam etiam totam pinxit, in cuius abſida eos omnes Romanos pontifices, qui ante ſe fuerunt, ab Alexandro II. deinceps pingi iuſſit, quanquam ſœdiſſima pictura. Hi fuere Alexander II. Gregorius VII. Victor III. Urbanus II. Paſchaliſ II. Gelafius II. Item hiſ adiunxit ex antiquis ſanctos Leonem, & Gregorium magnos, & ſeipſum in abſidæ teſtudine ad pedes Saluatoris. In cuius altari

tari multas reliquias recondidit. Hanc por-
rò ædiculam peculiari Romani pontificis
vſui ipſe condidit : iuxta quam idem pon-
tiffex duo coniuncta conclauia ſiue cubicu-
la, ſub quibus veſtiarium, id eſt, guardaro-
bam addidit, conſtruxit. Cubiculorum ve-
rò vnum iconijs picturis exornauit, quod
audientiæ addixit, & rebus publicis tractan-
dis. In quo ſuperiora omnia ſchiſmata, quæ
eccleſiaſtica libertatis afferendæ cauſa ex-
orta fuerant, annotauit: vt Alexandri II. cū
Cadolo Parmenſe, Gregorij VII. Viſtoris
III. & Vrbanſi II. cum Ghiberto Rauennate,
& Paſchalis cum tribus adulterinis alijs pon-
tificibus. Poſtremò pacem, quam ipſe cum
Henrico V. Imperatore, eiufq; Imperatoris
priuilegium in tabula magna deſcriptum
adiunxit: quæ adhuc vetuſtate ex olentia pe-
ne cerni poſſunt. Sub Alexandri itaq; II. ta-
bula, in qua ipſe pictus eſt, cum Cardinali-
bus pedibus Cadolum conculcans, ſunt hu-
iuſmodi verſus:

REGNAT ALEXANDER CADOLVS CA-
DET ET SVPERATVR

... .. NIHILATVR.....

Sub Gregorij verò VII. Viſtoris III. &
Vrbanſi II. Signis, ſunt eiufmodi alij duo
verſus:

GREGORIVS, VICTOR, VRBANVS CA-
THEDRAM TENERVNT,

O 4 SI

GIBERTVS CIVM SVIS TANDEM
DESTRVCTI FVERVNT.

Sub Paschalis verò, & Gelasij II. simulacris quosdam schismaticos pontifices sub pedibus tenentibus, sunt hi alij duo.

Ecclesiæ decus PASCHALIS PAPA SECVNDVS

Albertum damnat, MABINVLVVM,
THEODERICVM,

Sub Callisti verò II. figura, sunt hi:

ECCE CALIXTVS HONOR PATRIAE,
DECVS IMPERIALE

NEQVAM BVRDINVM DAMNAT,
PACEMQVE REFORMAT.

Quibus figuris ostēdebat Romanam Ecclesiam sub Alexandro II. excuti cœpisse Imperatorum iugum, qui eam oppressam tenebant: & sub se Pontifice id omnino perfectum esse, ut non solum Ecclesia Romana, sed omnis Christiana Ecclesia, in libertatem vindicata esset, quando pace cum Imperatore Henrico V. facta, omnes, quas non tantum in Romano pontificatu, sed etiam in omnibus alijs Cathedralibus Ecclesijs siue Abbatijs rationes, iurisdictiones, privilegia, & iura à superioribus Romanis pontificibus, ut Hadriano, Leone VIII. & Clemente II. Imperatoribus Carolo Magno, Othone, & Henrico III. concessa, eiurasse, & abdicasse, liberasset in omnibus Ecclesijs & Abbatijs per clericum, & monachos electiones

nes fieri permiffiſſe. Priuilegij porro Henrici V. à Calliſto II. conceſſi, quod adhuc (quanquam exoleſcens) muſcriptum tenetur, exemplum ſequenſ eſt.

EGO HENRICVS DEI GRATIA, ROMANORVM IMPERATOR AVGVSTVS. Pro amore Dei, & S.R.E. & domini papæ Calliſti, & pro remedio animæ meę dimitto Deo, & ſanctis eius Apoſtoliſ Petro & Paulo, Sanctæ Catholicæ Eccleſiæ omnem inueſtituram per annulum, & baculum : & concedo in omnibus Eccleſijs fieri electionem, & liberam conſecrationem. Poſſeſſiones, & regalia Beati Petri, quæ à principio huius diſcordiæ uſque ad hodiernum diem, ſiue tempore patris mei, ſiue etiam meo, ablata ſunt, quæ habeo eidē S. Romanæ Eccleſiæ reſtitutio, quæ aut non habeo, ut reſtituantur fideliter iuabo, poſſeſſiones etiam omnium aliarum eccleſiarum, & principum, & aliarum tam clericorum, quàm laicorum, conſilio principum, & iuſtitia, quæ habeo, ut reddantur fideliter iuabo. Et do veram pacem Calliſto Papæ S.R.E. & omnibus qui in parte ipſius ſunt vel fuerunt, & in quibus Sancta Romana Eccleſia auxilium poſtulauerit fideliter iuabo.

CALLISTVS EPISCOPVS SERVVS SERVORVM DEI DILECTO FILIO SVO HENRICO DEI GRA-

TIA ROMANORVM IMPERATORI
 AVGVSTO, salutem & Apostolicam bene-
 dictionem. Concedo electiones Episcopopo-
 rum, & Abbatum Theutonicæ Regni, quæ ad
 regnum pertinent, in præsentia tua fieri,
 absque Simonia, & aliqua violentia: vt si
 qua inter partes discordia emerferit, Me-
 tròpolitani, & prouincialium consilio, vel
 iudicio, saniori parti assensum ac auxilium
 præbeas, electus autem regalia per scep-
 trum à te recipiat (exceptis omnibus quæ
 ad Romanam Ecclesiam pertinere noscun-
 tur) & quæ ex his iure tibi debet, faciat. Ex
 alijs verò partibus Imperij consecratus, in-
 fra sex menses regalia per sceptrum à te re-
 cipiat. De quibus verò mihi quærimoni-
 am feceris, secundum officij mei debitum
 auxilium meum præstabo. Do tibi veram
 pacem, & omnibus qui in parte tua sunt,
 vel fuerant tempore huius discordiæ. Da-
 tum Anno MCXXII. IX. Kalend. Octo-
 bris.

Hæc omnia in priori cubiculo annotata
 sunt. Alterum verò cubiculum huic proxi-
 mum & varijs picturis ornatum, particula-
 ribus Pontificum vsibus Callistus Papa ad-
 dixit, quod adhuc semis fractum, & sine te-
 cto superest. Idem etiam Pontifex aquam
 ex antiqua forma ad portam Lateranensem
 corriuauit, lacumq; equorum potui ibidem
 fecit, & aliquot supra ipsum riuum molas

palatij vsibus construxit, vineas quasdā secus locum arboribus fructiferis refertas ad pontificum oblectationem plantauit.

Innocentius II. papa in penitiori parte Lateranensis patriarchij duo alia cubicula à fundamentis fecit, retro, ædiculam S. Nicolai, ea parte quæ frontē basilicæ Lateranensis respicit (hæc adhuc semirupta supersunt) quæ varijs picturis ornauit: in quorum vno coronationē Lotharij II. Imperatoris ab se in basilica Lateranensi consecrati pinxit. In cuius tabulæ prima parte pictus est Rex, qui ante portas basilicæ Lateranensis iurat Romanis se conseruaturum consuetudines suas: post à papa suscipitur, amplectiturque, deinde coronatur. Cui picturæ hi versus suppositi fuerunt.

REX STETIT ANTE FORES IVRANS
PRIVS VRBIS HONORES.
POST HOMO FIT PAPAE, SVMIT QVO
DANTE CORONAM.

Quos versus Fridericus Barbarus Imperator tanquam in Imperij præiudiciū, quod non à papa, sed à Deo immediatè esse contendebat, eradi iussit, vt tradit Otho Frisingensis in lib. de rebus gestis Friderici Imperatoris. Totum porrò ipsum Patriarchium idem pontifex renouauit.

Hadrianus autem III. conclauia ferè omnia, & cameras in eodem palatio vetustate collabentia, restituit, cisternamque

capacem fabricauit patriarchio admodum necessarium.

Clemens papa III. Lateranense palatium haud mediocri impensa ampliavit, parietes altiores fecit, puteum ante statuam equestrem æneam M. Aurelij, quæ in campo erat, construxit.

Cœlestinus III. cubicula aliquot, & conclauia, in eodem palatio condidit, vt ex eius insignibus, quæ hætenus in marmoreis parastatis videntur, liquet: portas æreas patriarchij interioris & exterioris fecit, quæ nunc etiam visuntur. Quarum interiores hanc inscriptionem habent,

INCAËRNATIONIS DOMINICAE ANNO MCXCVI

PONTIFICATVS VERO DOMINI CAELESTINI PAPAE III.

ANNO VI. CENCIO CAMERARIO MINISTRANTE.

HOC OPVS FACTVM EST.

Exteriores verò, quæ super gradus scalæ veleris palatij Lateranensis sunt, hanc inscriptionem habent.

ANNO V. PONTIFICATVS DOMNI CAELESTINI PAPAE III.

CENCIO CARDINALE S. LVCIAE, EIVSDEM DOMNI PAPAE CAMERARIO IVBENTE.

OPVS ISTVD FACTVM EST.

Hadrianus postea V. palatiũ Lateranense lon-

longa prædecessorum suorum absentia ruinæ proximum, reparari iusserat, sed morte præuentus totum negotium imperfectum Nicolao III. reliquit, qui omne pene restituit verustate dilabens, quo Pontifices seditionibus Romanorum intestinis vexati diu abfuerant.

Clemente V. in Gallijs ab Vrbe cum Curia absente (vti supradixi) cum basilica Lateranensi palatium quod omne incendio consumptum est, cum ipse tum qui ei successor re Ioannes XXIII. & Benedictus XII. missis cum magna auri summa ministria, restituerunt.

Gregorio porrò XI. ex Gallijs ad Urbem cum Romana curia reuerso, & pauld post mortuo, qui ei successit Urbanus VI. parum in Vrbe vixit: sed Bonifacius IX. Neapolitanus occasione molis Hadriani, quam in munitissimam arcem prius conuerterat, ductus, primus omnium Romanorum pontificum Lateranensi palatio omnino relicto apud Basilicam S. Petri sedes perpetuas posuit, præsertim quum ibidem pauld antè Urbanus V. egregias ædes struxisset. A quo tempore deinceps Laterani nullus Romanorum pontificum amplius habitauit. Quare breui factum est, vt palatium ipsum ruinæ expositum esset.

Eugenius IIII. non nihil in eo restituit.

Nouissimè Xistus IIII. omne pene collapsum

sum reparauit, nouas portarum antas fecit.
 * Leo X. quū Lateranensem basilicā visitasset, omnibus Cardinalibus & nobilibus Urbis comitatus, episcopatus Romani (vt dicitur) possessionem accepisset, in eodem palatio aliquando pernoctauit.

Postremo sub Paulo III. & Iulio III. ruinā minitans, eorundē permissione à canonicis dirutū est, cōtignationesq; omnes cum trabibus & imbricibus tegulisq; ab eisdem in ecclesiæ vsum translata: ita vt ex tanta machina nihil prætereā quā ingentes parietinæ, crassissimæ parastatæ, & maximæ aggerum ac murorum strues, omnes sine contignatione supersint. Extant adhuc vestigia & parietes aulae Leonianæ, cubiculorū Innocentij II. & Callisti II. ædiculæ sancti Nicolai, & conclauiorum Cœlestini III. quæ vel ex insignibus, vel picturis, aut elogijs adhuc agnoscī possunt, quanquam nullus ad ea nisi ad motis scalis modò aditus sit.

De Basilica Leoniana minori.

Introeuntibus interiorem Patriarchij partem supra aliquot gradus statim sese offert aula magna cum tribus tribunis, quam à Leone III. conditore Leonianam aulā veteres vocabant. Hæc vel musiuo, rel marmorea crustatione, tota exornata erat. Superest adhuc vetustum è musiuo emblemata circum absidam tribunæ in postico aulae, in
 quo

quo S. Petrus sedens pictus est, qui Carolo Magno Imperatori leua vexillum, Leoni vero papæ III. dextra pallium ante se genu flexis porrigit, cū hisce inscriptionibus: SANCTISSIMVS D. N. LEO III. PAPA. Item, D.N. CARVLO REGI. Infra verò sub S. Petri pedibus.

BEATE PETRE

..... LEONI PAPAE ET BITORIA
CARVLO REGI DONA.

Hæc (vt dixi) antiquitus basilica Leoniana minor ad differentiam maioris, quæ & Casa maior vocabatur, dicta est, eratq; iuxta pontificis cubicula siue cameras, in qua pontifex, in quibusdam præcipuis solennitatibus cum Cardinalibus comedere solebat, vt secunda & tertia feria Paschæ, & alijs quibusdam diebus. In ea quoq; publici conuentus, siue consistoria fieri solebant: nunc tectum & pavementū dirutum est, supersuntque tantum altissimæ parietinæ, quibusdam pretiosi operis columnis ornata.

De porticu Lateranensi.

Ante palatium Lateranense (cuius frons aliquando totus opere arcuato apertus erat, hodie verò arcus omnes muro clausi sunt, præter arcū portæ palatij veteris, quæ habet valuas æreas, à Cœlestino III. factas) est portic' antiqua versus septentrionem locata, ad quā per gradus scalæ sanctæ auditus est:

est : olim fuit tota & marmoreis tabulis incrustata, & varijs è musiuo emblematis ornata, nunc diruta, omnia ferè vetustate consumpta sunt. Initio porticus occidentè versus in fine alterius porticus, quæ hospitale, & pulpitiu Bonifacij VIII. respicit, est antiqua fabrica, siue vetus aula quadrata, quam veterem basilicam fuisse opinor: nunc clusa, & pro domo in vsu est. Propè est oratorium S. Siluestri. Deinde porta, quæ respicit gradus scalæ, (quam nunc Sanctam vocant) antiquitus verò patriarchij erat, cuius fores æneæ sunt à Cœlestino III. factæ. Deinde est columella in duas partes diuisa cum proximo altari muro affixo. Postea à dextera sunt Portæ Lateranensis patriarchij interioris, post vestibulum ante oratorium Sancta sanctorum, quod oratorium siue basilica S. Gregorij dicebatur, duobus altaribus vacuis, altero muro affixo propè fenestram & cancellos oratorij S. Laurétij, altero in eius medio. Postea est oratorium S. Laurentij, siue sancta sanctorum, quod à multis & celeberrimis reliquijs ita appellatur. In fine verò porticus orientem versus propè magnam fenestram, est altare supra veterem basim cū hac inscriptione. CALLISTVS PAPA III. AN. MCCCCLVII. Porticus in teptis quibusdam picturis exornata est. Super sunt etiam nunc tenuia quædam vestigia veteris incrustaturæ è lapillis tessellatis.

De pulpito Bonifacij VIII. Papæ.

INter aulam, quã salam Concilij vocant, & hanc quam supra descripsi porticum, est alia porticus oblonga, & de nouo reſtituta, qua ad palatium ex basilica Conſtantiniana, & ſala concilij iter eſt: in cuius fine occidentem verſus eſt pulpitum marmoreum à Bonifacio VIII. factum, totum ferè depictum, & emblematicis ornatum. Pulpitum extra concilij aulam porrectum eſt, totum è lateribus & marmore factum. Picturæ pro temporum conditione elegantiffimæ exiſtimantur, Cimabouis egregij pictoris manu factæ, qui primus Italiæ picturam poſt antiquos reſtituit. In his pictus eſt Bonifacius VIII. populo ex eo mœniano benedicens, Conſtantini baptiſmus, & basilicæ Lateranenſis exædificatio: multis in locis ſunt familiæ Gaietanæ, ex qua Bonifacius fuit, inſignia, cum hoc elogio:

DOMINVS BONIFACIVS PAPA VIII.
FECIT TOTVM OPVS PRÆSENTIS
THALAMI.

ANNO DOMINI MCCC.

Ante quas proxime descripsi porticus, eſt campus Lateranenſis ampliſſimus, aquæ Claudiæ formas pertingens, in quo olim fuerunt multæ præclaræ domus: in his Cancellarij, Camerarij, Episcopi Albanenſis, & aliorum, quarum adhuc veſtigia, & parietina

næ supersunt. Fuit etiam ibi antiquitus M. Aurelij ænea equestris statua, quam Xystus III. è sordido loco in angustiorem in area ipsa reposuit: quam postremo Paulus III. in aream transtulit capitolinam. Non ab re autem in Lateranensi area diu fuit M. Aurelij equestris statua, quum ipsum his in locis natum fuisse referat in eius vita Iulius Capitolinus.

*De aula, quam nunc Salam concilij
vocat.*

Sinistra basilicæ Lateranensis parte est porta, qua per aliquot marmoreos gradus ascenditur ad aulam amplam & spatiosam, quæ cōcilij sala hodie P nominatur. In cuius absidæ fornice est hoc signum L. O. E, id est, Leo Papa, qui musiveis signis ineptis eam A ornauit. Hæc aula nostris temporibus sala concilij dicitur, quod ibi primus (vt opinor) Eugenius III. concilium celebrare disposuerit, & nouissimè Iulius II. celebrarit. Antiquitus ab amplitudine Casa maior, vel ab auctore basilica Leoniana dicebatur, quam Leo Papa II. pontificum Romanorum vsui construxit, & exornauit. In qua diebus quibusdam solennibus, vt Paschatis, & Natalis Domini Romani pontifices cum Cardinalibus prandere solenni ritu consueuerant. Eam (vt scribit Anastasius

Bibli-

Bibliothecarius) Leo III. renouauit. Accubitum enim (inquit) quem Leo III. Papa à fundamentis cōstruxerat, & multa in eo necessaria ornamenta parauerat, & tunc præ vetustate, & prædecessorum suorū pontificum incuria deperdita fuerant, idem Leo III. alacriter nimis omnia ea quæ deleta fuerant, renouauit. Ibi enim die Natalis domini Gregorius III. & Sergius II. papæ epulari solebant. Ita ille. Die verò Paschæ finita Missa, quā pontifex ad S. Mariam Maiorem celebrare solebat, coronatus cū processione ad Palatiū reuertebatur: & acceptis laudibus à Cardinale S. Laurentij, ducebatur à primicerio, secundicerio, atq; iudicibus cū mitra intra basilicam hāc magnā Leonianam, quæ dicebatur Casa maior, vbi eo die comedere solebat. Hoc innuere videtur oratio, quæ scripta est in zophoro absidæ maioris, sic:

DEVS. CVIVS. DEXTERA. BEATVM. PETRV. AMBVLANTEM. IN. FLVCTIBVS. NE. MERGERETVR. EREXIT. ET. COAPOSTOLVM. EIVS. PAVLVM. TER. NAVFRAGANTEM. DE. PROFVND. PELAGI. LIBERAVIT. TVA. SANCTA. DEXTERA. PROTEGAT. DOMVM. ISTAM. ET. OMNES. FIDELES. CONVIVANTES. QVI. DE. DONIS. APOSTOLI. TVI. HIC. LÆTANTVR.

In hac porro aula, quæ Leonina dicitur,

legimus Nicolaum papam Concilio congregato Archiepiscoporum, Episcoporum, & Cardinalium, aſtātibus proceribus & optimatibus multis, reſtituiſſe ad dignitatem ſuam Ioānem Archiepiſcopum Rauennatē, qui ſuperbia elatus ab Apoſtolica ſede deſciuerat, & propterea ab eodem papa dignitate multatus fuerat, vt commemorat Anaſtaſius Bibliothecarius.

De oratorio S. Sylueſtri.

Oratorium S. Sylueſtri eſt in porticu Lateranenſi ante vetus patriarchium, vbi ſunt duæ ſedes perforatæ porphyreticæ, quod quis cōdiderit incertum. Primum de eo mentionem fieri in Zachariæ papæ vita apud Bibliothecarium inueni, qui ſic ſcribit: Zacharias papa ſacris imaginibus tam oratorium B. Sylueſtri, quàm omnem porticum decorauit. Hoc oratoriū habet in medio altare vacuū, reliquijs (vt credi par eſt) plenum, tectū ligneum, & imbricatū, pauimentum teſſellatū. Supra portā verò tabernaculum marmoreum, ſuſtentatū à duabus columnis porphyreticis, in quo diu locata fuit vetuſta S. Saluatoris imago, quæ à quodam Iudæo olim in fronte percuſſa ſanguinem emiſit. Hodie tabernaculū ſemifraſtū tātum ſupereſt. Paulò extra portā ſunt duæ antiquæ ſedes porphyreticæ perforatæ, vna ſcilicet ex vtraque parte, quæ in antiquis thermis lotionis vſui fuere: poſtea à Romanis

nis pontificibus eo loci positæ, in quibus ceremonias quasdam recēs creati pagere solebāt. Nostro tempore, die S. Syluestri in eo oratorio Canonici Lateranenses sacra Missarum solennia celebrant. Erāt in hoc palatio ædificulæ, siue sacella, & aliquot basilicę, vt Vigiliij papæ, Iulia, Zachariæ papæ: item oratoria S. Cęsarij martyris, S. Sebastiani, alias basilica Theodori papæ, S. Petri, S. Crucis, S. Georgij, & sancti Gregorij papæ: item cellaria maius & minus, vestiariū, vicedominium, in quo papæ Vicedominus, siue (vt hodie dicimus) Vicarius habitabat, & alia multa ædificia, quę passim Bibliothecarius in Romanorum pontificum vitis commemorat, quę omnia diruta sunt, & nulli amplius cognita.

*De Oratorio S. Laurentij, quod nunc dicitur
SANCTA SANCTORVM.*

Ex quodam obscuro loco Anastasij Bibliothecarij conijcere possumus, sacellum, quod nunc Sancta sanctorum dicitur, olim dicatū fuisse à papa Theodoro, sancto martyri Christi Sebastiano, ideoquē Theodori papæ basilicam aliquando vocitatam fuisse. Nam Bibliothecarius in ea ædificula, quam basilicam vocat, Apostolos reconditos fuisse, innuere videtur his verbis in vita papæ Sergij: Egressus idem beatissimus pontifex Sergius foris basilicam, quę dicitur Domini Theodori papæ, apertis ianuis, se-

dens in sede sub Apostolis, generalitatem militiæ, & populi, qui pro eo occurrerant, honorificè suscepit, eosq; rogavit, ne Zachariam Spatarium, quem occidere volebant, violarent. Ego porrò ex verbo illo (sub Apostolis) existimaui aliquando hanc basilicâ Theodori papæ fuisse, quâ S. Sebastiano dedicasse refert Bibliothecarius. Sed hanc leuem coniecturam esse, quis faciliè suspicari poterit. Nam capita Apostolorum eo loci illo tempore fuisse ex ipso Bibliothecarij loco non ita clarè elici posse existimo. Illud adde, quod paulò post in vita Stephani III. idem Bibliothecarius apertè huius oratorij S. Laurentij sic mentionem faciat: Alio verò die Constantinus Subdiaconus, & Diaconus à Georgio Episcopo in oratorio S. Laurentij intra patriarchium Lateranense consecratus est. Vtut sit, illud satis constat, hoc oratorium, quod antiquitus S. Laurentij, nunc sancta sanctorum dicitur, in patriarchio Lateranensi vetustissimū esse. Quod nisi Theodori papæ fuerit, quis primus condiderit, incòpertum hætenus habeo. Illud satis manifestum est, id ab Honorio III. renouatum fuisse. Quod postea Nicolaus III. Vrsinus ruinosam à solo, opere perpetuo sub ipso cum lateribus marmoreis stabilivit, ac in superiori testudinis parte picturis pulcherrimis ornatum refundari iussit, capitibus Apostolorum cum præputio Christi,

sti, capillis B. Virginis, & capite Beatæ Agnetis seorsum positis, quarum reliquiarum vnaquæque in propria theca, erat, & deinde manu sua in palatium nouum Lateranense ab se renouatum de nocte transtulit, & à religiosis personis custodiri, donec oratorium completum fuisset, iussit. Quo perfectò adstante vniuerso populo Romano, prælatis cunctis, & Cardinalibus, ipse manibus suis sub altari eiusdem basilicæ easdem argenteas reliquiarum thecas reposuit, quod altare prid. nonas Iunij cōsecrauerat. Ita F. Ptolemæus Lucensis ordinis Prædicatorum, qui eo tempore vixit, in chronico suo.

Hoc porrò oratorium est in nouissima parte porticus Lateranensis patriarchij orientem versus situm. Habet valuas æreas miri operis cum ciboriolo vel tympano è musuo & imagine S. Laurentij, cui oratorium dedicatum est, duabus quadratis, & elegantis structuræ columellis sustentato. Ædícula parua est, & tota picta, testudinem habet lateritiam, plumbeis laminis tectam, pauimentum tessellatū, sedilia circumeirca lapidea, parietes è tabulis marmoreis incrustati: vnum tantum altare habet, sub quo diu iacuerunt capita Apostolorum, & lignum S. crucis: supra, est imago S. Saluatoris, multis & maximis ornamentis aureis, & argenteis, gemmisq; referta, & cortinis aureis decorata. Hæc antiquis temporibus Romanorum

pontificum peculiaris ædícula (quam cappellam vocabant) erat, postea à quatuor canonicorum collegio diu recta fuit, nunc à custode quodam viro religioso societatis S. Saluatoris iussu custoditur: est enim nobilissimorum civium eam, & Saluatoris imaginem custodientium sodalitas, à Romanis pontificibus instituta, quæ etiam hospitali Lateranensi præest.

In hoc verò oratorio reliquæ quamplures preciosissimæ, & certissimæ fuerunt, quarum multæ adhuc ibidem extant, multæ suo loco ablatae. Inter cæteras aliquando fuit ibi pars ligni sanctissimæ crucis, cuius ita meminit Beda in libro de temporum ratione: Papa Sergius in sacrario B. Petri Apostoli, capsam argenteam, quæ in angulo obscurissimo diutissimè iacuerat, & in ea crucem diuersis ac pretiosis lapidibus adornatam, Domino reuelante reperit: de qua tractis quatuor petalis, quibus gemmæ inclusæ erant miræ magnitudinis, portionem ligni salutiferi Dominicæ crucis interiorius repositam inspexit: quæ ex tempore illo annis omnibus in basilica S. Saluatoris, quæ appellatur Constantiniana, die Exaltationis eius ab omni osculatur atque adoratur populo. Et in Sergij papæ vita, etiam eiusdem mentionem facit Anastasius Bibliothecarius.

Hanc ligni sanctissimi portionem excidio

dio vrbis sub Clemente VII. à militibus aliquot theca argentea direpta ablatam, Pontifex prodigiose, & non sine ope diuina recuperauit: & aurea, crySTALLINÆq; cruce inclusam, in palatio Vaticano, vbi est Sacristia pontificia, seruari iussit.

In eodem etiam oratorio diu (vt dixi) iacuerunt Apostolorum Petri, & Pauli capita, quæ Innocentius papa III. (vt ex hac inscriptione liquet) sub altari S. Saluatoris æreis armarijs recondidit.



HOC OPVS FE- NICOLAUS PP.
CIT FIERI DOMI- III. HANG BASI-
NVS INNOGENTI- LICAM FECIT A
VS PP. TERTIVS. FVNDAMENTIS
RENOVARI, ET
ALTARE FIERI.

Vrbanus V. quum parum ex dignitate eo loco iacerent, in basilica, facta ad id aptè fereulo marmoreo, supra aram maximam collocauit. Qui verò Apostolorum capita in eo oratorio primus recondiderit, non inueni. Illud certè ex vetusto rituali libro constat, eodem in loco ante annos plus minus noningentos sub Sergio primo; qui anno DCLXXXVII. pontifex factus est, seruari solita fuisse: in eius enim vita tum primum apud Bibliothecarium reliquiarum Apostolorum in patriarchio Lateranensi existentium mentionem fieri inueni, quas in Theodori basilica fuisse refert.

Capitum Apostolorum Petri, & Pauli, quæ in oratorio S. Laurentij asseruabantur, ante quadringentos annos in veteri rituali libro aperta mentio est, vbi diei Veneris sancti caeremonias explicat. Quas accuratè consideranti illud mihi in mentem venit, his temporibus, quibus hæc fiebant, ædiculam ipsam S. Laurentij paulò grandiore quàm nunc est fuisse: nam tam angusto, quàm nunc cernimus loco difficulter admodum tot & tantæ caeremoniæ cum magno Cardinalium & aliorum ordinum numero à pontifice celebrari potuissent: Nam quum legimus Nicolaum III. eam renouasse, facile fieri potuit, vt eam ex ampla & multorum hominum capace, paulò restrictiorem refecisset.

De sacra verò Saluatoris imagine, quæ eodem in sacello seruatur, primum mentionem fieri inueni apud Bibliothecarium in vita Stephani papæ II. qui anno Domini DCCLII. pontifex factus est, his verbis: Quum Aistulfus Longobardorum Rex Romanos accerrimè vexaret; Stephanus papa conuocato clero populoque Romano cum multa humilitate processit in Litaniam cum sacratissima imagine S. Saluatoris Domini nostri Iesu Christi, quæ græcè acheropita (idest non manu hominis facta) dicitur, simulque cum ea alia diuersa sacra mysteria, proprijs humeris suppositis, nudis pedibus cum alijs sacerdotibus portauit; pergensque ad Ecclesiam sanctæ Dei genetricis Mariæ, quæ ad præsepe dicitur, posito in omnium capitibus cineræ, maximo cum fletu omnipotentem Deum deprecabatur. Ita Anastasius Bibliothecarius. Hæc sanctissima imago usque ad nostra tempora in hoc oratorio conseruatur. In quo præter eas, quas supradixi, infinitæ pene aliæ reliquæ erant, quæ à Leone X. papa, & excidio vrbis partim ablatae ac direptæ, partim vetustate consumptæ sunt, quarum seriem ex descriptione Ioannis Diaconi Lateranensis, qui eas ante CCC. annos enumerauit, descripsitque, exponam. In oratorio (inquit) S. Laurentij, quod est in palatio Lateranensi, sunt tria sanctissima altaria. Supra primum in arca cypressina, quæ

Leo III. Papa condidit, sunt tres capsæ. In quarum vna est crux aurea adornata gemmis & lapidibus pretiosis, id est, hyacinthis, smaragdinis, & prasinis: & in media cruce est vmbilicus Domini nostri IESV Christi, & desuper est iniuncta balsamo, & singulis annis eadem vnctio renouetur, quando Dominus Papa cum Cardinalibus facit processionem sanctæ crucis, ab ipsa Ecclesia S. Laurentij in basilicam Lateranensem. In alia verò capsula argentea & deaurata cum historijs, est crux de smalto depicta: infra quam est crux Christi. In tertia capsula quæ est argentea, sunt sandalia, id est, calciamenta Domini nostri IESV Christi. Est etiam ibi alia capsula deaurata, in quo est de ligno illo S. crucis, quam Heraclius Imperator deuicto Cosdroa Persarum Rege, secum tulit de Perside, vna cum corpore S. martyris Anastasij. Hæc porro capsula est in altare eiusdem Ecclesiæ marmoreo S. martyri Laurentio dicato. In quo sunt etiam hæ reliquæ: Brachium S. Cæsarij martyris: ossa duo S. Ioannis Baptistæ: os vnum S. Hieronymi presbyteri Cardinalis: spatula S. Dionysij Arcopagitæ: os de crure S. Stephani Papæ, & martyris. Reliquiæ sanctorum Damasi papæ, Feliciani, Anastasiæ, Agapes, Chionix, Irenes, Pistis, & Elpis Virginum, Nerei, & Achillei, Priscæ, & Aquilæ. Caput S. Praxedes: & de genu S. Tyburti, filij

Chro-

Chromatij Martyris. In hac eadem area cy-
 pressina est panis vnus cœnæ Domini, &
 XIII. lenticulæ eiusdem cœnæ Domini.
 De arundine, & spongia cum aceto ad os
 Domini posita, & lignum de sicomoro vbi
 Zachæus ascendit. Super hoc altare est ima-
 go S. Saluatoris mirabiliter in quadam ta-
 bula depicta, quam Lucas Euangelista desi-
 gnauit, sed virtus Domini angelico perfecit
 officio: sub cuius pedibus in quadam preti-
 osorum lapidum fascia multę reliquię sunt
 reconditæ, quarum hæc sunt nomina: lapis
 in quo confedit Maria Virgo: lapis Iordanis
 vbi Christus sedit, dum baptizaretur: lapis
 Berleem: lapis montis Oliueti, vbi Dñs ora-
 uit ad patrem: de lapide super quo sedit an-
 gelus ad sepulchrum: de columna vbi Chri-
 stus fuit flagellatus: de sepulchro Christi: de
 lancea, qua latus eius fuit perforatum: de li-
 gno crucis: de loco, qui dicitur Lithostrat-
 os: de Caluarie loco: S. Silex, vbi Christus
 cõditus est: lapis de mōte Sion: lapis in quo
 Dñs transfiguratus est in monte: lignum de
 sancto presepe, vbi Christus natus positus
 fuit: lapis de monte Sina, vbi lex fuit data:
 lapis de sepulchro S. Mariæ. In alio quoque
 altare eiusdem oratorij sunt capita sancta-
 rum virginũ Hagnetis, & Euphemie. Inter-
 tio verò sunt carbones aspersi de adipe S.
 Laurentij. Sunt quoq; in eodem oratorio
 reliquię sanctõrum quadraginta martyrum, &
 mul-

multorum aliorum. Hæc porro sunt nomina reliquiarum, quæ ante quadringentos annos in oratorio Sancta sanctorum enumeravit Ioannes Diaconus canonicus Lateranensis, in libro quem de basilica Constantiniana Alexandro papæ III. scripsit.

Reliquiarum verò, quæ hodie in eo oratorio extare dicuntur, index sequens est, ex magna tabula aræ maximæ basilicæ Lateranensis affixa descriptus: In sacello sancta sanctorum, quod S. Laurentij appellatur, in quod mulieres nunquam ingrediuntur, sunt infinitæ reliquæ, à Leone papa X. visæ, & multis astantibus ex duabus fenestrellis erutæ, & ostensæ, & iterum in eodem locatæ. In quarum prima à latere dextro, sunt multæ reliquæ in vasis crystallinis, vitreisq; compositæ. In sinistra verò est caput humanum integrum cum alijs multis incognitis reliquijs. Supra altare est ornatissima imago S. Salvatoris acheropita in tabernaculo maximis ornamentis æneis, argenteis, & gemmis, margaritisq; referta, cum multis aureis sericeis cortinis à diuersis pontificibus ibidem ad loci ornatum positis, quæ die XIII. Augusti in media basilica Lateranen. populo adoranda exhibetur: & quando solennis processio Romæ fit, maximo cum honore, & reuerentia defertur ad basilicam S. Mariæ Maioris. Sub altari verò est capsâ cypressina, multis clauibus clausa à Leone III. Papa fa-

facta, hisq; literis aureis ornata: SANCTA
 SANCTORVM. intra quam sunt aliæ plu-
 res capsulæ, & tabernacula reliquijs plena.
 In his parua capsula argentea deaurata ad
 modum crucis, in cuius medio est crux au-
 rea. Item alia capsula argentea deaurata cum
 alia cruce auri puri. Item alia capsula argen-
 tea deaurata. Item alia capsula argentea
 cum modico ligni S. crucis. Item sub ipso
 altari est caput S. Anastasij cum alijs multis
 sanctorum ossibus. Item alia capsula ebur-
 nea ad formam cucurbitæ. Item vas cry-
 stallinum cum parua arcula. Item alia cap-
 sula eburnea cum multis sanctorum ossi-
 bus. Item capsula argentea græco opere ex-
 lata, circumligata cordula alba cum sigillo,
 in quo sepultus est puer hamo piscans, à Ni-
 colao III. facta, in qua est caput S. Praxedie
 integrum, cum alijs multis sanctorum ossi-
 bus. Item capsula argentea ab Honorio III.
 facta, cum capite S. Hagnetis. Item alia cap-
 sula argentea cum ampulla plena sanguine
 sanctorum martyrum. Item alia arcula ad
 modum crucis plena reliquijs. Item vas æ-
 neum cum multis reliquijs. Item capsula ex
 ebano. Item duo lignea vascula. Pyxis lig-
 nea cum alijs plurimis ligneis vasculis, &
 capsulis, & aliquot tabernaculis, & alijs vas-
 culis, pyxidibus, & arculis magno numero
 reliquiarum plena. Item aliquot tubera de
 serico panno reliquiarum plena. Item duæ

vetustissimæ tabulæ, cum Apostolorum Petri, & Pauli figuris. Item multi panniculi sanguine sanctorum martyrum tincti. Item alia capsula lignea, in qua sunt tres Agnus Dei è cera, & multæ sine nomine reliquiæ. Item tres pāni albi cum ossibus sanctorum. Item pānus bombacinus rubei coloris cum cruce sigillatus. Item plures sacculi, capsulæ, arculæ, & pyxides reliquiarum plenæ, quarum nomina incognita sunt. Hæc porro sunt, quæ de edicula sancta sanctorū inueni.

Precandi formula.

Ad sancti Saluatoris imaginem, Pater noster, Ave Maria. Oratio. Conditor cœli, & terræ, Rex regum, & Dominus dominantium, qui me de nihilo fecisti ad imaginem, & similitudinem tuam, & me de proprio sanguine redemisti, quem ego peccator nō sum dignus nominare, nec inuocare, nec corde cogitare. Te suppliciter deprecor & humiliter exoro, vt clementer respicias me seruum tuum nequam. Et miserere mei, qui misertus fuisti Chananæ, & Mariæ Magdalænæ, qui pepercisti Publicano, & latroni in cruce pendenti. Tibi confiteor peccata mea, pater pijsime, quæ, si volo, abscondere non possum tibi domine. Parce mihi Chri-ste, quem ego nuper multum offendi in superbia, auaritia, gula, luxuria, in vana gloria, in odio, in accidia, in adulterijs, in fornicatione, in furto, in mendacio, in blasphemia,

mia, in ioco, in risu, in verbis ociosis, in auditu, in gustu, in tactu, cogitando, loquendo operando. Et in omnibus modis, quibus ego fragilis homo & peccator peccare potui, mea culpa, mea culpa, mea maxima culpa. Ideo precor tuam clementiam, qui de cœlo pro mea salute descendisti, qui David à peccati lapsu erexisti; parce mihi Domine; parce mihi Christe, qui Petro te neganti pepercisti. Tu es creator meus, & adiutor meus, plasmator, & redemptor meus gubernator, pater, dominus Deus, & rex meus. Tu es spes mea; fiducia mea, gubernatio, auxiliatio, consolatio, fortitudo, defensio, & liberatio mea; vita; salus, & resurrectio mea. Tu es firmamentum, & refugium meum, lumen & desiderium meum adiutorium, & patrocinium meum. Te deprecor, & rogo, adiuua me, & saluus ero: governa me, & defende me, conforta & consolare me, confirma & lætifica me, illumina & visita me. Suscita me mortuum, quia factura & opus tuum suum: domine ne me despicias, famulus & servus tuus sum; quamvis malus, indignus, & peccator. Sed qualiscunque sim, siue bonus, siue malus, semper tuus sum. Ad quem ego fugiam, nisi ad te vadam? Si tu me eijcis, quis me recipiet? Si tu me despicias, quis me aspiciet? Et recognosce me indignum ad te refugientem, quamvis sim vilis & immundus: quia si vilis & immundus sum, potes me

mundare: si cæcus sum, potes me illuminare: si infirmus sum, potes me sanare: si mortuus & sepultus sum, potes me resuscitare: quia maior est misericordia tua, quàm iniquitas mea: maior est pietas tua, quàm impietas mea: plus potes dimittere, quàm ego committere: & plus parcere, quàm ego peccator peccare. Non ergo me despicias domine, neq; attendas multitudinem iniquitatum mearum, sed secûdum multitudinem miserationum tuarum miserere mei, & propitius esto mihi maximo peccatori. Dic anime meę, Salus tua sum. Qui dixisti, Nolo mortem peccatoris, sed magis, vt viuat & conuertatur, conuerte me Dñe ad te, & noli irasci contra me. Deprecor te, clementissimè pater, per misericordiam tuam supplico, & exoro, vt perducas me ad bonum finem, ad veram poenitentiam, puram confessionem, & dignam satisfactionem omnium peccatorum meorum. Amen.

De hospitalibus domibus Lateranensibus.

Ioannes Colūna nobilissimus ciuis Rom. psbyter Card. tr. S. Praxedes ante ann. ccc. & lx. ab Honorio III. PP. creatus hospitales domos ad Lateranum occidentem versus, suis opibus cum magnis redditibus in alimenta peregrinorum egenorumq; hominum, cum singulari pietatis laude primus edificauit, quæ postea à diuersis Romanis pontifici-

ficibus, & Cardinalibus, Episcopisq; auctæ,
 & insignibus prouentibus in dies in paupe-
 rum perpetuos vsus locupletatæ. Nunc san-
 cti Saluatoris hospitale vocatur, aliquot Ro-
 manorum ciuium cura, & protectione ad-
 ministratum, circum amplas ædes, & occi-
 dentem versus ædiculam cum ara habet ad
 conseruandam Eucharistiam. In hospitali
 sunt satis ampla cubicula, & conclauiæ, &
 multorum pro ægrotis lectulorum capa-
 cia. Post ædiculam meridiem versus extant
 custodum, & ministrorum hospitalis mag-
 nificæ ædes, quæ habent multas iurisdic-
 tiones, & priuilegia à Romanis pontificibus
 concessa. Huius hospitalis custodibus ciui-
 bus Romanis cura etiam commissa est ædi-
 culæ S. Laurentis, siue Sancta sanctorum, in
 qua imago S. Saluatoris conseruatur. Ibidē
 coquina, triclinium, aromataria, penus, & o-
 mnia ægrotis necessaria. Hyeme parantur
 pro infirmis ad CXX. lectuli, æstate fere du-
 plicantur pro maribus tantum: nam fœmi-
 næ seorsum in alio conclaui manent, ab ma-
 sculorū hospitali separatæ in lectulis xxxij.
 qui & ipsi æstate duplicantur ob maiorem
 ægrotantium numerum. In eo etiam sunt
 medici, æditui, ministriq; prior, & prioris-
 sa infirmorum, Xenodochij custodes, guar-
 diani duo. Mares à maribus, fœminæ à
 fœminis ministris seorsum mira pietate
 gubernantur. Ante hospitale septentrio-

nem versus, vltra formam aquæ Claudie, est cœmeterium, quem Campum Sanctum vocant, in quo sepeliuntur, qui diem suum in hospitali obierint. Huius hospitalis societas est nobilium Romanorum, sub appellatione S. Saluatoris. Res est pijsissima, & Christianis hominibus maxime digna: ibi enim pauperes omnes, & calamitosi & grotantes, summa cum pietate suscepti, tractati, & curati, necessarijs omnibus, dum viuunt, subleuantur.

De quinta Ecclesia, & titulo S. Crucis in Hierusalem. Cap. V.



Constantinum Imperatorem decem Ecclesias in vrbe, & suburbij fabricasse, auctor est Damas⁹ papa in S. Siluestri vita. Hæ fuerunt. Sanctorum Petri & Pauli Apostolorum, Lateranensis, S. Laurentij extra muros, S. Agnetis, SS. Marcellini, & Petri, S. Martini in Montibus: Ostiæ, sanctorum Apostolorum Petri & Pauli, & Ioannis Baptistæ Aibæ, S. Ioannis Baptistæ. Et hanc, de qua nobis sermo est institutus, sanctæ Crucis in Hierusalem, in antiqui atrij Sessoriani (cuius adhuc multa vestigia extant) parte, in imis esquilij prope amphitheatrum castrense. Quæ porro causa fuerit huius basilicæ construendæ, breui aperiam. Cum religiosissimus Imperator Constantinus aduersus Maxentium

ty-

tyrannum, qui vrbis Romæ vi Imperium occuparat, bellum ciuile pararet, atq; exercitum duceret, erat quidem iam religionis Christianæ fautor, verique Dei venerator, patris Constantij pij Imperatoris exemplo permotus, quem Christianorum studiosum fuisse constat, nondum tamen, vt est solenne nostris imitari, signum Dominicæ passionis acceperat. Et quum in eiusmodi belli grauissimi cura pius Imperator versaretur, animo secum euolebat, quem nam (quod magis imperio suo necessarium esse existimabit) sibi Deum potissimum ad eam pugnam protectorem inuocaret, vel Romanorum veteres deos, vel ipsum Deum, quæ Constantium patrem coluisse cognouerat, cuius beneficio cæteris Imperatoribus felicius, & prosperius omnia contigissent. Religioni enim Christianæ admodum Imperator Constantius addictus fuerat, quam baptismi sacramenta eum suscepisse non constet. Considerabat enim optimus princeps, firmiori sibi, & præstantiori ad Imperium recte administrandum opus esse præsidio, quàm armati essent exercitus. In hac cogitatione dum superiorum principum exempla singillatim examinaret, quorum alij alijs dijs freti, alij diuinationibus, & oraculis res prosperas pollicentibus confisi, pessimum fuissent vitæ finem sortiti: Deum eum, quem pater suus Constan-

tius coluisset, atque Imperij custodem, & foelicitatis omnis auctorem expertus esset, colere ipse quoque secum constituit. Ac statim profusis precibus Deum ipsum ardentissimè inuocare cœpit, vt se quis esset ostenderet sibi, manumquæ suam negotijs regni vt porrigeret obsecrat. Hæc autem oranti, ac indefinenter eidem supplicanti diuinum quoddam ostentum, summaquæ admiratione dignissimum (quemadmodum ipse postea narrare solebat) apparuit. Nam die quadam paulò post meridiem solem iam declinante, dum anxius multa secum de imminentis belli necessitate prouoluës, ad cœlum sæpius oculos erigeret, inde auxilium petens, ipsis dicebat oculis in cœlo super solem crucis signum è luce adornatum, & constructum, ac scripturam additam se vidisse, sic dicentem: *ἐν τούτῳ νίκα*, id est, IN HOC VINCE. Id quoq; à toto exercitu admirabundo, & stupenti visum affirmabat. Quo miraculo attonitus, & cogitabundus, quum de eo quod viderat, plurima in animo volueret, cum nox apprehendit, in qua dormienti sibi CHRISTVM vna cum crucis symbolo, quod in cœlo viderat, apparuisse, ac præcepisse dicebat, vt signum sibi iuxta formã eius, quod in cœlo viderat, compararet, illoquæ contra hostiũ exercitus vexilli & signi loco vteretur. Hoc ab Imperatore audiuisse se iureiurando af-
fir-

firmari, Eusebius tradidit lib. 1. de vita Constantini. Mox die exorto amicis congregatis totam rem aperit, quorum consilio admonitus, Christi sacerdotes ad se statim accersuit, à quibus de Christi pietate, doctrina, & religione, item de signo quod sibi apparuerat, adamussim instructus est. Illi enim de Deo patre, ac filio suo, de causis aduentus eius in carnem, accuratissime eum instruxerunt: quare lætus, & de victoria iam securus, id signum in sua fronte primum designauit, deinde artificibus conuocatis, eius imaginem pinxit, præcepitque ut auro, & lapidibus pretiosis, gemmis, & margaritis, vnionibusque exprimerent: signum autem, quemadmodum ex Constantini nummis intelligitur, ficerat† vel sic*. In quibus in eius rei memoriam circa id signum scriptum est: HOC SIGNO VICTOR ERIS. Illud porro militariis vexillis, & signis apposuit, ac præcipuum totius imperij, & exercitus vexillum, quod labarum dicunt, in speciem dominicæ crucis adaptauit. Quo salutari signo munitis ad bellum ciuile separabat. Superatis autem Alpibus, firmissima propinquarem urbium præsidia expugnauit. Triplici deinde prælio Maxentij copijs profligatis, Italiam omnem pristinae maiestati asseruit. Quum autem ad Urbem venisset, in qua se toties victus tyrannus conclu-



cluserat, castra in pratis Quinctijs iuxta pontem Milvium è regione Urbis locavit. Contra quem cum alio ponte nassibus super Tiberim paulò supra pontem Milvium de industria dolorè facto Maxentius exisset, atque pugna inchoata fugam simulans in Vrbe reuenteretur, per eundem pontem cum non sine diuina virtute laxatis tabularum fibulis, nexibusq; resolutis, in dolum quem Constantino parauerat, ipse incidit. Tiberis enim gurgitibus cum plerisque suorù satellitum absorptus est, corpusque thoracis pondere limo fixum, vix tandem reperiri potuit: atque ita Dei virtute, & salutaris signi opera Constantinus citra civilem sanguinem, quod semper optauerat, egregia victoria potitus, Urbem Romanam à sauiissima atque immani tyrannide liberauit, Italiamq; atque Africam suo adiunxit imperio. Statim autem vbi urbem triumphans ingressus est, faustis acclamationibus S. P. Q. R. exceptus, qui à crudeli tyrannide liberati paulum respirare coeperant, in curiam venit, omnesq; oratione habita bono animo vt essent imperauit. Tum Deo liberatori gratias agens, imaginum quas sibi senatus triumphales erexerat, dexteris, crucis signum figi iussit, & media vrbe salutare hoc signū erecto trophæo locauit, omnibusq; locis sic inscripsit: **SA
LV TARI HOC SIGNO IMPERIVM
RO**

ROMANVM CVSTODITVR. Confestim etiam sublimem in Crucis formam hastam constructam, manibus imaginis suæ eo loco vbi à tyranno hominum proscriptiones, & publicationes bonorum fieri solebant, collocatæ fixit, & elogium hoc addidit:

Salutari hoc signo,

Tanquam vera virtutis, &

Fortitudinis argumento,

Urbem vestram iugo tyranni ereptam

Liberavi. S. P. Q. R.

Auctoritati pristinae dignitatiq; restitui

Imp. Cæs. Fl. Constantinus max. P. F. Augustus.

Senatus verò in eius rei memoriam eximix structuræ arcum in subura sub palatij radicibus versus montem Cœlium construxit, eiq; cum hoc elogio dedicauit:

Imp. Cæs. Fl. Constantino Maximo

P. F. Augusto. S. P. Q. R.

Quod instinctu diuinitatis mentis

Magnitudine cum exercitu suo

Tam de tyranno, quam de omni eius

Factione vno tempore iustis

Rempub. ultus est armis,

Arcum triumphis insignem dicauit.

Ob hanc causam, haud longè post Nicæum magnum concilium, Helena Augusta Constantini mater diuinis monita visionibus, beatissimū crucis lignū, in quo mundi salus pependit, apud Hierosolymam repe-

rit. De qua re quid Rufinus libro primo, capite VIII. Socrates libro primo, capite decimosextimo, Theodorus libro primo capite decimo octavo, Sozomenus libro secundo capite primo, Ambrosius in oratione funebri Theodosij, scripserint, breuissimè explicabo. Helena Imperatoris Constantini mater, cuius gratia Imperator Drepanum Bithiniæ vicum, ciuitatis iure donatum, Helenopolim appellauit, matrona fide, religione, & magnificentia singularis, pro filij salute anxia, oraculo in somnis admonita, Hierosolymam precandi gratia profecta est. Tum loca, in quibus sacrosanctum CHRISTI corpus crucifixum & sepultum fuerat, ab incolis diligentissimè perscrutari cœpit. Accessit Christianissima mulier, vt inuideret loca sancta. Infudit ei Spiritus sanctus, vt locum, in quo lignum crucis erat, perquireret. Quid ideirco inuentu difficilis erat, quòd ab antiquis Christianæ fidei hostibus nulla sancti loci memoria conseruata, eo paululum profundiore magnis altisque aggeribus repleto, ibidem templum cum simulachro Veneris fuerat defixum, vbi virgineis cantibus insultare CHRISTO solebant, & ludia fabricata fuerant, totusque resurrectionis Dominicæ, & Cranij locus maxima lapidum, & murorum congerie fuerat stratus, vt omnis religionis nostræ memoria, quæ
tum

tum primum germinare cœperat, funditus aboleretur, vel, vt si quis Christianus eo loci Christum adorare voluisset, Venerem videretur adorasse, & propterea infrequens, & pene obliuioni datus fuerat locus, cum Christiani nec illò proficisci, nec alijs indicare auderent, & contrarium in gentili cultu, & statu confirmaretur. Sed cum (vt supra dixi) religiosa scœmina properasset ad Gelgothæ locum, cuiusdam Hebræi indicio, quem Iudam vocatum scribunt (is eum ex paterno quodam scripto manifestauit) vel, quod magis existimo, cœlesti sibi indicio designatum, ait: Ecce locus pugnæ, vbi est victoria. Quæro vexillum salutis, & non inuenio. Ego (inquit) in regnis, & crux Domini in puluere. Ego in aulis, & in ruinis CHRISTI triumphus. Cuncta igitur ex eo loco profana atque polluta cum Veneris templo deiiciens, aperit humum, & ruderibus altè egestis, Dominicum sepulchrum, terra diu opertum, apparuit, & iuxta illud tres confuso ordine cruces repertæ, quas inimicus absconderat, ruina contexerat, vnâ CHRISTI, duas latronum, qui cum eo crucifixi sunt. Sed non potuit obliterari Christi triumphus. Incerta erat Helena (vt mulier) sed certam indagationem diuinum numen inspirabat. Quærit ergo medium lignum, sed poterat fieri vt

pa.

patibula inter se ruina confudisset, casus mutasset, & inuertisset. Redit ad euangelij lectionem, inuenit, quod in medio patibulo Latinis, Græcis, & Hebraicis literis à Pilato præfixus titulus fuerat, I. N. R. I. Hinc collecta est series veritatis, titulo crux patuit salutaris. Inuenit ergo titulum, Regem adorauit, non lignum ytique, quia hoc Gentilis est error, & vanitas impiorum; Sed illum adorauit, qui pependit in ligno, scriptus in titulo. Ita Ambrosius. Sed Rufinus, qui Ambrosij tempore vixit, & qui ab eo acceperunt, Socrates, Sozomenus, Theodorus, in cæteris quidem cum Ambrosio consentiunt: cæterum in eo discrepant, quod quum reperti muneris lætitiâ vniuscuiusq; crucis indiscreta proprietas obturbasset, titulus enim à cruce auulsus, & cruces ipsæ hinc inde sine ordine sparsæ atque proiectæ, dominici patibuli signa prodere non poterant, & diuinum lignum adhuc obscurum erat, quod pretiosi sanguinis stillicidia excepisset: Macarius tum eius vrbe episcopus, ad humanæ ambiguitatis incertum, & dubium exprimendum, diuinum testimonium efflagitauit, & obtinuit, quod eiusmodi fuisse referunt. Fortè accidit in eadem vrbe, primariam quandam illius loci matronam graui ægitudine confectam semianimè in lecto iacere. Tunc episcopus vbi cunctantem Augustam, atque omnes

omnes pariter quiaderant, videt, Afferte (inquit) huc tres quæ repertæ fuerunt cruces, & quæ sit quæ Dominum tulit, nunc ipse nobis huius mulieris sanitate ostendet, & cum Imperatrice, & comitibus ad eam, quæ decumbebat, ingressus, flexis genibus huiusmodi ad Deum preces effudit: Tu Domine, qui per vnigenitum filium tuum salutem generi humano per passionem crucis conferre dignatus es, & nunc in nouissimis temporibus adspirasti in corde ancillæ tuæ perquirere lignum beatum, in quo salus nostra pependit, ostende euidenter ex his tribus, quæ crux fuerit ad Dominicam gloriam, vel quæ extiterit ad seruire supplicium, vt hæc mulier quæ semiuiua decumbit, statim vt eam lignum salutare contigerit, à mortis ianuis reuocetur ad vitam. His dictis adhibuit primo vnam ex tribus, & nihil profecit, adhibuit secundam, & nè sic quidem aliquid factum est, vt verò tertiam admouit, repente adaperitis oculis mulier surrexit, & stabilitate virium recepta alacrius multò quàm cum sana fuisset, tota domo discurrere, & magnificare Dei potentiam cœpit. Sic euidenti indicio Augusta voti compos facta, templum maximum & nobilissimū in eo loco, in quo crucē repererat, Imperiali excellentia construxit, quod Dominicæ resurrectionis, ac nouam Hierusalem ex aduerso veteris, & desertæ constitu-

tam

tam vocauit. Cæterùm Seuerus Sulpitius Sozomenus libro II. capite 1. & Nicephorus libro VIII. cap. XXIX. crucem mortuo cuidam impositam ipsum excitasse à mortuis scribunt. Inijsdem etiam regionibus tam pius Imperator, quàm eius mater Helena, magnificentissima templa exædificarunt. Hierosolymis quidem in loco Cranij S. Saluatoris, & Theophaniæ templa Constantinus, apud Bethleem Natiuitatis in memoriâ Dominici Natalis, & in monte Oliuarum Ascensionis Helena condidere. Ex cruce porrò dominica sanctissima Augusta tres partes fecit, quarum vnâ argenteis thecis inclusam, vnâ cum titulo Romam misit, & in Basilica Sanctæ Crucis in Hierusalem in atrio Sessoriano prope amphitheatrũ castrense in Esquilij per hæc tempora condita, locauit: alteram Hierosolymorum episcopo custodiendam eo in loco dereliquit, quæ ad memoriam salutis, & eam illic visere volentium, ibidem vsque ad Heraclij tempora ingenti veneratione seruata est: tertiam porrò ad filium misit Constantinopolim, quam ille acceptam, credens eam civitatem fore saluam, vbi portio crucis asseruaretur, in sua ipsius statua condidit, quæ Constantinopoli in foro quod Cōstantini dicitur, in porphyretica, & magna columna consistebat, quod apud Constantinopolim habitatores pro certo semper ha-

tū fuit. Adijcit Nicephorus aliā crucis portionē à Conſtātino in Columna marmorea in ἀγορῶν, hoc eſt foro panario collocatū, cuius virtute multi ſanitatē amiſſam recuperarint. Hæc porrò crucis portio, q̄ Conſtantinopoli fuit, cū ea q̄ in uafiōis Coſdoris Perſarū Regiſ tēporē amiſſa, ab Heraclio Imperatore recuperata fuit, & deinde Conſtantinopolim ex Hieroſolymis translata, diu in ea vrbe, ſcilicet, uſq; ad Turcarū tyrannidē permansere. De hoc ligno veterē Sybillam prophetaffe ſcribunt, quū cecinit: O ter beatū, & feliciffimū lignū, in quo Deus extenſus eſt. Inuēta cruce Imperatrix, & clauos, quibus crucifixus eſt Dñs, inuenit. Ex vno clauorū frænum equi filij ſui fieri præcepit, alterū diademati ſiue galeæ filij, quibus uteretur ad bellū, intexuit, vnum ad decorē, alterū ad deuotionem vertit. Miſit Cōſtantino filio diadema ſiue galeam gemmis inſignitam, q̄ pretioſior ferro innexa crucis redemptionis gēma connecteret. Miſit & frænum. Vtroq; uſus eſt Conſtātinus. Et fidē tranſmiſit ad poſteros reges. Galea quidē ad capitis præſidiū, & hoſtiū tela repellenda: Fræno verò vt ſibi protectorē Deum pararet, & vetus Zachariæ vaticiniū expleret, quod dixit: Et quod in frænis fuerit, ſanctum erit domino omnipotenti. Tertius porrò clauus in mare Hadriaticum (vt D. Ambroſius ait) deiectus eſt ad compescendas ſæuiantis maris procel-

cellas. Reliquit demum hoc veræ pietatis indicium religiosa Imperatrix: virgines enim, quas ibidem Deo sacratas reperit, ad prandium inuitavit, & tanta eos deuotione curasse dicitur, vt indignum crederet, si famularum Dei vteretur obsequijs: sed ipsa manibus suis ancillæ habitu succincta cibos apponeret, pocula singulis porrigeret, & aquam manibus infunderet, & orbis terrarum Regina, Imperatoris mater, Cæsarum auia, famularum Christi ^{sc} ancillam deputarit. Multa demum ecclesijs, & pauperibus largita octuagesimo ætatis anno bona, senectute in Domino quieuit. Corpus Romam veterem delatū nobilissimi operis porphyretico mausoleo in æde SS. Marcellini, & Petri, via Lauicana, vt ex Damaso tradit Bibliothecarius, Imperatoris iussu conditum est. Qui post dominicæ crucis inuentiōnem, crucis supplicium lege vetuit. Et hæc quidem Hierosolymis sic gesta fuisse, quos supra citauī scriptores prodidere. Cæterum (vt dixi) Dominicæ crucis partem Helena ipsa Romam misit, quæ in hac ipsa basilica conseruata est. De cuius sanctissimæ crucis caractere non alienum erit subijcere, quæ veteres auctores scitu digna memoriæ prodiderunt. Rufinus historiæ Ecclesiasticæ libro 1. capite xxix: Sed & illud (inquit) apud Alexandriam gestum est, quod etiam thoraces Seraphis, qui

qui per singulas quasque domos in parietibus, in ingressibus, in postibus etiam, ac fenestris erāt, ita abscissi sunt omnes, & abradi, vt ne vestigium quidem vsquam, vel nominis appellatio, aut ipsius, aut cuiuslibet alterius dæmonis remaneret. Sed pro his, crucis Dominicæ signum vnusquisq; in postibus, in ingressibus, in fenestris, in parietibus, columnisquē depingeret. Quod cū factum esse hi qui superfuerant ex Paganis, viderent, in recordationem rei magnæ, ex traditione sibi met antiquitus commendatæ venisse perhibentur. Signum hoc nostrū Dominicæ crucis inter illas, quas dicunt Ieraticas, id est, sacerdotales literas, habere Ægyptij dicuntur, velut vnum ex cæteris literarum, quæ apud illos sunt elementis. Cuius literæ fere vocabuli hanc esse afferūt interpretationem: Vita ventura. Dicebant ergo hi, qui tunc admiratione rerum gestarum conuertebantur ad fidem, ita sibi ab antiquis traditum, quod hæc quæ nunc coluntur, tam diu starent, quam diu viderent signum istud venisse, in quo esset vita. Vnde accidit, vt magis hi qui erant ex sacerdotibus, vel ministris templorum, ad fidem conuerterentur, quàm illi quos errorum præstigiarum, & deceptionum machinæ delectabāt. Eandem rem ita commemorat Socrates historiæ Tripartitæ lib. IX. cap. XXIX. cumque templum Serapidis spoliaretur, inuentæ

sunt literæ in lapidibus sculptæ, quæ apud Ægyptios vocantur sacræ. Habebant ipsi characteres figuram crucis. Hoc Christiani videntes atque Pagani, singuli eorum hoc signum religioni propriæ deputabât. Christiani dicebant, signum esse salutiferæ passionis Christi. Pagani verò aliquam communionem Christo, & Serapidi per hoc signū afferebant. Interpretes autem signum crucis insinuare dicebant vitam superuenturam, quam ob causam Christiani ad summum fastigium sunt euecti. Cumque per alias literas, quæ apud eos sacræ dicuntur, indicaretur finem habiturum, Serapidis templum quando character crucis apparuisset, qui vitam superuenturam sine dubio declararet, longè plurimi ad Christianismum festinabant, & peccata confitentes baptizabantur.

Hanc porrò basilicam sanctæ Crucis in Hierusalem, à sancto Syluestro decimotertio Kalendas Aprilis dedicatam, Constantinus Imperator his redditibus & ornamentis donauit : Agri omnes basilicæ vicini, quos Imperator Constantinus eidem Ecclesiæ largitus est. Possessio sponsas via Labicana, præstans solidos ducentos sexagintatres. Possessio Patras apud Laurentum, præstans solidos CXX. Possessio Anglesis, apud Nepet, præstans solidos GCL. Possessio Terega apud eandem ciuitatem, præstans

stans solidos CLX. Possessio Nymphasia Faliscis, præstans solidos CXV. Possessio quam Hercules donauit Constantino Imperatori in Faliscis, præstans solidos CXL. Ornamenta eiusdem basilicæ: Theca aurea gemmis ornata, qua ligni S. Crucis pars continebatur. Altare argenteum librarum GCL. Phara canthara argentea L. singula librarum XV. Quatuor candelabra argentea ante lignum sanctum lucentia, singula librarum LXXX. Amæ argenteæ tres, singulæ librarum XX. Scyphus aureus librarum X. Scyphi argentei III. singuli librarum VIII. Calices aurei ministeriales V. singuli librarum V. Calices argentei ministeriales X. singuli librarum V. Patena argentea auro clusa cum gemmis librarum L. Basilica sanctæ crucis more aliarum facta medianā nauem, & duas minores alas habet XII. columnis magnis sustentatas: ante se habet vestibulum cum porticu, pauimentum tessellatum: laquearia lignea deaurata à Petro Mendocio Archiepiscopo Toletano eiusdem tituli presbytero facta, quando is totam Ecclesiam renouauit. Sex in ea sunt altaria, præter aram maximam, insigni marmoreo operculo, & conclusa è lapide Lydio, in qua iacent corpora sanctorum Cæsarij, & Anastasij martyrum, ornata. Operculum è tabulis, & columellis marmoreis fecit ante CCCC. annos Vbal-

duſ præſbyter Cardinalis huius tituli. Abſida pulcerrimis picturis condecorata eſt, Inuentiõis, & Exaltationis S. Crucis. Duo extant ex vtraque abſidæ parte mœniana, oſtendendis reliquijs apta, ſub quibus totidem oſtia ſunt ad ſacellum ſubterraneũ S. Helenæ ducentia, de quo mox dicam. Extat ibidem eiufmodi diuæ Helenæ inſcriptio, aliæ ſimilis, quæ Neapoli eſt.

Roma.

DOMINÆ NOSTRÆ FL. IVL.
HELENÆ. PIISSIMÆ. AVG.
GENETRICI. D. N. CONSTAN-
TINI. MAXIMI. VICTORIS.
CLEMENTISSIMI. SEMPER
AVGVSTI. AVIÆ. CONSTAN-
TINI. ET. CONSTANTIS. BEATIS-
SIMORVM. AC. FLORENTIS-
SIMORVM. CÆSARVM.
IVLIVS. MAXIMILIANVS. V. C. COMES
PIETATI. EIVS. SEMPER. DEDICATIſſ.

Neapoli.

PIIſſimæ. AC. VENERABILI.
DOMINÆ. NOSTRÆ. HELENÆ
AVGVSIÆ. MATRI
DOMINI. NOSTRI. VICTORIS,
SEMPER. AVG. CONSTANTINI. ET
AVIÆ. DOMINORVM. NOSTRORVM.
BEATIſſimorum. CÆSARVM.

ORDO, ET POPVLVS NEAPOLI-
TANVS.

Gre-

Gregorius III. (vtauctor est Bibliothecarius) Hierusalem Ecclesiam sanctam restaurauit, collapsum tectum eius refecit, porticus circumquaque vetustate quassatas trabibus de Calabria adductis cooperuit, ac reparauit, & ambonem marmoreum ibidē fecit, quod nostro tempore dirutum est, eamquē diuersis ornamentis aureis, argenteis, sericis, & linteis auxit. Xystus III. & Symmachus Papæ pro tuenda sua innocentia, quum ab æmulis accusati essent, duo episcoporum magna Concilia in ea celebrarunt, vt ex primo Conciliorum tomo liquet. Benedictus VII. vt ex eius elogio marmoreo parastatæ affixo intelligitur, in ea sepultus est. Is basilicam hanc, & monasterium renouauit, monachos ad paucos redactos in ea restituit, ampliauit. Priscis enim temporibus clerici eam incoluerant: postea antiquæ monachorū sodalitati concessa est. Leo IX. Papa diuino officio destitutam monachorum Casinatum Abbati Richerio donauit. Alexander II. eam ijs abstulit, & monasterium sanctorum Sebastiani, & Zosimi martyrum, quod Pallaria dicebatur, retrò hortos S. Mariæ Nouæ versus amphitheatrum, eius loco ijsdem concessit: in ea verò canonicos regulares cōgregationis S. Fridiani Lucensis ab se Laterani etiam restitutam, locauit: qui eam vsque ad Clementis VI. tempora tenuerunt, amplissimo hoc privilegio à Ro-

manis pontificibus ornat, vt presbyterum Cardinalé tituli sui ex suo corpore crearét: quod & Diacono Cardinale S. Mariæ Nouæ eius diaconiaë canonicis concessum fuerat. Ex hoc canonicorū monasterio multi Cardinales eximij, & Lucius II. papa prodierunt: qui cū ante pontificatum eius Ecclesiæ presbyter Cardinalis esset, pontifex creatus totam ipsam Ecclesiam, & canonicorum claustra à fundamentis renouauit. Sed & Innocentius VII. ac Marcellus II. ex eo titulo ad pōtificatum assumpti sunt. Cæterū Canonicis regulatibus deficientibus, eam Ecclesiā Vrbanus V. patribus Carthusianis donauit, vt ex hoc eius diplomate liquet.

Vrbanus Episcopus seruus seruorū Dei ad æternam rei memoriam. Sedis Apostolicæ gratioſa benignitas illorum pia, & Deo grata opera, per quæ cultus diuini nominis augetur, libenter fauore Apostolico prosequitur, & sup hoc prout expedire conspiciat, auxilijs etiā prouidet opportunis. Nuper siqdem accepimus, quod olim dilectus filius nobil. vir Nicolaus Nolanus, & quōdā Neapoleo de Vrsinis Manupelli comites, quoddam monasteriū Garthusiēsis ordinis in vrbe, in loco qui dicitur Thermæ Diocletiani de sedis Apostolicæ licentia edificare disposuerunt, iam sunt plures anni elapsi, & quod huiusmodi dispositione sic stāte prædictus

Co-

Comes Manupelli, condens de bonis suis in sua volūtate vltima testamentū in eodē pio monasterio dicti ordinis sic edificādo in loco prædicto, certā pecuniæ quātitatē vsq; ad certū tēpus tūc expressū, annuatim solvendā, nec nō, p male ablatis incertis quingētos florenos auri legauit, & quoddā aliud legatū, p huiusmodi monasterio sic in præfato loco cōstruēdo fecit, quæ omnia ad summā triū milliū florenorū auri ascendere dinoscuntur: quodq; postmodū prædicti comites sup ædificatione dicti monasterij sanius habētes cōsiliū, deliberarūt ipsum monasteriū in loco S. crucis in Hierusalē de dicta vrbe cōstruere, ac huiusmodi deliberatione sic stāte, & in opere nō posita, prædictus comes Manupelli prædicto testamēto nō mutato, naturā fuit vniuersæ carnis ingressus, ac deinde idē comes Nolanus huiusmodi monasteriū prædicti ordinis in dicto loco S. crucis de nostra licētia ædificare incepit, opere nō modicum sumptuoso. Nos igitur præmissa plurimū in Dño cōmendantes, volumus, & auctoritate Apostolica tenore præsentīū ordinamus, quod huiusmodi legata p dictum comitē Manupelli, p monasterio in dicto loco q Thermæ Diocletiani dicitur ædificādo facta, prædicto monasterio in dicto loco S. crucis sic inchoato, p eo perficiendo, & dotando, dari debeant atq; dentur: & insuper id quod de legato huiusmodi ad nos tam-

quam ad ordinarium dictæ urbis pertinet, pro ædificatione, & dotatione huiusmodi damus, & etiam deputamus de gratia ampliori.

Datum apud montem Flascionem X. Kal. August. Pont. nostri anno octauo.

Pius III. quod Urbani V. Papæ tempore agitatum fuerat executus, Ecclesiam S. Mariæ angelorum in Thermis Diocletiani ab se excitatam patribus Carthusianis largitus est, basilicam verò S. Crucis congregationi Lombardiæ ordinis Cisterciensis ex S. Sabbæ monasterio pulsæ concessit, quæ eam adhuc possidet.

De sancto Sacello Hierusalem dicto.

Sub ara maxima basilicæ S. Crucis retrò absidam, est oratorium subterraneum S. Helenæ, ad quod duobus ostijs descenditur, ex utroque tribunæ latere restitutum, & musivæ signis ornatum à Bernardino Cardinal. Caruaial. In quo musivæ litteris eiusmodi res memoratu dignæ annotatæ sunt.

Sacra capella dicta Hierusalem, quod beata Helena Magni Constantini Imperatoris mater Hierosolymis rediens, circiter annū Domini CCCXXV. Dominici trophæi insignijs repertis, in proprio eam cubiculo erexerit, terræq; sanctæ montis Calvariæ naui inde adducta, supra quam Christi sanguis effusus fuit redemptionis humanæ preciū,
cuius

cuiusque vigore in cœlestem Hierusalem mortalibus aditus patuit, ad primum vsque inferiorem fornix repleuerit, ex quo sacellum ipsum, ac tota basilica, & vniuersa vrbs secunda Hierusalem meruit appellari, apud quam & Dominus ad illius robur fidei in Petro iterum crucifigi voluit, vbiue vnus Dei veneratio, ac fides indeficiens, & Domini precibus, & Petri fauore ad vltimum vsque iudicantis Domini aduentum in vrbe sublimi, & valente, ac inde veriore Hierusalem creditur permansura. Hunc ergo locum Regina ipsa multis Christi, & sanctorum reliquijs ornauit, & à beato Syluestro XIII. Kal. Aprilis cum multiplici peccatorum venia visitantibus indulta consecrari obtinuit. Inde centum ferè labentibus annis, Placidius, Valentinianus III. Imperator, filius Constantij Cæsaris, Arcadij, & Honorij Imperatorum sororis Placidia filia Magni Theodosij filius, in solutionem voti sui, ac suæ matris Placidia, & Honorie sororis, opere vermiculato eam exornauit. Inde quasi mille centum annis euolutis, Titulus veræ crucis ab Helena Romam delatus, qui supra arcum maiorem istius basilicæ in parua fenestra plumbea theca muro lateritio clausus tam diu latuerat, musuijs tamē litteris ab extra id referentibus, quod illic titulus staret, quæ iam litteræ præ vetustate vix legi poterant, sedente Innocentio VIII. pientis-

simo pontifice anno Domini M. CCCCL-
 XXXII. Pontificatus sui anno octauo, cum
 Petrus Gudisaluus de Mendoza presbyter
 Cardinalis tt. S. Crucis in Hierusalem, To-
 letanus primas, tectum basilicæ istius, &
 musiuas illas litteras fenestræ reparari fa-
 ceret, fabris bitumen quo litteræ figeban-
 tur, indiscretè diruentibus, aperto fenestræ
 foramine, contra eorum, & Cardinalis be-
 nepiacitum gloriosus titulus veræ crucis
 post tot annos ab Helena visibilis apparuit.
 Quo die Granata à Ferdinando Hispania-
 rum Rege Catholico de Mahumetanis re-
 cuperata, & Romæ tunc nunciata. Quare
 pontifex magna cum processione ad Eccle-
 siam S. crucis venit, addita indulgentia ma-
 gna die anniuersario illius solennitatis. In
 altero parietis latere, vetustate murorum
 fornice sacelli istius Hierusalem ruinâ mi-
 nante, & musiuis figuris operis Valentinia-
 ni, præter canticum Ambrosianum, quod
 in fronte descriptum fuit, omnino deletis:
 Bernardinus Lupi Caruaial Episcopus Ho-
 stiensis S. R. E. Cardinalis tt. S. crucis in Hi-
 erusalem, Patriarcha Hierosolymitanus, &
 fornicem ipsum, ac figuras musiuas denuò
 ad instar priorum refecit. Intra ipsam quo-
 que maiorem basilicam, quæ primus Cardia-
 naliū est titulus, diuersa altaria nonnullis
 S. R. E. Cardinalibus in cathalogo sancto-
 rum annumeratis erexit atque dicauit, clau-
 strum-

DE PRÆ. VRB. R.O. BASILICIS. 267
strumquē paruum, & magnum, intra domum ipsam patrum Carthusiensium, chorūq; instituit maioris basilicæ, & vtrumq; descensum.

In facie verò basilicę versus orientem, vbi sacratissimum corpus D. N. IESV CHristi sub vario ac mirabili opere seruatur, huiusmodi sculpta leguntur: Franciscus Quignonius tt. S. crucis in Hierusalem S. R. E. presbyter Card. natione Hispanus, patria Legionensis, sanctissimo CHristi corpori dicauit, Anno M. D. XXXVI. Kal. Iulij.

CARTHVS. MONVMEN. HOC. POS.

Bartholomeus à Cueua tt. S. crucis in Hierusalem presbyter Cardinalis, natione Hispanus, gradus quibus ad maius altare conscenditur, basilicæquē totius pavementum, fenestris insuper vitreis additis, in melius restituit.

*De inuentione tituli Crucis D. N. IESu CHristi
Sti Alexandri VI. Papa Bulla.*

Alexander Episcopus, seruus seruorum Dei: Vniuersis CHristifidelibus præsentis inspecturis salutem & Apostolicam benedictionem. Admirabile sacramentum viuificę crucis, cuius signū erit in cælo dum Dominus ad iudicandū venerit, intra nostræ mentis arcana reuoluentes, & pia cōsideratione pensantes, quòd in ligno eiusdē sanctissimæ crucis Dñs noster IESVS CHristus pro humani

mani generis salute mortem subire nō ab-
nuuit, vt nos de morte ad vitam reuocaret:
dignum imò potius debitum reputamus,
Ecclesias & loca sub ipsius sanctissimæ cru-
cis nomine dedicata, & præsertim in vrbe
consistentia, gratiosis indulgentiarum &
remissionum muneribus decorare, vt per
hoc & tanti sacramenti iugis memoria in
mentibus CHristi fidelium permaneat, &
ipsi CHristi fideles, ipsius Domini gratia eos
præueniente, felicitatis premia consequi
mereantur æterna. Cùm itaque nuper, vi-
delicet anno à Natiuitate eiusdem Domini
nostri IESV CHristi millesimo quadrigen-
tesimo nonagesimo secundo, vltima Domi-
nica mensis Ianuarij, dum bo. me. Petrus tt.
S. Crucis in Hierusalem Cardinalis, qui tūc
in humanis agebat, eandem Ecclesiam dig-
no ornatu reparari faceret, in altiori parie-
te testudinis dictæ Ecclesiæ repertus fuerit
titulus Hebraicis, Græcis, & Latinis literis
conscriptus, & qui supra caput ipsius D. N.
IESV CHristi, dum in ligno eiusdem S. cru-
cis pendebat, appolitus extitit, & ipse titu-
lus nunc in eadem Ecclesia debita cum ve-
neratione obseruetur, & custodiatur: Nos
in cruce huiusmodi sancta cum Apostolo
gloriantes, & satagentes alios ad glorifica-
tionem ipsius inuitare, vt vitalis ligni pre-
tio vitæ æternæ suffragia consequantur: ac
cupientes, vt Ecclesia prædicta, quæ nunc
titu-

titulus dilecti filij nostri Bernardini eiusdē
 Ecclesiæ sanctæ Crucis in Hierusalem pres-
 byteri Cardinalis existit, congruis frequen-
 tetur honoribus, & ipsi Christi fideles co-
 libentius deuotionis causa ad eandem Ec-
 clesiam confluant, quo ex hoc ibidem dono
 cœlestis gratiæ vberius conspexerint se re-
 fectos, De omnipotentis Dei misericordia,
 ac beatorum Petri, & Pauli Apostolorum
 eius auctoritate consili, omnibus, & singu-
 lis Christi fidelibus vtriusq; sexus vere pœ-
 nitentibus, & confessis, qui Ecclesiam ip-
 sam in vltima Dominica mensis Ianuarij
 cuiuslibet anni, à primis vespers vsque ad
 occasum Solis ipsius Dominicę deuotē visi-
 tauerint, annuatim omnium peccatorum
 suorum remissionem auctoritate Apostoli-
 ca tenere præsentium concedimus, & elar-
 gimur, præsentibus, perpetuis, futuris tem-
 poribus valituris. Volumus autem, quod si
 alias visitantibus dictam Ecclesiam aliqua
 alia indulgentia in perpetuum, vel ad cer-
 tum tempus nondum elapsum duratura, e-
 adem die per nos concessa fuerit, præsentis
 litteræ nullius sint roboris vel momenti.
 Dat. Romæ apud S. Petrum, Anno incarna-
 tionis Dominicę quillesimo quadringente-
 simo nonagesimo sexto, quarto Kal. Augu-
 sti, Pontificatus nostri anno quarto. Signat.
 L. Maius. A tergo Volaterranus. Cum sigillo
 plumbeo.

Multæ certissimæ & admodum memoratu venerationeq; dignæ sunt in hac basilica reliquiæ, quarum breuem indicem subiiciam. In altari maiori in concha è lapide Lydio iacent corpora SS. Cæsarij, & Anastasij martyrum. In oratorio supra absidam, tres frutulæ è ligno crucis D. N. Iesu Christi. Pars tituli crucis Christi cum litteris Latinis, Græcis, Hebraicis. Vnus ex clauis, quo Christus cruci affixus fuit. Duæ spinæ è corona eiusdem. Vnus ex triginta argenteis, quo venditus fuit. Transuersæ crucis pars boni latronis. Digitus S. Thomæ Apostoli. Quæ omnia argenteis thecis inclusa sunt. In eodem oratorio est areula reliquiarum plena cum hoc indice: Lapis sepulchri Christi. De mōte Caluario. De sepulchro beatæ Virginis. De loco, vbi Christus ascendit in cœlum. De loco vbi crux Christi reperta fuit. De capite sanctorum Ioannis Baptistæ, Clementis Papæ, & Prædix virginis. De cute cum capillis S. Catharinæ Senensis. Dentes sanctorum Petri Apostoli, & Gordiani martyris. De costa S. Laurentij martyris. De dorso S. Blasij Episcopi. De genu S. Gordiani martyris. De ossibus sanctorum Ioannis Baptistæ, Bartholomæi, & Simonis Apostolorum, Innocentium, Fabiani, Sebastiani, Thomæ Archiepiscopi Cantuariensis, Hippolyti, Agapiti, Epiphaniij, Felicissimi, Chrysogoni, Dionysij, & sociorum, Mariæ Magdale-

calenz, Anastasię, Pudentianę, Agnetis, Euphemiz virginum & martyrum. Item reliquiaz sanctorum Petri, & Pauli Apostolorum: Iacobi Apostoli fratris Domini, Urbani, & Xysti II. pontificum: Cosmę, & Damiani martyrum, Nicolai Episcopi, Sabini, Reguli, Nerei, Hermetis martyrum: Benedicti, & Hilarionis Abbatum: S. Helizabeth Regine, S. Brigide virginis, sanctorum Iulianę, Feliculę, Catharinę, & Margaritę virginum, & martyrum. Item alię CXXXVII. thecę reliquiarum sanctorum, quorum nomina ob vetustatem ignoratur. In eius thecę medio est imago Christi musivea, quam fuisse S. Gregorij PP. ferunt.

In sacello S. Helenę subterraneo, quod XX. die Martij tantum mulieres ingrediuntur, sunt hę reliquię. Funis, quo Christus alligatus fuit. Spongia, qua felle & aceto potatus est. Frustum eius vestis. Capilli & pars veli B. Virginis. Vestis S. Ioannis Baptistę. Pars lacerti. SS. Apostolorum Petri & Pauli. De adipe S. Laurentij.

Sub pavimento, quod Eugenius III. refecit, multa rudera extant e monte Calvario transportata.

In hoc altari nemo sine papę licentia sacra facere potest.

In hac Ecclesia vetustissimę, & novę stationes sunt.

Domi-

Dominica II. Aduentus. Dominica IIII. Quadregesimæ, quæ dicitur Lætare, alias de Rosa. Feria VI. in parasceue, quo die Romanus pontifex è Lateranò procedens cuncta sacramenta in ea celebrare solebat. Die Inuentionis, & Exaltationis S. Crucis. Vltima Dominica mensis Ianuarij, in memoriam inuentionis tituli Crucis Christi. Die XX. Martij dedicationis sanctæ capellæ Hierusalem dictæ, sunt multæ & magnæ peccatorum indulgentiæ. Alijs etiam anni diebus, & præsertim feria VI. pietatis studio deuota plebs ad eam conuenire solet.

Precandi formula.

Ad altare maius. Pater noster. Ave Maria. Quintus psalmus pœnitentialis. Domine exaudi orationem meam, & clamor meus ad te veniat. Non auertas faciem tuam à me, in quacumque die tribulor, inclina ad me aurem tuam. In quacumque die inuocauero te, velociter exaudi me. Quia defecerunt sicut fumus dies mei, & ossa mea sicut cremum aruerunt. Percussus sum vt fœnum, & aruit cor meum, quia oblitus sum comedere panem meum. A voce gemitus mei, adhæsit os meum carni meæ. Similis factus sum Pelicano solitario, factus sum sicut nycticorax in domicilio. Vigilaui, & factus sum sicut passer solitarius in tecto. Tota die exprobrabant mihi inimici mei: & qui laudabant me, aduersum me iurabāt. Quia cinerem

nerem tanquam panem manducabam, & poculum meum cum fletu miscebam. A facie iræ indignationis tuæ; quoniam eleuans allifisti me. Dies mei sicut vmbra declinauerunt, & ego sicut fœnum arui. Tu autem Domine in æternum permanes, & memoriale tuum in generationem & generationem. Tu exurgens misereberis Sion: quia tempus miserendi eius, quia venit tempus. Quoniam placuerunt seruis tuis lapides eius, & terræ eius miserebuntur. Et timebunt gentes nomen tuum Domine, & omnes reges terræ gloriam tuam. Quia ædificauit Dominus Sion, & videbitur in gloria sua. Respexit in orationem humilium, & non spreuit preces eorum. Scribantur hæc in generatione altera, & populus qui creabitur, laudabit Dominum. Quia prospexit de excelso sancto suo, Dominus de cœlo in terram aspexit. Vt audiret gemitus cōpeditorum, vt solueret filios interemptorum. Vt annuntiaret in Sion nomen Domini, & laudem eius in Hierusalem. In conuertendo populus in vnum, & reges vt seruiant Domino. Respondit ei in via virtutis suæ: paucitatem dierum meorum nuncia mihi. Ne reuoces me in dimidio dierum meorum, in generationem, & generationem anni tui. Initio tu Domine, terram fundasti, & opera manuum tuarum sunt cœli. Ipsi peribunt, tu autem permanes, & omnes

sicut vestimentum veterascent. Et sicut oportorium mutabis eos, & mutabuntur, tu autem idem ipse es, & annui tui non deficient. Filij seruatorum tuorum habitabunt, & semen eorum in seculum dirigetur. Gloria. Pudicitiae amator, sanctissime Deus, qui in tantum mundiciam extulisti, vt ex mundissimo vtero virginali humanam carnem assumere dignareris, respice fragilitatem nostram, & da nobis concupiscentias continentiae disciplina frenare, & omnia incitamenta libidinis, rationis virga fugare, vt domestico hoste deuicto, voluptatumq; delitijs contemptis, temperantiam summo opere amplectentes, gaudij tui, quod omnem delectationem transcendit, mundati omni macula, participes fieri mereamur. Per Christum dominum nostrum.

Ad Oratorium S. Crucis. Pater noster
Aue Maria.

O Domine Iesu Christe adoro te in cruce pendentem, & coronam spinam in capite portantem, deprecor te, vt tua crux liberet me ab angelo percutiente,

O Domine Iesu Christe adoro te in cruce vulneratum, felle & aceto potatum: deprecor te, vt tua vulnera sint remedium animae meae.

O Domine Iesu Christe, adoro te in sepulchro positum, mirrha, & aromatibus

con-

conditum, deprecor te, vt tua mors fit vita mea.

O Domine Iesu Chrifte, adoro te descendentem ad inferos, liberantemq̃ue captiuos: deprecor te, ne me illuc permittas introire.

O Domine Iesu Chrifte, adoro te resurgentem à mortuis, ascendentem ad cœlos, sedentemq̃ ad dexteram Dei patris: deprecor te, miserere mei.

O Domine Iesu Chrifte, adoro te. Pastor bone iustos conserua, peccatores illumina, omnibus fidelibus miserere, & propitius esto mihi peccatori.

O Domine Iesu Chrifte, propter illam amaritudinem, quam pro me misero peccatore sustinuisti in cruce, maxime in illa hora, quando nobilissima anima tua egressa est de corpore tuo, deprecor te, miserere animæ meæ in egressu suo, Amen.

Antiphona. O crux splendidior cunctis astris, mundo celebris, hominibus multum amabilis, sanctior vniuersis, quæ sola fuisti digna portare talentum mundi, dulce lignum, dulces clauos, dulcia ferens pondera: salua nos omnes in tuis laudibus congregatos. Vers. Hoc signum crucis erit in cœlo. Resp. Cum Dominus ad iudicandum venerit.

Oratio.

Deus, qui manus, pedes, & totum corpus tuum pro nobis peccatoribus in ligno Crucis posuisti, coronam spinam à Iudæis super caput tuum impositam sustinuisti, quinque vulnera pro redemptione mundi in ligno crucis passus fuisti, & sanguinem tuum pretiosum in remissionem peccatorum meorum fudisti: te humiliter deprecamur, ut des nobis usum pœnitentiæ, humilitatis, castitatis, lumen, sensum, & intellectum, & puram conscientiam usq; ad vitæ nostræ finem, & post obitum nostrum paradisi ianuas nos gaudenter introire concedas. Qui vivis & regnas, &c.

De VI. basilica S. Laurentij extra muros.

Cap. VI,



Dium Laurentium S. R. E. Archidiaconum, triduo post Xysti II. martyrium in Valeriani, & Gallieni persecutione, Romæ pro Christi confessione occisum, & via Tiburtina in agro Veriano iuxta cœmeterium Cyriacæ viduæ, supra Arenariū sepultum diu, multum S. Romana Ecclesia magnificet, tanquam Dei gloriosissimum athletam. Hinc factum est, ut Constantino Imperatore multas Romæ sacras ædes fabricanti, S. Silvester papa ei hanc etiā basilicam excitare suaveret,

fit, miro opere, marmoreisq; sublimibus columnis ornatam. In qua, sub altari maiori, sacello facto, corpora S. S. Stephani proto-
martyris, & Laurentij collocata sunt. De e-
ius exædificatione ita scribit in S. Siluestri
vita Damasus papa: Eodem tempore Con-
stātinus Augustus fecit basilicam beato Lau-
rentio martyri via Tiburtina, in agro Vera-
nio supra arenarium cryptæ. Et vsq; ad cor-
pus sancti Laurentij fecit gradus ascensionis
& descensionis. In quo loco construxit absi-
dam, & exornauit marmoribus porphyre-
ticis : & desuper locum conclusit, & de ar-
gento purissimo ornauit pensante lib. C C.
Et ante ipsum locum in crypta posuit lucer-
nam ex auro purissimo lychnorum decem,
pensantem libras XX. Xystus III. papa (ut
tradit Bibliothecarius) fecit confessionem
Beati Laurētij martyris cum columnis por-
phyreticis, & ornauit transennam. Fecit
quoque in eadem Confessione altare eius-
dem sancti argenteum librarum quinqu-
aginta, cancellos argenteos supra platonias
porphyreticas librarum CCC. absidam su-
pra cancellos cum statua beati Laurentij
argentea librarum ducentū. Fecit etiam
basilicam aliam beato Laurentio, quæ in
Lucinis dicitur, quā Valentinianus Tertius
Augustus ei concessit, vbi obtulit multa do-
na aurea & argentea. Anastasius II. sancti
Laurentij Confessionem libris centum ar-

genti ornauit. Pelagius II. Papa, sancti Gregorij prædecessor, basilicam Sancti Laurentij produxit, atque à fundamentis supra ipsius martyris corpus cameram fecit, quam, & eiusdem sepulchrum tabulis argentæis exornauit. Id etiam nunc ex musicis signis arcus media basilica siti apparet, in quo inter alios etiam Pelagius ipse pictus est. Gregorius II. Papa (vt tradit Bibliothecarius) hanc basilicam, quæ trabibus tecti confractis ruinæ proxima erat, nouis ex Calabria trabibus adductis reparauit: aquam fistulis restitutis, quæ multo iam tempore effluere desierat, in eandem Ecclesiam reduxit. Honorius III. Papa hanc Ecclesiam totam à fundamentis renouauit. In hac Ecclesia extat cœmeterium Cyriacæ, alias crypta Tiburtina, ad quam per gradus aliquot est descensus: in qua præter corpus Sancti Laurentij condita fuere corpora sanctorum martyrum Seueri, & Iustini presbyterorum, Claudij Subdiaconi, Romani, Ostiarij, Crescentij Lectoris, sub Xysto secundo Papa. Item corpora sanctorum Romanorum Pontificum confessorum, Zosimi, Xysti tertij. & Hilari. Præter hos etiam corpora sanctorum martyrum Hippolyti, Concordiæ nutricis eius, cum alijs decemnouem familiæ suæ, Irenæi & Habundij, Cyrillæ, Triphoniæ, & aliorum multorum, quorum nomina exoleuere. Hæc basilica olim

lim tota muro ad instar castrî circumdata
 fuisse videtur, cuius adhuc pars magna vi-
 am Tiburtinam attingens superest. Ipsa am-
 pla porticu, quam fecit Honorius III. subli-
 mibus XXII. columnis, capitulis, spinis, &
 Zophoro ornatissimis, marmoreo choro, la-
 pideis pulpitis, multis altaribus, & sacellis
 laquearibus ligneis auratis, ab Oliuerio Ga-
 rafa Cardinale Neapolitano factis: pulcherr-
 rimo pavimento opere tessellato quorun-
 dam nobilium Romanorum ante quadrin-
 gentos annos impensa strato. Ipsa habet
 tres portas, in medio arcum musiuo ornatu
 à Pelagio II. factum, qui antiquam Ecclesi-
 am à noua diuidit. Noua verò, id est, à Pe-
 lagio secundo structa, in qua est ara maxi-
 ma elegantissimis columnis, capitulis co-
 rinthijs miri operis, zophoris, & epistylijs,
 lapideis sedilibus, maiori Pontificis sede
 emblemate incisa, ornatissima est. Sub ar-
 cu est ara maxima, confessio, & sepul-
 chrum Sancti Laurentij. Ad altare ma-
 ius, ad quod nemo nisi Papa, vel Cardi-
 nalis cum eius venia tantum celebrat, oper-
 culo marmoreo ornatum, per gradus a-
 scenditur. Ad confessionem satis amplam
 & ornatam gradibus aliquot est descen-
 sus. In confessione est sepulchrum marmo-
 reum crate ferrea circumdatum, quo San-
 cti Stephanus, & Laurentius conditi
 sunt. Propè alio sepulchro dormit San-

ctus Iustinus presbyter & martyr, vt hi versiculi indicant:

Quamuis mage tua mens extulit ille perustus,

Iussit te cratis, iussit & alma fides:

Fervore pari Iustini pectus adussit,

Cuius in hoc sacro membra manent loculo,

Huic porro basilicæ, vti etiam alijs, Constantinus Imperator multos redditus, & ornamenta donauit, quæ breuissime ita à Damaso Papa commemorantur : Possessio Cyriacetis religiosæ matronæ circa basilicam ipsam, quam fiscus persecutionis tempore occupauerat, scilicet, fundum Veranium, præstans solidos 160. Possessio Aqua Tuseia ad latus, præstans solidos 153. Possessio Augusti in agro Sabino, præstans solidos 120. Possessio Augusti in Mutinas, præstans solidos 110. Possessio Termulas, præstans solidos 60. Possessio Aranas, præstans solidos 70. Summa solidorum est 673. aureorum nostratis pecuniæ 1000. Ornamenta, præter laminas, & cancellos argenteos librarum M. Lucerna aurea cum lychnuchis decem librarum XX. lucens ante cryptam, Corona argentea cum delphinis quinquaginta, librarum XXX. Candela bra ærea duo in pedibus denis, singula librarum VIII. Hilarius papa in eadem basilica fecit calices, amas, scyphos, altare, lucernas, lampades, phara, turrim, & multa alia

lia ornamenta aurea, & argentea. Hadrianus qui sacratas vestes, Nicolaus qui cruces, coronas, gabatas, vela serica, eidem basilicæ obtulerunt.

Honorius III. Papa, Anno Christi MCC. XVI. Petrum Antiliodorensem comitem, tertium ex Latinis Imperatorem Constantinopolitanum, qui Romam venerat, in hac basilica aureo diademate coronauit. Sanctus Ioannes de Ficocia Romanus, cuius nomini extat parua Ecclesia in Vrbe dedicata, abbas huius monasterij fuit.

Damasus II. Papa, Guithelmus Flicus Cardinalis, Innocentij III. Papæ fratris filius, duobus ornatissimis pilis ab utroque portæ latere in ea sepulti sunt.

Vetustissimis temporibus clerici hanc basilicam, quemadmodum de alijs diximus, tenuerunt. Postea monachi cum abbate in eadem locati sunt. Quorum disciplina exolecente, auctore Alberico Romano principe, circa annum Christi CML. Agapitus II. Papam, sancto Paulo, & sanctæ Hagnæ nouæ tunc congregationi Cluniacensi, concessit. Quæ diutissime eam possedit. Ex cuius monasterio Gregorius VII. & Paschalis II. papæ prodierunt. Et congregatione deficiente, quum monasterium Cardinalibus commendari cœpisset, ne patriarchalis Ecclesia sine mi-

nistris esset, Canonici regulares Sancti Salvatoris Bononiæ, vulgò Scopetini vocati, eam obtinuerunt, & adhuc possident. Huius monasterij claustra Clementem Tertium à fundamentis restituisse, auctor est Martinus Polonus in eius vita. Circa eam duas Ecclesias antiquitus fuisse Bibliothecarius commemorat, Sancti Stephani, & Sanctæ Mariæ. De priore, Simplicius (inquit) Papa fabricauit Ecclesiam Sancti Stephani iuxta basilicam Sancti Laurentij extra muros. De posteriore, Leo quartus Papa: Octauam Assumptionis beatæ Dei genetricis diem, quæ minimè Romæ antea celebrabatur, vigilijs sacris, matutinisquæ cum omni clero pernoctans laudibus, in basilica beatæ Mariæ virginis, quæ foris muros sita est, iuxta basilicam sancti Laurentij martyris celebrare præcepit, in qua etiam magna populi multitudo conuenerat, nouæ solennitatis cupiens celebrare festiuitatem. Omnibus verò qui conuenerant Pontifex Leo, argentum erogauit. Basilicæ verò ipsi vestem pretiosam, & alia dona obtulit. In hac Basilica multæ sanctorum reliquiæ fuisse commemorantur. Quarum breuem epilogum subiiciam.

Sub altari maiori, corpora sanctorum Laurentij diaconi, & Stephani protomartyris. Illud quidem ibidem à sancto Siluestro papa locatum, hoc verò à sancto Pelagio

gio papa : quod Hierosolymis inuentum, primum Constantinopolitani, postea Romanam translatum est, vt Martinus tradit. Capita sanctorum Hippolyti sine mento & dentibus, & Romani martyrum thecis argenteis inclusa. Caput & brachium Sancti Iustini martyris. Pars capitis sanctæ Balbinæ Virginis. Brachia tria sanctorum Ioannis martyris, sanctæ Petronillæ, sanctæ Apolloniæ. In vno vaseculo crySTALLINO reliquiarum sanctorum Stephani, Laurentij cum eius adipe & cinere, Sancti Thomæ Archiepiscopi Cantuariensis. Digitus Sancti Benedicti Abbatis. Reliquiarum sanctorum Leonardi, Theodori, & Sabinæ. De capite Sanctæ Barbaræ. Dens sancti Petri Apostoli. Reliquiarum sanctorum Innocentium. Spinæ coronæ CHRISTI. Paruum frustulum eiusdem sanctissimæ crucis. De ligno mensæ, super quam cum XII. Apostolis cœnauit. De lapide sepulchri Christi. De lapide sepulchri sanctæ Mariæ virginis, de eiusdem vestimentis. De vestibus, & capillis Sanctæ Mariæ Magdalenæ. De velo sanctæ Tranquillæ. Vas æneum, quo sanctus Laurentius Christianos baptizare solebat, in his Hippolytum & familiam eius, Lucillum, Romanum, & alios. Lapis, cui corpus Sancti Laurentij iam mortui impositum fuit. In eadem Ecclesia aliquando fuit miri operis vas aureum ei.

eidem ab Imperatore Othone IIII, Saxone donatum, cuius maximum prodigium commendatur, vt ex pictura facta in porticu dextera parte ipsius Ecclesiæ. Quod vas S. Ioannes de Ficocia abbas huius monasterij olim benedixerat.

Hæc Ecclesia quum patriarchalis sit, altare maius ijsdem priuilegijs ornatum habet, quibus aliæ quatuor. Id mirum; quod alijs quatuor non sit addita, quæ anno Iubilei visitari solent.

Stationes eius sunt hæc quinque. Dominica in Septuagesima vetustissima. Dominica II. in Quadragesima. Feria III. post Pascha. Feria V. post Pentecostem. Et in die Natalis Sancti Laurentij, quo Romanus Pontifex vespers matutinis interesse, & missarum solennia celebrare in eadem solebat.

Preçandi formula.

Ad altare maius. Pater noster. Ave Maria. Psalmus VI. pœnitentialis. De profundis clamali ad te Domine, Domine exaudi vocem meam. Fiant aures tuæ intendentes, in vocem deprecationis meæ. Si iniquitates obseruaueris Domine, Domine quis sustinebit? Quia apud te propitiatio est, & propter legem tuam sustinuit te Domine. Sustinuit anima mea in verbo eius, sperauit anima mea in Domino. A custodia matutina vsque ad noctem, speret Israël

in Domino. Quia apud Dominum misericordia, & copiosa apud eum redemptio. Et ipse redimet Israël, ex omnibus iniquitatibus eius. Gloria patri, & filio, &c.

Oratio.

Charitatis speculum dulcissime Deus, qui amore tuo, & proximi legis præcepta conclusisti: da nobis proximos nostros fraternis visceribus amare: illumque solum odio habere, cuius inuidia mors introiuit in orbem terrarum. Da de proximorum prosperitate gaudere, illorum aduersitatibus condolere, de nullius infelicitate lætari, ut omnis inuidiæ malitia reiecta, ad te qui verus amor, & vera charitas es, valeamus fideliter peruenire. Qui in Trinitate perfecta viuis, & regnas Deus, per omnia secula seculorum.

Ibidem ante corpora sanctorum Stephani, & Laurentij. Pater noster. Ave Maria. Antiphona. Stephanus plenus gratia & fortitudine, faciebat signa magna & prodigia in populo. V. Sepelierunt Stephanum viri timorati. R. Et fecerunt planctum magnum super eum.

Oratio.

Da nobis quæsumus Domine imitari quod colimus, ut discamus & inimicos diligere, quia eius commemorationem celebramus, qui nouit etiam pro persecutoribus

bus exorare Dominum nostrum Iesum Christum.

Antiphona pro Sancto Laurentio. In craticula te Deum non negaui, & ad ignem applicatus te Christum confessus sum: probasti cor meum & visitasti nocte, igne me examinasti, & non est inuenta in me iniquitas. V. Leuita Laurentius bonum opus operatus est. R. Qui per signum crucis cœcos illuminauit.

Oratio.

Da nobis quæsumus omnipotens Deus, vitiorum nostrorum flammæ extinguere, qui beato Laurentio tribuisti tormentorum suorum incendia superare. Per dominum.


In cœmeterio Cyriacæ. Antiphona. Istorum est regnum cœlorum, qui contempserunt vitam mundi, & peruenerunt ad præmia regni & lauerunt stolas suas in sanguine regni. V. Tanquam aurum in fornace probauit electos Dominus. R. Et quasi holocausti hostiam accepit eos in æternum.

Oratio.

Omnipotens sempiterne Deus, qui deprecantium voces benignus exaudis, maiestatem tuam supplices exoramus, ut sanctorum martyrum hic & in vbique in Christo dormientium intercessionibus, ad gaudia perpetua peruenire valeamus. Per Dominum nostrum.

De

*De VII. Basilica Sanctæ Mariæ
maioris.*

 Iberius papa, qui an. salutis CCC-
LIII. Petri sedem conscendit, basi-
licam sanctæ Mariæ Matris Dei, mi-
raculo niuis in Esquilijis prope ag-
geris Tarquinij, haud procul à macello Li-
uiano, alias Liuiæ, à Ioanne Patritio viro cla-
rissimo à fundamentis sua impensa extru-
ctam, in honorem beatæ Mariæ Virginis,
primam in Vrbe, Nonis Augusti dedicauit,
quæ denomine suo basilica Liberij aliquan-
do vocata est. Bibliothecarius. Hic (inquit)
fecit basilicam nomini suo iuxta macellam
Liuiæ. Auctor Breuiarij veteris Romani, in
lectionibus festi Niuis: Eam basilicam, for-
te minus capacem, restituit, & maximè (vt
nunc cernimus) amplificauit Xystus Terti-
us papa, qui anno Salutis CDXXXII. crea-
tus est, Magni Leonis prædecessor, elegan-
tissimisquæ veteris, & noui Testamenti mu-
siueis figuris in fenestrarum interstitijs, to-
tam miro opere condecorauit, vt indicat
titulus hic in exterioris arcus summitate:
XYSTVS. EPISCOPVS. PLEBI.
DEI. & versus quidam musici supra por-
tam maiorem intra Ecclesiam, iam exole-
scentes, & fere consumpti, sic:

VIRGO. MARIA. TIBI. XYSTVS.
NOVAT.

.....
Bibliothecarius in Xysti vita hanc remi-
ta commemorat : Hic fecit basilicam San-
ctæ Mariæ matris Domini, quæ ab antiquis
Liberij cognominabatur, iuxta macellum
Liuiæ, vbi multa dona obtulit: cœnacula
quoque fecit è regione graduum basilicæ,
ei adhærentia, vel quicquid intrinsecus esse
videtur. Ita ille. Hæc basilica antiquissimis
temporibus appellabatur (vt dixi) basilica
Liberij, à Liberio Papa, qui eam primum
condidit. Postea à Xysto Tertio restituta, &
Beatæ Virgini Mariæ dicata, dicta est Basili-
ca Sanctæ Mariæ matris Domini. Deinde
facello præsepis in eadem extructo, Sanctæ
Mariæ ad præsepe appellationem obtinuit.
Nouissime ad aliarum Ecclesiarum, quæ
Beatæ Virgini in Vrbe dicatæ sunt, di-
scrimen, dicta est, vt etiam hodiè voca-
tur, Basilica Sanctæ Mariæ Maioris. Est
vna ex quinque Patriarchalibus Ecclesijs,
vna ex septem, quæ solenni ritu pepetud
visitari solent, ex quatuor demum anni
lobilæi vna constituta. Paschalis Papa
(vt tradit Anastasius Bibliothecarius)
Ecclesiam Beatæ M A R I Æ ad præsepe
restituit, absidamquæ eius Basilicæ à no-
uo refecit. Hæc Basilica alijs patriar-
cha-

chalibus Ecclesijs similis est. Quæ absida transuersa cruce, mediana maiore naui, minoribus alis siue nauibus duabus, XL. elegantissimis columnis suffultis constat. Habet altare maius marmoreo operculo ornatum, podia siue mœniana duo lapidea tessellata, alterum pro reliquijs sanctorum cōseruandis, alterum quod imaginem Deiparæ Virginis Mariæ continet: pulpita siue ambones marmoreos duos elegantissimis tabulis incrustatos, sacella aliquot magnifica, altaria circiter XXV. marmoream tessellatam sedem, gradus ad altare maius porphyreticos, Confessionem tabulis marmoreis incrustatam, columnis ornatam. Ante fores verò templi porticum, & aream, tres portas in mediana naui, & quartam, quam sanctam vocant, habet.

De his, quæ memoratu digna sunt, breuissimè dicam. Crucem mediam transuersam, & naues ex vtraque parte minores, è ligneis lateritias, & fornicatas fecit Guillelmus Cardinalis Rothomagensis, eiusdem basilicæ aliquando Archipresbyter, Episcopus Ostiensis, & S. R. E. camerarius, vir insignis pietate, & magno animo præditus. Quarum nauium dextrâ collabentem restituit Paulus III. Sacellum vetustissimum presepis, cum ara, & imaginibus partus B. Virginis, totum emblematis decoratum est. Ante quod sub altare sui nominis iacet

D. Hieronymus, summus Ecclesiæ doctor: quod altare fecit Guilielmus Cardinalis Rothomagensis. Duo alia magna sacella fabricarunt idem Guilielmus in honorem S. Mariæ Virginis, & Fridericus Cæsius Episcopus Cardinalis Portuensis sanctæ Catharinę dicatum, in quo ipse, & eius frater Paulus Cardinalis dormiunt, beatam resurrectionis spem expectâtes. Tertium miri operis delubrum inchoauerat Guido Ascanius Sfortia Cardinalis S. Florę, eiusdem basilicę Archipresbyter, quod morte præuentus imperfectum reliquit.

Porticum ante basilicam cum columnis, & epistylis marmoreo fecit Eugenius III. papa Pisanus ordinis Cisterciensis, ex Abbate trium Fontium summus pontifex factus, ut versiculi indicant,

Tertius Eugenius Romanus papa benignus

Obtulit hoc munus virgo Maria tibi:

Quæ mater Christi fieri merito meruisti,

Salua perpetua virginitate sibi.

Es via, vita, salus totius gloria mundi,

Da veniam culpis virgo Maria nostris.

Gregorius XI. Iurrim campanariam restituit.

Pauimentum basilicæ vermiculatum fecerunt duo nobiles ciues Romani, Sotus, & Ioannes ipsius filius Paparones, ante annos CCCC. tempore eiusdem Eugenij III. papæ. Pulpita in medio Ecclesiæ lapidea varijs mar-

marmoribus porphyreticis viridibus Lacedæmonijs ornata, pro Epistola, & Evangelio decantandis, Alexander III. Senensis fabricauit. Operculum marmoreum nobilissimum, quatuor columnis porphyreticis sustentatum altaris maioris, Guilielmus Cardinalis Rothomagensis: tectum basilicæ laqueari ligneo aurato pulcherri-
mo Alexander Sextus absidæ maioris quæ superest ornatus, è musico Nicolaus Quartus Asculanus, ordinis Minorum olim generalis minister, & Iacobus columna Diaconus Cardinalis fecerunt. Idem Iacobus, & Petrus Columnæ Cardinales, & fortassis alter eorum Archipresbyter eiusdem basilicæ, faciem anteriorem Ecclesiæ musico opere eleganti condecorarunt, quibus signis primam basilicæ exædificationem expresserunt. Tabernaculum, siue ferculum reliquiarum marmoreum & tessellatum, quatuor columnis suffultum, condiderunt Ioannes Capocius, & vxor eius Vinnia, nobilissimi in vrbe ciues, ante annos trecentum. Quis verò id ferculum, quo beatissimæ Virginis imago clauditur, è nobili marmoreo factum extruxerit, mihi incompertum. Extat in Ecclesiæ capite porphyreticum labrum, quod Ioannis Patri-
cij primi Ecclesiæ conditoris sepulchrum esse dicitur.

Bibliothecarius eiusmodi redditus, & ornamenta commemorat, quæ Xystus III. huic basilicæ ab se edificatę donavit. Possessio Seuerina in agro Caietano, præstans solidos trecenta duodecim. Possessio Marmorata in agro Prænestino, præstans sol. 92. Possessio Celeris in agro Aufidinate, præstans sol. III. Possessio Palmatij iuxta basilicam, cum balineo, & pistrino, præstans solidos 154. Domus Claudij in Sicimino, præstans solid. 104. Summa solidorum 1073. aureorum 1600. Ornamenta verò eiusmodi fuere. Altare argenteum librarum CCC. Cantarum pharum argenteum ante altare librarum XXX. Cantari phari, alias coronæ pherales argenteæ XXXVI. singulæ libr. X. Candelabra argentea IIII. singula librarum XX. Cathara cerostrota ex auricalco XXIV. singula librarum XV. Argenteum thimiamaterium lib. V. Amæ argenteæ IIII. singulæ lib. IX. Scyphus aureus lib. XII. Scyphi argentei V. singuli librarum quinquaginta. Calices ministeriales aurei duo, singuli libræ vnus, alias librarum III. Calices ministeriales argentei X. singuli lib. III. Patenæ argenteæ tres, singulæ librarum IX. Aquamanuli argentei, librarum VIII. Ceruus argenteus fundens aquam in baptisterio, lib. XX. Omnia vasa sacra baptismatis argentea, singula lib. XV. Multa alia aurea, & argentea ornamenta donarunt huic basilicæ

Ioannes, Gregorius III. Hadrianus, Nicolaus, & alij Romani pontifices. Gregorius III. fecit in hac basilica per circuitum super columnas regulare candelabrum instar Ecclesiæ B. Petri Apostoli. Fecit etiam ibidem in oratorio ad præsepe imaginem auream librarum quinque, Dei genitricis filium amplectentis, gemmis multis ornatam. In eius verò Ecclesiæ usum inuitas sacras vestes obtulit. Idem fecit Hadrianus papa. Syluester III. olim Episcopus Sabinus in schismate contra Benedictum VIII. papam, creatus, apud huius basilicæ patriarchium pontificatus intra tenens, permansit anno MXLV. Nicolaus III. ibidē dum in vrbe manebat, commorabatur. Clemens III. Paulus Scholarius vocatus, cuius Romanus, ab ineunte ætate, in eodem patriarchio educatus est, canonicus ibi fuit: deinde Episcopus Cardinalis Prænестinus factus ab Alexandro III. palatium prope ipsam basilicam condidit pro se & futuris Episcopis Prænестinis, quod postea canonicis ab eodem, quum pontifex creatus esset, cum alijs multis rebus donatum est. Honorius III. Cencius ante pontificatum vocatus, in eadem Canonica nutritus, ex ea Diaconus Cardinalis assumptus est à Celestino III. & S. R. E. camerarius factus, qui Innocentio III. mortuo summus pontifex renunciatus, cuncta eius basilicæ priuilegia confirmauit

Quartis ferijs Quatuor temporum, in statione quæ in ea erat, pontifex Romanus, eos quos Diaconos, & presbyteros Cardinales creare constituerat, in hac basilica publicè pronuntiabat.

Multæ ad eam supplicationes à Romanis pontificibus pro gratijs Deo agendis, vel eius ira mitiganda, aut in difficillimis reipub. Christianæ temporibus, habitæ.

Fœdus sub Hadriano VI. inter eum, Cæsarem Carolum V. & Venetos ad arcendos Italia Gallos iſtum, in hac Ecclesia publicatum fuit, Pompeo Cardinale columna sacris operante.

Pontifices maximi tres, & supra XX. Cardinales S. R. E. in ea requiescunt. Honorius III. ante sacellum præsepis, in terra prope altare S. Hieronymi. Nicolaus IV. humi prope portam maiorem posterioris Ecclesiæ partis. Benedictus X. pontificatu iam exactus, & apud eam mortuus.

Hæc basilica ritum basilicæ Vaticanæ antiquitus habuit clericos, & monachos. De monachis primū, mox de clericis dicemus. Bibliothecarius in vita Simplicij papæ: Hic (inquit) fecit basilicam S. Andreæ Apostoli iuxta basilicam S. Marię maioris. Idem in vita Gregorij II. papæ, Gregorius II. (inquit) gerontocomium, quod post absidam sanctę Dei genitricis ad præsepe situm est, monasterium instituit, atq; monasteriū S. Andreæ

Apostoli, quod barbaræ nūcupatur, ad eam deductum desolationem, ut in eo ne vnus quidem monachus relictus esset, accitis monachis ordinauit, instituitq; , ut horum duorum monasteriorum monachi in basilica S. Dei genitricis Mariæ, die noctuq; diuinas Deo canerent laudes. Ita ille. De quibus monachis nihil præterea memoratu dignum inueni. Horum monasteriorum adhuc vestigia supersunt. Clericos porro primum, deinde canonicos cum Archipresbytero, qui modo est Cardinalis, in ea diutissime permanisse, ex antiquis eius basilicæ, & bibliothecæ palatinæ monumentis inueni, ex quibus ante quingentos annos canonicos in ea esse constat. Nicolaus IV. qui diu apud eandem basilicam permansit, palatium suo & Canoniorum vsui apud eam condidit. Idem fecit Nicolaus V. qui claustrum, porticum, cubicula, triclinia, cameras ibidem extruxit. Hodie Canoniorum pars, clerici, Capellani, cantores, & alij Ecclesiæ ministri, per ædes in area, ante & circum Ecclesiam incolunt. Pœnitentiarios Pius V. ex ordine Prædicatorum in hac basilica cæteris eiectis instituit: quorum collegio domū S. Pudentianæ cōcessit. Hodie habet hæc basilica Canonicos XVI. cū Archipresbytero, Beneficiatos XII. Clericos XII. ministros, cantores, mansurarios, camillos circiter XX. Archipresbyter est nunc Carolus Bar-

romeus Cardinalis, vir pius, & eam optime gubernat.

In hac Ecclesia sunt multæ & veneratione cognituq; dignæ reliquiæ, quarum seriem afferam. Primum in ea est imago beatissimæ Virginis Mariæ, ante quam S. Gregorius papa orans, pestem extinxit, antiphonamq; illam edidit: Regina cœli lætare, &c. Quæ die Assumptionis B. Virginis in media Ecclesia populo veneranda collocatur, & in solenni supplicatione cum imagine S. Saluatoris Lateranensi eodem die defertur. In altari dicto ad præsepe, de Christi præsepio. Sub altare maiori corpus S. Matthiæ Apostoli. Prope præsepe sub altare sui nominis corpus S. Hieronymi presbyteri, Ecclesiæ doctoris eximij. Ibidem muro affixæ sunt duæ tabulæ marmoreæ cum bullis incisis Pij II. papæ. Altera instituit festum translationis corporis S. Hieronymi, VII. Idus Maij, altera eundem festum ad Vigiliam Assumptionis B. Virginis transtulit, & multis indulgentijs eundem diem celebrem facit. In marmoreo verò ferculo, quod reliquiarum dicitur, eiusmodi reliquiæ conseruantur, & statis diebus populo deuotissime ostenduntur. I. Caput S. Vibianæ Virginis & martyris. II. Duo digiti, mentum, & alia reliquiæ S. Anatoliæ Virginis & martyris. III. De cingulo, & velo S. Scholasticæ, ac de reliquijs S. Catharinæ, S. Euphemie, S. Annæ, & de

de zona & lecto B. Mariæ Virginis. III. Dalmatica, qua indutus erat S. Thomas Cântuariensis Archiepiscopus, quando interfectus est. V. De brachio, sanguine, cerebro, cilicio, cuculla, & alijs reliquijs eiusdē sancti Thomæ Archiepiscopi Cantuariensis. VI. Planeta, stola, & Manipulus, quibus celebrabat sanctus Hieronymus doctor in capella præsepis Domini nostri IESV Christi in Bethleem. VII. Caput cum alijs reliquijs sancti Marcellini papæ & martyris. VIII. Brachium cum alijs reliquijs sancti Iuliani martyris. IX. Corpora sanctorum Simplicij, Beatricis, & Faustini martyrum. X. Brachium sancti Cosmæ martyris. XI. De sanguine, cerebro, cilicio, & alijs reliquijs eiusdem sancti Cosmæ, & Damiani martyrum. XII. De brachio sancti Abundij, & de reliquijs S. Sebastiani, S. Blasij, S. Stephani protomartyris, & sancti Ioannis Baptistæ. XIII. Mentum cum alijs reliquijs S. Zachariæ patris S. Ioannis Baptistæ. XIV. Crus B. Ephræ condiscipuli S. Pauli Apostoli. XV. Brachium cum alijs reliquijs sancti Lucæ Euangelistæ, qui depinxit imaginem B. Mariæ Virginis in hac basilica existentem. XVI. Brachium S. Matthæi Apostoli & Euangelistæ, cum alijs eius reliquijs. XVII. Caput S. Matthiæ Apostoli, cuius corpus est sub altari maiori huius basilicæ. XVIII. De reliquijs sanctorum Apostolorum Petri & Pauli, Andreæ,

Iacobi, Philippi, Thomæ, Bartholomæi, & de manna S. Ioannis Apostoli & Euangelistæ. XIX. De reliquijs aliorum Apostolorū, & plurimorum sanctorum martyrum, confessorum, & virginum. XX. Cunabulum, ac de fascia, & pannis infantie Domini nostri IESV Christi. XXI. De vestimento purpureo, de spongia, de sindone, & de sepulchro Domini nostri IESU Christi. XXII. De ligno sanctissime crucis Domino nostri IESU Christi. Hæ reliquie populo die Paschæ ostendi solent.

In hac Ecclesia plures sunt stationes, quæ in alia vrbis basilica, præter S. Petrum. Sunt enim XV. quum Lateranensis basilica non nisi VII. S. Pauli VI. S. Laurentij IV. tantum. Vaticana verò XX. habeat. Hæ sunt stationes. I. Dominica I. Aduentus. Singulis IV. ferijs Quatuor temporum. VI. Vigilia Natalis Domini. VII. Nocte Natalis Domini ad sacellum præsepis, in I. Missa. VIII. In Missa maiori, & toto die Natalis Domini ad altare maius, quæ statio antiquitus apud S. Petrum erat, sed propter dici breuitatem huc translata. IX. Die S. Ioannis Euangelistæ. X. Die purificationis B. Virginis XI. Feria IV. maioris hebdomadæ. XII. Die secundo Resurrectionis. XIII. Feria II. Litaniarum triduanarum ante Ascensionem Domini. XIV. In festo dedicationis Ecclesiæ, dicto Festum Niuis. XV. In die Assump-

DE PRÆ. VRB. RO. BASILICIS. 299
sumptionis B. Virginis. Quibus diebus, & præsertim festis Natalis Purificationis, Paschæ, Assumptionis, Romanus pontifex Missarum solennia celebrare in ea consueuerat. Die verò Purificationis processionem à S. Hadriano inchoatam ad eandem Ecclesiâ perducere, & pedibus nudis cum candelis accensis ire, ibique celebrare. Easde & supplicationes habebat singulis quartis ferijs Quatuor temporum. Nocte verò Natalis Domini in capella præsepis, die verò in altare maiori sacra faciebat. Anno sancto Iobilei porta sancta quæ ibi est, ab Archipresbytero eius Ecclesiæ aperiri solet, eoq; elapsa claudi. Hæc enim Ecclesia inter quatuor est, quæ eo anno visitantur, reliquis alijs à Gregorio XI. addita. Super eius ara maxima nemo nisi papa, vel cum eius venia Cardinalis celebrare consueuerunt. Id priuilegiū omnibus quinque patriarchalibus Ecclesijs commune est.

Multæ in ea sunt indulgentiæ, à Romanis pontificibus, & præsertim Nicolao IV. concessæ, vt liquet ex duabus musiveis tabulis, absidæ muro affixis. Quorum eiusmodi est exemplum. Primæ. Ad hanc sacrâ basilicam omnibus deuotè venientibus à sceli. record. Nicolao IV. papa, in scripto indulgentiæ sunt cōcessæ, & innouatæ. In primis singulis diebus annus vnus & duæ quadrag. Item singulis diebus Lunæ, Mercurij, &

& Sabbati centum dies. Item in quadregesima S. Martini, singulis diebus tres anni & tres quadr. Item in Natiuitate Domini, & vsque ad octauam, XII. anni, & XII. quadr. Item ab octaua Natiuitatis vsque ad Epiphaniam, octo anni, & VIII. quadr. Item ab Epiphania & vsque ad octauam, XII. anni, & XII. quadr. Item ab octaua Epiphaniæ vsque ad Purificationem, XII. anni, & XII. quadr. Itē à Dominica LXX. vsque ad XL. duo anni, & duæ quadr. Item in quadregesima, singulis diebus, tres anni, & tres quad. Item in festo B. Matthiæ Apostoli, X. anni, & X. quad. Item in octaua eiusdem, sex anni, & sex quad. Itē in Annunciatione Beatæ Mariæ Virginis, X. anni, & X. quadragenæ. Item in Resurrectione Domini, & vsque ad octauam, XII. anni, & XII. quadr. Item ab octaua Resurrectionis vsque ad Ascensionem, duo anni, & II. quadr. Item in Ascensione & vsque ad octauam, VI. anni, & VI. quadragenæ. Item ab octaua Ascensionis vsque ad Pentecostem, II. anni, & II. quadragenæ. Item in Pentecoste vsque ad octauam, VI. anni, & VI. quadragenæ. Item in festo Niuis vsque ad octauam, XIV. anni, & XIV. quadragenæ. Item indulgentia ab octaua festi Niuis vsque ad Assumptionem, VIII. anni, & VII. quadrag. Item in Assumptione & vsque ad octauam, XII. anni, & XII. quadragenæ. Item ab octaua Assumptionis vsque ad natiuitatem virginis,

ginis, VIII. anni, & VIII. quadr. Item in Natiuitate Virginis vsque ad octauam, XII. anni, & XII. quadrag. Item in festo omnium Apostolorum & Euangelistarum, S. Laurentij, & S. Hieronymi, duo anni, & duæ quadragenæ. Item in festis S. Crucis, III. anni, & III. quadrag. Item singulis diebus Sabbati, vnus annus, & vna quadragena. Item singulis diebus Lunæ, Mercurij, Sabbati ad præsepe, I. annus, & I. quadr. Item in singulis stationibus ipsius basilicæ, quæ sunt omnibus diebus Mercurij, Quatuor temporum. Dominica de Aduentu, Vigilia Natalis Domini, & III. feria maioris hebdomadæ, IX. anni, & IX. quadragenæ. Item quicumque ad reparationem, seu conseruationem ipsius basilicæ, & alias prout ei Dominus inspirabit, quotiescunq; & quodocunq; manum porrexerit adiutricem, annus vnus, & vna quadragena.

In hac sacra basilica corpora sanctorum Matthiæ Apostoli, Hieronymi doctoris, Romulæ, & Redemptæ Virginum reconduntur. Item cunabulum domini. De ligno sanctæ crucis: de capillis & vestimentis B. Virginis. Caput B. Matthiæ. De brachio, craneo, & cerebro S. Thomæ Archiepiscopi Cantuariensis, de tibijs sanctorum Cosmæ, & Damiani. Brachium S. Epaphræ discipuli Domini, & multorum aliorum sanctorum, quorum nomina scripta sunt in libro vitæ.

Precandi formula.

Ante altare maius, & sanctissimam Eucharistiam. Pater noster. Ave Maria. Septimus Psalmus penitentialis. Domine exaudi orationem meam, auribus percipe obsecrationem meam, in veritate tua exaudi me in tua iustitia. Et non intres in iudicium cum seruo tuo, quia non iustificabitur in conspectu tuo omnis viuens. Quia persecutus est inimicus animam meam: humiliavit in terra vitam meam. Collocavit me in obscuris sicut mortuos sæculi: & anxius est super me spiritus meus: in me turbatum est cor meum. Memor fui dierum antiquorum: meditatus sum in omnibus operibus tuis, & in factis manuum tuarum meditabar. Expandi manus meas ad te: anima mea sicut terra sine aqua tibi. Velociter exaudi me Domine, defecit spiritus meus. Non auertas faciem tuam à me: & similis ero descendentibus in lacum. Auditam fac mihi mane misericordiam tuam, quia in te speravi. Notam fac mihi viam in qua ambulem: quia ad te leuaui animam meam. Eripe me de inimicis meis Domine, ad te confugi: doce me facere voluntatem tuam, quia Deus meus es tu. Spiritus tuus bonus deducet me in terram rectam: propter nomen tuum Domine viuificabis me in æquitate tua. Educes de tribulatione animam meam: & in misericordia tua disperdes

des omnes inimicos meos. Et perdes omnes, qui tribulant animā meā: quoniam ego seruus tuus sum. Gloria Patri, & Filio, & Spiritui sancto, &c.

Oratio.

Omnipotēs & mitissimè Deus, qui mortali carne assumpta, vt innocens, & māsuetus agnus ad occisionem ductus es, & illusus, percussus, crucifixus, malum pro malo non reddidisti, sed pro transgressoribus exorasti: planta in cordibus nostris patientiæ & mansuetudinis virtutem: vt irę furorem vincentes, mansueto corde, mala in bono vincamus, inimicosquē nostros, & persequentes nos, nec ira, nec odio persequamur: sed bonum pro malo reddendo, illi ad portum salutis adducantur, nosquē sub tua mansuetudine in hac vita pie viuentes, ad veræ pacis patriam ascendere valeamus. Qui viuīs & regnas cum Deo patre in vnitatē spiritus sancti Deus, per omnia sæcula sæculorum, Amen.

Alia Oratio.

Omnipotens sempiterne Deus, fundamentum omnium virtutum, amor, & conseruator omnium in te sperantium, pijsimè consolator omnium ad te clamantium, qui cœlum & terram de nihilo fecisti, vniuersum mundum pugillo conclusisti, naturam humanam mirabiliter vnitivè assumpsisti, patibulum crucis subire noluisti, ge-
nus

nus humanum redemisti, potestatem diaboli penitus destruxisti, regnum tuum requirentibus promissisti: respice in me, & miserere mei. Confiteor enim hodie coram diuina, adoranda, & æterna maiestate tua, me avaritia feruenti grauitervulneratum, immò & alijs peccatis omnibus alligatum, quæ præ multitudine numerari non possunt. Propter quod non sum dignus videre altitudinem cœli, propter multitudinem iniquitatum mearum: quoniam irritaui iram tuam, & malum coram te feci. Deprecor ego te Domine IESV, Saluator mundi: vt respicere digneris me prostratum ante imaginem tuæ sanctissimæ, atque clementissimæ pietatis: & concedere digneris mihi miserrimo peccatori spatium pœniten- di. Et sicut mihi fuit intentio peccandi, ita sit emendandi possibilitas. Et infunde in me spiritum æternæ maiestatis, & pietatis: vt virtute spei illustratus, te solum Deum queram, in quo totam spem meam humiliter repono conseruandam. Et aufer à me spiritum nefarium avaritiæ, atque tenacitatis: & da mihi ignem tui amoris, spem, fidem, & charitatem: mansuetudinem, misericordiam, castitatem: quatenus his virtutibus adornatus, hostē visibilē & inuisibilē valeā cō- formiter superare, per te CHriste Saluator mundi: Qui viuis & regnas cū Deo patre, & Spiritu sancto, per infinita sæcula sæculorū, Amen.

Anti-

Antiphona. Ne reminiscaris Domine delicta nostra, vel parentum nostrorum: neq[ue] vindictam sumas de peccatis nostris.

Kyrie eleison. Christe eleison. Kyrie eleison. Christe audi nos. Christe exaudi nos.

Pater de coelis Deus, Miserere nobis.
Fili redemptor mundi Deus, Miserere nobis.

Spiritus sancte Deus, Miserere nobis.

Sancta Trinitas vnus Deus, miserere nobis.

S. Maria. ora pro nobis

Sancta Dei genitrix. ora

Sancta virgo virginum. ora

S. Michaël. ora

S. Gabriel. ora

S. Raphael. ora

Omnes sancti Angeli & Archangeli, orate pro nobis.

Omnes sancti beatorum spirituum ordines orate pro nobis.

Sancte Adam. ora

S. Abel iuste. ora

Sancte Noë. ora

S. Abraham. ora

S. Moyse. ora

S. David. ora

S. Esaia. ora

S. Hieremia: ora

S. Simeon iuste. ora

S. Ioannes Baptista. ora

Omnes sancti patriarchæ, & prophetę, orate
pro nobis

S. Petre Apostolorum princeps. ora

S. Paule vas electionis. ora

S. Andrea Apostolorum primò vocate. ora

S. Iacobe Apostolorum protomartyr. ora

S. Ioannes euangelista Christi dilecte. ora

S. Philippe Apostole. ora

S. Matthæ euangelista. ora

S. Barnaba discipule, & apostole ora

S. Marce Euangelista. ora

S. Luca euangelista. ora

Omnes sancti apostoli & euangelistę, orate

Omnes sancti discipuli Domini, orate

Omnes sancti Innocentes. orate

S. Stephane protomartyr. ora

S. Antipas testis Christi fidelis. ora

S. Clemens Papa & martyr ora

S. Alexander papa & martyr. ora

SS. Fabiane & Sebastiane. orate

S. Laurenti. ora

SS. Geruasi & Protasi. orate

SS. Vincentij & Anastasi. orate

SS. Cosma & Damiane. orate

SS. Ioannes & Paule. orate

Omnes sancti martyres. orate

S. Silvester papa & confessor. ora

S. Leo. ora

S. Gregori. ora

S. Ambrosi. ora

S. Augustine. ora

S. Hic-

S. Hieronyme.	ora
S. Athanasi.	ora
S. Basili,	ora
S. Ioannes Chrysostome.	ora
S. Martine.	ora
Omnes sancti pontifices & confessores, ora- te pro nobis.	
Omnes sancti ecclesiæ doctores, orate pro nobis.	
S. Ioseph nutritie Domini nostri Iesu Chri- sti,	ora pro.
S. Benedicte.	ora
S. Romualde.	ora
S. Bernarde.	ora
S. Petre cœlestine.	ora
S. Dominice.	ora
S. Francisce.	ora
S. Nicolae de Tolentino.	ora
S. Antoni de Padua.	ora
S. Thoma de Aquino.	ora
Omnes sancti monachi & eremitæ, orate pro nobis.	
Omnes sancti sacerdotes & leuitæ, orate pro nobis.	
Sancta Anna mater B. Virginis.	ora
S. Elisabeth.	ora
S. Maria Magdalene	ora
S. Praxedes.	ora
S. Pudentiana.	ora
S. Cæcilia.	ora
S. Agnes.	ora
V	S. Ca

S. Catherina. ora

S. Monicha. ora

S. Clara. ora

Omnes sanctæ Virgines & Viduæ. orate

Omnes sancti & sanctæ Dei, intercedite pro nobis

Propitius esto, parce nobis Domine

Propitius esto, Exaudi nos Domine

Ab omni malo, Libera nos Domine

Ab omni peccato, Libera nos Domine

Ab ira tua, Libera

Ab insidijs diaboli, Libera

A subitanea & improuisa morte, Libera

Ab ira, odio, & omni mala volūate, Libera

A fulgure, & tempestate, Libera

A spiritu fornicationis, Libera

A morte perpetua, Libera

Per mysterium sanctæ incarnationis tuæ,
Libera

Per aduentum, & natiuitatem tuam, Lib.

Per baptismum, & sanctum ieiunium tuum,
Libera

Per mortem, & sepulturam tuam, Lib.

Per sanctam resurrectionem tuam, Lib.

Per admirabilem ascensionem tuam, Lib.

Per aduentum Spiritus sancti paracleti. Lib.

In die tremendi iudicij. Lib.

Peccatores, Te rogamus audi nos

Vt nobis parcas, Te rogamus audi nos

Vt nobis iudulgeas, Te rogamus audi nos

Vt ad veram pœnitentiam nos perducere.
diga

digneris, Te rog.

Vt Ecclesiam tuam sanctam regere, conser-
uare, & amplificare digneris. Te rog.

Vt Dominum nostrum Apostolicum N. &
omnes Ecclesiasticos ordines in sancta
religione conseruare digneris, Te roga-
mus audi nos.

Vt inimicos sanctæ Catholicæ Ecclesiæ, Tur-
cas, Saracenos, Hæreticos, & Schismaticos
humiliare digneris. Te rog.

Vt omnes Hæreticos ad sanctæ Catholicæ
Ecclesiæ gremium reuocare digneris.
Te rog.

Vt regibus & principibus Christianis pa-
cem & veram concordiam donare dig-
neris, Te rog.

Vt cuncto populo Christiano pacem & vni-
tatem largiri digneris, Te rog.

Vt nosmetipsos in tuo sancto seruitio con-
fortare, & conseruare digneris, Te rog.

Vt mentes nostras ad cœlestia desideria eri-
gas, Te rogamus

Vt omnibus benefactoribus nostris sempi-
terna bona retribuas, Te rog.

Vt animas nostras, fratrum, propinquorū,
& benefactorum nostrorum ab æterna
dānatione eripias, Te rogamus audi nos.

Vt fructus terræ dare, & conseruare digne-
ris, Te rogamus

Vt omnibus fidelibus defunctis requiem æ-
ternam donare digneris. Te rog.

Vt nos exaudire digneris, Te rogamus audi
nos.

Fili Dei. Te rogamus audi nos
Agnus Dei, qui tollis peccata mundi, parce
nobis Domine.

Agnus Dei, qui tollis peccata mundi, exaudi
nos Domine.

Agnus Dei, qui tollis peccata mundi, mise-
rere nobis.

Christe audi nos. Christe exaudi nos.

Kyrie eleison. Christe eleison. Kyrie e-
leison.

Pater noster. Ave Maria. Psal.

Deus in adiutorium meum intende: Do-
mine ad adiuuandum me festina. Confun-
dantur, & reuerentur, qui quærunt animã
meam. Auertantur retrorsum, & erubescãt,
qui volunt mihi mala. Auertantur statim e-
rubescences, qui dicunt mihi, euge euge.
Exultent, & lætentur in te omnes, qui quæ-
runt te: & dicant semper, magnificetur Do-
minus, qui diligunt salutare tuum. Ego ve-
rò egenus, & pauper sum: Deus adiuua me.
Adiutor meus, & liberator meus es tu Do-
mine, ne moreris. Gloria patri, & filio, & spi-
ritui sancto, &c. V. Saluos fac seruos tuos, &
ancillas tuas. R. Deus meus sperantes in te.
V. Esto nobis Domine turris fortitudi-
nis. R. A facie inimici. V. Nihil proficiat ini-
micus in vobis. R. Et filius iniquitatis non
apponat nocere nobis. V. Domine non se-
cun-

dum peccata nostra facias nobis. R. Neque
 secundum iniquitates nostras retribuās no-
 bis. V. Oremus pro Domino nostro Apосто-
 lico N. R. Dominus conseruet eum, & viui-
 ficet eum, & beatum faciat eum in terra, &
 non tradat eum in animam inimicorum e-
 ius. V. Oremus pro benefactoribus nostris.
 R. Retribuere dignare Domine omnibus
 nobis bona facientibus, propter nomen san-
 ctum tuum vitam æternam. V. Oremus pro
 fidelibus defunctis. R. Requiem æternam
 dona eis Domine, & lux perpetua luceat eis.
 V. Requiescant in pace. R. Amen. V. Pro
 fratribus nostris absentibus. R. Saluus fac
 seruos tuos, Deus meus sperantes in te. V.
 Mitte eis Domine auxilium de sancto. R.
 Et de Sion tuere eos. V. Domine exaudi o-
 rationem meam. R. Et clamor meus ad
 te veniat.

Oratio.

Deus, cui proprium est misereri semper,
 & parcere, suscipe deprecationem nostram,
 vt nos, & omnes famulos tuos, quos delicto-
 rum catena constringit, miseratio tuæ pie-
 tatis absoluat.

Exaudi quæsumus Domine supplicum
 preces, & confitentium tibi parce peccatis,
 vt pariter nobis indulgentiam tribuas be-
 nignus. & pacem.

Ineffabilem nobis Domine misericordi-
 am tuam clementer ostende: vt simul nos &

à peccatis omnibus exuas, & à poenis, quas pro his meremur, eripias.

Deus, qui culpa effenderis, pœnitentia placaris, preces populi tui supplicantis propitius respice : & flagella tuæ iracundiæ, quæ pro peccatis nostris meremur, auerte.

Omnipotens sempiterne Deus, miserere famuli tui Domini nostri Apostolici N. & dirige eum secundum tuam clementiam in viâ salutis æternæ: vt te donante, tibi placita cupiat, & tota virtute perficiat.

Deus, à quo sancta desideria, recta consilia, & iusta sunt opera, da seruis tuis illam, quam mundus dare non potest, pacem : vt & cerda nostra mandatis tuis dedita, & hostium sublata formidine, tempora sint tua protectione tranquilla.

Vreigne Sancti spiritus renes nostros, & cor nostrum Domine : vt tibi casto corpore seruiamus, & mundo corde placeamus.

Fidelium Deus omnium conditor, & redemptor, animabus famulorum famularumque tuarum remissionem cûctorum tribue peccatorum : vt indulgentiam, quam semper optauerunt, pijs supplicationibus consequantur.

Actiões nostras, quæsumus Domine, aspirando præueni, & adiuuando prosequere : vt cuncta nostra oratio, & operatio à te semper incipiat, & per te cœpta finiat.

Om-

Onnipotens sempiterne Deus, qui uiuorum dominaris simul & mortuorū, omniumq; misereris, quos tuos fide, & opere futuros esse p̄noscis, te supplices exoramus: vt pro quibus effundere preces decreuimus, quosque vel præsens seculum adhuc in carne retinet, vel futurum iam exutos corpore suscepit, intercedentibus omnibus sanctis tuis, pietatis tuę clementia, omnium delictorum suorum veniam consequantur. Per Dominum nostrum Iesum Christum filium tuum, qui tecum uiuit & regnat in unitate Spiritus sancti Deus, per omnia secula seculorum. Amen. Vers. Domine exaudi orationem meam. Resp. & clamor meus ad te veniat. Vers. Benedicamus Domino. Resp. Deo gratias. Vers. Exaudiat nos omnipotens & misericors Dñs. Resp. Amen.

Ad Beatam Virginem. Pater noster. Ave Maria. Antiphona. Sancta & immaculata virginitas, quibus te laudibus efferam, nescio: quia quem cœli capere non poterant, tuo gremio contulisti. Vers. exaltata est sancta Dei genetrix. Resp. Super choros angelorum ad cœlestia regna. Oratio. Famulorum tuorum quæsumus Domine, delictis ignosce, & qui tibi placere de actibus nostris non valemus, genitricis filij tui domini nostri intercessione saluemur, per eundem Dominū nostrum, Iesum Christum filiū tuum, qui tecum uiuit, &c.

ruinam proximam, à fundamentis reſtituit, abſidam muſiueis figuris ornauit, multa ſanctorum corpora ex cœmeterijs ruinofis ablata, eidem intulit, & honorificè collocauit. Fecitq; in ea duo oratoria muſiueo opere ornata, S. Zenonis, in quo eius corpus recondidit, & S. Hagnetis. Ita Bibliothecarius. Hæc eadem confirmant verſiculi in abſida ex muſiuo facti, ſic:

*Emicat aula pie varijs decorata metallis
Præcedis domina ſuper æthra placentis honore
Pontificis ſummi ſtudio paſchalis alumni,
Sedis apoſtolice paſſim qui corpora condens,
Plurima ſanctorum ſubter hæc mœnia ponit
Fretus ut his limen mereatur adire polorum.*

Extat antiquum Monachorum clauſtrum, quod, vt ex antiqua inſcriptione liquet, Benediſtus preſbyter Cardinalis huius tituli fabricauit, Gregorio VII. pontifice, maximo. Hunc titulum obtinet Carolus Cardinalis Borromæus, quem totum renouauit, ad aram maximam operculum reſfecit, ſedilia reſtituit, cancellum marmoreum aurichalcheis alabaſtris pulcherrimum fecit, monachorum numerum auxit. Eam enim tenent monachi Vallis vmbroſæ ex Congregatione ſancti Benediſti, inſtituta à ſancto Ioanne Gualberto Florentino, qui iam ipſam per quadringentos annos poſſident.

In pariete muri prope oratorium S. Zenonis,

nishuiusmodi tabula marmorea extat: In nomine Domini Dei Saluatoris nostri Iesu Christi, temporibus sanctissimi ac ter beatissimi & Apostolici Domni Paschalis Papæ infradiſta ſunt veneranda ſanctorum corpora in hanc ſanctam & venerabilem baſilicam beatæ Chriſti virginis Praxedis : quæ prædictus pontifex dirutis ex cœmeterijs ſeu cryptis iacentia auferens, & ſub hoc ſacro ſancto altari ſumma cum diligentia proprijs manibus condidit, in menſe Iulio die XX. Indiſtione X. Nomina verò Pontificum Romanorum hæc ſunt: Urbani, Stephani, Anteri, Miltiadis, Fabiani, Iulij, Pontiani, Siricij, Lucij, Xyſti, Felicis, Anaſtaſij, & Cœleſtini. Item nomina epiſcoporum, Stratonici, Leucij, & Optati. Presbyterorum & Leuitarū, Nicomedis Archipresbyteri, Iuſtini, & Cyrini Cyriaciq; diaconi, Nemeſij, atque Zachæi. Etiam & martyrum nomina iſta ſunt, Zotici, Irenæi, Hiacynthi, Amantij, Marij, Audifax, Abacuc : ac ſanctorum octingentorum, quorum nomina ſcit omnipotens, Caſtuli, Felicis militis, Gordiani, Epimachi, Seruiliani, Sulpicij, Diogenis, Blaſti, & aliorum LXII. Marcelliani, Marci, Feſti, & aliorum duorum. Tertullini, Fauſti, Bonofii, Mauri, Calumnioſi, Ioannis, Exuperantij, Caſti, Cyrilli, & ſeptem Germanorum, Honorati, Theodoſij, Baſilij, Creſcentij, Largi, Smaragdi, Creſcentiani, Iaf-

fo-

sonis, Mauri, Hippolyti, Pontiani, Chrysanti, & aliorum LXVI. Simulque & aliorum mille centum viginti quatuor, quorum nomina sunt in libro vitæ. Mauri, Artemij, Pollionis, & aliorum LXII. martyrum. Nomina quoque virginum, & viduarum, Praxedis, Pudentianæ, Iulianæ, Symphorosæ, Feliculæ, Marinæ, Candidæ, Paulinæ, Daria, Basilæ, Memmiæ, Martæ, Emerentianæ, Zoë, & Tiburtiadis. Quo circa & in ipso ingressu basilicæ manu dextra (vbi utique benignissimæ suæ genitricis scilicet Domnæ Theodoræ Episcopæ corpus quiescit) condidit iam dictus præsul corpora venerabilium zenonis presbyteri, & aliorum duorum : pariterque & in oratorio Beati Ioannis Baptistæ manu læua prænominatæ basilicæ (quod & secretarium esse dinoscitur) condidit corpora Sanctorum Mauri, & aliorum XL. martyrum. Simili modo & in oratorio Beatæ Christi virginis Agnetis, quod sursum in monasterio situm est, ipse pastor eximius posuit corpora sanctorum martyrum, videlicet, Alexandri Papæ, atque Euentij, & Theoduli presbyterorum. Hos omnes Dei electos frequentius deprecamur, vt per eorum valeamus preces post funera carnis, ad cœli conscendere culmen. Amen. Sunt autem insimul omnes sancti duo millia. CCC.

In eodem proximo oratorio sanctæ Zenonis extat columna, ad quam Dominus noster IESUS CHRISTUS, tempore suæ passionis alligatus fuisse dicitur, & verberatus: quam ante annos CCCL. Ioannes Columna presbyter Cardinalis huius tituli, sub Honorio III. Orientis Legatus, ex Hierosolymis Romam attulit, & in eo oratorio locavit: super quam collocata sunt corpora sanctorum Valentini, & Zenonis. In medio verò eius sacelli sub rotundo lapide sunt corpora XL. martyrum. Hoc sacellum mulieres non ingrediuntur; in cuius summitate sunt hi versus:

*Paschalis præsulis opus decore fulget in aula,
Quod pia obtulit vota studuit reddere domino.*

In media Ecclesia sub craticula ferrea conditorium, in quo repositus fuit sanguis sanctorum martyrum Romæ occisorum, quem spongia sugebat è terta sancta Virgo Praxedis: item multa sanctorum martyrum corpora ibidem collocata fuere.

Nicolaus Seniorilis in libro reliquiarum, has basilicæ sanctæ Praxedis commemorat: In Ecclesia sanctæ Praxedis sunt hæ reliquiæ. Vna capsula lignea speculis cooperta: in qua est de viminibus, quibus fuit verberatus Dominus noster IESUS CHRISTUS. De vestimentis eiusdem. De reliquijs sanctorum Innocentium, Clementis papæ: Hippolyti martyris Terentiani, sanctorum
quas

quadraginta martyrum. Item sanctæ Annæ, sancti Benedicti, & sancti Galli Abbatum, sancti Francisci, sanctæ Constantiæ filiæ Cōstantini Imperatoris. Item vas vitreum, cum spongia, qua S. Praxedes suggebat sanguinem martyrum. Item tabernaculum crySTALLINUM argento clusum, cum frusto inconsutis vestis IESU CHRISTI. Item Tabernaculum crySTALLINUM cum his reliquijs: De veste Christi, de linceo, quo Apostolorum pedes terfit in sero cœnæ: de sindone, quo eius corpus fuit inuolutum in sepulchro, de reliquijs sanctorum Ioannis Baptistæ, Andreæ, & Bartholomæi Apostolorum. Item aliud Tabernaculum crySTALLINUM argento deaurato inclusum, in quo sunt de cingulo CHRISTI, & vestimentis B. Mariæ Virginis. Item alia theca crySTALLINA ornata argento, in qua sunt digitus pedis S. Petri Apostoli, costa S. Philippi, brachium S. Barnabæ Apostolorum, dens S. Blasij Episcopi. Item aliud vas crySTALLINUM cum brachio S. Stephani protomartyris, reliquijs sanctorum Laurentij, Nerei, Archillei, & Pancratij martyrum. Vas vitreum fractum cum ligno Sancti Crucis: reliquijs sanctorum Simonis Apostoli, Stephani, Epimachi, Pantaleonis martyrum, Ioannis Gualberti Abbatis Vallis Vmbrosæ, Claræ Virginis. Item tabernaculum oblongum crySTALLINUM ære deaurato munitum, in quo

Ibidem ad Martyres. Antiphona. Propter testamentum Domini & leges diuinas, sancti Dei perstiterunt in amore fraternitatis, quia vnus fuit semper spiritus in eis, & vna fides. Hæc est vera fraternitas, quæ nunquam potuit violari certamine, qui effuso sanguine secuti sunt CHristum, contemnentes tyrannorum minas, & tormenta, peruenerunt ad regna cœlestia. V. Ecce quâ bonum, & quâm iocundum. R. Habitare fratres in vnum. Oratio. Beatorum martyrum tuorum duum millium hic in Christo quiescentium nos, quæsumus Domine, merita tueantur, & eorum cōmendet oratio veneranda. Per Dominum nostrum, &c.

Ad oratorium S. Zenonis, & sanctam Columnam. Pater noster. Aue Maria. O Domine Iesu CHriste, fili Dei viui, qui septem verba die vltimo vitę tuę in cruce pēdens dixisti, vt semper illa in memoria haberemus: Rogo te per virtutem illorum verborum, vt mihi parcas quicquid peccavi aut commisi de septem peccatis mortalibus, scilicet, de superbia, inuidia, ira, accidia, luxuria, auaritia, & gula.

Domine sicut tu dixisti, Pater dimitte illis, non enim sciunt quid faciunt: fac, vt ego amore tuī parcam cunctis mihi mala facientibus. Et sicut tu dixisti latroni, Hodie mecum eris in paradiso: fac me ita viuere, vt tu in hora mortis meę dicas mihi, Hodie

mecum eris in paradiso . Et sicut tu dixisti matri tuæ, Mulier ecce filius tuus: & deinde dixisti discipulo, Ecce mater tua: fac, vt matri tuæ me societ amor tuus, & charitas vera. Et sicut tu dixisti, Heli heli lamazababani: quod significat, Deus meus, Deus meus, vt quid dereliquisti me: fac me dicere in omni tribulatione & angustia mea, Pater miserere mihi peccatori, & adiuua me Rex meus, & Deus meus, qui me tuo proprio sanguine redemisti. Et sicut tu dixisti, sitio, scilicet salutem animarum sanctarum, quæ in limbo fuerunt, aduentum tuum expectantium: fac, vt semper sitiam, & diligam te fontem aquæ viuentis, fontem æterni luminis, toto desiderio cordis admandum. Et sicut tu dixisti, Pater in manus tuas commendo spiritum meum: respice me venientem ad te, quia mihi constituisti tempus meum. Et sicut tu dixisti, Consummatum est, quod significat, labores, & dolores, quos pro nobis miseris suscepisti, iam finiri: fac, vt audire merear dulcissimam vocem tuam, Veni amica mea, dilecta mea, sponsa mea, quia iã disposui petitiones tuas consummare: veni mecum, vt sedeas cum angelis & sanctis meis, in regno meo epulari, iocundari, & commorari: Per infinita sæculorum sæcula, Amen.

Alia Oratio.

Auxilientur mihi Domine Iesu Christe,
omnes

omnes passionēs tuæ: & defendant me ab omni dolore, & angustia: & ab omni luctu & miseria: ab omni tribulatione, & impugnatione corporis, & animę. Scio enim quod quacumq; die tuarū passionū memoriā habuero: saluus ero: & ideo de tua pietate cōfissus, per tuas passionēs pijsimās te deprecor, vt me famulum tuum cœlesti auxilio custodias, & in tua protectione defendas. Qui cum Patre & Spiritu sancto viuīs & regnas Deus, per omnia sæcula sæculorum, Amen.

De Ecclesia & titulo S. Pudētiāne.



MNIVM vrbis Ecclesiarum, quæ modo supersunt, vetustissima est basilica S. Pudētiāne, in parte Thermarū antiquarum Novatianarum in vico Patricio, à S. Pio papa condita.

De qua ita scribit in eius vita Damasus papa: Hic rogatus B. Praxedis dedicauit Ecclesiam Thermas Nouati in vico Patrici in honorem sororis suæ Pudētiāne, vbi & multa dona obtulit, & sæpius sacrificium Domino offerens ministravit, vbi & fontem baptismi construi fecit, manu sua benedixit, & consecrauit, & multos venientes ad fidem baptizauit in nomine sanctæ Trinitatis. Hæc ille. Hæc verò Ecclesia antiquitus titulus pastoris dicebatur, de S. par-

storis presbyteri, & eiusdem papæ Pij fratris nomine, qui primus eum titulum tenuit. Antiquitus persecutionum tempore, parua Ecclesia erat: pace Ecclesiæ data, amplificata fuit, pulpitis marmoreis, aliquot sacellis, & ædícula vicina S. Pastoris additis, quam Simplicium papam dedicasse ferunt. Absidæ musium cum Christi & Apostolorum imaginibus, vetustissimum & admodum elegans est. Altare maius marmoreo operculo ornatum, habet pulpita duo lapidea, ex antiquo ædificio fabrefacta, in quorum tabulis incisa sunt: SALVO. SIRICIO. EPISCOPO. ECCLESIAE. SANCTÆ. Multos & magnos presbyteros Cardinales habuit. Concilio Romano Symmachi papæ subscripsere inter alios Cardinales, Asterius huius tituli pastoris presbyter Cardinalis, & alij eiusdem tituli presbyteri, Iustinus, & Maxentius. Leo III. papa huic titulo donauit vestem albam olofericam, vt memorat Bibliothecarius. Petrus Sassonis Anagninus eiusdem tituli, sub Innocentio III. presbyter Cardinalis ante aram maximam tabulas grandes marmoreas, quæ presbyterium ab Ecclesiæ cella separarent, locauit. Antiquitus in ea clerici, postea canonici regulares cōgregationis S. Mariæ de Rheno Bononiæ eam tenuerunt, ibidem circa Innocentij II. papæ tempora locati. Quibus deficientibus, diu sine certis ministris fuit, S. Mariæ

Mariæ Maioris basilicæ addicta, vel presbyteri Cardinalis titularis curæ cōmissa. Cuius adhuc amplæ extant, quamquam ruinosæ, antiquæ ædes. Pius Quintus eam modo ordini Prædicatorum concessit, pœnitentiariorq; in ea instituit, qui basilicæ sanctæ Mariæ Maioris inseruirent. Leopardus, & Maximus presbyteri S.R.E. sub S. Innocentio papa in sepulchro ante hanc Ecclesiam conditi sunt. Basilicæ porta varijs sigillis, & his versiculis ornata est:

*Ad requiem vitæ cupis ò tu quiq; venire,
En patet ingressus fueris s'rite reuersus.
Aduocat ipse quidem via dux & ianitor idem
Gaudia promittens, et crimina quæq; remittēs.*

Item circum agnum Dei.

*Mortuus & viuus idem sum pastor & agnus:
Hic agnus mūdum instaurat sanguine lapsum.*

Circum S. Praxedis figuram.

*Nos pia Praxedes prece sancta confer ad ædes,
Occurrit sponso Praxedes lumine claro.*

Circum S. Pudentianam,

*Protege præclara nos virgo Pudenuetiana
Virgo Pudentiana coram stas lampade plena.*

Circum S. Pudentem.

Te rogo sancte Pudens, nos purga crimina truden-
dens.

Almus & iste docet Pudens ad sydera calles.

Circum S. Pastorem.

*Sancte precor Pastor pro nobis esto rogator.
Hic cunctis vitæ Pastor dat dogmata sancta.*

In hac Ecclesia parte dextra est vetustissimum sacellum musiveo opere decoratum, à quodam Maximo, viro illustri conditum. In quo vulgò S. Petrum primà in orbe Missam celebrasse traditur. Iacent in hac Ecclesia tria millia corpora sanctorum martyrum, sub puteo amboni proximo. Ibi est puteus alius, in quo ipsorum sanguis repositus fuit.

Reliquias, quæ in hac Ecclesia fuerunt, commemorat Nicolaus Seniorilis: Theca lignea, in qua sunt sex tabernacula ærea, & aliquot vasa vitrea, cum hisce reliquijs. Duo spinæ coronæ Iesu Christi. Duo puncta clauorum, quibus cruci affixus fuit. De lapide eiusdem sepulchri. De columna, ad quam fuit alligatus, & verberatus. De velo B. Mariæ Virginis. De vestimentis S. Petri Apostoli. De costâ S. Iacobi Apostoli. De ossibus capitis B. Bartholomæi Apostoli. De capillis S. M. Magdal. De reliquijs sanctorum Andree & Barnabæ Apostolorum, Zachariæ patris sancti Ioannis Baptistæ, Sylvestri & Gregorij pontificum: & S. Pudencianæ Virginis.

In hac Ecclesia est statio feria III. post III. Dominicam Quadragesimæ.

Huic Ecclesiæ annexum est sacellum S. Pastoris presbyteri, fratris S. Pij papæ: in quo est puteus quadratus clausus sanguinis martyrum, de quo supra dixi: ara, & pulpitum marmoreum, cum hisce versiculis:

Tem-

*Tempore Gregorij septimi præsulis almi,
 Presbyter eximius præclarus vir Benedictus,
 Moribus Ecclesiam renouauit funditus istam,
 Quam consecrari sacer idem Cardiquenalis,
 Eiusdem sane fecit sub tempore papæ
 Augusti mensis septem nouemq; Calendis
 Nomine Pastoris, præcursorisq; Ioannis.
 De cruce, veste Dei locus hic est sanctus haberi,
 Cui pars de sancti sociatur veste Ioannis.
 Martyris & Stephani papali nomine primi,
 Martyris & papæ Felicis honore secundi,
 Nec minus Hermetis præfecti martyris urbis,
 Et Tranquillini, Marci. Marciqueliani,
 Horum reliquis constat locus iste celebris,
 Hinc & multorum possemus nomina, quorum
 Diceresi in tabula locus illis esset in ista,
 Nos meritis horum redeamus ad alta polorum.*

Præcandi formula.

Ad altare maius. Pater noster. Ave Ma-
 ria. Antiphona. Hæc est virgo sapiens, &
 vna de numero prudentum, quam spon-
 sus CHRISTUS superueniens vigilantem in-
 uenit. Vers. Elegit eam Deus, & prælegit
 eam. Resp. In tabernaculo suo habitare fa-
 cit eam. Oratio. Deus, qui beatam Puden-
 tianam Virginem tuam ad cœlos per mar-
 tyrij palmam peruenire fecisti, concede
 propitius, vt eius exempla sequentes ad te
 peruenire mereamur. Per Dominum no-
 strum, &c. Deus qui inter cætera potentia
 tue miracula etiam in sexu fragili victoriã

Ecclesiam patribus Carthusianis, in antiquis Diocletiani Thermis, sub appellatione SS. Leonis, & Nicolai Confessorum. Quam eis concessit. Cæterum prioris eos consilij cum pœnituisse, Thermis dimissis idem monasterium circa titulum S. crucis in Hierusalem condiderunt: in quo ipsi patres Carthusiani vsque ad nostra tempora permansere. Pius IV. P. M. aëris insalubritatem, in quo S. Crucis basilica sita est, attendens, antiquam Comitum Vrsinorum voluntatem executus, ex populi Romani consensu, Thermas ipsas ijsdem patribus ea lege concessit, vt illi totius ordinis sui impensis monasterium, ipse verò basilicam ædificaret. Quod ab vtrisque inchoatum est. Patres monasterium, & amplissimum claustrum, ipsorum more, iam inchoarunt: Pius ipse mediam Thermarum partem ex Michaëlis Angeli Bonaroti præscripto occupans, eam No. Aug. anni MDLXI. in sacram ædē solennibus additis comprecationibus vertit, beatæq; Virgini, & angelorum choris dedicauit: quod nos ipsi vidimus, & hi versus absidæ affixi indicant.

Quod fuit idolum, nunc templum est Virgini: auctor

Est pater ipse Pius. Demones aufugite.

Hanc Ecclesiam mirum in modum exornare constituerat, sed morte præuentus id opus imperfectum reliquit.

In ea est statio ab eodem pontifice instituta, Dominica quarta Quadragesimæ: cuius omnes indulgentiæ Ecclesiæ S. Crucis in Hierusalem communicatæ: additæque dies Natalis, Paschæ, Pentecostes, & festiuitatum B. Mariæ, quibus multæ indulgentiæ eam visitantibus concessæ.

Precandi formula.

Ad altare B. Virginis, & Angelorum. Pater noster. Ave Maria. Antiphona. Quoniam natus es ineffabiliter ex Virgine, tunc impletæ sunt scripturæ, sicut pluuia in velus descendisti, vt saluum faceres genus humanum: te laudamus Deus noster. V. Diffusa est gratia in labijs tuis. R. Propterea benedixit te Deus in æternum.

Oratio.

Concede nos famulos tuos, quæsumus Domine Deus, perpetua mentis & corporis sanitate gaudere, & gloriosæ beatæ Mariæ semper Virginis intercessione, à presenti liberari tristitia, & æterna perfrui lætitia. Per Dominum nostrum.

Antiph. pro Angelis. Dum sacrum mysterium cerneret Ioannes, Archangelus Michael tuba cecinit: Ignosce Domine Deus noster, qui aperis librum, & soluis signacula eius. V. Stetit Angelus iuxta aram tem-

pli.

pli. R. Habens thuribulum aureum in manu sua.

Oratio.

Deus, qui miro ordine angelorum ministeria, hominumque dispensas, concede propitius, vt quibus tibi ministrantibus in cœlo semper assistitur, ab his in terra vita nostra muniatur. Per Dominum nostrum Iesum Christum, &c.

FINIS.











